

ՎՐԱՍՏԱՆԻ ՀԱՅՈՑ ԱԶԳԱՅԻՆ
ԽՈՐՀՐԴԻ ԳՈՐԾՈՒՆԵՈՒԹՅՈՒՆԸ
1918 Թ. ՕԳՈՍՏՈՍ - 1921 Թ. ՓԵՏՐՎԱՐ
ՎԱՎԵՐԱԳՐԵՐ ԵՎ ՆՅՈՒԹԵՐ

ԳԻՐՔ ԱՌԱՋԻՆ

ՀՀ ԳԱԱ ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ

ՎՐԱՍՏԱՆԻ

ՀԱՅՈՑ ԱԶԳԱՅԻՆ ԽՈՐՀՐԴԻ

ԳՈՐԾՈՒՆԵՈՒԹՅՈՒՆԸ

1918 Թ. ՕԳՈՍՏՈՍ - 1921 Թ. ՓԵՏՐՎԱՐ

ՎԱՎԵՐԱԳՐԵՐ ԵՎ ՆՅՈՒԹԵՐ

ԳԻՐՔ ԱՌԱՋԻՆ

ԺՈՂՈՎԱԾՈՒ

ԿԱԶՄՈՂ, ԱՌԱՋԱԲԱՆԻ ԵՎ ԾԱՆՈԹԱԳՐՈՒԹՅՈՒՆՆԵՐԻ

ՀԵՂԻՆԱԿ՝

ԲԵՆԻԱՄԻՆ ՄԱԻԼՅԱՆ

ԵՐԵՎԱՆ

Քոփի Փրինթ

2023

ՀՏԴ 94(479.25)
ԳՄԴ 63.3(5Հ)
Հ 282

Հրատարակված է ՀՀ ԳԱԱ Արևելագիտության ինստիտուտի գիտական խորհրդի երաշխավորությամբ

Հ 282 Վրաստանի Հայոց Ազգային Խորհրդի գործունեությունը, 1918 թ. օգոստոս -1921 թ. փետրվար, վավերագրեր և նյութեր, գիրք առաջին, ժողովածու/կազմող, առաջաբանի և ծանոթագրությունների հեղինակ՝ Բենիամին Մախլյան, Քոփի Փրինթ, Երևան, 2023, 331 էջ:

Ժողովածուն ընդգրկում է Վրաստանի Հայոց Ազգային Խորհրդի 1918-1921 թթ. գործունեությունը լուսաբանող վավերագրերը և նյութերը՝ արդյունքում բացահայտվում են վիրահայության, ջավախահայության, աբխազահայության հասարակական, քաղաքական, սոցիալ-տնտեսական, իրավական, կրթամշակութային և ժամանակի այլ կարևոր խնդիրները ու մարտահրավերները:

Գիրքը նախատեսվում է պատմաբանների, քաղաքագետների, հայագետների, կոլկասագետների, ինչպես նաև ընթերցող լայն հանրության համար:

ISBN 978-9939-9313-1-9

© Կազմողի համար, 2023

ԲՈՎԱՆԴԱԿՈՒԹՅՈՒՆ

ԱՌԱՋԱԲԱՆ.....	19
N 1 Խմբագրական առաջաբան «Հորիզոն» պարբերականում՝ Վրաստանի ՀԱԽ-ի հիմնադրման անհրաժեշտության մասին.....	25
N 2 ՀՅԴ-ի Թիֆլիսի ճյուղի «ռայոնական ժողովի» բանաձևը՝ Վրաստանի ՀԱԽ-ի հիմնադրման անհրաժեշտության մասին (1918 թ., 15 հունիսի).....	26
N 3 Լրագրային հաղորդում՝ Վրաստանի ՀԱԽ-ի կազմավորման մասին	27
N 4 Լրագրային հաղորդում՝ Վրաստանի ՀԱԽ-ի հիմնադիր անդամների մասին.....	27
N 5 Հաղորդագրություն՝ Վրաստանի ՀԱԽ-ի անդրանիկ նիստի մասին (1918 թ., 2 օգոստոսի).....	29
N 6 Տեղեկատվություն «Մշակ» օրաթերթում՝ Վրաստանի ՀԱԽ-ի անհատական կազմը բազմացնելու մասին	30
N 7 Հաղորդագրություն՝ Վրաստանում պետական միջնակարգ դպրոցների ազգայնացման կապակցությամբ՝ փոխվարչապետ Ն. Վ. Ռամիշվիլու հետ ՀԱԽ-ի լիազորների բանակցությունների մասին.....	30
N 8 Լրագրային հաղորդում՝ ՀԱԽ-ի 1918 թ. օգոստոսի 6-ի նիստի մասին.....	32
N 9 Լրագրային հաղորդում՝ ՀԱԽ-ի 1918 թ. օգոստոսի 24-ի նիստի մասին.....	33
N 10 Լրագրային հաղորդում՝ ՀԱԽ-ի 1918 թ. օգոստոսի 25-ի նիստի մասին.....	34
N 11 Տեղեկատվություն «Հորիզոն» օրաթերթում՝ Վրաստանի ՀԱԽ-ի նախագահության անդրանիկ կազմի մասին	37

N 12 «Ժողովրդի Ձայն» պարբերականը՝ Վրաստանի ՀԱԽ-ի առաջացման պատճառների և նրա անդրանիկ քայլերի մասին.....	38
N 13 Առաջաբան «Ժողովրդի Ձայն» օրաթերթում՝ Վրաստանի ՀԱԽ-ի առաջիկա, հրատապ և անհետաձգելի խնդիրների մասին.....	40
N 14 Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 8-ի նիստի մասին.....	42
N 15 Լրագրային հաղորդում՝ Վրաստանի ՀԱԽ-ի 1918թ. սեպտեմբերի 10-ի նիստի մասին.....	43
N 16 Լրագրային հաղորդում՝ Վրաստանի ՀԱԽ-ի 1918թ. սեպտեմբերի 13-ի նիստի մասին.....	46
N 17 Հաղորդագրություն՝ Վրաստանի վարչապետի և ՀԱԽ-ի լիագոր ներկայացուցիչների աշխատանքային հանդիպման մասին (1918 թ., 16 սեպտեմբերի).....	48
N 18 Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 20-ի նիստի մասին.....	49
N 19 Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 22-ի նիստի մասին.....	51
N 20 Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 24-ի նիստի մասին.....	53
N 21 Հաղորդագրություն՝ Վրաստանի ՀԱԽ-ում ՀՀ զորքերի հրամանատար Թովմաս Նազարբեգյանի հյուրընկալման մասին.....	56
Հաղորդագրություն՝ Վրաստանի ՀԱԽ-ի նախաձեռնությամբ հրավիրված և որբերի խնամատարության հարցը քննող 1918 թ. հոկտեմբերի 1-ի խորհրդակցության մասին.....	57
N 23 Տեղեկատվություն՝ Վրաստանի ՀԱԽ-ին հայ «կադետների» դիմումի մասին.....	58

N 24 «Ժողովրդի Ձայն» օրաթերթը՝ Վրաստանի ՀԱԽ-ի 1918 թ. հոկտեմբերի 6-ի նիստի մասին.....	59
N 25 «Հորիզոն» օրաթերթը՝ Վրաստանի ՀԱԽ-ի 1918 թ. հոկտեմբերի 6-ի նիստի մասին.....	61
N 27 Լրագրային հաղորդում՝ Վրաստանի ՀԱԽ-ի 1918 թ. հոկտեմբերի 17-ի նիստի մասին.....	63
N 28 Վրաստանի և Իմերեթի թեմի հոգևոր առաջնորդ Մխիթար եպիսկոպոս Տեր-Մկրտչյանի՝ հայկական եկեղեցական-ծխական դպրոցների հոգաբարձությանը 1918 թ. հոկտեմբերի 5-ին հղած N 298 առաջադրությունը՝ Հայոց Ազգային Խորհրդի հետ փոխհարաբերությունների մասին ...	66
N 29 Լրագրային հաղորդում՝ Վրաստանի ՀԱԽ-ի 1918 թ. հոկտեմբերի 25-ի նիստի մասին.....	67
N 30 Վրաստանի ՀԱԽ-ին կից գաղթականների գործերով զբաղվող մարմնի հայտարարությունը.....	69
N 31 Հաղորդագրություն՝ Վրաստանի լուսավորության նախարարության և ՀԱԽ-ի փոխհարաբերությունների մասին.....	70
N 32 Լրագրային հաղորդում՝ Վրաստանի ՀԱԽ-ի 1918 թ. նոյեմբերի 1-ի նիստի մասին.....	70
N 33 Լրագրային հաղորդում՝ գաղթականներին նյութական օժանդակություն հանգանակելու նպատակով՝ Վրաստանի ՀԱԽ-ի նախաձեռնությամբ 1918 թ. նոյեմբերի 7-ին հրավիրված թիֆլիսահայ հանրության ժողովի մասին.....	73
N 34 Լրագրային հաղորդում՝ Վրաստանի ՀԱԽ-ի 1918 թ. նոյեմբերի 8-ի նիստի մասին.....	75
N 35 Լրագրային հաղորդում՝ Վրաստանի ՀԱԽ-ի 1918 թ. նոյեմբերի 15-ի և 17-ի նիստերի մասին.....	76

N 36 Հաղորդագրություն՝ Հայ գաղթականական կազմակերպությունների Գլխավոր Խորհրդի լուծարման և Վրաստանի ՀԱԽ-ի հետ նրա կառույցների միաձուլման մասին.....	80
N 37 Խմբագրական առաջաբան «Նոր Հորիզոն» պարբերականում՝ Վրաստանում ազգային փոքրամասնությունների մշակութային ինքնավարության հրամայական խնդիրների մասին.....	81
N 38 Լրագրային հաղորդում՝ Վրաստանի ՀԱԽ-ի 1918 թ. դեկտեմբերի 2-ի նիստի մասին.....	83
N 39 Լրագրային հաղորդում՝ Վրաստանի ՀԱԽ-ի 1918 թ. դեկտեմբերի 6-ի նիստի մասին.....	84
N 40 «Ժողովրդի Ձայն» լրագիրը՝ Վրաստանի ՀԱԽ-ի 1918 թ. դեկտեմբերի 10-ի արտահերթ նիստի մասին.....	89
N 41 «Աշխատավոր» լրագիրը՝ Վրաստանի ՀԱԽ-ի 1918 թ. դեկտեմբերի 10-ի արտահերթ նիստի մասին.....	90
N 42 Վրաստանի ՀԱԽ-ի պատվիրակության հեռագիրը Լոռվա դեպքերի մասին (1918 թ., դեկտեմբեր).....	91
N 43 «Ժողովրդի Ձայն» պարբերականը՝ Վրաստանի ՀԱԽ-ի 1918 թ. դեկտեմբերի 13-ի նիստի մասին.....	92
N 44 «Աշխատավոր» պարբերականը՝ Վրաստանի ՀԱԽ-ի 1918 թ. դեկտեմբերի 13-ի նիստի մասին.....	96
N 45 Ախալքալաքցիների հայրենակցական միության վարչության փոխնախագահ Գր. Պապոյանի կարծիքը՝ Վրաստանի ՀԱԽ-ի կողմից գաղթականներին ցուցաբերած օգնության մասին.....	99
N 46 Հաղորդագրություն՝ Վրաստանի վարչապետ Ն. Ն. Ժորդանիայի և ՀԱԽ-ի լիագործների աշխատանքային հանդիպման մասին (1918 թ., 16 դեկտեմբերի).....	99

N 47 Լրագրային հաղորդում՝ Վրաստանի արտգործնախարար Ե. Պ. Գեգեճկորու և ՀԱԽ-ի լիազորված անդամների աշխատանքային հանդիպման մասին (1918 թ., 16 դեկտեմբերի).....	100
N 48 «Знамя Труда» պարբերականը Վրաստանի ՀԱԽ-ի անդամների Լոռվա մարզում կատարած միջնորդական առաքելության մասին (1918 թ., դեկտեմբեր)՝ արտատպված «Ժողովրդի Ձայն»-ում.....	101
N 49 Լրագրային հաղորդում՝ Վրաստանի ՀԱԽ-ի 1918 թ. դեկտեմբերի 29-ի նիստի մասին	102
N 50 Հաղորդագրություն՝ վարչապետ Ն. Ն. Ժորդանիայի և Վրաստանի ՀԱԽ-ի լիազորների աշխատանքային հանդիպման մասին (1918 թ., 30 դեկտեմբերի).....	105
N 51 1918-ին Վրաստանի հայկական ժողովրդական և հայոց լեզվի (կամ՝ հայագիտական առարկաների) դասավանդմամբ պետական դպրոցների կացության մասին	107
N 52 Լրագրային հաղորդում՝ վարչապետ Ն.Ն. Ժորդանիայի և Վրաստանի ՀԱԽ-ի լիազորների աշխատանքային հանդիպման մասին (1919 թ., 6 հունվարի)	112
N 53 «Ժողովրդի Ձայն»-ը՝ վարչապետ Ն. Ն. Ժորդանիային հղած Վրաստանի ՀԱԽ-ի գրության համառոտ բովանդակության մասին (1919 թ., հունվար)	117
N 54 «Հառաջ» օրաթերթը՝ Վրաստանի ՀԱԽ-ի 1919 թ. հունվարի 12-ի նիստի մասին.....	124
N 55 «Ժողովրդի Ձայն» օրաթերթը՝ Վրաստանի ՀԱԽ-ի 1919 թ. հունվարի 12-ի նիստի մասին.....	125
N 56 Հաղորդագրություն՝ հայ գաղթականներին օգնելու և խնամելու գործը՝ վրաց իշխանությունների կարգադրանքով առժամանակ կասեցնելու մասին	129

N 57 Պատգամավոր Տ. Ավետիսյանի հաշվետվությունը՝ Վրաստանի խորհրդարանի կազմում ՀԱԽ-ի լիազորների գտնվելու մասին.....	129
N 58 Լրագրային հաղորդում՝ Վրաստանի ՀԱԽ-ի 1919 թ. հունվարի 19-ի նիստի մասին.....	130
N 59 Լրագրային հաղորդում՝ Վրաստանի ՀԱԽ-ի 1919 թ. հունվարի 24-ի նիստի մասին.....	132
N 60 Հաղորդագրություն՝ Բաթումի Հայոց ազգային խորհրդի կազմավորման մասին	137
N 61 Լրատվություն՝ Վրաստանի ՀԱԽ-ի 1919 թ. փետրվարի 7-ի նիստի մասին.....	138
N 62 Լրատվություն՝ Վրաստանի ՀԱԽ-ի 1919 թ. Փետրվարի 7-ի և 14-ի նիստերի մասին.....	140
N 63 Լրագրային հաղորդում՝ Վրաստանի ՀԱԽ-ի 1919 թ. փետրվարի 21-ի նիստի մասին	146
N 64 Հաղորդագրություն՝ «Դաշնակցության» Թիֆլիսի ներկայացուցչական ժողովում Վրաստանի ՀԱԽ-ի ՀՅԴ խմբակցության հաշվետվության մասին	151
N 65 Հաղորդագրություն՝ Բորչալուի գավառի հայ բնակիչներին իրենց գյուղերը վերադարձնելու գործում Վրաստանի ՀԱԽ-ի ներկայացուցիչների մասնակցության մասին.....	155
N 66 Վրաստանի ՀԱԽ-ի լիազորների հաղորդագրությունը Բորչալուի գավառի (Տաշիր) հայազգի բնակչության սուսկալի ծանր և աղետաբեր կացության մասին	156
N 67 Հաղորդագրություն՝ հայազգի գաղթականներին օգնելու համար՝ ՀՀ-ի կառավարության միջոցներից Վրաստանի ՀԱԽ-ին հատկացրած գումարի մասին.....	156
N 68 Հաղորդագրություն՝ Վրաստանի ՀԱԽ-ի գանձարանի գումարները պետական կալանքից ազատելու մասին	157

N 69 «Աշխատատուր» լրագիրը՝ Վրաստանի ՀԱԽ-ի 1919 թ. մարտի 14-ի նիստի մասին.....	157
N 70 «Ժողովրդի Ձայն» լրագիրը՝ Վրաստանի ՀԱԽ-ի 1919 թ. մարտի 14-ի նիստի մասին.....	161
N 71 Լրագրային հաղորդում՝ Վրաստանի ՀԱԽ-ի 1919 թ. մարտի 18-ի արտահերթ նիստի մասին	165
N 72 Հաղորդագրություն՝ ՀՀ Կառավարությունից նյութական օժանդակության հայցման նպատակով՝ Վրաստանի ՀԱԽ-ի պատվիրակության Երևան մեկնելու մասին	170
N 73 Հաղորդագրություն՝ Վրաստանի ՀԱԽ-ի ֆինանսական կացության մասին	170
N 74 Լրագրային հաղորդում՝ հայազգի գաղթականներին օգնելու նպատակին ծառայող Վրաստանի ՀԱԽ-ի գանձարանի ծախսերի մասին	172
N 75 Հաղորդագրություն՝ վիրահայ ունևոր դասից պարտադիր տուրք գանձելու ՀԱԽ-ի մտադրության մասին.....	172
N 76 Հաղորդագրություն՝ Վրաստանի ՀԱԽ-ի համաժողովրդական ընտրությունները հետաձգելու պատճառների մասին	173
N 77 Կարծիքներ ՀԱԽ-ի գործունեության մասին՝ ըստ ՀՅԴ Վրաստանի ճյուղի 2-րդ «ռայոնական ժողովում» հնչած ելույթների (1919 թ., մարտ)	174
N 78 Հաղորդագրություն՝ Բորչալուի գավառում հայ- վրացական պատերազմի հետևանքով ձերբակալված հայերին ազատելու՝ ՀԱԽ-ի միջնորդության մասին.....	177
N 79 Լրագրային հաղորդում՝ ՀԱԽ-ի 1919 թ. ապրիլի 11-ի նիստի մասին.....	178

N 80 ՀԱԽ-ի դիմումը Վրաստանի կառավարությանը՝ Շուլավերի հայ ազգաբնակչության հոգսերի մասին	180
N 81 ՀԱԽ-ի դիմումի վրաց կառավարությանը՝ Ջավախքի հայ ազգաբնակչության կարիքները հոգալու մասին	181
N 82 Հաղորդագրություն՝ Վրաստանի ՀԱԽ-ի կենտրոնական ընտրական հանձնաժողովի կազմի մասին	181
N 83 «Աշխատավոր» օրաթերթի խմբագրականը՝ Վրաստանի ՀԱԽ-ի մասին	182
N 84 Լրագրային հաղորդում՝ Վրաստանի ՀԱԽ-ի 1919 թ. մայիսի 6-ի արտահերթ նիստի մասին	184
N 85 Վրաստանի ՀԱԽ-ի անդամ Ա. Աբեղյանի կարծիքը՝ ՀԱԽ-ի կազմը վերընտրելու անհրաժեշտության մասին	187
N 86 Լրագրային հաղորդում՝ ՀԱԽ-ի 1919 թ. մայիսի 13-ի արտահերթ նիստի մասին	189
N 87 Լրագրային հաղորդում՝ ՀԱԽ-ի 1919 թ. մայիսի 16-ի հերթական նիստի մասին.....	192
N 88 Վրաստանի ՀԱԽ-ի անդամ Ա. Աբեղյանի կարծիքը՝ ՀԱԽ-ի առջև ծառայած բուն խնդիրների մասին	194
N 89 Լրագրային հաղորդում՝ ՀԱԽ-ի 1919 թ. մայիսի 23-ի հերթական նիստի մասին.....	195
N 90 Հաղորդագրություն՝ Վրաստանի ՀԱԽ-ի շրջանային ընտրական հանձնաժողովների մասին.....	197
N 91 Հաղորդագրություն՝ Վրաստանի վարչապետ Ն. Ն. Ժորդանիայի, ՆԳ նախարար Ն. Վ. Ռամիշվիլու և ՀԱԽ-ի լիազորների 1919 թ. հունիսի 5-ի աշխատանքային հանդիպման մասին.....	198
N 92 Լրագրային հաղորդում՝ Վրաստանի ՀԱԽ-ի 1919 թ. հունիսի 6-ի հերթական նիստի մասին.....	199

N 93 ՀԱԽ-ի կենտրոնական ընտրական հանձնաժողովի ծանուցումը՝ Վրաստանի հայ ազգաբնակչության.....	201
N 94 Հաղորդագրություն՝ Վրաստանի ՀԱԽ-ի համաժողովրդական ընտրությունների կազմակերպման ընթացակարգի մասին	202
N 95 Լրագրային հաղորդում՝ Վրաստանի ՀԱԽ-ի 1919 թ. հունիսի 13-ի հերթական նիստի մասին.....	203
N 96 Հաղորդագրություն՝ Վրաստանի ՀԱԽ-ի Թիֆլիսի թաղային ընտրական հանձնաժողովների մասին.....	205
N 97 Հաղորդագրություն՝ Վրաստանի ՀԱԽ-ի վերաստուգիչ հանձնաժողովի կազմի մասին.....	206
N 98 Կուսակցական թեկնածուների ցուցակները՝ ներկայացված Վրաստանի ՀԱԽ-ի համամասնական ընտրությունների համար (1919 թ., հուլիս).....	206
N 99 Հաղորդագրություն՝ Վրաստանի ՀԱԽ-ի ընտրությունների շուրջն առաջացած խոչընդոտների մասին.....	211
N 100 Վրաստանի ՀԱԽ-ի կենտրոնական ընտրական հանձնաժողովի ծանուցումը՝ ի գիտություն Թիֆլիսի հայ ազգաբնակչության	212
N 101 ՎՄԴԲԿ-ի հայազգի անդամների միջնորդությունը՝ Վրաստանի ՀԱԽ-ի ընտրությունները հետաձգելու մասին..	212
N 102 Լրագրային հաղորդում՝ Վրաստանի ՀԱԽ-ի 1919 թ. հուլիսի 18-ի արտահերթ նիստի մասին.....	214
N 103 «Նոր Աշխատավոր» օրաթերթի մեկնությունը՝ Վրաստանի ՀԱԽ-ի համաժողովրդական ընտրությանների արգելման պատճառների մասին.....	216

N 104 ՀՅԴ Վրաստանի ճյուղի ԿԿ-ի դիմումը երկրի հայ քաղաքացիներին՝ ՀԱԽ-ի համաժողովրդական ընտրությունները արգելելու կապակցությամբ.....	218
N 105 Վրաստանի ՆԳՆ-ի փոխնախարարի գրությունը՝ ՀԱԽ-ի համաժողովրդական ընտրությունները արգելելու պատճառների մասին	219
N 106 Բողոք Վրաստանի ներքին գործերի նախարարին՝ ՀԱԽ-ի համաժողովրդական ընտրությունները արգելելու կապակցությամբ.....	220
N 107 «Գործավոր» պարբերականի մեկնաբանությունը՝ Վրաստանի ՀԱԽ-ի համաժողովրդական ընտրությունները արգելելու պատճառների մասին	223
N 108 Լրագրային հաղորդում՝ Վրաստանի ՀԱԽ-ի համաժողովրդական ընտրությունների արգելման պատճառով առաջացած վիրահայ հանրության բողոքների մասին.....	226
N 109 Լրատվություն՝ ՀԱԽ-ի 1919 թ. օգոստոսի 1-ի նիստի մասին.....	228
N 110 Լրատվություն՝ ՀԱԽ-ի 1919 թ. օգոստոսի 1-ի նիստի մասին.....	229
N 111 Հաղորդագրություն՝ Բորչալուի գավառի հայ ազգաբնակչությանը՝ Վրաստանի ՀԱԽ-ի միջոցներից հատկացրած պարենային օժանդակության մասին.....	234
N 112 ՀՅԴ-ի Վրաստանի ճյուղի «ռայոնական ժողովի» բանաձևը (1919 թ., 7 օգոստոսի)՝ ՀԱԽ-ի համաժողովրդական ընտրությունների արգելման կապակցությամբ	234
N 113 Լրատվություն՝ Վրաստանի ՀԱԽ-ի 1919 թ. օգոստոսի 8-ի նիստի մասին	235

N 114 «Բորբա» օրաթերթը՝ Վրաստանի ՀԱԽ-ի 1919 թ. օգոստոսի 8-ի նիստի մասին	238
N 115 Լրատվություն՝ Վրաստանի նորացված ՀԱԽ-ի 1919 թ. սեպտեմբերի 18-ի նիստի մասին	241
N 116 Լրատվություն՝ Վրաստանի նորացված ՀԱԽ-ի 1919 թ. սեպտեմբերի 18-ի նիստի մասին	244
N 117 «Աշխատավոր» լրագիրը՝ Վրաստանի ՀԱԽ-ի 1919 թ. սեպտեմբերի 20-ի նիստի մասին	245
N 118 «Բանվորի Ձայն» շաբաթաթերթը՝ Վրաստանի ՀԱԽ-ի 1919 թ. սեպտեմբերի 20-ի նիստի մասին	248
N 119 Լրագրային հաղորդում՝ ՀԱԽ-ի վերակազմավորման հարցում Վրաստանի Սոցիալ-Դեմոկրատական Բանվորական կուսակցության «հայկական սեկցիայի» դիրքորոշման մասին.....	251
N 120 Հաղորդագրություն՝ Սուրամի (Գորիի գավառ) հայկական դպրոցը Վրաստանի ՀԱԽ-ին ենթարկելու մասին.....	252
N 121 Լրագրային հաղորդում՝ Վրաստանի ՀԱԽ-ի 1919 թ. սեպտեմբերի 28-ի նիստի մասին	253
N 122 «Աշխատավոր» օրաթերթը՝ Վրաստանի ՀԱԽ-ի 1919 թ. սեպտեմբերի 30-ի նիստի մասին	255
N 123 «Բանվորի Ձայն»-ը՝ Վրաստանի ՀԱԽ-ի 1919 թ. սեպտեմբերի 30-ի նիստի մասին	257
N 124 «Բորբա» օրաթերթը՝ Վրաստանի ՀԱԽ-ի գործկոմի վերընտրության և նրա նոր կազմի մասին.....	259
N 125 Հաղորդագրություն՝ Վրաստանի ՀԱԽ-ի աշխատակազմի ինքնալուծարման մասին	259
N 126 Վրաստանի ՀԱԽ-ի հայտարարությունը՝ ուսուցչական անձնակազմ վարձելու մասին.....	260

N 127 Վրաստանի ՀԱԽ-ի հայտարարությունը՝ դպրոցական տեսուչներ վարձելու մասին	261
N 128 Հաղորդագրություն՝ Վրաստանի ՀԱԽ-ի դպրոցական տեսուչներին նշանակելու մասին.....	261
N 129 Վրաստանի գավառների ու Լոռվա «չեզոք գոտու» հայալեզու դպրոցները	262
N 130 Հաղորդագրություն՝ Բորժումի հայկական դպրոցը Վրաստանի ՀԱԽ-ին ենթարկելու մասին	262
N 131 Հաղորդագրություն՝ ջավախահայությանն օգնելու նպատակով՝ Վրաստանի ՀԱԽ-ի արած միջնորդությունների մասին.....	264
N 132 Հաղորդագրություն՝ Վրաստանի ՀԱԽ-ի նախագահության որոշման՝ Կովկասի հայոց բարեգործական ընկերությունն իրեն ենթարկելու մասին.....	264
N 133 Հաղորդագրություն՝ նոր դպրոցներ հիմնադրելու և ֆինանսավորելու Վրաստանի ՀԱԽ-ի	265
որոշման մասին	265
N 134 Լրագրային հաղորդում՝ Վրաստանի ՀԱԽ-ի անդամներին երկրից վտարելու կապակցությամբ՝ վրաց վարչապետին հղած բողոքի մասին (1919 թ., նոյեմբեր)	266
N 135 Հաղորդագրություն՝ վարչապետի պաշտոնակատար Ե. Պ. Գեգեճկորու և ՀԱԽ-ի լիազորների 1919 թ. նոյեմբերի 22-ի աշխատանքային հանդիպման մասին	268
N 136 Հաղորդագրություն՝ Վրաստանի ՆԳ նախարարի և ՀԱԽ-ի լիազորների 1919 թ. նոյեմբերի 24-ի աշխատանքային հանդիպման մասին.....	270
N 137 Հաղորդագրություն՝ Ջավախքի հայկական դպրոցներին նպաստ հատկացնելու ՀԱԽ-ի որոշման մասին	270

N 138 Հաղորդագրություն՝ ՀԱԽ-ի միջոցներով Ջավախքում հայկական դպրոցներ վերաբացելու մասին	271
N 139 Հաղորդագրություն՝ Վրաստանի Սահմանադիր ժողովի ղեկավարության առջև ՀԱԽ-ի նախագահ Բ. Թոփչյանի միջնորդության՝ հայազգի կալանավորների պատիժը թեթևացնելու մասին.....	271
N 140 Հաղորդագրություն՝ Վրաստանի ՀԱԽ-ի որոշման՝ իրեն ենթակա դպրոցներում ուսուցիչ-մանկավարժների նյութական կացությունը բարելավելու մասին.....	272
N 141 ՀԱԽ-ի կոչը Վրաստանի հայ ազգաբնակչությանը՝ Գորիի երկրաշարժի կապակցությամբ	272
N 142 Լրագրային հաղորդում՝ Վրաստանի ՀԱԽ-ի 1920 թ. փետրվարի 24-ի նիստի մասին	273
N 143 Լրագրային հաղորդում՝ Վրաստանի ՀԱԽ-ի 1920 թ. մարտի 1-ի նիստի մասին.....	276
N 144 Լրագրային հաղորդում՝ Վրաստանի ՀԱԽ-ի 1920 թ. մարտի 6-ի և 9-ի նիստերի մասին	277
N 145 Վրաստանի ՀԱԽ-ի թեզերը՝ վիրահայերի ինքնակառավարում և մշակութային ինքնավարություն հիմնելու մասին.....	282
N 146 Լրագրային հաղորդում՝ Վրաստանի ՀԱԽ-ի 1920 թ. մարտի 19-ի արտահերթ նիստի մասին	285
N 147 Լրագրային հաղորդում՝ Վրաստանի ՀԱԽ-ի 1920 թ. մայիսի 11-ի նիստի մասին.....	286
N 148 Ծանուցում Վրաստանի հայկական դպրոցների մանկավարժներին.....	287
N 149 Լրագրային հաղորդում՝ Վրաստանի ՀԱԽ-ի 1920 թ. հունիսի 22-ի նիստի մասին.....	288

N 150 ՀԱԽ-ի կոչը Վրաստանի հայազգի քաղաքացիներին՝ մշակութային ինքնավարության պահանջի մասին	291
N 151 Վրաստանի Սոցիալ-Դեմոկրատական Բանվորական Կուսակցության «հայկական սեկցիայի» առանձնակի կարծիքը՝ մշակութային ինքնավարության պահանջի կապակցությամբ.....	292
N 152 Լրագրային հաղորդում՝ Վրաստանի ՀԱԽ-ի 1920 թ. հուլիսի 6-ի նիստի մասին	293
N 153 Լրագրային հաղորդում՝ Վրաստանի ՀԱԽ-ի 1920 թ. օգոստոսի 3-ի նիստի մասին	295
N 154 ՌՄԴԲԿ «միջազգայնականներ»-ի կուսակցական լրագրի մեկնաբանությունը՝ Վրաստանի ՀԱԽ-ի դպրոցական քաղաքականության մասին	298
N 155 1919-1920 ուսումնական տարվա	300
վիճակագրական տվյալները՝ Վրաստանի ՀԱԽ-ին ենթակա ժողովրդական դպրոցների մասին	300
N 156 Հաղորդագրություն՝ Աբխազիայի (Սուխումի շրջան) հայկական ժողովրդական դպրոցների մասին.....	301
N 157 Հաղորդագրություն՝ Թիֆլիսի հայ հանրության 1920 թ. հոկտեմբերի 6-ի ցույցի մասին.....	305
N 158 Հաղորդագրություն՝ Թիֆլիսի Ռուսաց ազգային խորհրդի դիմում-առաջարկը՝ Վրաստանի ՀԱԽ-ի հետ միասնաբար գործելու մասին	306
N 159 Հաղորդագրություն՝ Վրաստանում հայազգի քաղաքացիների իրավունքների վերաբերյալ հատուկ «հուշագիր» կազմելու ՀԱԽ-ի ղեկավարության որոշման մասին.....	307
N 160 Հաղորդագրություն՝ Վրաստանի Բարձրագույն իշխանություններին ՀԱԽ-ի «հուշագիրը» հանձնելու	

նպատակով՝ պատվիրակություն կազմելու որոշման մասին.....	307
N 161 Հաղորդագրություն՝ հայկական դպրոցների ներկայացուցիչների հետ ՀԱԽ-ի գործկոմի 1921 թ. հունվարի 30-ի խորհրդակցության մասին	308
N 162 Հաղորդագրություն՝ Վրաստանի ՀԱԽ-ին ենթակա ժողովրդական դպրոցներում ուսումնական գործի կազմակերպման մասին	309
N 163 Բաթումի ՀԱԽ-ի հայտարարությունը.....	318
N 164 Հաղորդագրություն՝ Վրաստանի հայկական ժողովրդական դպրոցների ուսուցիչների աշխատավարձերը հավելելու ՀԱԽ-ի որոշման մասին	318
N 165 Լրագրային հաղորդում՝ հայկական ժողովրդական դպրոցների հանդեպ վրաց իշխանությունների ունեցած վերաբերմունքի մասին.....	319
N 166 Հաղորդագրություն՝ վիրահայերի ինքնակառավարման և մշակութային ինքնավարության խնդրին նվիրված հուշագրի մշակման ավարտելու մասին	320
N 167 Հաղորդագրություն՝ Վրաստանի վարչապետի և ՀԱԽ-ի նախագահի 1921 թ. փետրվարի 10-ի աշխատանքային հանդիպման մասին.....	320
N 168 Խմբագրական «Մշակ» օրաթերթում՝ Վրաստանի ՀԱԽ- ի գործունեության մասին	321
N 169 Լրագրային հաղորդում՝ ՀԱԽ-ի նախագահ Բ. Թոփչյանի 1921 թ. փետրվարի 12-ի մամուլի ասուլիսի մասին.....	324
N 170 Լրագրային հաղորդում՝ Վրաստանի ՀԱԽ-ի 1921 թ. փետրվարի 15-ի նիստի մասին	325

N 171 Հաղորդագրություն՝ վրաց բանակի կարիքների համար հիվանդանոց հիմնելու ՀԱԽ-ի որոշման մասին	327
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ԵՎ ՍԿԶԲՆԱՂԲՅՈՒՐՆԵՐԻ ՑԱՆԿ.....	328

ԱՌԱՋԱԲԱՆ

Հայրենի, և ո՛չ միայն, պատմագիտական ուսումնասիրություններում, որոնք անդրադառնում են 1918-1921 թթ. տագնապալից իրադարձություններին, երբեմն հիշատակվում է Վրաստանի Հայոց Ազգային Խորհուրդը¹ (այնուհետև՝ ՀԱԽ): Սակայն այդ տեղեկությունները խիստ անբավարար էին նրա մասին լիակատար պատկերացում կազմելու համար: Հետևաբար, օրինաչափորեն առաջ էին գալիս չլուսաբանված մի շարք հարցեր: Անպատասխան էին մնում Վրաստանի ՀԱԽ-ի երևան գալու պատճառներն ու հիմքերը, կազմավորման սկզբունքները, գոյության ժամանակագրական շրջանակները, նաև նրա գործունեության ասպարեզը և այլն: Ժամանակի մամուլն ընթերցելիս ակնհայտ է դառնում, որ հիշյալ կառույցը հաղորդակից է եղել և արագ արձագանքել է բոլոր մեծ ու փոքր այն իրադարձություններին, որոնք պատահել են Վրաստանի հայ համայնքի կյանքում: Ուստի նրա համակարգված պատմությունը պետք է առաջ բերի և բացահայտի յուրահատուկ ուրվագիծ, որի միջոցով և հնարավորինս լայն չափով կհաջողվի, ըստ էության, գիտական ասպարեզ հանել, մեկնաբանել և վերծանել Վրաստանի հայության կյանքի և կացության այն կողմերն ու իրադարձությունները, որոնք առայժմ մութ են մնացել և, հետևաբար, դեռ չեն գտել իրենց պատշաճ տեղը հայրենի պատմագրության էջերում²:

¹ Ժամանակի մամուլի նյութերում և այլ վավերագրերում կարելի է հանդիպել նաև «Վիրահայ ազգային խորհուրդ» տարբերակը:

² Ժողովածուի կազմողը, առաջին անգամ լինելով, փորձել է համառոտ մի ակնարկով լուսաբանել Վրաստանի ՀԱԽ-ի պատմության դրվագները՝ գիտական շրջանառության մեջ դնելով նոր տվյալներ և քննաբար օգտագործե-

Վրաստանի բազմազան ազգությունների (ռուսներ, օսեր, թուրք-թաթարներ, հույներ, հրեաներ, գերմանացիներ, այսորներ, եզդիներ և այլն) ժամանակի ազգային խորհուրդների շարքում էր գտնվում նաև ՀԱԽ-ը: Նրա կազմավորման մասին թիֆլիսում գործող հայկական քաղաքական հոսանքները համաձայնության եկան 1918 թ. հուլիս-օգոստոսին: ՀԱԽ-ում ներկայացված էին ՀՅԴ-ի, ՀԺԿ-ի, ՍԴՀԿ-ի, ինչպես նաև ՎՍԴԲԿ-ի, ՌՍԴԲԿ-ի և էսեռների «հայկական սեկցիաների» խմբակցությունները: Վրաստանի ՀԱԽ-ի ակունքների մոտ կանգնած էին և հիմնադիր անդամներ դարձան այնպիսի անվանի քաղաքական ու հասարակական գործիչներ, ինչպես Ն. Պ. Աղբալյանը, Հ. Գ. Արդոթյանը, Ա. Հ. Երզնկյանը, Լ. Գ. Թումանյանը, Ս. Ս. Հարությունյանը, Գ. Հ. Ղարաջյանը (Ս. Տ. Արևկումեդ), Գ. Պ. Մելիք-Ղարագյոզյանը, Մ. Պապաջանյանը և ուրիշներ (տե՛ս վավ. N 4): Վրաստանի ՀԱԽ-ի կազմը, սակայն, կայուն բնույթ չէր կրում: Նրան մաս կազմող կուսակցությունները շատ հաճախ փոխում էին իրենց ներկայացուցիչներին (տե՛ս վավ. NN 15, 19, 115): ՀԱԽ-ի գոյության տարբեր փուլերում նրա գործունեությանը մասնակից եղան նաև ականավոր հայ գիտնականներ Ե. Գ. Տեր-Մինասյանը, Ս. Ս. Մալխասյանցը, Ա. Գ. Բաբախանյանը (Լեո), Ա. Գ. Աբեղյանը, Ղ. Գ. Տեր-Ղազարյանը, Վ. Հ. Ռշտունին: ՀԱԽ-ի նախագահությունը վարում էր Բ. Թոփչյանը, իսկ գործկոմի ղեկավարն էր Ա. Երզնկյանը (տե՛ս վավ. N 86):

ՀԱԽ-ի ուշադրության կիզակետում էր գտնվում Վրաստանի հայ համայնքի իրավական կարգավիճակը և դրանից,

լով ուսումնասիրողներին արդեն հայտնի ցաքուցրիվ նյութերը: Տե՛ս Մալխասյան Բ.Վ. Վրաստանի հայոց ազգային խորհրդի գործունեության պատմությունից (1918 թ. օգոստոս – 1921 թ. փետրվար) // ՊԲՀ, 2011, թիվ 1, էջ 61 – 82:

նախ և առաջ, բխող վիրահայերի, ջավախահայերի և աբխազահայերի կրթամշակութային ինքնավարության ստեղծման խնդիրը (տե՛ս վավ. N 145): Այն պետք է կարևոր դերակատարում ունենար Վրաստանի հայ համայնքի, այդ թվում նաև վրացախոս վիրահայերի, ազգային ինքնության պահպանման գործում: Ազգի նվիրյալները նպատակ ունեին ստեղծել այնպիսի դպրոց, որտեղ մատաղ սերունդը ոչ միայն կուսաներ հայագիտական առարկաներ, այլ նաև կդաստիարակվեր ազգային և ավանդապաշտ ոգով, ինչը հուսալի երաշխիք կլիներ հեռանկարում աստիճանական ազգաձուլման վտանգից: Նորակազմ ՀԱԽ-ը 1918 թ. օգոստոսի 2-ին գումարված իր առաջին իսկ նիստը նվիրել էր դպրոցական հարցին (տե՛ս վավ. N 5): 1918թ. օգոստոսի 6-ին ՀԱԽ-ը որոշեց իրեն ենթարկել մինչ այդ Վիրահայ թեմի իրավասության ներքո գտնվող ծխական-եկեղեցական դպրոցները և ուսումնարանները, ինչը տարաժամ լարվածության առաիթը դարձավ հայ հոգևորականության հետ նրա շփումներում (տե՛ս վավ. N 28): Ի վերջո, ՀԱԽ-ին հաջողվել էր աստիճանաբար ստեղծել Վրաստանում իրեն ենթակա հայկական ժողովրդական դպրոցների մի ամբողջ ինքնավար համակարգ, որը շուրջ 50 տարբեր աստիճանի կրթական օջախ էր ընդգրկում (տե՛ս վավ. N 155):

ՀԱԽ-ը Վրաստանի հայ համայնքի միակ ներկայացուցչական ամբիոնն էր, որի գոյության փաստը դեռ չէր նշանակում նրա իրավական ճանաչումը: Այդ բացը պատճառաբանվում էր հանրապետական սահմանադրության բացակայությամբ, որը և պետք է որոշեր վրաց պետության ու նրա էթնիկ փոքրամասնությունների տարբեր տեսակի ներկայացուցչական մարմինների փոխադարձ լիազորությունները: Հետևաբար, վրացի պաշտոնյաների հայեցողության էր մնում՝ փոխհարաբերու-

թյուններ ունենալ ՀԱԽ-ի հետ, թե անպատասխան թողնել նրա բոլոր դիմումները: Իրավիճակը մի փոքր շտկվեց, երբ 1918 թ. սեպտեմբերի 16-ին Վրաստանի վարչապետ Ն. Ն. Ժորդանիան ոչ պաշտոնապես ճանաչեց ՀԱԽ-ը (տե՛ս վավ. N 17): Վերջինս, այնուհետև, իրավունք ստացավ լիազորել իր անդամներին (Ա. Երզնկյան, Ս. Փիրումյան, Ա. Իվանյան, Զ. Զորյան, Դ. Դավիթխանյան, Տ. Ավետիսյան, Լ. Թումանյան, Ն. Թարխանյան, Պ. Դոլուխանյան, Ա. Բարխուդարյան) Վրաստանի խորհրդարանում աշխատելու համար (տե՛ս վավ. NN 20, 27): Նրանց առջև, սակայն, ոչ պաշտոնապես դրվել էին մի շարք սահմանափակումներ: Այդպես, օրինակ, արգելվել էր հայ համայնքի լիազորների մասնակցությունը վրաց խորհրդարանի տարբեր տեսակի հանձնաժողովներում (տե՛ս վավ. N 57): ՀԱԽ-ը, հետագայում, այն դառը ճշմարտությունն էր արձանագրում, որ «Հայոց Ազգային Խորհուրդը հանդուրժելի է լոկ տարբեր տեսակի մասնավոր հարցերի վերաբերյալ բարեխոսություններ կատարելու համար, որոնք ոչ մեկի վրա ոչ մի պարտավորություն չեն դնում»:

Վրաստանի ՀԱԽ-ը աշխատեց մինչև 1921 թ. փետրվարի 28-ը, երբ ազգային այլ կազմակերպությունների հետ խորհրդային իշխանությունների կողմից կասեցվեց նաև նրա գործունեությունը:

Վրաստանի ՀԱԽ-ի պատմությանը նվիրված և նրա գործունեությունը լուսաբանող բազմազան նյութերը և վավերագրերը առանձին համապարփակ ուսումնասիրության ու համակարգման չեն ենթարկվել: Եվ այս տեսակետից սույն ժողովածուն իր բովանդակությամբ նման առաջին փորձն է:

Վերջին տարիներին ակնհայտ դարձավ, որ Վրաստանի պատմության նորագույն դարաշրջանի մի շարք բազմակու-

տակ և խճճված հիմնախնդիրներ, որոնք ունեն գիտահետազոտական արդիական նշանակություն, շարունակում են մնալ տակավին չլուսաբանված: Այդուհանդերձ, պետք է փաստել, որ վիրահայերին ուսումնասիրող պատմագիտության մեջ շատ ու շատ հիմնահարցեր թերևս պատշաճ ձևով չեն ուսումնասիրվել, մինչև այժմ չեն գտել իրենց հայեցակարգային լուծումները, հատկապես հայագիտության տեսանկյունից: Մենք անհրաժեշտ ենք գտնում՝ ամփոփելով ժողովածուի մեջ ՀԱԽ-ի ժամանակի գանազան վավերագրերը, դրանով անդրադառնալ այն փաստերին և երևույթներին, որոնք, դիտավորյալ թե ո՛չ, սակայն մնացել են ուսումնասիրողների շարադրանքի ստվերում: Այն արժևորվում է նաև մեկ այլ առումով: Ժողովածուում զետեղված նյութերը պետք է առնչվեն և ճանաչելի դարձնեն վիրահայերի նորագույն հասարակա-քաղաքական պատմությունը: Վավերագրերի տվյալ ժողովածուի հրապարակումը, առաջին հերթին, նպատակ է հետապնդելու լայն շրջանակի ընթերցողին հաղորդակից դարձնել Վրաստանի հայ սովարազգաբնակչության պատմության խնդրո առարկա ժամանակահատվածի անցքերին, որի մասին մինչ այժմ էլ չի առաջացել պատմագիտական լիակատար պատկերացում:

Ժամանակի վկայությունները պարունակող հավաքածուն օգտակար կլինի ՀԱԽ-ի կարկառուն դեմքերի կենսագրությունները նորանոր փաստերով և տեղեկություններով հագեցնելու և լրացնելու տեսանկյունից: Փաստաթղթերի նման ժողովածուի լույսընծայումը, անշուշտ, հնարավորություն կընձեռի ճիշտ եզրահանգումներ անել՝ ծանոթանալով տեղեկատվական և այլ արժեքավոր նյութերին, ինչպես և անկողմնակալ պատկերացում կազմել Վրաստանի հայ համայնքի նորագույն պատմության կարևոր դրվագների մասին: Հետազոտությունը

առանձնակի նշանակություն ունի հայկական ինքնության ուսումնասիրությունների տեսանկյունից:

Ժողովածուն ամփոփում է այն արժեքավոր և կարևոր նյութերը, որոնք լույս են ընծայվել թիֆլիսահայ և Ժամանակի այլ պարբերական մամուլում: Ուսումնասիրվել են կուսակցական շատ թերթերի հավաքածուներ, ինչպես «Հորիզոն», «Մշակ», «Աշխատավոր», «Ժողովրդի Ձայն», «Բանվորի Ձայն» և այլն, և ընտրվել համապատասխան վավերագրեր և տեղեկություններ: Կազմողը հղում է նաև Հայաստանի ազգային արխիվի (այնուհետև՝ ՀԱԱ) պահոցներում ինամքով պահպանվող Վրաստանի ՀԱԽ-ի թիվ 441 ֆոնդի մի շարք նյութերը: Այս վավերագրերը մեծի մասամբ առաջին անգամ են տրվում գիտական շրջանառության մեջ:

Վավերագրերը ժողովածուում տեղադրված են Ժամանակագրական կարգով և հրատարակվում են ըստ բնագրի լեզվի: Յուրաքանչյուր նյութի վերջում նշված է սկզբնաղբյուրը: Ժողովածուում տեղ են գտել նաև լրագրային նյութերի վերնագրերը: Հրապարակվող վավերագրերի իմաստային և լեզվառճային առանձնահատկությունները պահպանվել են բնագրային տեսքով, կատարվել են միայն ուղղագրական և կետադրական շտկումներ: Հրապարակվող տեքստում միջամտությունները իրականացվել են հետևյալ կերպ. կրճատ և պակասող բառերը ու արտահայտությունները լրացված են ուղղանկյուն փակագծերում ([]): Ժողովածուի թեմատիկային չառնչվող և հրապարակումից դուրս թողնված հատվածները ցույց են տրվում՝ սուրանկյուն փակագծերի մեջ կախման կետեր դնելով (<...>):

Նույսով ենք, որ ժողովածուն կարժանանա ընթերցողի ուշադրությանը և օգտակար կլինի հատկապես Վրաստանի հայ բնակչության պատմությամբ հետաքրքրվող բոլոր մասնագետների համար:

N 1

Խմբագրական առաջաբան «Հորիզոն» պարբերականում՝ Վրաստանի ՀԱՄ-ի հիմնադրման անհրաժեշտության մասին

Վրաց հանրապետության մեջ բոլոր ազգերը հաւասար իրաւունքներ են վայելելու³ <...>:

Նոյնը վերաբերում է նաև Վրաստանի հայութեանը: Մինչև որ սա չկազմակերպւի և կանոնաւոր ու իրաւասու մարմինների միջոցով իրաւունքների պաշտպանելու և իրագործելու խնդիրն առաջ չտանի, այդ իրաւունքները լոկ դատարկ խօսքեր կը լինեն:

Օրինակի համար՝ վերցնենք դպրոցական խնդիրը: Վրաստանի հայ համայնքները անշուշտ իրաւունք պիտի ունենան սեփական ազգային դպրոցներ բանալու և վարելու. այդ դպրոցները պետք է հայկական լինեն իրենց ուսումնական-կրթական բնոյթով և նկարագրով, բայց պետք է վայելեն պետական դպրոցների բոլոր իրաւունքները. օր[ինակ]. պետական գանձարանից ստանան իրենց ծախսերը հոգալու միջոցները վրացական դպրոցներին հաւասար հիմունքներով. իրենց սաներին տան նոյն իրաւունքները, ինչ որ վրացական դպրոցներն են տալիս իրենց սաներին: Մինչև այժմ գոյութիւն ունեցող կառավարչական դպրոցները ազգայնացելիս՝ դրանցից մի քանիսը իրենց շէնքերով, կահ-կարասիքով, պիտոյքնե-

³ Այս լոկ վրացական հայտարարությունը բխում էր ոչ թե սույն պարբերականի խմբագրատան համոզմունքից, այլև Վրաստանի անկախության հռչակման օրը՝ 1918 թ. մայիսի 26-ին՝ հնչած պաշտոնական հավաստիացումներից: Վրաստանի նոր պետականության հիմնադիր այրերից ամենակարկառուն դեմքը՝ Ազգային Խորհրդի նախագահ Ն. Ն. Շորդանիան խոստանում էր, որ «մեր ազգային փոքրամասնությունները կլինեն նույնքան իրավագոր, ինչպէս մեր պետության ազգային մեծամասնությունը՝ վրաց ժողովուրդը»: Տե՛ս ՆԵՅԵԼԵՅ ԵՅԺԵ, 28 մայիս 1918.

րով հայ համայնքներին յանձնելու խնդիր է ծագում: Եւ ասիա պէտք է ազգային /հայկական/ մարմին գոյութիւն ունենայ, որ հետամուտ լինի, հոգայ և կարգադրէ այս խնդիրների համար <...> գործի կազմակերպողը պէտք է լինեն իրենք Վրաստանի հայերը: Թերևս հենց արդէն գոյութիւն ունեցող հայ ազգային խորհուրդները, որ կան Վրաստանի զանազան հայաբնակ վայրերում, կը ձեռնարկէին այս կարևոր գործին <...>:

Տե՛ս Վրաստանի հայութեան կազմակերպումը //
Հորիզոն, 9 հունիսի 1918, N 111:

N 2

ՀՅԴ-ի Թիֆլիսի ճյուղի «Չայոնական ժողով» բանաձևը՝ Վրաստանի ՀԱԽ-ի հիմնադրման անհրաժեշտության մասին (1918 թ., 15 հունիսի)

Վրաստանի Հ. Յ. Դաշնակցութեան անդրանիկ Ռայոնական Ժողովը⁴ քննութեան առնելով վրաց պետութեան սահմաններում ապրող հայ աշխատատրութեան վիճակը, գտնում է անհրաժեշտ քաղաքական կուսակցութիւնների հետ, ստեղծել ամենակարճ ժամանակամիջոցում Վրաստանի Հայոց Ազգային Խորհուրդ, որը մի կողմից ուժեղ մասնակցութիւն ունենալով Վրաստանի պետական կազմակերպման մէջ, իբրև Վրաստանի քաղաքացիներ, միւս կողմից իբրև փոքրամասնութեան ներկայացուցչութիւն, իր վրայ պիտի վերցնի հիմնա-

⁴ Վրաստանի Հանրապետության տարածքում գործող ՀՅԴ-ի բոլոր կազմակերպությունները՝ տեղական կոմիտեները՝ գումարում էին ընդհանուր «Չայոնական ժողով», որը իրավասու էր կազմել կուսակցության համահանրապետական գործադիր մարմինը՝ կենտրոնական կոմիտեն: Վերջինիս գործերը Վրաստանում 1918-1921թթ. համակարգում էր Տ. Գ. Ավետիսյանը:

տրելու և կեանքի մէջ իրականացնելու Հայոց Ազգային կուլ-տուրական աստոնովիան Վրաստանի սահմաններում:

Տե՛ս Ներքին տեսութիւն. Հայ Յեղ. դաշնակցութիւն //
Հորիզոն, 30 հունիսի 1918, N 128:

N 3

Լրագրային հաղորդում՝ Վրաստանի ՀԱԽ-ի կազմավորման մասին

Կազմւել է Վրաստանի Հայոց Ազգ. Խորհուրդ, որի մէջ դաշնակցութիւնից, Հ[այ] ժողովրդական կուսակցութիւնից և սոց.-դեմոկրատներից մտնում են 4-ական ներկայացուցիչ, իսկ էս-էրներից 3: Սեպտեմբերին հրաւիրւելու է Վրաստանի հայե-րի ազգային համագումար:

Տե՛ս Վրաստանի Հայոց Ազգ. Խորհուրդը //
Հորիզոն, 3 օգոստոսի 1918, N 152:

N 4

Լրագրային հաղորդում՝ Վրաստանի ՀԱԽ-ի հիմնադիր անդամների մասին

Կազմվել է արդէն Վրաստանի Հայոց Ազգային Խորհուր-դը՝ համեմատական սկզբունքով:

Խորհրդի կազմի մէջ մտնում են Հայ ժողովրդական Կու-սակցութիւնից Մ. [Ի.] Պապաջանեան⁵, Ս. Յարութիւնեան⁶,

⁵ Հայ ժողովրդական կուսակցության (ՀԺԿ) հիմնադիր առաջնորդ, նրա Կենտրոնական կոմիտեի նախագահ: Մինչ կուսակցության ստեղծումը հանդիսանում էր Ռուսաստանի Պետ. Դումայի անդամ:

Ա. Բարխուդարեան, Գ. Մելիք-Ղարազեօզեան⁷, դաշնակցութիւնից՝ Նիկ. Աղբալեան⁸, Յով. Արղութեան⁹, [Դ.] Դաւիթխանեան, [Գ.] Տեր-Ստեփանեան¹⁰, սօց[իալիստ]-յեղափոխականներից՝ Լ. Թումանեան¹¹, [Ա.] Ստամբօլցեան¹², Վ. Թուրազեան, սօց.-դեմօկրատներից՝ Ար. Երզնկեան¹³, Գեօրգ Ղարաջեան¹⁴, Ս. Դանդուրեան, Միք. Ղարաբէկեան¹⁵:

⁶ **Հարությունյան Մամսն Ստեփանի** (1875-1941), իրավաբան, ՀԺԿ-ի կենտրոնի փոխնախագահ, ՀՀ-ի արդարադատության նախարար (1918 թ., նոյեմբեր – 1919 թ., հունիս):

⁷ **Մելիք-Ղարազոյցյան Գևորգ Պողոսի** (1873-1940), հասարակական-քաղաքական գործիչ, ՀՀ-ի լուսավորության նախարար (1918 թ., դեկտեմբեր – 1919 թ., հունիս):

⁸ **Աղբալյան Նիկողայոս (Նիկոլ) Պողոսի** (1873-1947), ՀՅԴ-ի ականավոր գործիչ, գրականագետ, մանկավարժ, ՀՀ հանրային կրթության և արվեստի նախարար (1919թ., օգոստոս – 1920թ., մայիս):

⁹ **Արղության Հովսեփ Գևորգի**, նաև՝ Խանասորի Բշխան (1863-1925), ազգային-ազատագրական շարժման ականավոր գործիչ: Հ. Գ. Արղությանի կենսագրությանը նվիրված բաժնում (տե՛ս Ով ով է. Հայեր. Կենսագրական հանրագիտարան, հ. 1, Երևան, 2005, էջ 166), նա սխալմամբ հիշատակվում է նաև որպես Վիրահայ ազգային խորհրդի նախագահ: Իրականում, լինելով նրա գործադիր մարմնի անդամ, երբեմն վարում էր այդ կառույցի նիստերը:

¹⁰ **Տեր-Ստեփանյան Գարեգին Արշակի**, Վրաստանի Սահմանադիր ժողովի պատգամավոր (1919-1921):

¹¹ **Թումանյան Լևոն**, Արևելահայերի ազգային խորհրդի (1917-1918), Անդրկովկասյան Սեյմի (1918), Վրաստանի Պառլամենտի (1918-1919) և ՀՀ-ի խորհրդարանի անդամ (1919-1920)

¹² **Ստամբոլցյան Անուշավան**, Արևելահայերի ազգային խորհրդի անդամ (1917-1918):

¹³ **Երզնկյան Արամայիս Հարությունի** (1879-1938), նշանավոր քաղաքական և հասարակական գործիչ, ծն. Հաղպատում (Լոռի), 1918թ. Անդրկովկասյան Սեյմի և կառավարության անդամ, 1920-1930-ին՝ Խորհրդային Հայաստանի հողժողովում, 1931-1933-ին Երևանի քաղխորհրդի գործկոմի նախագահ: Անհիմն բռնադատվել է, հետմահու արդարացվել: Նրա անունով Երևանում կոչվել են փողոց, դպրոց:

¹⁴ **Ղարաջյան Գևորգ Հարությունի** (1861-1936), նույն ինքն՝ Ս. Տ. Արկունեղ, հայ առաջին մարքսիստներից:

¹⁵ **Ղարաբեգյան Միքայել**, Արևելահայերի ազգային խորհրդի անդամ (1917-1918):

Խորհուրդը սեպտեմբերին գումարելու է Վրաստանի հայոց համագումար:

Տե՛ս Վրաստանի Հայոց Ազգային Խորհուրդ //
Մշակ, 3 օգոստոսի 1918, N 151:

N 5

Հաղորդագրություն՝ Վրաստանի ՀԱԽ-ի անդրանիկ նիստի մասին (1918 թ., 2 օգոստոսի)

Օգոստոսի 2-ին կայացաւ Վրաստանի Հայոց Ազգային Խորհրդի առաջին նիստը, նախագահութեամբ Ա. Երզնկեանի: Ժողովը զբաղեց դպրոցական խնդրով և այն առաջարկութեամբ, որ արել է լուսաւորութեան նախարարը գիմնազիաներին, որպէսզի հարցնեն ծնողներին, թէ նրանք կամենում են, որ իրենց երեխաները շարունակեն սովորել գիմնազիաներում իբրև Վրաստանի հպատակներ¹⁶: Ազգ. Խորհրդի կողմից ընտրեց մի պատգամաւորութիւն, որ ներկայանալու է վրաց կառավարութեանը, երեխաների համար բարեյաջող ելք ստեղծելու նպատակով: Պատգամաւորութեան անդամներ ընտրեցին՝ Ա. Երզնկեան, Յ. Արդութեան, Ա. Ստամբոլցեան և Ա. Բարխուդարեան: Ազգ. Խորհրդի նախագահութեան ընտ-

¹⁶ Հետևելով այս կարգադրությանը, Թիֆլիսի 3-րդ արական գիմնազիայի վարչությունը, մամուլի միջոցով, դիմել էր աշակերտերի ծնողներին հետևյալ ազդով. «Հիմնելով Ժողովրդական Լուսաւորութեան Մինիստրութեան կարգադրութեան վրայ, առաջարկում է ոչ-վրացական ազգին պատկանող աշակերտների ծնողներին ոչ ուշ քան այն թիւ օգոստոսի 5-ի յայտնել, թէ արդեօք, որպէս Վրաստանի հանրապետութեան քաղաքացիներ (հպատակներ) ցանկանո՞ւմ են նրանք իրենց աշակերտներին թողնել Վրաստանի պետական դպրոցներում, թէ ո՞չ»: Տե՛ս Հորիզոն, 1 օգոստոսի 1918:

րութիւնը յետաձգւեց յաջորդ նիստին, որ կայանալու է երեք-չաբթի օրը¹⁷:

Տե՛ս Վրաստանի Հայոց Ազգ. Խորհրդում //
Հորիզոն, 4 օգոստոսի 1918, N 153:

N 6

Տեղեկատվություն «Մշակ» օրաթերթում՝ Վրաստանի ՀԱԽ-ի անհատական կազմը բազմացնելու մասին

Վրաստանի Հայոց Ազգային Խորհուրդը իր ամսիս 6-ի նիստում որոշեց անդամների թիւը կրկնապատկել պարիտետի հիման վրա¹⁸: Խորհրդի մեջ կը մտնեն իւրաքանչիւր կուսակցութիւնից 8 հոգի: Խորհրդի առաջին պաշտօնական նիստը տեղի կունենայ մօտ օրերս, առանձին յայտարարութեամբ: Խորհուրդը ունենալու է իր գործադիր մարմինը:

Տե՛ս Վրաստանի Հայոց Ազգային Խորհուրդ //
Մշակ, 8 օգոստոսի 1918, N 155:

N 7

Հաղորդագրություն՝ Վրաստանում պետական միջնակարգ դպրոցների ազգայնացման կապակցությամբ՝ փոխվարչապետ Ն. Վ. Ռամիշվիլու հետ ՀԱԽ-ի լիազորների բանակցությունների մասին

Վիրահայ Ազգային Խորհրդի անդամներ Ա. Երզնկեանն ու Յ. Արղութեանը ներկայացել են վրաց կառավարութեան փոխ-

¹⁷ Իմա՝ 1918 թ. օգոստոսի 6-ը:

¹⁸ Նոյն նիստում ՀԱԽ-ը որոշում կայացրեց նաև իր իրավասությունը ենթարկել մինչ այդ Վիրահայ թեմին պատկանող դպրոցները: Տե՛ս ՀԱԱ, ֆ. 441, ց. 1, գ. 26, թ. 15 շրջ:

նախագահ պ. Ն. Ռամիշվիլուն և խնդրել, որ նա օգնութեան գայ Վիրահայ Ազգային Խորհրդին՝ խճճած դպրոցական խնդրում: Ինչպէս յայտնի է մեր ընթերցողներին, յամաձայն յուլիսի 26-ի N 886 հրատարակած օրէնքի, ազգայնացած պետական դպրոցներում նախ պիտի ընդունեն Վրաստանի հպատակութիւն ընդունած քաղաքացիների գաւակները և ապա՝ ազատ տեղեր եղած դէպքում, և օտարահպատակների որդիները: Թիւրիմացութիւններից խուսափած լինելու համար, այս իսկ պատճառով օրէնքն առաջարկում էր քաղաքացիներին՝ մինչև օգոստոսի 5-ն իրենց հպատակութեան խնդիրը լուծել և այդ մասին յատուկ գրութեամբ յայտնել ուր հարկն է:

Պ[արոն] Ն. Ռամիշվիլին յայտնել է, որ նա անպայման կաշխատի հպատակութեան խնդրի հետ կապ ունեցող «օգոստոսի 5-ն» առ այժմ անորոշ ժամանակով յետաձգել, ասել է՝ որևէ ծնող, եթէ որդուն նպատակ ունի պետական դպրոց տալու, նա այդ կարող է անել և օգոստոսի 5-ից յետոյ՝ միանգամայն անկախ հպատակութեան խնդրից:

Ապա պ. Ռամիշվիլին յայտնելով, որ, իրօք, դպրոցների ազգայնացման խնդիրը սկզբունքով ընդունած է արդէն, խնդրել է Վիրահայ Ազգային Խորհրդի անդամներին մօտ ապագայում յատուկ գրութեամբ յայտնել վրաց կառավարութեան՝ թէ քանի դպրոց կը բաւարար էին վիրահայութեան դպրոցական պետքերը:

Տե՛ս Դպրոցական խնդիրը Վրաստանում //
Հորիզոն, 7 օգոստոսի 1918, N 155:

N 8

Լրագրային հաղորդում՝ ՀԱԽ-ի 1918 թ. օգոստոսի 6-ի նիստի մասին

Երեքշաբթի, օգոստոսի 6-ին կայացաւ Վիրահայ ազգային խորհրդի նիստը նախագահութեամբ Ար. Երզնկեանի: Երկար մտքերի փոխանակութիւնից յետոյ որոշուեց խորհուրդը համարել օրենսդրական մարմին, որի մէջ իւրաքանչիւր ֆրակցիայից մասնակցելու է 8 հոգի, սրանք ունենալու են նախագահութիւն և ունենալու են Թիֆլիսի քաղաք[ային] դումայի կազմի ձևը: Այս մարմինը իր միջից ընտրելու է գործադիր մարմին, որ ունենալու է գործադիր իշխանութեան դեր և պատասխանատու կը լինի օրենսդիր մարմնի առջև:

Ընտրուեց ֆրակցիաների աւագների խորհուրդ, գործնական խնդիրները փոխադարձ համաձայնութեամբ գործադրելու համար: Աւագների խորհրդի մէջ դաշնակցական ֆրակցիայից մտան՝ Յ. Արդուրեան, Գ. Տէր-Ստեփանեան, Հայ Ժող. կուսակց.՝ Ս. Յարութիւնեան, [Ա.] Բարխուդարեան, ս[ոցիալ]-դեմոկրատներից՝ Ա. Երզնկեան, [Ս.] Ղարաբէկեան, սոց[իալ]-իստ]-յեղափոխականներից՝ Ան. Ստամբոլցեան և Ռ. Ենգիբարեան:

Խորհրդի յաջորդ նիստը տեղի կունենայ մօտ օրերս քաղաքային դումայի դահլիճում:

Տե՛ս Վիրահայ Ազգային Խորհրդում //
Հորիզոն, 8 օգոստոսի 1918, N 156:

N 9

Լրագրային հաղորդում՝ ՀԱԽ-ի 1918 թ. օգոստոսի 24-ի նիստի մասին

Երեկ եր[եկոյան] ժ. 7-ին տեղի ունեցաւ Վրաստանի Հայոց Ազգային Խորհրդի առաջին նիստը: Ինչպէս յայտնի է, այդ խորհուրդը ժամանակաւոր է և կազմւած է հայ իրականութեան մէջ գոյութիւն ունեցող չորս կուսակցութիւնների՝ դաշնակցութեան, սոց.-դեմ., սոց.-յեղ., և ժող. կուսակցութեան փոխադարձ համաձայնութեամբ: Կուսակցութիւնները մասնակցում են խորհրդին պարիտետ սկզբուրբով համաձայն, տալով իւրաքանչիւրը 8 ներկայացուցիչ: Այսպիսով ամբողջ խորհուրդը կազմւած է 32 հոգուց: Խորհուրդը կազմելիս դաշնակցութեան հիմնական պահանջներից մէկն էլ այն էր, որ այդ մարմինը համարւի ժամանակաւոր և օր առաջ հրաւիրւի Սահմանադիր Ժողով:

Առաջին նիստի օրակարգի խնդիրներն էին. 1. Խորհրդի իրաւասութեան սահմանները, 2. կազմակերպչական խնդիրները, 3. Ժողովի կազմը:

Երկար վիճաբանութիւններից յետոյ, իրաւասութեան վերաբերեալ Դաշնակց., ս.-դեմ. և ս.-յեղափոխ. կողմից առաջարկեց հետևեալ բանաձևը:

«Դաշն., ս.-դեմ. և ս.-յեղափոխ. կուսակցութիւնները կողմնակից լինելով իւրաքանչիւր փոքրամասնութեան կուլտուրական ատոնումիայի, ճանաչում են Վրաստանի Հայոց Ազգ. Խորհուրդը, որպէս իրաւագօր մարմին ազգային կրթական կուլտուրական գործի Վրաստանի սահմաններում»:

Բանաձևն անցաւ բոլորի ձայներով ընդդեմ ժողով. կուսակցութեան, որի բանաձևը, համաձայն լինելով առաջարկւա-

ծին, ունէր մի յաւելում, որ կապ ունէր եկեղեցական կալւածքների հետ: Ժողովը գտաւ, որ այդ հարցը լուծել դեռ վաղաժամ է: Որաշւեց կազմել մի Գործադիր մարմին բաղկացած 4 հոգուց, որ վարելու է դպրոցական, ֆինանսական և գաղթականական գործերը:

Ընդհանուր ժողովների պրեզիդիումը բաղկացած է լինելու 3 նախագահներից և մէկ քարտուղարից: Ընտրութիւնները յետաձգւեցին հետևեալ նիստին, որ տեղի կունենայ այսօր եր. ժ. 7-ին:

Տե՛ս Վրաստանի Հայոց Ազգային Խորհուրդ //
Աշխատաւոր, 25 օգոստոսի 1918, N 116:

N 10

Լրագրային հաղորդում՝ ՀԱԽ-ի 1918 թ. օգոստոսի 25-ի նիստի մասին

Կիրակի, օգոստոսի 25-ի երեկ[ոյան] ժ. 7-ին տեղի ունեցավ Վրաստանի Հայոց Ազգային Խորհրդի պաշտոնական բացումը: Օրակարգի խնդիրներն էին:

1. Խորհրդի պրեզիդիումի ընտրութիւն:
2. Գործադիր մարմնի ռոճիկների հարցը:
3. Գործադիր մարմնի ընտրութիւնը:

Համաձայն նախորդ ժողովի որոշման Ազգ. Խորհրդի պրեզիդիումը կազմւած պիտի լինի 4 հոգուց, 3-ը՝ նախագահներ և չորրորդը քարտուղար: Ֆրակցիաները տալիս են իրենց թեկնածուները. Հ. Յ. Դաշնակցութեան կողմից՝ Ա. Թարխանեան, Սոց.-Դեմ. – [Գ.] Ղարաջեան, Սոց.-յեղ.՝ Լ. Թումանեան և Ժող. կուսակցութիւնից Ս. Յարութիւնեան:

Ժողովը միաձայն ընդունում է աւագների խորհրդի առաջարկը՝ նշանակել Գործադիր մարմնի անդամներին 1000-

ական ռուբլի ռոճիկ ամսական, իսկ նախագահին ևս 300 ռուբլի արտակարգ ծախսերի համար:

Գործադիր մարմնի ընտրությունների առթիւ խօսք վերցնելով Ս. Յարութիւնեանը (Ժող. կուս.) առաջարկ է մտցնում յետաձգել այդ ընտրությունները, որովհետև Ազգ. Խորհուրդը չունի իր բիւջէն, յայտնի չէ թէ արդեօք դպրոցական վարչութիւնները կամ գաղթ. խորհուրդը կենթարկւեն նրան թէ՞ չէ: Բացի այդ, կուսակցութիւնների համաձայնութեամբ կազմւած այս մարմինը չի կարող ունենալ այն քաշը, ինչ որ կունենայ Սահմ[անադիր] Ժողովը: Ուստի առաջարկւում է յետաձգել ընտրությունները մինչև Սահմ. Ժողով, կամ մինչև դրութեան պարզելը, յանձնելով ընթացիք գործավարութիւնը Խորհրդի պրեզիդիումի անդամներից մէկին, որպէս նախագահ-գործավարի:

Յ. Արդութեան (դաշն.), Ա. Երզնկեան (ս.-դ.) և Ա. Ստամբուլցեան (ս.-յեդ.) տարօրինակ են գտնում այդ առաջարկը, մանաւանդ որ Ազգ. Խորհուրդը գործադիր մարմնի ստեղծելը հենց Ժող. կուսակց. առաջարկով է եղել: Չայների մեծամասնութեամբ որոշում է անցնել ընտրություններին:

Ընտրությունների ժամանակ, շնորհիւ ֆրակցիաների համաձայնութեան բացակայութեան, տեղի են ունենում վիճաբանություններ:

Ա. Երզնկեան (ս.-դ.). – Որովհետև գործադիր մարմնի, մասնաւորապէս նախագահի ընտրութեան առթիւ ֆրակցիաները համաձայնութեան չեն եղել, ապա կարելի է անել մի փոքր ընդմիջում բանակցությունների համար: Համաձայնութեան չգալու դէպքում խնդիրը կը լուծուի ձայների մեծամասնութեամբ:

Ս. Յարութիւնեանը (Ժ. Կ.) կողմնակից է նոյն առաջարկին:

Կէս ժամայ ընդմիջումից յետոյ պարզում է, որ համա-
ձայնութեան են եկել միայն ս.-դ. և ս.-յեդ.: Ժողովրդական կու-
սակցութիւնը նախագահութեան համար թեկնածու չի առա-
ջարկում:

Առաջարկ է արւում ընտրութիւնը կայացնել ձայների մե-
ծամասնութեամբ:

Բ. Թովչեան (դաշն.). - Ֆրակցիայի կողմից անհրաժեշտ
են համարում յայտարարելու, որ Դաշնակցութեան համար
նախագահի ընտրութիւնը ձայների մեծամասնութեամբ ոչ մի
դէպքում ընդունելի լինել չի կարող:

Ա. Երզնկեան և Ա. Ստամբոլցեան տարօրինակ են գտնում
Դաշնակցութեան պահանջը: Պարիտետի ընդունելուց յետոյ
պիտի ընդունել և նրանից բխող բոլոր հետևանքները: Փոքրա-
մասնութիւնը պիտի ենթարիւի մեծամասնութեանը: Այլ կերպ
աշխատանքն անհնարին է, առաւել ևս, որ նախնական բա-
նակցութիւնների ժամանակ այդպիսի պահանջ չէ արւած և
Դաշնակց. առարկութիւնը բաւարարւած էր նրանով, որ դրւած
էր Վրաստ. պարլամենտում 2-ի փոխարէն երեք ներկայացուց-
չի իրաւունք:

Իս. Յարութիւնեան. - Դաշնակցութեան յայտարարութիւ-
նը լուրջ է և արդիւնք կենտրոնական մարմնի որոշման: Ցան-
կալի է գիտենալ այդ յայտարարութիւնն անտես անելու
հետևանքները, որպէսզի ֆրակցիաները կշռադատեն իրենց
քայլերը:

Բ. Թովչեան (դաշն.). - Այդ զարմանքը, որ յայտնեցին այս-
տեղ մի քանիսներն իմ յայտարարութեան առթիւ, միանգա-
մայն անտեղի էր. աւագների խորհրդում դաշնակցութեան
ներկայացուցիչը դրել էր մեր կուսակցութեան պահանջը: Մեր
պահանջը չընդունելու և ընտրութիւնները կայացնելու դէպ-

քում մենք ստիպւած կը լինենք հրաժարել թէ՛ Գործադիր մարմնից և թէ՛ պրեզիդիումի մէջ մասնակցելուց, Խորհրդի մէջ մասնակցելու հարցը թողնելով առկախ, մինչ Կենտ. կոմիտէի համապատասխան որոշումը: Այն մեղադրանքը, թէ մենք փոխել ենք մեր վերաբերմունքը դէպի Ազգ. Խոր., ճիշտ չէ: Բոլորին յայտնի են այն զիջումները, որ մենք արեցինք և այն ջանքերը, որ գործ դրինք նրա կազմակերպման համար: Մեր դիրքը մնում է անփոփոխ, որովհետև այդ զիջումները մենք արել ենք գիտակցաբար, յանուն ծով կարիքի մէջ տառապող հայ աշխատւորութեան շահերի:

Թէր և դէմ վիճաբանութիւններից յետոյ որոշեց նիստը յետաձգել հինգշաբթի օրւան, մինչ այդ նշանակելով ֆրակց. ներկայացուցիչների խորհրդակցութիւն հարցի շուրջ համաձայնութեամբ գալու համար:

Տե՛ս Վրաստանի հայոց ազգ. խորհուրդ //
Աշխատաւոր, 28 օգոստոսի 1918, N 117:

N 11

Տեղեկատվություն «Հորիզոն» օրաթերթում՝ Վրաստանի ՀԱԽ-ի նախագահության անդրանիկ կազմի մասին

Վրաստանի Հայոց Ազգային Խորհրդի նախագահութեան մէջ ընտրուել են՝ Ա. Թադէոսեան, Գ. Ղարաջեան, Լ. Թումանեան և Ս. Յարութիւնեան: Գործադիր կոմիտէի և անդամների ընտրութիւնը յետաձգւած է:

Տե՛ս Լրատու //
Հորիզոն, 29 օգոստոսի 1918, N 171:

«Ժողովրդի Ձայն» պարբերականը՝ Վրաստանի ՀԱԽ-ի առաջացման պատճառների և նրա անդրանիկ քայլերի մասին

Այն օրից, երբ Հայոց Ազգային Խորհրդն իւր ամբողջ կազմով տեղափոխուեց Երևան¹⁹ հենց այն օրից կարիք առաջացաւ հիմնելու մի նոր ազգային խորհուրդ՝ Վրաստանի սահմաններում: Անշուշտ Վրաստանի հայերի կուլտուրական-գաղթականական և այլ խնդիրները չէր կարելի մատնել անուշադրութեան, պէտք էր առաջաւոր մի նոր մարմին՝ այդ պահանջներին բաւարարելու համար: Այսպիսով Վրաստանի Հայոց Ազգային Խորհուրդը կազմելու համար սկսուեցին բանակցութիւններ մեր մեջ եղած կուսակցութիւնների միջև - Դաշնակցական, Հայ Ժողովրդական Կուսակցութեան, Էսդեկների և Էսերների: Բաւական ժամանակ անցնելուց յետոյ կարողանում են համաձայնութեան գալ որոշ պայմաններով՝ կազմել Ազգ. Խորհուրդը պարիտետի սկզբունքով: Ամեն մի կուսակցութիւնից մասնակցում են 8-ական ներկայացուցիչ: Ընտրւած են աւագներ: Աւագների նիստերում թեր ու դէմ կարծիքներ փոխանակելուց յետոյ որոշում են ունենալ պրեզիդիում խորհրդի համար՝ ամեն մի կուսակցութիւնից մէկական հոգի: Հայ ժողովրդական կուսակցութիւնից պրեզիդիումի անդամ է՝ Ս. Յարութիւնեան, դաշնակցութեան կողմից՝ Ա. Թադէոսեան, Էսդեկներից՝ [Գ.] Ղարաջեան, Էսերներից՝ [Լ.] Թումանեան: Ընդունել է նաև գործադիր կոմիտէ ունենալու խնդիրը՝ բաղկացած դարձեալ 4 անդամից:

¹⁹ Իմա՝ 1918 թ. հուլիսի 17-ը, երբ արևելահայերի ազգային խորհուրդը մեկնեց Թիֆլիսից:

Ազգային Խորհուրդը իր լրացրած կազմով (8-ական) ունեցել է երկու նիստ: Ա. նիստում ընտրուել են պրեզիդիումի անդամները, իսկ ինչ վերաբերում է գործադիր կոմիտեի ընտրութեան – չկայացաւ այն. այդ մարմնի նախագահութեան ընտրութեամբ առանձնապէս շահագրգռուած են դաշնակցականներն ու էտեկները՝ էտերների հետ միացած: Խնդիրն ստանում էր այնպիսի կերպարանք, որ կարող է խորհրդի վիժման առիթ ներկայանալ: Մեր կուսակցութիւնը²⁰ առաջարկեց յետաձգել գործադիր մարմնի ընտրութիւնը՝ սկզբում բաւականանալ միայն նախագահութիւնով, վերջինիս յանձնելով ժամանակաւորապէս գործադիր կոմիտեի որոշ ֆունկցիաներ - ա) Վրացոց Ազգային խորհրդին հայ անդամներ ուղարկելը, բ) Աշխատել ըստ կարելոյն շուտ կազմակերպել Հայոց Ազգային Խորհրդի անդամների ընտրութիւնը, գ) Զբաղուել դպրոցական խնդիրներով և աշխատել Վրաստանի խորհրդից²¹ նիթական օժանդակութիւն ստանալ մեր դպրոցների համար: Այդ առաջարկութիւնն ընդունեց Դաշնակցութեան և միւս ֆրակցիաների կողմից օգոստոսի 21-ին, նիստին, որին նախագահում էր Ս. Յարութիւնեան: Այսպիսով, գէտ ժամանակաւորապէս ընդհատում է գործադիր կոմիտեի նախագահի շուրջն առաջացած վեճը, վերջին նիստում առաջարկում է մի քանի կոմբինացիաներ գործը համերաշխութեամբ վերջացնելու համար: Այդ յանձնում է աւագների խորհրդին և վերջնականապէս հարցը լուծելու և ապա բերելու Ազգային Խորհրդին: Երբ գործադիր կոմիտեն կազմուի այն ժամանակ նախագահութիւնն իւր՝ այդ մասին վերաբերեալ գործերը պէտք է յանձնէ

²⁰ Խոսքը Հայ ժողովրդական կուսակցության մասին է:

²¹ Պետք է լինի՝ խորհրդարանից, կամ՝ Վրաստանի Ազգային Խորհուրդ:

գործադիր կոմիտեին: 29-րդ²² նիստը որոշեց 1000 ռուբլի յատկացնել պրեզիդիումին սկզբնական ծախսեր անելու համար:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 1 սեպտեմբերի 1918, N 1:

N 13

Առաջաբան «Ժողովրդի Ձայն» օրաթերթում՝ Վրաստանի ՀԱԽ-ի առաջիկա, հրատապ և անհետաձգելի խնդիրների մասին

Վրաստանի Հայոց Ազգային Խորհրդի նախագահական ճգնաժամը վերջապես կարելի է աւարտուած համարել: Երկար ու բարակ բանակցութիւններից եւ անվերջ ընդմիջումներից յետոյ, վերջապէս հնարաւոր եղաւ գտնել այդ հարցի համար այնպիսի մի լուծում, որը թէպէտ և կոմպրոմիսսական է, բայց կարող է որոշ չափով մեղմացնել գրգռուած նեարդերն ու կրքերը և թոյլ տալ անցնել հերթական շինարար աշխատանքներին:

Մեր կուսակցութեան²³ ֆրակցիայի առաջարկով ընդունուեց հետևեալ բանաձևը. «Որովհետև գործադիր մարմնի ընտրութիւնները երկար ժամանակ չեն կայանում նախագահական աթոռի շուրջը առաջացած վէճի պատճառով և այդպիսով Վրաստանի Հայոց Ազգային Խորհուրդը հնարաւորութիւնից զուրկ է անցնել գործնական պարապմունքներին, ընտրել մի գործադիր մարմին առանց նախագահի, իսկ նախագահու-

²² Վրիպակ է վավերագրում, պետք է լինի՝ 2-րդ:

²³ Իմա՝ Հայ ժողովրդական կուսակցության:

թիւնը դարձնել հերթական, բոլոր կուսակցութիւնների ներկայացուցիչներին»:

Այդ առաջարկն ընդունուեց բոլոր ներկայ եղող կուսակցութիւնների կողմից և այսպիսով Խորհուրդը այժմ կանգնած է իր իրաւասութեան վերաբերուող հերթական և հրատապ հարցերի գործնական որոշումների առջև:

Ինչպէս ինքը Խորհուրդն է որոշել, նրա գործունէութեան սահմանները տարածուում են միայն և գլխաւորապէս ազգային կուլտուրական աստոնումիային վերաբերեալ հարցերի շուրջը, որոնց թւում ամենագլխաւոր տեղն է բռնում ի հարկէ մեր դպրոցական խնդիրների բարեյաջող լուծումը:

Խորհուրդը պիտի զբաղուի որոշ չափով և այն հարցերով, որոնք ամենից հրատապ են ու այրող: Այդ՝ մեր գաղթականութեան և ֆինանսների հարցն է:

Բացի այս երեք հարցերից Խորհուրդը պիտի զբաղուի ապագայում Վրաստանում գումարելիք ընդհանուր Հիմնադիր Ժողովի համար կոնստիտուցիա մշակելու խնդրով, յարմարացնելով այն մեր հայկական քաղաքացիական շահերի կենսական և իրաւական պահանջներին:

Այսպիսով Խորհրդի առաջ դրուած են շատ լուրջ և խոշոր հարցեր, որոնց նշանակութիւնը պէտք է որ պարզ լինի բոլոր այն կուսակցութիւնների համար, որոնք ներկայացուցիչներ ունին յիշեալ Խորհրդում:

Աչքի առաջ ունենալով այդ խնդիրների անվիճելի կենսականութիւնը և այժմէականութիւնը, մենք կարծում ենք, որ Վրաստանի Հայոց Ազգային Խորհուրդը իսկապէս կըմբռնի իր առաջ դրուած խնդիրների կարևորութիւնը և մի կողմ թողնելով կուսակցական ներշահերի պաշտպանումը, առանց անելորդ բանակութիւնների և ձգձգումների կանցնի իրական և գործ-

նական այն աշխատանքներին, որոնց վաղուց արդեն սպասում է Վրաստանի սահմաններում պատասպարուած հայ ժողովրդի մի խոշոր հատուածը:

Տե՛ս Վրաստանի Հայոց Ազգային Խորհուրդը //
Ժողովրդի Չայն, 10 սեպտեմբերի 1918, N 8:

N 14

Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 8-ի նիստի մասին

Նիստը բացում է Լ. Թումանեանի նախագահութեամբ երեկ[ոյան] ժամը 8-ին չնայելով, որ նշանակուած էր ժամը 7-ին:

Ժողովի նախագահի և ոմանց բացատրութիւններից երևաց, որ ֆրակցիաների աւագների խորհուրդը տակաւին չկարողացաւ լուծել գործադիր կոմիտէի նախագահութեան շուրջն առաջացած վեճը մի կողմից Դաշնակցութեան, միւս կողմից սոցիալ դեմոկրատների միջև:

Այնուհետև ստեղծուած արդէն անտանելի դրութիւնից դուրս գալու համար իբրև վերջին միջոց առաջարկուեց Հայ Ժողովրդական ֆրակցիայի կողմից հետևեալը: Ինչպէս հենց սկզբից, այժմ էլ առաջարկում ենք համաձայնել, որ խորհրդի նախագահութիւնը շարունակի իր հերթական նախագահութիւնը՝ Ազգային խորհրդի նիստերին, իսկ գործադիր կոմիտէ ընտրել և թողնել նրանց նոյնպէս հերթով – որոշ ժամանակամիջոցով – նախագահութիւն անելը:

Այս առաջարկութիւնը 10 րոպէ ընդմիջումից համաձայնութեան բերաւ բոլոր ֆրակցիաներին և այդպիսով վերջ տրւեց ծանր կացութեանը:

Ապա ժողովը որոշեց հետևեալ նիստին ներկայացնելու գործադիր կոմիտէի անդամների անունները և թեկնածուներ առաջադրել մեկական հոգի, հետևեալ սեկցիաների համար.

ա. գաղթականական

բ. դպրոցական

գ. ֆինանսական

դ. օրենսդրական և ընտրական

Հետևեալ նիստը նշանակուած է սեպտ. 10-ին երեկ. ճիշտ ժ. 7-ին:

Խ.

Տե՛ս Վրաստանի Հայոց Ազգային Խորհրդի
սեպտեմբ. 8-ի նիստը //
Ժողովրդի Չայն, 10 սեպտեմբերի 1918, N 8:

N 15

Լրագրային հաղորդում՝ Վրաստանի ՀԱԽ-ի 1918թ. սեպտեմբերի 10-ի նիստի մասին

Նիստը բացում է երեկ. ժամը 8-ին, չնայելով, որ քանիցս նախագահական աթոռից յայտարարված էր, որ խորհրդի անդամները ներկայանան ճիշտ ժամը 7-ին և խնայեն պարտաճանաչների ժամանակը: Նախագահում է պ. Գ. Ղարաջեան (Էդելե), քարտուղար էր պ. [Մ.] Դարբինեան²⁴:

Նախագահը նիստը բանալով յայտնեց, որ աւագների խորհրդում գործադիր կոմիտէի համար առաջարկուած թեկնածուների անուններից երկում է, որ 3 կուսակցութիւնները ցանկանում են դպրոցական վարիչի պաշտօնը: Դաշնակցու-

²⁴ Դարբինյան Մաթևոս Կարապետի (1889-1937), մանկական գրող:

թիւնը՝ գաղթականական, ուստի, քանի որ վերոյիշեալ երեք կուսակցութիւններից ֆինանսական աշխարհին աւելի մօտիկ է կանգնած Հայ Ժողովրդական Կուսակցութիւնը և որ վերջինս իր մէջ այդ գործի համար աւելի հմուտ անձնատրութիւններ ունի, - խնդրում ենք չպնդի դպրոցականի վրայ, այլ յանձն առնի ֆինանսների վարիչի դերը: Ժողովրդական Կուսակցութեան ֆրակցիայի կողմից Ս. Յարութիւնեանը յայտնում է, որ այդ հարցը մեր կոմիտեում ծեծուել է և եկել ենք այն եզրակացութեան, որ կարող ենք տալ թեկնածու միմիայն դպրոցական գործի համար: Բերում է պատճառներ իր ասածի հաստատութեան: Ապա յայտնելով մեր կուսակցութեան թեկնածուի անունը - Երուանդ Տէր-Մինասեան²⁵ - առաջարկում է ընդունել և հաստատել: Միւս ֆրակցիաներից առաջարկում են՝ սոցիալ-լեղափոխականներից՝ Անուշաւան Ստամբուլցեան, սոցիալ-դեմոկրատներից՝ Արամայիս Երզնկեան, իսկ դաշնակցականներից՝ Յովսէփ Արդութեան (գաղթականական գործի համար):

Առաջարկութիւն եղավ Հ. Ժ. Կ. կողմից հենց խորհրդում որոշուի, թէ վերոյիշեալ անձերից որը ինչ պաշտօն պիտի ստանձնի: Ուրիշներն առաջարկեցին այդ թողնել իրեն գործա-

²⁵ **Տէր-Մինասյան Երվանդ Գալուստի** (1879-1974), ականավոր բանասեր-պատմաբան, բառարանագիր: Փիլիսոփայություն (1904) և բանասիրության (1943) գիտությունների դոկտոր, պրոֆեսոր: ՀԽՍՀ գիտությունների վաստակավոր գործիչ: Ավարտել է Էջմիածնի Գևորգյան ճեմարանը, այնուհետև ուսումը շարունակել է Բեռլինի և Լոզանի համալսարաններում: Էջմիածնի վանքի վարդապետ (1905): 1910-ից հրաժարվել է հոգևոր կոչումից: Դասավանդել է Թիֆլիսի հայկական դպրոցներում: Ակտիվ մասնակցություն է ունեցել Վրաստանի ՀԱԽ-ի աշխատանքներում, հանդիսանալով նրա միջնակարգ դպրոցների գործերով զբաղվող բաժնի վարիչ (1918-1919): 1921-ին հայրենադարձ է եղել: Աշխատել է Էջմիածնի մշակութա-պատմական ինստիտուտում: 1943-1949-ին՝ ԵՊՀ-ի օտար լեզուների ամբիոնի վարիչ:

դիր մարմնին որոշելու: Քուէարկութեամբ 15 ձայնով ընդդէմ 10-ի և մի ձեռնպահի անցաւ երկրորդ առաջարկութիւնը: Սակայն կոնֆլիկտի դէպքում հարցը կրերուի Ազգ. Խորհրդի վերջնական որոշման:

1) Դպրոցական գործի համար առաջարկուեցին - ա) Իս. Յարութիւնեան (Հայ Ժողովրդ.), բ) Գ. Մանասեան (դաշնակցական), գ) Գէորգ Ղարաջեան (էս-դէկ), դ) Վահ. Թուրազեան (էս-էր):

2) Ֆինանսների համար՝ ա) Լ. Ղուկեան²⁶ (հայ ժող.), բ) Բագրատ Թովչեան (դաշն.), գ) Սիմէօն Փիրումեան (էսդէկ), դ) Միքայէլ Տէր-Ներսիսեան (էսէր):

3) Օրէնսդրական-ընտրական՝ ա) Արշակ Բարխուդարեան (հայ. ժող.), բ) Պօղ. Դոլուխանեան (հայ. ժող.), գ) Գար. Տէր-Ստեփանեան (դաշն.), դ) Լոռեցեան (դաշն.), ե) Սիմ. Փիրումեան (էսդէկ), գ).....²⁷ (էսդէկ), է) Լևոն Թումանեան (էս-էր), ը) Պարոյր Ստամբուլցեան (էս-էր):

4) Գաղթականական՝ ա) բժ. [Կ.] Ստեփանեան²⁸ (հայ. ժող.), բ) Արշակ Թադէոսեան (դաշն.), գ) Ար. Տէր-Գրիգորեան (էս-էր), դ) Լ. Էլբակեան (էսդէկ):

Ազգային Խորհրդի կոմիսիաների մէջ կարող են մտնել միմիայն խորհրդի անդամները և փոխանդամները: Խորհրդի կազմի և կանդիդատների վերջնական ցուցակը կը յայտարարուի հետևեալ նիստին, որ տեղի է ունենալու սեպտեմբերի 13-ին:

²⁶ **Ղուկյան Լևոն**, ՀՀ-ի պարենավորման նախարար (1918թ., նոյեմբեր –1919 թ., հունվար):

²⁷ Վավերագրում այդպէս է՝ տեղը բաց է:

²⁸ **Ստեփանյան Կարապէտ** (****-1919), ժամանակին եղել է Թիֆլիսի գլխավոր քաղաքային սանիտարական բժիշկը, Վրաստանի ՀԱԽ-ում գլխավորել է բժշկա-սանիտարական բաժինը, նույն ժամանակ առաջնորդել է ՀԺԿ-ն, լինելով նրա ԿԿ-ի փոխնախագահներից մեկը:

Ժողովի վերջում ժողովականներից մեկը առաջարկեց, որ գործադիր կոմիտեն կամ նախագահությունը մտածի ընդարձակ շենքի մասին, որ ցանկացողները կարողանան ներկայ լինել ունկնդրութեան:

Խ.

Տե՛ս Վրաստանի Հայոց Ազգային Խորհրդի սեպտեմբերի 10-ի նիստը //Ժողովրդի Ձայն, 12 սեպտեմբերի 1918, N 10:

N 16

Լրագրային հաղորդում՝ Վրաստանի ՀԱԽ-ի 1918թ. սեպտեմբերի 13-ի նիստի մասին

Սեպտեմբերի 13-ին կայացաւ Վիրահայոց Ազգային Խորհրդի նիստը նախագահութեամբ Սամսոն Յարութիւնեանի: Օրակարգն էր. - 1)գաղթականական յանձնաժողովի զեկուցումն, 2)դպրոցական զեկուցումն, 3)գործադիր մարմնի անդամների մէջ աշխատանքների բաժանումն, 4)Հնչակեան կուսակցութեան դիմումը, 5)Հայրենակցական միութիւնների միութեան դիմումը և 6)մշտական քարտուղարի հարցը:

Գաղթականական գործի մասին զեկուցումն արաւ յանձնաժողովի նախագահ [Ա.] Թադէոսեան. նա յիշեց գաղթականների թշուառ վիճակը, ֆինանսական ծանր դրութիւնը, նիւթական միջոցների սպառումը և շեշտեց, որ անհրաժեշտ է ամբողջ գործը կենտրոնացնել Ազգային Խորհրդի գործադիր մարմնի ձեռքում, լուծելով և վերակազմութեան ենթարկելով Գաղթականական Գլխաւոր Խորհուրդը. հենց այնպէս, մեր գաղթականութեան համար ծանր դրութիւն չստեղծուի, իսկ գործը ամենայն շտապողականութեամբ կատարուի:

Այս խնդրի շուրջը եղան երկարատև վիճաբանություններ, որից յետոյ միակ այն ընդունուեց, որ գաղթականական գործի ղեկավարութիւնը պիտի պատկանի Վիրահայոց Ազգային Խորհրդին, յանձնարարուեց գործադիր մարմնին գաղթականական գործի վերակազմութեան ընդհանուր ծրագիր մշակել և ներկայացնել Ազգային Խորհրդին: Երկրորդ առաջարկը՝ որ գործադիր մարմինը հենց վաղուանից իր վրայ վերցնէ գաղթականական գործի վարումը, անցաւ ձայների մեծամասնութեամբ հակառակ Հայ Ժողովրդ. Կուսակցութեան քուէների, որոնք առարկում էին, թէ այս առաջարկը հակասում է երկրորդին, որի համաձայն նախ պետք է վերակազմութեան ծրագիր մշակել:

Դպրոցական գործի, յատկապէս պետական միջնակարգ դպրոցների մասին գործադիր կոմիտէի կողմից զեկուցում արաւ Ար. Երզնկեան, որովհետև դպրոցական գործի վարիչ դեռևս վերջնականապէս ընտրուած չէր: Այդ զեկուցման հիմնական կէտերը մեր թերթում տպուած են արդէն²⁹: Գլխաւոր խնդիրը իրաւասութեան հարցն է - արդեօք կառավարութիւնը ճանաչում է Ազգ. Խորհրդի իրաւասութիւնը դպրոցական գործում: Ազգային Խորհուրդը հաւանութիւնը տուեց զեկուցմանը և առաջարկեց գործադիր մարմնին համապատասխան քայլեր անել:

Որովհետև գործադիր մարմնի անդամների մէջ աշխատանքների բաժանումն կատարել դեռ հնարաւոր չէ եղել, որոշուեց յանձնարարել առ այժմ կոլլեգիալ կերպով կառավարել, մինչև համաձայնութիւն կառաջանայ:

²⁹ Տե՛ս Տէր-Մինասեան Եր. Դպրոցական գործի ներկայ դրութիւնը // Ժողովրդի Չայն, 14 սեպտեմբերի 1918, N 12:

Ի վերջոյ Ազգային Խորհուրդը որոշեց մերժել Հնչակեան-ների և Հայրենակցական միութիւնների միութեան առաջարկը՝ իրենց ևս տեղեր յատկացնելու Ազգային Խորհրդում:

Թղթակից

Տե՛ս Վիրահայ Ազգային Խորհրդի նիստը //
Ժողովրդի Չայն, 17 սեպտեմբերի 1918, N 14:

N 17

Հաղորդագրություն՝ Վրաստանի վարչապետի և ՀԱԽ-ի լիազոր ներկայացուցիչների աշխատանքային հանդիպման մասին (1918 թ., 16 սեպտեմբերի)

Երէկ, ժամը 1-ին, Վրաստանի Հայոց Ազգային Խորհրդի կողմից պրեզիդիումի անդամներ պ.պ. Ա. Թադէոսեան և Ս. Յարութիւնեան և գործադիր մարմնի անդամներ՝ պ. պ. Ա. Երզնկեան և Լ. Թումանեան ներկայացան Վրաստանի կառավարութեան նախագահ՝ պ. Ն. Ն. Ժորդանիային: Ընդունելութեան ժամանակ արծարծւեցին գաղթականական, դպրոցական և այլ խնդիրներ: Պ[արոն] Ժորդանիան յայտնեց, որ Վրաստանի կառավարութիւնը համահաւասար և արդարացի կերպով է վերաբերուելու իր տերրիտորիայի վրայ ապրող ազգաբնակչութեան, առանց ազգային խտրականութեան և մասնատրապէս ուրախ է, որ Վրաստանի հայերը կազմակերպել են Ազգային Խորհուրդ, որի հետ և կառավարութիւնը կունենայ յարաբերութիւններ:

Տե՛ս Քրոնիկոն //
Ժողովրդի Չայն, 17 սեպտեմբերի 1918, N 14:

N 18

Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 20-ի նիստի մասին

Նիստը բաց է անում հերթական նախագահ Արշակ Թադե-
ոսեան երեկ[ոյան] 8 ժ. 10 րոպե պակաս, դարձեալ որոշուած
ժամանակ. 50 ր. ուշ:

Ժողովն անցնում է զբաղմունքի առարկաներին: Խօսք է
առնում Ար. Երզնկեան և զեկուցում է տալիս Բելի-Կլիւշի
դէպքերի մասին: Վրաց կառավարութիւնը նշանակել է Բելի-
Կլիւշի և շրջակայ գիւղացիների վրայ 2 մլն. 550 հազարի տու-
գանք, հաշուելով կողոպտուած իրերի արժէքի համաձայն: Թէ
ի՞նչ զարհուրելի ծանր բեռ է դրուած գիւղացիների վրայ,
բաւական է յիշել 90 ծուխ ունեցող մի գիւղի վրայ դրած 700.000
ռ. տուգանքը: Զօրքը գործ է դնում բռնութիւն, գողով առնում է
ցորեն, առանց որևէ վճարի, տեղի են ունեցել մահուան պա-
տիժներ: Իրանց կացութիւնից դուրս գալու համար գիւղացիք
մի քանի անգամ պատգամաւորութիւնների միջոցով դիմել են
Ազգ. Խորհրդի գործադիր կոմիտէին: Վերջինս դիմել է վրաց
կառավարութեան և աշխատել է կառավարութեան ուշադրու-
թիւնը գրաւել գիւղացիների անել դրութեան վրայ:

Կառավարութիւնը խոստացել է կարճ ժամանակուայ ըն-
թացքում զօրքերը հեռացնել այդ տեղերից և տուգանքի չափը
հաշուել, ո՛չ այն դրութեամբ, որ պէտք է լինէր պահեստներում
ըստ օրինի, այլ կողոպուտի մոմէնտից առաջ եղած իրերի ար-
ժողութեամբ: Բացի դրանից նշանակուելու է մի նոր քննիչ
յանձնաժողով, որին մասնակցելու իրաւունք է տրուում նաև
Ազգային Խորհրդի ներկայացուցիչներին: Այնուհետև ժողովը
լսում է գործ. կոմիտէի անդամ Յովսէփ Արդութեանի զեկու-

ցումը գաղթականութեան վերաբերեալ, սկզբից և եթ յայտնելով, որ դա լրիւ գեկուցում չէ, այդպիսին կը ներկայացնէ յետոյ: Նա նկարագրեց մեր այն գաղթականութեան դրութիւնը, որ գտնւում է 300 վերստ վրայ: Նրանք մերկ են, սոված, կեղտի մէջ, անխնամ: Եղած օգնութիւնը չափազանց քիչ է: Նա տեսել է ուրուականների մի խումբ, որոնք մահուան են դատապարտուած:

Նրանք բնակւում են բաց վրաններում կամ տախտակներից շինած տաղաւարներում, որոնք ունեն մեծ բացուածքներ: Նա մինչև մի ծայրից անցել է մինչև միւս ծայրը և նորից վերադարձել առաջին վրանին, արդէն 3-4 անշնչացած ընկած են եղել:

Առայժմ նա գործադիր կոմիտէի կողմից դնում է հետևեալ առաջարկութիւններ ընդունելու.

ա) [Հայ] Գաղթ[ականական կազմակերպությունների] Գլխ[ավոր] Խորհուրդը՝ կոչուի Ազգ. Խորհրդի գաղթականական բաժանմունք:

բ) Ազգ. Խորհուրդը յանձնարարի ֆինանսական մասնաժողովին՝ կարճ ժամանակուայ ընթացքում ներկայացնէ մի ծրագիր, թէ ինչ միջոցներով պէտք է դրամ գանձել, որի կարիքը հսկայական է:

գ) Իրաւունք տրուի գործադիր կոմիտէին լայն չափերով կազմակերպի հասարակական աշխատանքներ գաղթականների համար:

դ) Ազգ. Խորհրդն իրաւունք ունենայ կոնտրոլի ենթարկելու բոլոր այն հաստատութիւնները, որոնք նպաստ են ստանում Ազգ. Խորհրդից:

ե) Իրաւունք տալ գործադիր կոմիտէին գաղթականներին տեղավորելու համար որոշ քայլեր անելու:

Բոլոր յիշեալ առաջարկութիւններն ընդունում են:

Ապա [Ա.] Երզնկեան զեկուցում է Սուխումի հայերի ցանկութեան մասին: Այնտեղի Ազգ. Խորհուրդը որոշել է, որ հայութիւնն ընդունի Վրաստանի հպատակութիւնը, որի մասին Վրաստանի Հայ Ազգ. Խորհուրդի սանկցիան է խնդրում: Խորհուրդը դրական մտքով վճռեց խնդիրը:

Վերջում տեղի ունեցաւ քարտուղարի ընտրութիւնը: Քարտուղար ընտրուեց միայն Ազգ. խորհրդի և պրեզիդիումի նիստերի արձանագրութիւններին համար Դ.³⁰ Դարբինեանը 500 ռ. ռոճիկով:

Օրակարգի միւս հարցը – Վրաստանի պարլամենտի հայ անդամների ընտրութիւնը յետաձգուեց միւս անգամին:

Խ.

Տե՛ս Վրաստանի Հայոց Ազգային Խորհուրդ // Ժողովրդի Ձայն, 25 սեպտեմբերի 1918, N 19:

N 19

Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 22-ի նիստի մասին

Հերթական նախագահն է Լ. Թումանեան:

Նիստը բացւում է 7 և կէս ժ. և յայտարարւում է օրակարգը.
- ա) Վերջնական հաստատումն Ազգ. Խորհրդի անդամների և կանդիդատների, բ) Վրաստանի պարլամենտի 10 պատգամաւորների ընտրութիւն և գ) նակազի խնդիրը:

Ա. Ֆրակցիաները յայտարարում են Ազգ. Խոր. իրանց անդամների անունները:

³⁰ Վավերագրում հապավումը սխալ է, պետք է լինի «Մ»՝ Մաթևոս:

Հայ ժողովրդական կուսակցություն. – Ս. Յարութիւնեան, Լ. Ղուլեան, Արշ. Բարխուդարեան, Իս. Յարութիւնեան, Գ. Մեղիք-Ղարազեօղեան, բժիշկ Կ. Ստեփանեան, Եր. Տէր] Մինասեան, Խ. Կանայեան:

– Կանդիդատներն են. – Մին. Բերբերեան, Պ. Դոլուխանեան, Յ. Փիրալեան, Լ. Դանիէլեան³¹, Ռ. Յովհաննիսեան, Հայր. Յովհաննիսեան:

Հայ Յեղ. Դաշնակցություն. – Յ. Արղութեան, Արշ. Թաղեւսեան, Ս. Մանասեան, Լոռեցեան, Յովհ. Ամիրխանեան, [Դ.] Դալիթխանեան, Բ. Թոփչեան:

– Կանդիդատներն են. – Կ. Ղազարեան, Հ. Եաղջեան, Պ. Սոտնիկեան, [Ս.] Զարգարեան:

Սոցիալ-յեղափ. կուս. – Ա. Ստամբուլցեան, Լ. Թումանեան, [Ռ.] Ենգիբարեան, [Վ.] Թուրազեան, Պարոյր Ստամբուլցեան, Ա. Տէր-Գրիգորեան, [Ս.] Տէր-Ներսիսեան, բժիշկ Մարկոսեան:

– Կանդիդատներն են. – [Նիկ.] Թարխանեան, Մեղիքեան, [Ա.] Յովհաննիսեան, Սիմէօն Ղուլեան:

Սոցիալ-դեմ. կուս. – Ար. Երզնկեան, [Ս.] Ղարաբեգեան, [Ս.] Փիրումեան, [Բ.] Մկրտումեան³², [Ս.] Դարբինեան, [Լ.] Էլբակեան, [Ս.] Աբովեան, [Ս.] Պալեան:

– Կանդիդատներն են. – [Գ.] Ղարաջեան, Բալայեան, Յովակիմեան, [Գ.] Կաֆեան, Արշամ Տէր-Յարութիւնեան:

Այնուհետև ժողովն անցաւ 10-րդ անդամի ընտրութեան: Ամեն մի ֆրակցիան իրաւունք ունի 2-ական ներկայացուցիչ տալու, իսկ դաշնակցութիւնը 3. Այսպիսով 9 պատգամաւորի

³¹ ՀԺԿ-ի ԿԿ-ի քարտուղար:

³² **Մկրտումյան (Միկիբատումով) Բագրատ**, Վրաստանի խորհրդարանի պատգամավոր (1918-1919), ՎՍԴԲԿ-ի ԿԿ-ի անդամ (1920-1921):

ընտրութիւնն անվիճելի է. դրանք միայն պիտի յայտարարուեն ֆրակցիաների կողմից և Ազգ. Խոր. պիտի հաստատի: Միայն 10-րդ պատգամաւորը պիտի ընտրուի բոլորի համաձայնութեամբ: <...>

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 26 սեպտեմբերի 1918, N 20:

N 20

Լրագրային հաղորդում՝ Վրաստանի ՀԱԽ-ի 1918 թ. սեպտեմբերի 24-ի նիստի մասին

Հերթական նախագահն է. Գ. Ղարաջեան: Ժողովը բանալով նախագահը խօսք է տալիս գործադիր կոմիտէի նախագահ Ար. Երզնկեանին, որը Եր. Տէր-Մինասեանի ու Ան. Ստամբուլցեանի հետ ներկայացել են լուսաւորութեան մինիստրին³³ ու զրուցել մեր դպրոցական խնդիրների շուրջը: Մինիստրն ասել է, որ առհասարակ մենք ուշացել ենք. հնարաւորութեան սահմաններում կաշխատի բաւարարել Ազգ. Խորհրդի ներկայացուցիչներին: Այս ուսումնական տարում այլևս նշանակուած վերատեսուչները չեն փոխուի, բայց ուսուցիչ-ուսուցչուհիները կարող են նշանակուել այն ցուցակից, որ կը ներկայացնէ մեր գործադիր կոմիտէն: Յիրկուլիարով գիմնազիոններում ազգայնացումն սկսուելու է սկզբից մինչև դ. դասարանը: Գործ. Կոմիտէի անդամներն առաջարկել են թոյլատրել մինչև ա. դասարանը: Այնուհետև խօսք է լինում հպատակութեան օրէնքի մասին: Այս տարի այդ օրէնքը խստութեամբ չի գործադրուելու դպրոցներում: <...>

³³ Խոսքը Գիորգի Լասխիշվիլու մասին է:

Արշ. Բարխուդարեանի և Ս. Յարութինեանի առաջարկութեամբ որոշում է ունենալ իրաւաբանական կոմիսիա՝ բաղկացած Ազգ. Խորհրդի բոլոր իրաւաբաններից. այս կոմիսիան հրաւիրելու է հայկ. իրաւաբանների ընկերութիւնից նաև անդամներ, որոնք կատարելու են որոշ անյետաձգելի յանձնարարութիւններ:

Նախագահը դնում է 10-րդ պատգամաւորի «չարաբաստիկ» հարցը: Կրկին ընդմիջումներ, փոխադարձ զիջումների առաջարկութիւններ, սակայն և այնպէս խնդիրը մնում է անլուծելի: <...>

Առաջարկութիւն եղաւ 10-րդի ընտրութիւնը յետաձգել, այժմ ընտրել 9 հոգուն: Ընդունուեց այդ առաջարկութիւնը:

Ֆրակցիաների առաջարկած թեկնածուները Ազգ. Խորհրդի կողմից ընդունուեցին և հաստատուեցին: Վրաստանի պարլամենտի անդամներն են հետևեալները³⁴. –

Հայ Ժողովրդական կուս. – Արշակ Բարխուդարեան և Պօղոս Դոլուխանեան:

³⁴ Վրաստանի խորհրդարանում հայ համայնքի ներկայացուցչության կարևոր հարցին, անշուշտ, անդրադարձ եղավ նաև ՀՅԴ-ի կուսակցական մամուլում: Այսպէս, կարծիք հնչեց, որ «մեր ներկայացուցիչները միշտ պիտի <...> հեռու լինելով անպատասխանատու օպպոզիցիայի դերից, պիտի գործակցեն բոլոր այն տարրերի հետ, որոնք իրենց հերթին հեռու լինելով նեղ ազգայնական քաղաքականութիւնից, անվերապահ կերպով պաշտպանում են Վրաստանի դեմոկրատիայի շահերը»: Տե՛ս Աշխատաւոր, 24 սեպտեմբերի 1918: Այս խոսքերը հավելում է, մեր կարծիքով, մեկ այլ պարբերություն, որը խնդրո առարկան ավելի շեշտված է բացահայտում: «Մենք մեր պատգամաւորներին ուղարկելով Վրաստանի պարլամենտ՝ հրահանգում ենք <...> գործօն մասնակցութեամբ շինարար աշխատանք կատարել իբրև հասար, ազատ ու հարազատ քաղաքացիներ ուժեղ վրացական դեմոկրատական հանրապետութիւն ստեղծելու համար»: Տե՛ս Աշխատաւոր, 29 սեպտեմբերի 1918:

Հայ Յեղ. դաշնակցութիւն.– Զօրի Զօրեան³⁵, Տիգրան Աւե-
տիսեան³⁶ և [Դ.] Դաւիթխանեան:

Սոցիալ-դեմոկրատ. – [Ս.] Փիրումեան և [Ա.] Իվանեան³⁷:

Սոցիալ-լեղափ. – Լևոն Թումանեան և Նիկ. Թարխանե-
ան³⁸:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Չայն, 28 սեպտեմբերի 1918, N 22:

³⁵ **Զորյան Զօրի Նավասարդի** (1886-1943), ծնվել է Թիֆլիսում: Հայրը Գողթն գավառի Յոնա գյուղից էր, զույ: Զորյանը Ախալցխայի քաղաքագլխի պարտականութիւնները մեծ պատվով ու ջանասիրությամբ կատարեց՝ 1917-ի նոյեմբերի վերջերից մինչ 1921-ի գարունը: Նա հաջողությամբ ղեկավարեց Ախալցխայի ինքնապաշտպանությունը (1918թ., փետրվար-հունիս) թուրք-մեսիւթական խաժամուժի դեմ, այնուհետև կնքեց մի համաձայնագիր օսմանական կողմի հետ, ինչը փրկեց ախալցխացի հայերին ու վրացիներին գաղթի բոլոր այն աղետաբեր հետևանքներից, որոնք տեղի ունեցան Ջավախքի պարագայում: Զորյանը հանդիսանում էր ՀՅԴ-ի Վրաստանի ճյուղի առաջնորդներից մեկը, ինչպես նաև ներկայացնում էր այդ կուսակցությունը Սահմանադիր ժողովում (1919 թ. օգոստոս – 1921 թ. մարտ): 1920-ից, մինչև նրա լուծարումը, զխավորում էր Կովկասի Հայ Բարեգործական Ընկերու-թյան վարչությունը:

³⁶ Վրաստանի Սահմանադիր ժողովի պատգամավոր (1919-1921):

³⁷ ՀԱԽ-ի նիստի որոշմամբ 1918 թ. հոկտեմբերի 17-ին նրանց գումարվեց նաև Ար. Երզնկյանը: Տե՛ս N 27 վավերագիրը:

³⁸ 1918 թ. հոկտեմբերի 1-ին Վրաստանի ՀԱԽ-ի ըտրված լիազորները ներկայացան վրաց խորհրդարան և ճանաչվեցին որպես նրա իրավագոր անդամներ: Գործընկերների անունից խորհրդարանի պատգամավորներին ամբիոնից ողջունեց Դ. Գ. Դավիթխանյանը, որն ի միջի այլոց ասաց. «Մենք Հայոց Ազգային Խորհրդի ներկայացուցիչներն ենք, բայց եկել ենք այստեղ ոչ թէ միայն մեր ազգային-կուլտուրական շահերը պաշտպանելու, այլև Ձեզ հետ միասին լծուելու և մեր փոքրիկ ազատ հայրենիքի – Վրաստանի բարորութեան համար աշխատելու»: Տե՛ս Վրաց Ազգային Խորհուրդ // Ժողովրդի Չայն, 5 հոկտեմբերի 1918: Խորհրդարանի բարձր ամբիոնից հնչած այս խոստովանությունը դահլիճի կողմից դիմավորվեց որոտալից ծափահարու-թյուններով: Վրաց կուսակցական մամուլը նույնպես ջերմորեն ողջունեց հայ պատգամավորներին: Տե՛ս Նեյթրալիտեթ, 4 օկտոմբեր 1918. Նաև Յրոմա, 4 օկտոմբեր 1918.

N 21

Հաղորդագրություն՝ Վրաստանի ՀԱԽ-ում ՀՀ զորքերի հրամանատար Թովմաս Նազարբեգյանի հյուրընկալման մասին

Վրաստանի Հայոց Ազգային Խորհրդի Նախագահու թիւնը և Գործադիր Մարմինը հինգշաբթի, [1918 թ.] սեպտեմբերի 26-ի երեկոյեան հանդիսատր կերպով ընդունեցին Խորհրդի շինութեան մէջ հայոց զորքերի հրամանատար գեներալ Ֆ. Ի. Նազարբեգովին, ողջունեցին նրա գալուստը և հիւրասիրեցին թէյով ու քաղցրաւենիքով: Հրաւիրուած և ներկայ էին Հայաստանի Հանրապետութեան դիւանագիտական բաժանմունքի ներկայացուցիչ պ. Ա. Ջամալեան իր օգնականներով, զինուորական նախարարի պաշտօնակատար գեներալ Ի. Ս. Բաղրամեան, Հայոց պատուիրակութեան զինուորական խորհրդական գեներալ Գ. Գ. Կորգանով, Ադրբեջանի Հայոց դիւանագիտական բաժանմունքի ներկայացուցիչ պ. Ա. Բեգզադեան և Հայոց Ազգային Խորհրդի³⁹ լիկուիդացիոն մասնաժողովի նախագահ պ. Լ. Ղուլեան: Ողջոյնի ճառեր արտասանեցին պ.պ. Ս. Յարութիւնեան և Ա. Թաղեոսեան. շատ զգացուած պատասխանեց գեն. Նազարբեգովը, յայտնելով խորին շնորհակալութիւն: Տեղի ունեցաւ հետաքրքրական և մտերմական զրոյց, որը տևեց մօտ երեք ժամ:

Տե՛ս Գեներալ Նազարբեգովը
Վրաստանի Հայոց Ազգային Խորհրդում //
ժողովրդի Չայն, 28 սեպտեմբերի 1918, N 22:

³⁹ Խոսքն Արևելահայերի ազգային խորհրդի մասին է, որը գործեց Թիֆլիսում մինչև 1918 թ. հուլիսի 17-ը:

**Հաղորդագրություն՝ Վրաստանի ՀԱԽ-ի նախաձեռնությամբ
հրավիրված և որբերի խնամատարության հարցը քննող
1918 թ. հոկտեմբերի 1-ի խորհրդակցության մասին**

Երեքշաբթի հոկտեմբերի 1-ին, բարեգործ ընկերութեան դահլիճում տեղի ունեցաւ Վրաստանի Հայոց Ազգ. Խորհրդի գաղթականական բաժնի հրաւերով գումարւած Թիֆլիսի հայ ազգային հասարակական ընկերութիւնների և կազմակերպութեանց ներկայացուցիչների խորհրդակցութիւն հայ որբերի խնամատարութեան հարցի շուրջը: Ներկայ էին 20-ից աւելի հաստատութիւնների կողմից 35 հոգի, նախագահ ընտրուեց Արշ. Թադէոսեան: Գաղթ. Բաժնի նախագահ Յ. Արղութեան կարդաց համառօտ զեկուցում որբերի թիւի և վիճակի մասին: Ձեկուցման համաձայն գաղթական. բաժնի նպաստներով, ինչպէս և Ամերիկական Կարմիր Խաչի ընկերութեան օժանդակութեամբ. Թիֆլիսի և շրջակայքի որբանոցներում խնամուում են 3 հազարի չափ որբեր, բացի դրանից մօտաւորապէս 10 հազար որբ տակաւին մնում են թէ քաղաքից դուրս զանազան գաղթականական կենտրոնատեղիներում և թէ քաղաքում իրենց անօգնական և թէ քաղցած ծնողների խնամքի տակ փողոցներում ցիրուցան եղած, դրանք բոլորն էլ մերկ են, կեղտոտ, հիւժուած և ենթակայ անխուսափելի կորստի, եթէ ամենակարճ միջոցում չժողովուեն և որբանոցներում չպատսպարուեն:

Սակայն Ազգային Խորհրդի գաղթականական բաժինն անկարող է այդ անել, որովհետև այդ նպատակով եղած միջոցները խիստ սահմանափակ են և սպառուելու վրայ, և, միւս կողմից, եղած միջոցների թոյլ տուած սահմաններում անգամ

այդ ուղղութեամբ գործող կազմակերպութիւններն անկարող են բոլոր որբերին պատասպարել գլխաւորապէս բնակարանի համար շէնքեր գտնելու և մի շարք այլ արգելափոխ հանգամանքների շնորհիւ: Ուստի անհրաժեշտ է, որ ամբողջ հայ հասարակութիւնը իր բոլոր խաւերով հանդէս գայ և ինքը որոշէ հայ որբերին սպառնացող կորստից փրկելու միջոցները: <...>

Վ. Փ.

Տե՛ս Խորհրդակցութիւն հայ որբերի պահպանութեան
հարցի մասին //
Ժողովրդի Չայն, 5 հոկտեմբերի 1918, N 27:

N 23

Տեղեկատվություն՝ Վրաստանի ՀԱԽ-ին հայ «կադէտների» դիմումի մասին

Ժողովրդական Ազատութեան Կուսակցութեան կից հիմնուել է նոյն կուսակցութեան հայկական ֆրակցիան, որի վարչութիւնը դիմել է Վրաստանի Հայոց Ազգ. Խորհրդին իրանց ֆրակցիայի անդամներին էլ տեղ տալ յիշեալ Խորհրդում, բացատրելով այս պահանջը այն հիմունքով, որ իրանք ոչ մի կապ չունեն Հայ Ժողովրդակ. Կուսակցութեան հետ, որից տարբերոււմ են զանազան տակտիկական և գաղափարական հարցերում:

Տե՛ս Քրոնիկոն //
Ժողովրդի Չայն, 4 հոկտեմբերի 1918, N 26:

**«Ժողովրդի Ձայն» օրաթերթը՝ Վրաստանի ՀԱԽ-ի 1918 թ.
հոկտեմբերի 6-ի նիստի մասին**

Ժողովին նախագահում է պ. Սամսոն Յարութիւնեան, առաջարկում է յոտնկայս յարգել Բագուի հայ ժողովրդի ընկածների յիշատակը: Ժողովը ոտքի է կանգնում:

Խօսք է տրւում Բելի-Կլիւչի դէպքերի առթիւ⁴⁰ նշանակուած քննիչ յանձնաժողով հայ անդամ Ալէքսանդր Պապովեանին:

Նա յայտնում է, որ այդ խոշոր և ըստ ամենայնի հետաքրքրական գործի քննութիւնը դեռ շարունակւում է, ուստի վերջնական խօսք ասել չի կարող:

Զեկուցումից յետոյ Ազգ. Խորհուրդը որոշեց նորից դիմել կառավարութեանը, որ զօրքն այնտեղից հեռացուի և 2 մլն. 600000 ռ. գանձումը ժամանակաւորապէս դադարեցուի մինչև քննութեան վախճանը:

Ժողովը լսում է Ազգ. Խորհրդի կողմից նշանակուած քննիչ յանձնաժողովի զեկուցումը Գայիանեան դպրոցի վերաբերմամբ: Զեկուցող պ. [Ս.] Ղարաբեգեանը մանրամասն կարդում է քննութեան խնդրին վերաբերեալ կարևոր դոկումենտները:

⁴⁰ Անդրկովկասյան դաշնութեան կազմալուծման պահին տիրող անիշխանութեան մթնոլորտում Թիֆլիսի գավառի Բելի-Կլուչ (թորք.՝ Աղբուլաղ, վրաց.՝ Թէթրի-Օղարո) բնակավայրում գտնվող և հսկայական պաշարներ ունեցող ռազմական պահեստները՝ ի սպառ թալանվեցին տեղի բնակիչների կողմից: Վրաց կառավարութեան ձեռնարկած միջոցների շնորհիվ կիրառվեցին նաև պատժիչ գործողութիւններ, որոնք այնուհետև ակամայից ազգային հալածանքի բնույթ ստացան, քանզի տեղի բնակչութեան մեծ մասը բաղկացած էր ռուս և հայ երկրագործներից: Տե՛ս նաև Ռուսաց Ազգային Խորհրդի հաղորդածը Բելի-Կլիւչի անկարգութիւնների մասին // Ժողովրդի Ձայն, 8 սեպտեմբերի 1918, N 7:

Յանձնաժողովը մանրագննիչ քննության չէ առել հոգաբարձության և ուսուցչության փոխյարաբերությունները և ոչ էլ մեղադրել մեկին կամ միւսին ըստ էության, այլ ի շահ դպրոցի, որ ահա մի ամբողջ տարի է ինչ ենթարկուած է՝ իր վրայ կրելու երկու խմբերի տարաձայնությունների դառն հետևանքներ և մինչև այժմ էլ երերուն վիճակում է, - հիմնուելով մի շարք փաստաթղթերի վրայ եկել է այն եզրակացության, որ արձակուած պիտի համարուեն թէ՛ հոգաբարձուները և թէ՛ ուսուցիչները: Ապա Ազգ. Խորհուրդը ընտրէ մի լիազօր չէզոք անձերից բաղկացած մարմին, որ վարէ դպրոցական բոլոր գործերը միչև հոգաբարձության նոր ընտրությունները կը նշանակուեն:

Ազգ. Խորհրդի Գործադիր Կոմիտէն պ. Երզնկեանի միջոցով յայտնեց, որ համաձայն է քննիչ յանձնաժողովի Ա. կէտին, սակայն դպր. ուսումնական գործերը վարելու է Գործադիր Կոմիտէն ինքը, և ոչ մի առանձին մարմին, մինչև հոգաբարձական ընտրությունների կայանալը: Գործադիր Կոմիտէն կը հրաւիրէ տեսուչ և ուսուցչական խումբ:

Ա. Բարխուդարեան և Ա. Թադէոսեան արդարութեան և իրաւական տեսակէտից առաջարկում են անմիջապէս անցնել հոգաբարձական ընտրություններին և նրան յանձնել ամբողջ գործը:

Ժողովը ինդիքը մանրագննին քննութեան ենթարկելուց յետոյ՝ ձայների մեծամասնութեամբ ընդունեց Գործադիր Կոմիտէի առաջարկութիւնը:

Այնուհետև Երզնկեանը համառօտ զեկուցում տուեց Բագուի դէպքերի մասին: Լրացուցիչ տեղեկութիւն տուաւ նաև Ս. Յարութիւնեանը: Չոհերի թիւը եղել է առնուազն 20.000 հոգի: Մնացածները գտրուում են անել կացութեան մէջ, ժողովուր-

դը մատնուած է սովի, իսկ ինտելիգենցիան սարսափի: Ազգ. Խորհուրդը որոշեց մի պատգամաւորութիւն ուղարկել Բագու՝ ստեղծելու նորմալ յարաբերութիւն ու կարգ հայերի և կառավարութեան միջև և հասցնել անմիջական օգնութիւն Խորհրդի աղքատիկ գանձարանից առայժմ 100.000 ռուբլի:

Ազգ. խորհուրդը Գործադիր Կոմիտէի պաշտօնները բաշխեց հետևեալ ձևով.- Գաղթականական մասը վարելու է Յ. Արղուբեան (դաշն.), դպրոցականը՝ Ե. Տէր-Մինասեան (Հայ. Ժող.) և Ա. Ստամբուլցեան (էս-էր), իսկ ֆինանսականը՝ Ար. Երզնկեան (էս-դէկ):

Խ. Կ.

Տե՛ս Վրաստանի Հայոց Ազգային Խորհուրդ //
Ժողովրդի Չայն, 8 հոկտեմբերի 1918, N 29:

N 25

«Հորիզոն» օրաթերթը՝ Վրաստանի ՀԱԽ-ի 1918 թ. հոկտեմբերի 6-ի նիստի մասին

Վրաստանի Հայոց. Ազգ. Խորհուրդը լսելով քննիչ յանձնաժողովի նախագահ Մ. Ղարաբեգեանի զեկուցումը Գայիանեան օրիորդաց դպրոցի մասին, որոշեց. 1)յուլիսի 1-ից արձակուած համարել թե՛ ուսուցչական և թե՛ հոգաբարձական կազմը, 2)գործի ղեկավարութիւնը յանձնել ժողովրդական խորհրդի գործադիր օրգանին՝ մինչև ծխական ժողովի գումարումն ու հոգաբարձութեան ընտրութիւնը:

Գործադիր կոմիտէի անդամ Ա. Ստամբուլցեանի զեկուցման համաձայն, պարզեց, որ գործ. կոմիտէն ձայների մեծամասնութեամբ որոշել է հետևեալ կերպով կազմել բաժանմունքները. 1)գաղթականական բաժանմունքի ղեկավարն է Յ.

Արդութեան (դաշնակ), 2) դպրոցական գործի ղեկավարներն են՝ Ա. Ստամբուլցեան (Էս-Էր) և Ե. Տէր-Մինասեան (հ. ժ. կ.) 3) ֆինանսական բաժանմունքի ղեկավարն է Ա. Երզնկեան (սոց.-դեմ.):

Վրաց հանրապետութեան ազգ. խորհրդի համար 10-րդ անդամի ընտրութիւնը յետաձգուեց հոկտ. 9-ի նիստին:

Նիստի սկզբում Ա. Ստամբուլցեանի առաջարկով խորհուրդը յոտնկայս յարգեց Բագում վանդալիզմի գոհերի յիշատակը:

Վրաստանի Հայոց Ազգային Խորհուրդը լսելով Ա. Երզնկեանի զեկուցումը Բագւի անցքերի և Բագւի հայերի դրութեան մասին, որոշեց օգնութեան հասնել տուժածներին և խորհրդի միջոցներից ուղարկել առայժմ հարիւր հազար ռուբլի:

Հոկտ. 6-ի նիստում՝ խորհուրդը լսելով քննիչ յանձնաժողովի անդամ երդւեալ-հաւատ[արմատար] Ա. Պապովեանի զեկուցումը Բելի-Լիւչի անցքերի մասին, որոշեց դիմել վրաց կառավարութեան և խնդրել՝ 1) ժամանակաւորապէս, մինչև քննութեան վերջանալը, յետաձգել կառավարութեան նշանակւած 2600000 ռ. տուգանքի գանձումը, 2) խնդրել կառավարութիւնից, որ Բելի-Կիւչից և շրջանից հեռացնէ պատժիչ զօրախումբը, քանի որ այնտեղ այժմ կատարեալ հանգստութիւն է տիրում:

Տե՛ս Վիրահայ Ազգային Խորհուրդ //
Հորիզոն, 10 հոկտեմբերի 1918, N 205:

N 26

**Լրագրային հաղորդում՝ Վրաստանի ՀԱԽ-ի 1918 թ.
հոկտեմբերի 12-ի նիստի մասին**

Նախագահում է [Մ.] Ղարաբեգեան:

Մի մասնաւոր խորհրդակցութիւնից յետոյ, որ տևեց բաւականին երկար ժամանակ, խորհուրդը կարողացաւ զբաղուել միայն օրակարգի մի խնդրով, – այն է ինվալիդների և գերիների:

Հայաստանի Հանրապետութեան դիւանագիտական ներկայացուցչի դիմումի համաձայն – խորհուրդը որոշեց գաղթականական ֆոնդից 60000 ռուբլի փոխարինաբար յատկացնել՝ գերիների և ինվալիդների կարիքների համար⁴¹: <...>

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 13 հոկտեմբերի 1918, N 34:

N 27

**Լրագրային հաղորդում՝ Վրաստանի ՀԱԽ-ի 1918 թ.
հոկտեմբերի 17-ի նիստի մասին**

Նախագահում է պ. Լ. Թումանեան: Խօսք է տրում Գործադիր Կոմիտէի նախագահ պ. Արամայիս Երզնկեանին: Վերջինիս տուած տեղեկութիւններից երևաց, որ Գործադիր Կոմիտէի բոլոր ջանքերը՝ Բելի-Կլիւշի հայ ազգաբնակութեան նեղ դրութիւնից ազատելու համար՝ յաջողութեամբ է պսակուել: Քննութիւնը պարզել է կառավարութեան առաջ, որ ազգաբնակութիւնը արժանի չէր այն խոշոր պատժին, որին ենթարկուած

⁴¹ Խոսքը Վրաստանի տարածքով տուն վերադարձող այն հայ զինվորականների մասին է, որոնք մինչ այդ գերության մեջ էին գտնվում Գերմանիայում և Ավստրա-Հունգարիայում:

էր նա, ուստի իր և պ. Ա. Պապովեանի անմիջական միջամտութեամբ Վրաստանի կառավարութիւնը որոշել է յետ կանչել Բէլի-Կլիւչից անմիջապէս զօրքը, որի փոխարէն կուղարկուի մի փոքր զօրամաս՝ իբրև այնտեղի գարնիզոն: Բացի դրանից հրամայուած է այլևս տուգանքը չըհաւաքել, արդէն ժողովուած գումարի մի մասը գործադրուելու է տեղական-կուլտուրական կարիքների համար, իսկ միւս մասն էլ կը վերադարձնուի ազգաբնակութեան:

Գաղթականական խնդրի նկատմամբ զեկուցանողը յայտնեց, որ ամենից շատ հոգացողութեան առարկայ է եղել Գործ. Կոմիտէի համար Ախալքալաքի գաղթականութիւնը, որոնց հայրենիք վերադառնալու խնդիրն է դրուած հրապարակ: Վրաստանի կառավարութեան՝ զինուորական և քաղաքացիական կառավարիչների հետ պիտի գնայ և Ազգ. Խորհրդի ներկայացուցիչը (իր օգնականներով), որ կարողանայ թշուառ գաղթականների վերադարձը փոքր ինչ կանոնաւոր կերպով կազմակերպել և առհասարակ վերահասու լինի նրանց շահերին:

Շայերի տեղերը բռնած են թաթարները. վերջիններս եթէ կամովին չհեռանան, անշուշտ զինուորական ուժը կը հեռացնի նրանց, քանի որ վրաց կառավարութիւնը սկզբունքով ընդունում է, որ այդ վայրերը պիտի պատկանին իրենց նախկին իսկական տերերին:

Ապա զեկուցում է տալիս դպրոցական խնդրի նկատմամբ Երուանդ Տէր Մինասեանը:

Նրա և իր ընկերների աշխատանքով՝ պետական դպրոցների վերաբերմամբ մի շարք խնդիրներ պարզել են, սակայն փաստօրէն ազգայնացած դպրոցների վերաբերմամբ, իսկ տակաւին Ազգային Խորհուրդը հսկողութիւն ունենալու իրաւուն-

քից զուրկ է մնում: Աւելի կնճռոտ է Եկեղ.-ծխակ. դպրոցների հարցը: Արդէն առաջնորդը շրջաբերականով պատուիրել է հոգաբարձուներին չլսելու ո՛չ մի իշխանութեան, բացի, իրեն հոգևոր իշխանութեան, որ տէր և տնօրէն է հանդիսանում յիշեալ դպրոցների⁴²:

Այնուհետև կանգ է առնում Գայիանեան դպրոցի չարաբաստիկ խնդրի վրայ: Հոգաբարձութիւնը թուղթ է ուղարկել Ազգ. Խորհրդին յայտնելով, թէ ինքը հրաժարուում է և դպրոցի շուրջը ծագած անախորժութիւնների պատասխանատուութիւնը թողնում է Ազգ. Խորհրդի վրայ:

Սամսոն Յարութիւնեանը յայտնում է, որ Գործ. Կոմիտէն ամեն կերպ պիտի աշխատի, որ խնդիրը լուծուի առանց կոնֆլիկտի, ինչպէս այդ մասին դեռ սկզբներում Հայ ժող. Կուսակ. ֆրակցիան գրել էր, որ դպրոցների կառավարութիւնն ստանձուի հոգ[ևոր] իշխանութեան հետ համաձայնութեան գալով:

Ազգային Խորհուրդը կրկին զբաղուելով Բագուի հայերի խնդրով, որոշեց անմիջապէս ուղարկել Բագու 4 հոգուց բաղկացած մի պատգամաւորութիւն: Պատգամաւորութիւնը կը կազմէ Գործ. մարմինը և կը հոգայ նրան ուղարկելու հանգամանքների մասին:

– Ընդունուում և հաստատուում է հրահանգը (նակագր) 58 կէտից բաղկացած չնչին փոփոխութիւններով:

Այս նիստին վերջապէս լուծուեց 10-րդ պատգամաւորի ընտրութեան հարցը: 5 րոպէի ընդմիջումից յետոյ՝ Ազգ. Խորհուրդը առաջարկուած երկու թեկնածուներից – Ա. Երզնկեան (Էս-դէկ) և Ենգիբարեան (Էս-էր) – պերսոնալ-բաց քուէարկու-

⁴² Տե՛ս N 28 վավերագիրը:

թեամբ, ձայների խոշոր մեծամասնութեամբ, ընտրեց պատգամաւոր Վրաստանի պարլամենտի համար – Երզնկեանին:

Ժողովի վերջում Ժողովրդական ազատութեան Կուսակցութեան (կադետների) Հայկական ֆրակցիայի ներկայացուցիչ պ. [Ե.] Խանդանեանը հարց բարձրացրեց, որ իրենց ևս տեղ տրուի Ազգ. Խորհրդում – որպէս մի առանձին հոսանք հայկական կեանքում: Սակայն ձայների մեծամասնութեամբ – ընդդէմ Հայ Ժողովրդական Կուս. ֆրակցիայի ձայների – մերժուեց Խանդանեանի առաջարկութիւնը:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Չայն, 19 հոկտեմբերի 1918, N 39:

N 28

Վրաստանի և Իմերեթի թեմի հոգևոր առաջնորդ Մխիթար եպիսկոպոս Տեր-Մկրտչյանի՝ հայկական եկեղեցական-ծխական դպրոցների հոգաբարձությանը 1918 թ. հոկտեմբերի 5-ին հղած N 298 առաջադրությունը՝ Հայոց Ազգային Խորհրդի հետ փոխհարաբերությունների մասին

Վերջին ժամանակներս թեմիս հայոց եկեղեցական ծխական դպրոցների հոգաբարձութիւններից ոմանք Վրաստանի Հայոց Ազգային Խորհրդի Գործադիր Մարմնից ստացել են գրութիւններ, որոնցով Գործադիր Մարմինը տրամադրութիւն է ցոյց տուել միջամտին լինելու Հայոց եկեղեցական դպրոցների գործերին, որոնք գտնուում են բացառապէս ծխական համայնքների և հոգևոր իշխանութեան տեսչութեան ներքոյ: Ուստի և պատուիրում եմ Ձեզ որևիցէ թիրիմացութիւնից խուսափելու համար շրջաբերականով բացատրել շրջանիդ Հոգա-

բարձրություններին, որ նրանք պարտաւոր են անշեղ ղեկավարուել Նորին Վեհափառութեան Ազգիս Ընդհարական Հայրապետի կողմից մեր եկեղեցական-ծխական դպրոցների համար հաստատուած ընդհանուր ծրագրով և կանոնադրութեամբ, ուստի և որևիցէ կողմնակի միջամտութիւն դպրոցական գործերում անընդունելի է:

Տե՛ս Սրբազան Առաջնորդի շրջաբերականը //
Ժողովրդի Ձայն, 19 հոկտեմբերի 1918, N 39:

N 29

Լրագրային հաղորդում՝ Վրաստանի ՀԱԽ-ի 1918 թ. հոկտեմբերի 25-ի նիստի մասին

Նախագահում է [Դ.] Դաւիթխանեանը: Գործադիր Կոմիտէի նախագահ Արամայիս Երզնկեան առաջարկում է յոտնկայս յարգել նորոգ հանգուցեալ հասարակական և կուսակցական (դաշնակցական) գործիչ Աւետիք Շահխաթունեանի յիշատակը: Ժողովականները ոտքի են կանգնտում:

Երզնկեանն այնուհետև զեկուցում է հայ-վրացական սահմանագծում առաջացած անհամաձայնութիւնների առթիւ: Ազգ. Խորհուրդը այդ հարցը ենթարկեց մանրագնսին քննութեան և արաւ հետևեալ եզրակացութիւնը:

Վրաստանի Հայոց Ազգ. Խորհուրդը յայտնում է ջերմ ցանկութիւն Վրաստանի և Հայաստանի կառավարութիւններին, որ սահմանագծում ծագած վէճը որոշուի փոխադարձ համաձայնութեամբ – խաղաղ ճանապարհով – առանց կողմնակի միջամտութեամբ:

Այնուհետև [Յ.] Արդութեանը զեկուցեց Ախալքալաքի շրջանի գաղթականների վերադարձի խնդրի մասին: Թիւրք

կառավարությունը զանազան պատրուակներով խոչընդոտն է հանդիսանում մեր գաղթականութեան շուտափոյթ վերադարձի խնդրում: Թիրքերը պահանջ են դնում, որ Ախալքալաքում վերաբնակուած թաթարները մնան հայերի գիւղերում, իսկ հայերը բռնեն ազատ մնացած գիւղերը: Խալիլ փաշան հրամայել է, ա) որ կազմուի մի կոմիսիա՝ բաղկացած 2 թուրքից, մի վրացուց և մի հայից, որը տեղաւորելու է գաղթականներին, բ) որ կոմիսիան կազմի գաղթականութեան ցուցակը – որի մէջ մտնելու են միայն բնիկ ախալքալաքցիք. ցուցակը պիտի հաստատուի Խալիլ փաշայից⁴³ – նոր սկսուի վերադարձը և գ) այն, որ վերևում յիշեցինք, թէ հայ գիւղացիք կը տեղաւորուեն ազատ գիւղերում:

Խորհրդակցութիւնից յետոյ ընդունուեց Սամսոն Յարութիւնեանի հետևեալ բանաձևը միաձայն.

Ի նկատի առնելով, որ տաճկաց հրամանատար Խալիլ փաշայի առաջարկած և երեք կէտերում ամփոփուած պայմանները Ախալքալաքի գաղթականութեան վերադարձի մասին փաստօրէն անհնարին են դարձում գաղթականների վերադարձը իրենց վայրերը, ի նկատի առնելով, որ եթէ թոյլ է տրուում ներգաղթը, – այդ դէպքում ներգաղթը պէտք է հասկանալ և պէտք է կատարուի այն մտքով, որ վերադարձող գաղթականները վերադառնան իրենց բնիկ վայրերը և ամեն մի վերադարձող գաղթական ստանայ իր տունը և հողը – Վրաստանի Հայոց Ազգ. Խորհուրդը՝ գաղթականութեանը կորստից փրկելու և նրանց նորմալ կեանքի պայմաններում դնելու համար բուն ցանկութիւն է յայտնում, որ Հայաստանի և Վրաստանի

⁴³ Այսրկովկասում թուրքական զորքերի ընդհանուր հրամանատար, հայ ժողովրդի դահիճ՝ Էնվեր փաշայի հորեղբայր:

կառավարությունները անմիջապես ձեռք առնեն միջոցներ, որ Ախալքալաքի գաւառի գաղթականութիւնը շուտափոյթ վերադառնայ իր վայրերը՝ ազատելով այդ վայրերը վաղօրոք դրսից եկած օտար տարրերից:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Չայն, 29 հոկտեմբերի 1918, N 46:

N 30

Վրաստանի ՀԱԽ-ին կից գաղթականների գործերով զբաղվող մարմնի հայտարարությունը

Սրանով յայտարարում է ի գիտութիւն քաղաքումս ապրող գաղթականութեան և Թիֆլիսի հասարակութեան, որ այսուհետև փախստականներին իրենց խնդիրների, կարիքների և առհասարակ նրանք, որոնք կամենում են գործ ունենալ փախստականական խորհրդի հետ՝ պէտք է դիմեն *Гановская*, 6 տունը, որտեղ գտնուում է Վրաստանի Հայոց Ազգային Խորհրդին կից փախստականական յատուկ մարմին: Վերջինս զբաղւում է միայն Թիֆլիս քաղաքում ապրող փախստականներին վերաբերեալ գործերով – ժողովում է որբերին և տեղաւորում որբանոցներում, փախստականներին անհրաժեշտ անցագրեր է տալիս, հոգում է հիւանդների մասին և առհասարակ օգնութեան է հասնում կարիքաւորներին:

Գրասենեակը բաց է ամեն օր առ[ավոտյան] ժ. 9 և կէսից – 3:

Վրաստանի Հայոց Ազգ. Խորհրդին կից փախստականական բաժին:

Տե՛ս Յայտարարութիւն //

Աշխատաւոր, 31 հոկտեմբերի 1918, N 170:

N 31

Հաղորդագրություն՝ Վրաստանի լուսավորության նախարարության և ՀԱԽ-ի փոխհարաբերությունների մասին

<...> Վրաց կառավարութեան լուսաւորութեան նախարարութիւնը Վրաստանի Հայոց Ազգային Խորհրդի ներկայացուցիչներին քանի անգամներ ասել է, որ շատ ուրախ կը լինի գործակցել նրա հետ, որ ի հարկէ Ազգային Խորհուրդը պէտք է որոշ դեր խաղայ ազգայնացած դպրոցների գործում, մինչև որ կուլտուրական ինքնավարութեան օրինագծով ամբողջ գործը կանցնի նրան, և այլն, և այլն, բացի այս բոլորը մինչև այսօր մնացել են լոկ խօսքեր: Ո՛չ այն պատճառով, որ Վրաստանի Հայոց Ազգային Խորհրդի Գործադիր մարմինը միջոցներ չէ ձեռք առել այս ուղղութեամբ – Գործադիր մարմինը մի քանի անգամ գրաւոր և բերանացի դիմումներ է արել այս հարցի մասին, – այլ այն պատճառով, որ անհասկանալի եղանակով Գործադիր մարմնի բերանացի դիմումներին տրուել է վրաց կառավարութեան լուսաւորութեան նախարարութիւնից գոհացուցիչ պատասխան, մինչդեռ նոյն խնդիրների մասին եղած գրաւոր դիմումներին ստացել են միանգամայն անգոհացուցիչ և մերժողական պատասխան: <...>

Տե՛ս Դպրոցական գործի դրութիւնը Վրաստանում //
Ժողովրդի Ձայն, 2 նոյեմբերի 1918, N 50:

N 32

Լրագրային հաղորդում՝ Վրաստանի ՀԱԽ-ի 1918 թ. նոյեմբերի 1-ի նիստի մասին

Նախագահում է [Դ.] Դաւիթխանեան, որը կարդում է օրակարգը, ու հաստատուելով այն ժողովի կողմից – խօսք է տա-

լիս պ. Ալ. Պապովեանին: Վերջինս պատմեց թէ ինչպէս Ազգ. Խորհրդի պատգամաւորութիւնը⁴⁴ հասաւ ճիշտ ժամանակին⁴⁵, հայ-վրացական սահմանագլուխը և եթէ փոքր ինչ էլ ուշանար, այն ժամանակ ոչ-ցանկալի և դառն հետևանքներն անխուսափելի կը դառնային՝ թէ՛ վրացիների և թէ՛ հայերի համար: Գեներալ [Գ. Դ.] Յուլուկիձէն ստիպուած է եղել արդէն պատերազմական գործողութիւններն սկսելու, չնայելով այն հանգամանքին, որ օր առաջ Հայաստանի Կառավարութիւնը հեռագրած է լինում Դրոյի միջոցով մեր զօրքերի Քարինջ և Ծաթեր գիւղից հեռանալու մասին, բայց հաղորդակցութեան անկանոնութեան պատճառով ժամանակին չէ հասել: Ահա պատգամաւորները այդ հեռագիրը կարողանում են բերել [Գ. Դ.] Յուլուկիձէին և այլ միջոցներ գործադրում և հարթում միջադէպը:

[Բ.] Թոփչեանը յայտնում է, որ այդ պատգամաւորութեան առաքումն աւելորդ էր միանգամայն, որ այսպիսի «չնչին» դէպքերի համար գործ է «ասեկօսէների» վրայ հիմնուած տեղեկութիւններն ի նկատի առնելով պատգամաւորութիւն ուղարկել և ծանրաբեռնել առանց այն էլ Ազգային Խորհրդի աղքատ բիւջէն: [Բ.] Թոփչեանին առարկում են շատերը, որ ընդհակառակը պատգամաւորութեան այնտեղ գնալը տուել է շատ դրական արդիւնք և կարևոր է ամեն անգամ նման դէպքերի առաջն առնելու համար ուղարկել պատգամաւորներ:

Ա. Բարխուդարյանն առաջարկում է յայտնել պատգամաւորութեան շնորհակալութիւն՝ համարելով նրանց գործը միանգամայն բեղմնաւոր: – Ժողովն ընդունում է այդ առա-

⁴⁴ Պատգամավորության կազմի մեջ մտան. Ս. Հարությունյան, Ա. Երզնկյան, Ա. Հովհաննիսյան (Օգանեզով), Ա. Պապովյան, Ս. Դանդուրյան, Պ. Ստամբուլցյան, Սանայան, Քոչարյան: Տե՛ս Հայ պատմիչական հեռագիրը // Աշխատաւոր, 31. 10. 1918:

⁴⁵ Իմա՝ 1918թ. հոկտեմբերի 27-ին:

ջարկութիւնը ընդդէմ [Բ.] Թոփչեանի, որի առաջարկութիւնը մերժուած է, թէ պատգամաւորների գործը բեղմնաւոր չէ եղել:

Այնուհետև Ազգ. Խորհուրդն զբաղուած է ֆինանսական խնդրով: Խօսուած են [Յ.] Արդութեան, Լ. Ղուլեան. պարզուած է, որ Ազգ. Խորհրդի գաղթ. բաժինն իր տրամադրութեան տակ ունի միայն մի օրուայ ծախս, և որ ընդհանրապէս ֆինանսական յանձնաժողովը գործի չի անցել տակաւին ֆինանսական վարիչի հետ մէկ տեղ: Թեր ու դէմ կարծիքների փոխանակութիւնից յետոյ ընդունուած է Լ. Ղուլեանի առաջարկութիւնը, որ փոխառութեամբ վերցնեն 200.000 ռ. մէկ հաստատութիւնից – մինչև որ Հայաստանից սպասուելիք 5 միլ. ռ. կը ստացուի: Թէ այս առաջարկութիւնը և թէ 5 միլ. ռուբլին շուտ հասցնելու դիմումի առաջարկութիւնն ընդունուած է:

Ժողովը միաձայն որոշեց՝ ուժեղացնել ֆինանսական կոմիտէի կազմը երկու անձնաւորութեամբ՝ Ա. Յովհաննիսեանի և [Դ.] Դաւիթխանեանի – որ նա անմիջապէս դիմէ հանգանակութեան հայ ժողովրդի բոլոր խաւերում – գաղթականներին դժուար դրութիւնից ազատելու համար. բացի դրանից նա պիտի կազմէ մի ծրագիր պարտադիր տուրք մտցնելու – նոյն նպատակի համար:

Ապա զեկուցուած է տալիս գաղթականականների ծանր դրութեան և նրանց հայրենիք վերադառնալու դժուարին հանգամանքների մասին պ. [Յ.] Արդութեանը: Եր. Տէր-Մինասեանը, ժողովի վերջում, պատասխանում է Բ. Թոփչեանի այն հարցապնդման, թէ, ինչպէս են բաժանուած գործադիր մարմնի պաշտօնները, ով է ֆինանսական բաժնի վարիչը և ինչ է արել ֆինաս. կոմիտէի նաև Գայիանեան դպրոցի դրութեան մասին: Առաջին հարցերի պատասխանը տրուած լինելով՝ ժողովի ընթացքում, Տէր-Մինասեանը կանգ է առնում Գայիանե-

ան դպրոցի մասին՝ պատասխանելու: Նա յայտնեց, որ Գործադիր կոմիտեի նախաձեռնությամբ ընտրուած է նոր հոգաբարձութիւն, որը և հրաւիրել է նոր տեսուչ՝ յայտնի հայագետ և բանասէր Ստեփան Մալխասեանին⁴⁶, սա ևս հոգաբարձութեան հետ միասին կազմել է ուսուցչական խումբը 22 հոգուց բաղկացած, որից 12-ը բարձրագոյն կրթութեամբ տէր անձինք են, միւսները՝ միջնակարգ:

Ժողովը ցրուեց Ժամը 12-ին:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 3 նոյեմբերի 1918, N 51:

N 33

**Լրագրային հաղորդում՝ գաղթականներին նյութական
օժանդակություն հանգանակելու նպատակով՝ Վրաստանի
ՀԱԽ-ի նախաձեռնությամբ 1918 թ. նոյեմբերի 7-ին
հրավիրված թիֆլիսահայ հանրության ժողովի մասին**

Երէկ երեկ[ոյան] ժամը 7-ին Վրաստանի Հայոց Ազգային Խորհրդի շէնքում հրաւիրուած էր Թիֆլիսի հայ հասարակութեան բոլոր խաւերի և հաստատութիւնների ժողովը՝ խորհրդակցելու մի միակ հարցի մասին, թէ ի՞նչպէս անել, որ միանուագ հանգանակութեան կամ այլ միջոցով անհրաժեշտ դրամական միջոցներ ստեղծուեն գաղթականների ամենաանհրաժեշտ կարիքները հոգալու համար:

⁴⁶ Մալխասյանց Ստեփան Սարգսի (1857-1947), նշանավոր գիտնական, Հայաստանի ԳԱ հիմնադիր-ակադեմիկոս, ՀՀ-ի պետական եռագոյն դրոշակի հեղինակ, Հայաստանի Խորհրդի անդամ:

Հրաւիրուած էին 50-55 ներկայացուցիչ, բարեհաճել էին ներկայ լինել ժողովի սկզբում 15-16, յետոյ մինչ 20 հոգի: Բացակայում էին գլխաւորապէս այն խաւերի և հաստատութիւնների ներկայացուցիչները, որոնք կարող էին և պարտաւոր էին հանգանակութեան մեծ գործը կազմակերպել: Իսկ ներկաները, մեծ մասամբ ուսուցիչներ, լրագրողներ և այլն, հանգանակութեան գործի համար սակաւ օգտակար մարդիկ էին:

Չնայելով այս յուսահատական դրութեան, որ ամօթի կնիք է դրոշմում Թիֆլիսի հայ ունևոր դասակարգի ճակատին իր քար անտարբերութեան պատճառով դէպի իր հարազատ եղբայրը, ժողովը բացուեց Հ. Եաղճեանի նախագահութեամբ և անցաւ խնդիրների քննութեան:

Ամենից առաջ Ազգային Խորհրդի գործադիր մարմնի և գաղթականական բաժնի կողմից զեկուցումն արաւ պ. Յ. Արդութեանը ֆինանսական դրութեան մասին: Նրա ասելով՝ Գաղթականական Խորհուրդը մի տարուայ ընթացքում ծախսել է 11 միլիոն ռուբլուց աւելի: Իսկ այժմ այդ ծախքերն աւելացել են անհամեմատ չափերով: Ներկայումս գաղթականների միայն 50 տոկոսին օրական մէկ ու կէս ֆ[ունտ] հացով օգնելու համար հարկաւոր է ամսական 4 միլիոն ռուբլի: Սրա վրայ պէտք է աւելացնել վերադարձի հետ կապուած ծախքերը, որ անհրաժեշտ պիտի լինեն ամենամօտիկ ապագայում: Ոչ պակաս խոշոր ծախքեր է պահանջում նաև որբերի խմանատարութիւնը, որոնց թիւը 10-15 հազար է, մի գուցէ և աւելի: Այսպիսով առաջիկայ երեք ամիսների համար անհրաժեշտ է մօտ 20 միլիոն ռուբլի, որ պէտք է այս կամ այն ձևով գտնել: Ի հարկէ այսպիսի խոշոր գումար հանգանակութեամբ ժողովել անկարելի է, այստեղ օգնութեան պէտք է գայ և Հայաստանի կառավարութիւնը, և պարտադիր տուրք պէտք է դրուի Վրաս-

տանի ամբողջ հայութեան վրայ, և ուրիշ միջոցներ պետք է ձեռք առնուեն: <...>

Թղթակից

Տե՛ս Թիֆլիսի հասարակութեան ներկայացուցիչների ժողովը // Ժողովրդի Ձայն, 8 նոյեմբերի 1918, N 55:

N 34

Լրագրային հաղորդում՝ Վրաստանի ՀԱԽ-ի 1918 թ. նոյեմբերի 8-ի նիստի մասին

Նախագահում է բժ. [Ար.] Մարգարեան:

Ազգային Խորհուրդը կարողացաւ զբաղուել միայն գաղթականական ֆինանսական խնդիրներով: Գաղթականական վարիչ Յ. Արդութեանի և Ախալքալաքի փախստականների ներկայացուցիչների ներկայացրած գրութիւնից երևաց⁴⁷, որ հայ գաղթականութիւնը Ծալկայում և Բակուրիանում ուղղակի հիւծուում է և ոչնչանում սովից և ցրտից:

Արդութեանը յայտնեց, որ վերջապէս վրաց կառավարութիւնը տուել է իր համաձայնութիւնը, որ իր ներկայացուցիչն ևս մասնակցէ այն կոմիսիային, որ պիտի գնայ գաղթականութեանը հայրենիք տեղաւորելու համար: Կառավարութեան գլուխը յայտնել է միննոյն ժամանակ, որ եթէ բոլոր հայերը չը տեղաւորուեն Ախալքալաքում – մահմեդականների կողմից գիւղերի մեծ մասը բռնած լինելու պատճառով, այն ժամանակ վրաց կառավարութիւնը կհամաձայնէ, որ մնացածի մէկ երրորդականը տեղաւորուի Բորչալուի շրջանում, իսկ երկու երրորդականը Հայաստանի մէջ:

⁴⁷ Տե՛ս ՀԱԱ, ֆ. 441, ց. 1, գ. 10, թ. 10-11:

[Ա.] Տէր-Գրիգորեանը և ուրիշները առանձին յոյս չունենալով, որ կոմիսիան շուտափոյթ գործ կատարի, իսկ ամեն մի օրուայ յապադումը հաւասար է 4-5 հայեր զոհի - առաջարկում են կրկին վերադարձնել գաղթականութեան Մանգլիսի և Բէլի Կլիւշի «կազարմաները», այդպիսով, թերևս մահուան ճանկերից շատերին ազատեն:

Այնուհետև խօսեց պ. [Ա.] Յովհաննիսեան ֆինանսական դրութիւնից: Պարզուեց, որ տակաւին ոչինչ դրական գործ չէ կատարուած: Յանձնարարուեց, որ անմիջապէս դիմեն հանգանակութեան և մշակեն պարտադիր տուրքի նախագիծ, որը պիտի իրագործուի Վրաստանի կառավարութեան գիտութեամբ և առաջարկութեամբ: - 3 ամիս գաղթականութեան պահելու համար կը հարկաւորուի 10-12 միլիոն ռուբլի:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 10 նոյեմբերի 1918, N 57:

N 35

Լրագրային հաղորդում՝ Վրաստանի ՀԱԽ-ի 1918 թ. նոյեմբերի 15-ի և 17-ի նիստերի մասին

Առաջին ժողովին նախագահում էր Իս. Յարութիւնեանը, իսկ երկրորդին Հ. Եաղճեանը⁴⁸:

Ամենից առաջ ժողովը յոտնկայս յարգեց Երևանում չարագործի ձեռքով սպանուած խնամատարութեան մինիստր Խ. Կարճիկեանի յիշատակը և ապա անցաւ հերթական հարցերին:

⁴⁸ **Եաղճյան Հայկ.** ՀՅԴ-ի նշանավոր գործիչ, Թիֆլիսի քաղաքային դումայի փոխնախագահ (1917-1918), ՀՀ-ի խորհրդարանի անդամ, ՀՀ ՆԳՆ փոխնախարար:

Ա. Երզնկեանը տեղեկութիւններ տուեց Շուլաւերի դէպքերի մասին և յայտնեց, որ միջադէպը արդէն հարթուած է⁴⁹: Թիֆլիս բերուած ձերբակալուած շուլավերցիների մասին երաշխատը է եղել Ազգային Խորհուրդը և նրանք շուտով կարձակուեն:

Յ. Արդութեանը զեկուցանում է գաղթականների դրութեան մասին: Որովհետև վերադարձը ձգձգում է և ձմեռը վրայ հասնելով գաղթականներին չի կարելի թողնել լեռների վրայ, գործադիր մարմինը որոշել է իջեցնել գաղթականներին լեռներից և տեղաւորել նրանց ժամանակաւորապէս Բակուրիանում, Բէլի-Կիւչում, Մանգլիսում, Բորժոմում, ռեկլիզիցիայի ենթարկելով բոլոր դատարկ զօրանոցներն ու ամառանոցները: Այս առաջարկն ընդունում է:

Ե. Տէր-Մինասեան զեկուցանում է, որ Հայաստանի Կառավարութիւնից արդէն ստացուել է միլիոն ռուբլու փոխանակագիրը, գումարը յատկացուած է գաղթականներին: Պէտք է այդ դրամն ստանալու համար որոշում կայացնել և յատկացնել ֆինանս. վարիչ պ. Արամայիս Երզնկեանին գումարն ստանալ և յանձնել գաղթականական բաժնին, այդ որոշման մասին պաշտօնապէս Խորհրդի կողմից յայտնել Հայաստանի Հանրապետութեան ֆինանս. գործակալին Թիֆլիսում:

Խորհուրդը ընդունում է այս առաջարկութիւնը և որոշում է անել համապատասխան կարգադրութիւնները: <...>

Ներկայ մոմենտի մասին զեկուցանում է Ա. Երզնկեանը, շեշտելով որ անտեղի է այն անվստահութիւնը, որ Վրաստանի պարլամենտն իր ճառերով արտայայտեց ամբողջ հայ ժո-

⁴⁹ Վրացական գորքերն իրականացրել էին շուլավերցիների զինաթափումը, ձերբակալելով նաև տեղի վարչակազմի հայագգի անդամներին: Տե՛ս Նամակ Շուլաւերից // Աշխատատըր, 9 նոյեմբերի 1918:

դովրդի վերաբերմամբ: Վիրահայոց Ազգային Խորհուրդը պետք է իր ձայնը բարձրացնէ և ապացուցանէ, որ հայ ժողովրդի դէմ ուղղուած մեղադրանքներն անհիմն են: Ժողովը որոշում է այդ մտքով մի բանաձև մշակել ու ուղարկել Կառավարութեան: Բանաձևը մշակելու համար ընտրուում է յանձնաժողով՝ Ստ. Մալխասեանի, Չ. Եաղճեանի, Ա. Տէր-Գրիգորեանի և Մատթէոս Դարբինեանի մասնակցութեամբ, որ բանաձևը պիտի խմբագրէ գործադիր մարմնի հետ միասին:

Ապա խորհուրդը լսելով Երևանից վերադարձած պատգամաւորների զեկուցումն, անցնում է գաղթականական բաժնի վերակազմութեան խնդրին, որի մասին Գործադիր մարմնի կողմից զեկուցանում է Յ. Արդութեանը, զեկուցումից յետոյ նիստը փակուում է կուորում չլինելու պատճառով և շարունակութիւնը նշանակուում կիրակի, ամսիս 17-ին:

Նոյեմբերի 17-ին արձանագրութեան ընթերցումից յետոյ պ. Ե. Տէր-Մինասեան առաջարկուում է որոշում կայացնել, որ Խորհրդի նիստերը կայանան ճիշտ նշանակուած ժամանակին <...>:

Խորհրդի նախագահութիւնը ցրուած լինելով քարտուղար Մ. Դարբինեանը առաջարկուում է թեկնածուների անուն տալ: Տրուում են անուներ՝ Հայ. Ժող. Կուս. կողմից Ա. Բարխուդարեան (փոխարինող՝ Ա. Մխիթարեան), սոց.-յեղափոխ. կողմից Լ. Թումանեան ([փոխարինող՝] Մ. Տէր-Ներսիսեան), Դաշնակցութեան կողմից [Դ.] Դաւիթխանեան, սոց.-դեմոկրատները խոստանում են առաջիկայ նիստին յայտնել իրենց թեկնածուների անունները:

Ապա Խորհուրդն անցնում է գաղթականական բաժնի վերակազմութեան ծրագրին և ընդունում է Գործադիր մարմնի առաջարկը որոշ փոփոխութիւններով:

Այդ ծրագրով Գաղթականական ներկայ բիրտն վերանում է, Գործադիր մարմինը իր վրայ է վերցնում այդ բիրտյի բոլոր ֆունկցիաները: Հիմնական, սկսզբունքային կարևոր և դրամական յատկացումների խնդիրները պետք է որոշուեն Գործադիր մարմնի կողմից, իսկ նրանց գործադրութիւնը պետք է յանձնարարուի Գաղթ. բաժնի վարիչին: Գաղթականական բաժինն ունենալու է սանիտարական-բժշկական, պարենաւորման և վարչական մաս:

Գաղթականական բաժնի և Գործադիր մարմնի ֆինանսական բաժինները միացում են, ինչպէս և նրանց գրասենեակները:

Ազգային խորհրդի օժանդակութեամբ պահուող բոլոր որբանոցների կրթական-ուսումնական մասի ղեկավարութիւնը յանձնւում է նոյն Ազգային Խորհրդի դպրոցական մասի վարիչներին:

Ժողովի վերջում Ռ. Ենգիբարեանը հարց է տալիս, թէ ի՞նչ միջոցներ են ձեռք առնուած որբերն հաւաքելու խնդրում, որոնք թափուած են փողոցներում:

Յ. Արդութեանը բացատրութիւն է տալիս, որ այդ ուղղութեամբ ամեն միջոց գործ է դրւում և ժողովն ընդունում է նրա բացատրութիւնները բաւարար:

Չնայելով Ե. Տէր-Մինասեանի խնդրին՝ մի փոքր էլ սպասել և լսել զեկուցումն նաև դպրոցական խնդրի մասին, որ ահա շարաթներ է, ինչ յետաձգում է կամ ուշ լինելու, կամ կուորում չլինելու պատճառով, ժողովը ցրւում է:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 19 նոյեմբերի 1918, N 64:

N 36

Հաղորդագրություն՝ Հայ գաղթականական կազմակերպությունների Գլխավոր Խորհրդի լուծարման և Վրաստանի ՀԱԽ-ի հետ նրա կառույցների միաձուլման մասին

Նախագահ [Յ.] Արդութեանը զեկուցանում է, որ Վրաստանի Հայոց Ազգային Խորհուրդը հաստատել է Գաղթականական Բաժնի վերակազմութեան ծրագիրը, որով ամբողջ ղեկավարութիւնը Գործադիր Մարմինը վերցնում է իր վրայ և նա է լինելու պատասխանատու Ազգային Խորհրդի առաջ: Այսպիսով [Հայ գաղթականական կազմակերպությունների] Գլխավոր Խորհրդի Գործադիր Մարմինը համարում է լուծուած, ֆինանսական մասը, աւելի ևս ընդարձակուելով, դառնում է Ազգ. Խորհրդի մի ընդհանուր ֆինանսական մասը, մի կառավարչի ղեկավարութեամբ:

Ազգ. Խորհրդի դպրոցական մասի վարիչները իրաւունք ունեն հսկողութիւն ունենալու բոլոր որբանոցների դաստիարակչական և կրթական մասի վրայ:

Ծանուցանելով այս մասին, պ. նախագահը շնորհակալութիւն է յայտնում [Հայ գաղթականական կազմակերպությունների Գլխավոր Խորհրդի] Գործադիր Մարմնի անդամներին նրանց թէ՛ ամբողջ գործունէութեան ընթացքում կատարած օգտակար աշխատանքների, և թէ՛ վերջին 2-3 ամսուայ ընթացքում համերաշխ և սրտացաւ գործունէութեան համար:

Գաղթականական բաժինը նոյեմբերի 22-ին լսելով իր նախագահի վերոյիշեալ զեկուցումը՝ որոշեց. –

Համաձայն Վրաստանի Հայոց Ազգային Խորհրդի վճռին, համարել փախստականական Գլխաւոր Խորհրդի Գործադիր Մարմինը լուծուած:

Տե՛ս Գաղթականական բաժնում //
Ժողովրդի Ձայն, 27 նոյեմբերի 1918, N 70:

N 37

**Խմբագրական առաջաբան «Նոր Հորիզոն» պարբերականում՝
Վրաստանում ազգային փոքրամասնութիւնների
մշակութային ինքնավարության հրամայական խնդիրների
մասին**

<...> Երբ մենք ասում ենք կուլտուրական աստոնումիա, հասկանում ենք մի այնպիսի դրութիւն, որ ամեն մի ազգ իրաւունք պիտի ունենայ պետութեան հաշուով կառուցելու և պահպանելու իր ազգային կուլտուրական կեանքը: Օրինակ՝ հայերը Վրաստանում /կամ՝ արխագները, թուրքերը, ռուսները, յոյները և այլն/ պիտի ունենան իրենց ընտրովի մարմինը, ասենք Ազգային Խորհուրդ: Պետութիւնը հարկ է հաւաքում անխտիր բոլոր քաղաքացիներից և այդ դրամով պահում զանազան հաստատութիւններ: Պետութեան պարտքն է՝ կրթական-կոնիտուրական նպատակների համար յատկացւած ամբողջ գումարը համեմատական չափով բաժանել – նայած ամեն մի ազգի թիւն - ազգութիւնների ընտրովի մարմինների մէջ, որոնք և պիտի պահեն կուլտուրական հաստատութիւնները /դպրոց, թատրոն, գրականութիւն և այլն/: Ապա, նոյն ազգային մարմիններին միայն պիտի վերապահի այդ կրթական-կուլտուրական հաստատութիւնների ղեկավարութիւնը, ոգի և ուղղութիւն, բովանդակութիւն տալը: <...>

Հայկական դպրոցները թուվ աւելի պակաս են, քան վրացական կամ ռուսական դպրոցները, չնայած որ հայերը Թիֆլիսի մէջ իրենց թուվ առաջին տեղն են բռնում⁵⁰: Այդ դպրոցների հսկողութեան և ղեկավարութեան մէջ ևս Ազգային Խորհուրդը որևէ մասնակցութիւն չունի: <...> Այսպէս են հասկանում «ռեֆորմը» վրացի սոցիալիստները: Երբ այդ անում էին ցարական ռեժիմի սպասաւորները, այդ որակում էր որպէս «ռուսիֆիկացիա», իսկ երբ այդ անում են իրենք՝ կոչում են «նացիոնալիզացիա»⁵¹:

Տե՛ս Լեզլի խնդիրը //
Նոր Հորիզոն, 29 նոյեմբերի 1918, N 9:

⁵⁰ Թիֆլիսը մեծ մասամբ բնակեցված էր հայ (43.1%), ռուս (26.5%) և վրացի (10.8%) ազգաբնակչությամբ: Տե՛ս Կавказский Календарь на 1917г., Тифлис, 1916. էջ 206-207:

⁵¹ Ազգայնացման, իմա՝ վրացացման քաղաքականության հետևանքները մեծ մասամբ մեկուսացրին և օտարեցին Վրաստանի ազգային փոքրամասնությունները նրա կառավարական, օրենսդրական, վարչական մարմինների գործունեությունից: Վրաստանի ՆԳՆ-ի 1918 թ. հուլիսի 20-ին արձակած «ազգայնացման մասին կանոնադրության» հիման վրա աշխատանքից ազատվեցին ոչ միայն վարչական մարմիններում ծառայող և վրացերենին չտիրապետող պաշտոնյանները, այլև պետական ենթակայության տակ գտնվող բոլոր հիմնարկներում աշխատող շատ ու շատ բժիշկներ, ուսուցիչներ, բանվորներ, փոստ-հեռագրական ծառայողներ: Այսպիսով՝ ամենատարածված և հուսալի աշխատանքը՝ պետական ծառայությունը, գործնականում հայ, ռուս և այլազգի մտավորականության, առհասարակ կրթված ոչ վրաց զանգվածի համար գրեթե մնում էր անհասանելի, քանի որ բոլոր պաշտոնները, որպես կանոն, վերապահվում էին վրացիներին:

**Լրագրային հաղորդում՝ Վրաստանի ՀԱԽ-ի 1918 թ.
դեկտեմբերի 2-ի նիստի մասին**

Նախագահում է Արշակ Բարխուդարեան:

Ժողովը բանալով նախագահը կարդում է Դաշնակցութեան ֆրակցիայի ներկայացուցիչ [Դ.] Դալիթխանեանի մի գրութիւնը, որով խնդրում է այդ նիստը յետաձգել և առհասարակ խուսափել երկուշաբթի օրերը նիստ նշանակելուց, որովհետև այդ օրը ինքը և իր ընկերները քաղաքային դումայում պիտի լինեն: Ներկայ գտնուող պ. [Հ.] Եաղճեանը բերանացի բացատրութիւններ է տալիս, որ իրենց այդ օրուայ քաղաքային նիստի ներկայութիւնն անհրաժեշտ է:

Ժողովը ի նկատի ունենալով, որ նիստին բացակայելու է մի ամբողջ ֆրակցիա, որոշեց այնուհետև երկուշաբթի օրերը նիստը չը նշանակել, սակայն այսօր յետաձգել օրակարգի բոլոր խնդիրները՝ բացի մի անյետաձգելի խնդրից, որ վերաբերում է Նուխուայ գաղթականութեան: Նուխու գաղթականութեան թշուառ և անելանելի դրութեան մասին զեկուցում է Ա. Երզնկեանը՝ կարդալով մի հեռագիր, որով անմիջական օգնութիւն են աղերսում Նուխու փողոցներում թափուած մերկ, սովալլուկ որբիկների և գաղթականութեան համար: Զեկուցումը լրացրեց Նուխուայ Հայրենակցական Միութեան ներկայացուցիչ պ. Տէր-Պողոսեան՝ տալով մի քանի մանրամասնութիւններ: <...>

Ազգային Խորհուրդը մտքերի փոխանակումից յետոյ հաստատեց Գործադիր մարմնի որոշումը – ուղարկել անմիջապէս 50000 ռ. Նուխուայ գաղթականութեան կարիքների համար: Ժողովը միաժամանակ յանձնարարեց Գործադիր մարմնին՝

հնարաւոր եղածին չափ հոգ տանել նաև օժանդակելու բժշկասանիտարական կողմից:

Այնուհետև Գործադիր Մարմինը առաջարկում է հաստատել իր որոշումը պոստ-հեռագրական գործազուրկ հայ ծառայողների ներկայացուցիչների վերաբերմամբ՝ տալով նրանց 1500 ռուբլի, որ գնան Հայաստան ու կառավարութեան ներկայացնեն իրենց անտանելի կացութիւնը. ամեն ինչի ազգայնացումով այստեղ նրանք սովի են մատնուած, ուստի նրանք այժմ միայն իրենց հմայութիւնն ու արւեստը Հայաստանում են կարող գործադրել:

Ժողովը հաստատեց և այդ որոշումը: <...>

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 6 դեկտեմբերի 1918, N 77:

N 39

Լրագրային հաղորդում՝ Վրաստանի ՀԱԽ-ի 1918 թ. դեկտեմբերի 6-ի նիստի մասին

Նիստը բացում է երեկոյեան ժամը 6-ին նախագահութեամբ Դ. Դաւիթխանեանի:

Նախորդ նիստի արձանագրութիւնը կարդալուց և վաւերացուելուց յետոյ՝ նախ խօսք է տրւում Հ. Եաղճեանին (դաշ.), որ մի ընդարձակ ճառով մանրամասն բացատրում է քաղաքային առաջիկայ ընտրութիւնների հանգամանքները: Պարզում է, որ հպատակութեան օրէնքը և մի քանի ուրիշ միջոցներ ընտրութիւնների շուրջը այնպիսի դրութիւն են ստեղծելու, որ այդ ընտրութիւններին մասնակցել կը կարողանան բոլոր վրացիները, իսկ օտար ազգիներից միայն շատ քչերը.

հայ ազգաբնակչության ամենամեծ տոկոսը յամենայն դեպս դուրսը կը մնայ և ընտրութիւններին մասնակցել կը կարողանայ միայն 10-20 տոկոսը: Հարկաւոր է միջոցներ գտնել այս անլուր անարդարութեան առաջն առնելու և հայ ազգաբնակչութեանն ապահովելու իր քաղաքացիական իրաւունքները:

Խնդիրը մանրամասնօրէն քննելուց յետոյ՝ Խորհուրդը գալիս է այն եզրակացութեան, որ նախքան ազգաբնակչութեան ցուցակագրութիւնն սկսելը առաջիկայ ընտրութիւնների համար՝ անհրաժեշտ է հպատակութեան օրէնքը լրացնել համապատասխան բացատրութիւններով և առհասարակ հետևել այս գործին հայ ազգաբնակչութեան շահերի ապահովութեան տեսակէտից: Այդ նպատակն իրագործելու համար ժողովն ընտրում է մի յանձնաժողով՝ բաղկացած գործադիր մարմնի անդամներից և նոր չորս անձերից, որոնք են պատգամաւորներ՝ [Պ.] Դոլուխանեան, [Հ.] Եաղճեան, Լ. Թումանեան և [Լ.] Էլբակեան:

Երկրորդ՝ գերիների և ինվալիդների խնամատարութեան և հայրենիք ճանապարհ դնելու մասին զեկուցանում է Յ. Արդութեան (դաշն.): Պարզում է, որ սկզբում, քանի դեռ գերիների և ինվալիդների թիւը քիչ էր և Հայաս. Հանրապետ. հաւատարմատար պ. Ա. Ջամալեանն էլ միջոցներ չունի իր ձեռքի տակ, նրա խնդրով գերիների և ինվալիդների հոգսը իր վրայ էր վերցրել Վրաստանի Հայոց Ազգային Խորհուրդը, որ և այդ նպատակի համար յատուկ գումար էր բաց թողել: Այդ հոգատարութիւնը կատարում էր կանոնաւոր կերպով և յատկացուած գումարի մի մասն արդէն ծախսուած էր գերիների և ին-

վալիդների⁵² վրայ Գաղթականական բաժնի միջոցով, երբ ստացուեց պ. Ա. Ջամալեանից մի պաշտօնական գրություն, թե Հայաստանի Կառավարությունը առանձին գումար է յատկացրել գերիների և ինվալիդների համար և յանձնարարել է իրեն այդ գործը վարել: Ազգային Խորհրդի Գործադիր Մարմինը ի հարկ է անմիջապես յանձնեց պ. Ա. Ջամալեանին բոլոր հաշիւներն ու գերիների խնամատարութեան գործը: <...>

Այժմ էլ ստացուած է արտաքին գործոց նախարար [Ս.] Տիգրանեանից մի հեռագիր, որով խնդրում է Ազգային Խորհրդի գաղթականական բաժնին՝ իր վրայ վերցնել առժամանակ գերիների և ինվալիդների խնամատարութիւնը, որի համար օրինագիծ է մտցնում պարլամենտ և գումար է յատկացնելու այդ առթիւ: Հեռագիրը շատ էլ պարզ չէ, բայց կասկած չկայ, որ բոլոր ծախսերը պիտի կատարուեն ի հաշիւ Հայաստանի կառավարութեան: Գործադիր Մարմինը մինչ այդ այս խնդիրը Խորհուրդ մտցնելով՝ խնդրում է նրա թոյլտութիւնը այդ գործը վարելու: Խորհուրդը յանձնարարում է Գործադիր Մարմնին կազմակերպելու և վարելու այդ գործը:

Երրորդ՝ լսելով Մուշեղեանի (ս.-ր.) համառօտ զեկուցումը Հիւսիսային Կովկասի գաղթականների վերադարձի մասին, Խորհուրդը առաջարկում է Գործադիր Մարմնին զբաղուել այդ հարցով: <...>

Հինգերորդ՝ Ե. Տէր-Սինասեան (Հայ Ժող. կուս.) զեկուցանում է դպրոցական գործի մասին: Յիշելով, որ վրաց կառավարութեան լուսաւորութեան մինիստրութիւնը մինչև վերջին շաբաթները կտրական կերպով մերժում էր Հայոց Ազգ. խորհրդի

⁵² Խոսքը Գերմանիայից և Ավստրա-Հունգարիայից տուն վերադարձող հայազգի նախկին ռազմագերիների մասին է:

մասնակցութեան իրաւունքը դպրոցական գործում որևէ ձևով, նոյնիսկ գործին ծանօթանալու և տեղեակ լինելու համար, միջնակարգ դպրոցների վարիչը այնուհետև զեկուցանում է գործադիր մարմնի արած վերջին քայլերը բերանացի և գրաւոր դիմումը վրաց նախարարապետ [Ն.] Ժորդանիային և նրանից ստացուած նպաստաւոր պատասխանը: Այնուհետև յայտնում է, որ տեսակցութիւն է ունեցել այսօր լուսաւորութեան նախարարի օգնականի հետ, որ և համաձայնելով իր տեսակետի հետ, կարգադրել է անմիջապէս բոլոր գիմնագիւմներից պահանջել հայկական առարկաների ծրագիրը և դնել իր տրամադրութեան տակ, որպէսզի այդ ծրագիրների հետ տեսականօրէն ծանօթանալուց յետոյ անցնի գործնականօրէն ծանօթանալու իւրաքանչիւր գիմնագիւյում հայկական առարկաների դասաւանդութեան հետ:

Խորհուրդն ընդունում է պ. Ե. Տէր-Մինասեանի զեկուցումը ի տեղեկութիւն:

Վեցերորդ՝ տարրական դպրոցների վարիչ պ. Ա. Ստամբուլսեանը (սոցիալ-ր.) զեկուցանում է եկեղեցական-ծխական դպրոցների դրութեան մասին, յայտնում է ուսուցիչների անմխիթար վիճակը նիւթականի տեսակետից, շատ դպրոցների պակուիլը և այլն: Այնուհետև յայտնում է, Գործադիր մարմնի որոշմամբ, Խորհրդի նշանակած 100 հազար ռուբլուց 50 հազար ռուբլին յատկացրած է մի քանի տեղերում ծխական դպրոցներ բանալու և եղածներին նպաստելու համար: Նոր դպրոցներ պիտի բացուին օրինակ Հաղբատում, Սանահնում, Կումիսում և այլն: Ի վերջոյ, Գործադիր մարմնի կողմից առաջարկում է ուսուցիչների դրութիւնը բարելաւելու և գոյութեան փոքր ի շատէ տանելի պայմաններ ստեղծելու համար դասագնի նուազագոյն չափն ընդունել 250 ռուբլի: Յայտնում է նաև,

որ դպրոցներ բանալու և հանգամանքներին <...> ծանօթանալու համար Գործադիր մարմինն արդեն աչքի առաջ ունի նշանակելու մի լիազոր:

Լսելով այս զեկուցումը՝ Խորհուրդն ընդունում է Ազգային Խորհրդի նպաստներով նոր բացուելիք դպրոցներում դասագինը նշանակել 250 ռուբլի, պարտաւորեցնելով Գործադիր մարմնին նոյնը գործադրել նաև այն բոլոր դպրոցներում, որ այդ հնարաւոր է դպրոցի նիւթական ապահովութեան տեսակետից:

Եօթերորդ՝ ֆինանսական յանձնաժողովի կողմից Հ. Եաղճեանը (դաշն.) յայտնում է, որ մշակւում է մանրամասն զեկուցագիր Խորհրդի ֆինանսական կարիքների բաւարարութեան համար, որի հետևանքով պէտք է պարտադիր տուրք դրուի հայ հասարակութեան վրայ, ի հարկէ համապատասխան օրինագիծ մտցնելով վրացական պարլամենտ: Իսկ մինչև այն՝ անհրաժեշտ է միանուագ տուրք ժողովել հայ հարուստներից, որի համար ֆինան. յանձնաժողովը խնդրում է Խորհրդին արտայայտուել, թէ նա համաձայն է սկզբունքով ստիպողական միջոցների դիմելու չվճարողների վերաբերութեամբ, թէ ոչ:

Ազգային Խորհրդի սոցիալիստական երեք ֆրակցիաները իրենց համաձայնութիւնն են յայտնում ստիպողական միջոցների դիմելու՝ վճարել չը ցանկացողների վերաբերութեամբ, իսկ Հայ Ժողովրդական Կուսակցութեան ֆրակցիան կտրուկ կերպով յայտարարում է, որ ինքը կողմնակից լինելով պարլամենտով անցկացրած ստիպողական թէ՛ միանուագ և թէ՛ մշտական տուրքին, նրանց գանձումը պետական միջոցներով: Ո՛չ մի ձևով և ո՛չ մի նկատառումով, չէ կարող համաձայնել այլ կերպ բռնութիւն գործ դնելու քաղաքացիների վրայ:

Ուշ լինելու պատճառով ժողովը փակուում է ժամը 10 և կէսին:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 10 դեկտեմբերի 1918, N 80:

N 40

«Ժողովրդի Ձայն» լրագիրը՝ Վրաստանի ՀԱԽ-ի 1918 թ. դեկտեմբերի 10-ի արտահերթ նիստի մասին

Դեկտեմբերի 10-ին տեղի ունեցաւ Վիրահայ Ազգային Խորհրդի արտակարգ նիստը, որն զբաղուեց Սանահնի դէպքերի խնդրով: Ա. Երզնկեանը Սանահնի դէպքերի մասին զեկուցում տալուց յետոյ Խորհուրդը որոշեց՝ 1) Նկատի ունենալով, որ վրաց կառավարութիւնը մի պատգամաւորութիւն է ուղարկում Սանահին ներքին գործերի նախարարի օգնական [Գ.] Սախարաձէի ղեկավարութեամբ, մի պատգամաւորութիւն ևս ուղարկել նաև Վիրահայ Ազգային Խորհրդի կողմից, ծանօթանալու է դէպքերի մասին տեղն ու տեղը և միջոցներ է ձեռք առնելու միջադէպը լուծելու, 2) Իրական քայլերի դիմել, որպէս զի Հայաստանի և Վրաստանի կառավարութիւնները վերջնականօրէն լուծեն սահմանագծային վէճը: Վերջում կայացաւ պատգամաւորութեան ընտրութիւն: Պատգամաւորութիւնը Սանահին մեկնեց երէկ առաւօտեան:

Տե՛ս Վիրահայ Ազգ. Խորհրդում //
Ժողովրդի Ձայն, 12 դեկտեմբերի 1918, N 82:

**«Աշխատավոր» լրագիրը՝ Վրաստանի ՀԱԽ-ի 1918 թ.
դեկտեմբերի 10-ի արտահերթ նիստի մասին**

Ազգային խորհրդի դեկտ. 10-ի արտակարգ նիստը հրավիրած էր Սանահնի միջադեպի քննության համար: Ի նկատի առնելով այն հանգամանքը, որ վերջին ժամանակներս գաղթականները յատուկ գնացքներով ուղարկում են Ղարաքիլիսա և որ այդ միջադեպը ընդհատում է գաղթականական բաժնի աշխատանքները, գործադիր մարմինը հրավիրել էր Խորհրդին, նրանից որոշ դիրեկտիւներ ստանալու համար:

Գործադիր Մարմնի կողմից տրւած գեկուցումից պարզւում է, որ Սանահնում կանգնած տաճկական էշելոնի վրայ բարձրունքներից սկսել են քարեր տեղալ: Լեռներից ևս սկսել է հրաձգութիւն և այսպիսով համարեա 10 ժամ տևող հրաձգութեան ժամանակ պահակներից եղել են մի քանի զոհեր: Տաճկական էշելոնը անմիջապէս հեռացւում է դէպքերի վայրից:

Ենթադրւում է, որ յարձակւողները շրջակայ գիւղացիներն են, որոնք անկարող լինելով հանդուրժել այլևս կատարող բռնութիւններն ու անարդարութիւնները, ուզեցել են այս կամ այն ձևով իրենց վրայ գրաւել կառավարութեան ուշադրութիւնը: Մտքերի կարճատև փոխանակութիւնից յետոյ խորհուրդը միաձայն որոշեց հրահանգել կարգադիր մարմնին:

1. Դիմել Վրաստանի կառավարութեանը և խնդրել դադարեցնել Բորչալուի, Լոռու և Ախալքալաքի վիճելի շրջաններում զօրակոչը:

2. Պահանջել դադարեցնել բոլոր ռեկւիզիցիաները և պարենաւորման ու այլ մթերքների բռնագրաւումները:

3. Ուղարկել մի յատուկ դեղեգացիա տեղնուտեղը ծանօթանալու համար Լոռում տեղական իշխանությունների և գործերի կողմից կատարված հակաօրինական քայլերի և բռնությունների հետ:

4. Խնդրել կառավարությունից արագացնել հայ-վրացական սահմանագծային կոնֆերենցիայի գումարումը, որովհետև սահմանագծային թիրիմաձուլությունները աննպաստ ազդեցություն են գործում հայ-վրացական յարաբերությունների վրայ:

Տե՛ս Վրաստանի Հայոց Ազգային Խորհուրդ //
Աշխատաւոր, 1918, 12 դեկտեմբերի, N 205:

N 42

Վրաստանի ՀԱԽ-ի պատվիրակության հեռագիրը Լոռվա դեպքերի մասին (1918 թ., դեկտեմբեր)

Ալլահվերդի, 12 դեկտ.

Պատուիրակությունը ապահով հասաւ Ալլահվերդի: Հախպատ կայարանում հրաւիրեցին շրջակայ գիւղերի ներկայացուցիչներին՝ պարզելու իրերի դրութիւնը:

Դեպքերը կրում են տեղական բնոյթ: Պատուիրակությունը ձեռք առաւ բոլոր միջոցները հաղորդակցութիւնը վերականգնելու Ակորի, Ուզունլար⁵³, Ագուի և այլ գիւղերի միջև, որտեղից ծագում էին առել դեպքերը: Յոյս ունենք հաշտութեամբ վերջացնել: Հայաստանի Կառավարութեան պատուիրակութիւնը, որը [Ս.] Մղիւանու հետ միասին, ճանապարհները

⁵³ Այժմ՝ Օձուն:

փչացած լինելու պատճառով կանգ է առել, նոյնպես միջոցներ է ձեռք առնում: Աշխատում ենք կապ պահպանել նրանց հետ:

[Ա.] Երգնկեան, [Պ.] Դոլուխանեան, [Լ.] Թումանով:

Տե՛ս Վերջին ժամ. Թիֆլիս, Հայոց Ազգային Խորհրդին // Ժողովրդի Ձայն, 14 դեկտեմբերի 1918, N 83:

N 43

«Ժողովրդի Ձայն» պարբերականը՝ Վրաստանի ՀԱԽ-ի 1918 թ. դեկտեմբերի 13-ի նիստի մասին

Նիստը բացում է ժամը 6-ին նախագահությամբ Գ. Դալիթխանեանի:

Ամենից առաջ ժողովն զբաղում է արեստեիզմի⁵⁴ հարցով և միջոցներ են առաջարկում Ազգային Խորհրդի նիստերը արդիւնաւոր և կանոնաւոր դարձնելու համար: Այս առթիւ կարդացում է պատգամաւոր Դալիթխանեանի գրաւոր առաջարկը՝ Ազգային Խորհրդի կազմը անփոփոխ դարձնելու մասին:

Այս խնդրի շուրջը տեղի են ունենում տաք վիճաբանութիւններ. Բ. Թովչեան (դաշն.) և Հ. Եաղճեան (դաշն.) առիթից օգուտ են քաղում միանգամ էլ յարձակուելու Ազգային Խորհրդի վրայ առհասարակ և պահանջելու նրա ցրումը, պատճառաբանելով, թէ ժողովները չեն կայանում, որովհետև պատգամաւորներն ընտրուած չեն, այլ կուսակցութիւնների կողմից են նշանակուած և ուրեմն՝ աւելի պակաս չափով ունեն պատասխանատւութեան զգացումն:

⁵⁴ Խոսքը բացակայության մասին է, իմա՝ անգլերեն «absent» բառը:

Այս տեսակետի դեմ առարկում են շատերը, գլխաւորապէս Լ. Թումանեան (ս.-ր.), որ յայտնում է թէ քաղաքային դումայի նիստերն էլ շատ անգամ չեն կայանում, թէն նրա անդամներն ընտրուած են ամենակատարեալ ձևով և Ա. Մելքոնեան (ս.-ր.), որ խորհուրդ է տալիս դաշնակցականներին ազնիւ լինել և պարզ կերպով յայտարարել, որ իրենք առհասարակ հակառակ են Ազգային Խորհրդի գոյութեանը, որովհետև մինչև այժմ սովոր են եղել հայոց ազգի բախտը տնօրինել ըստ իրենց հայեցողութեամբ, ամեն տեղ մեծամասնութիւն լինելով, այն ինչ այստեղ՝ Վրաստանի Հայոց Ազգային Խորհրդում մեծամասնութիւն չեն և իրենց կամքը թելադրել չեն կարողանում: Դաշնակցականների դժգոհութեան գլխաւոր հիմքն այս է, որից բղխում են նրանց բոլոր անտեղի յարձակումները: <...>

Վերջ ի վերջոյ ժողովն ընդունում է Դ. Դաւիթխանեանի (դաշն.) առաջարկը Խորհրդի կազմը անփոփոխ դարձնելու մասին և յանձնարարում է ֆրակցիաներին ներկայացնել 8-ական անդամների և 4-ական փոխ-անդամների ցուցակը: Փոխ-անդամները կարող են անդամներին փոխարինել միայն այն դէպքում, երբ որ անդամներից որևէ մէկը իսպառ հրաժարուի իր պարտականութիւնները կատարելուց: Բացի սրանից՝ որոշում է Վրաստանի Հայոց Ազգային Խորհրդի կազմից դուրս եկած համարել այն անդամներին, որոնք երեք անգամ իրար ետևից, առանց յայտնի կացուցանելու ֆրակցիաների և խորհրդի նախագահութեանը պատճառների մասին, կրացակայեն Խորհրդի նիստերին:

Ա. Ստամբուլցեան (ս.-ր.). Առաջարկ է մտցնում փոխել նախկին որոշումը, որի համաձայն Ազգային Խորհրդի նիստերն սկսուելու են ժամը 6-ից 15 րոպէ անցած: Ժողովը միաձայն մերժում է այս առաջարկութիւնը:

Այնուհետև ժողովն անցնում է Սանահնի դեպքերի քննությունը: Պատգամաւոր Ա. Երզնկեան (ս.-դ.) մանրամասն զեկուցում է տալիս, որ լրացնում է Լ. Թումանեան (սոց.-դեմ.)⁵⁵: Այդ զեկուցումներից պարզում է, որ դեպքերը մասնաւոր բնոյթ են կրում, առաջ են եկել թեկվիզիցիայի առթիւ կատարուած բռնութիւնների պատճառով և ո՛չ մի հիմք չկայ ենթադրելու հայկական զինուորական մասերի մասնակցութիւնը տեղի ունեցած ընդհարումների մէջ: Առաջարկում է կրկին անգամ պատգամաւորութիւն ուղարկել և անպատճառ ընկնել Ուզունլար գիւղը, որ դեպքերի կենտրոնն է համարում:

Ժողովը որոշում է երկու պատգամաւորութիւն ուղարկել. մէկը՝ երկաթուղով և վրաց կառավարութեան ներկայացուցիչների հետ դէպի Սանահին, իսկ միւսը Վորոնցովկայի⁵⁶ վրայով դէպի Ուզունլար՝ գիւղացիների հետ տեսնուելու և խնդիրը հարթելու համար, նախապէս վրաց կառավարութեան հետ համաձայնութեան գալով, որ հարցը խաղաղութեամբ վերջացնելու դէպքում՝ պատժիչ զօրամասեր չեն ուղարկուի գիւղերը և սահմանավէճն էլ կը յարդարուի Հայաստանի և Վրաստանի կառավարութիւնների փոխադարձ համաձայնութեամբ, մանաւանդ որ Հայաստանի հանրապետութեան արտաքին գործերի մինիստր [Ս.] Տիգրանեանը և Վրաստանի դիւանագիտական ներկայացուցիչ [Ս.] Մդիւանին արդէն ճանապարհին են և միայն ճանապարհների փակուելու պատճառով չեն կարողանում հասնել Թիֆլիս:

Ապա՝ Ազգային խորհուրդն անցնում է Գործադիր Մարմնի բժշկա-սանիտարական և տնտեսական-պարենաւորման

⁵⁵ Բնագրում այդպէս է, պետք է լինի՝ սոցիալիստ հեղափոխական:

⁵⁶ Այժմ՝ Տաշիր:

բաժինների վարիչների, ինչպես և վերահսկիչի ընտրութեանը: Մի քանի բույժ ընդմիջումից յետոյ՝ ձայների մեծամասնութեամբ ընտրում են բժշկա-սանիտարական մասի վարիչ՝ բժիշկ Կ. Ստեփանեան (Հայ Ժող. Կուսակցութիւն), տնտեսական-պարենաւորման վարիչ՝ Ա. Յովհաննիսեան (ս.-ր.) և վերահսկիչ՝ Յովսէփ Խունունց (անկուսակցական):

Ժողովի վերջում Խորհուրդն զբաղուում է Գ. Տէր-Ստեփանեանի (դաշն.) հարցապնդումով:

Պատգամաւոր Տէր-Ստեփանեանը Խորհրդի ուշադրութիւնն է հրաւիրում այն հանգամանքի վրայ, որ Վրաստանի Հայոց Ազգային Խորհրդի ընտրական-օրէնսդրական յանձնաժողովը մատնուած է անգործունէութեան, մինչդէռ անհրաժեշտ է, որ նա օր առաջ գործի անցնի և միջոցներ մշակի Ազգային Խորհրդի օրինաւոր ընտրութիւններ կատարելու համար: Քանի անգամ նիստեր են նշանակուել, բայց այդ նիստերը չեն կայացել, որովհետև յանձնաժողովի անդամները չեն բարեհաճել ներկայ գտնուել:

Վիճաբանութիւնների ընթացքում յիշատակուում է, որ Ազգային Խորհրդի միւս յանձնաժողովներն էլ մինչև այժմ գործունէութիւն չեն ցոյց տուել, որ անթոյլատրելի է:

Յատկապէս ընտրական-օրէնսդրական յանձնաժողովի նկատմամբ նոր ընտրութիւններ են կատարուում և նախկին ութ անդամի փոխարէն ընտրուում են 4 հոգի (Ա. Բարխուդարեան, Լ. Թումանեան, Գ. Տէր-Ստեփանեան և Էդէկների ներկայացուցիչը, որի անունը կը յայտնուի երկու օրից յետոյ), որոնց յանձնարարուում է անմիջապէս գործի անցնել և երեք շաբաթուայ ընթացքում իրենց կազմած ծրագիրը ներկայացնել Ազգային Խորհրդին, հրաւիրելով իրենց նիստերին կօօպտացիայի իրաւունքով նաև դրսից կարևոր ուժերի:

Գաղթականական մասի վարիչ Յ. Արղուրեանի (դաշն.) բացակայութեան պատճառով (նախագահը յայտնեց, որ պ. Արղուրեանը հիւանդ) է) յետաձգուեց հետևեալ նիստին պատգամաւոր Ա. Տէր-Գրիգորեանի (ս.-ր.) հարցապնդումը գաղթականական գործի ներկայիս միանգամայն անբաւարար և ողբալի վիճակի մասին, համեմատելով այն դրութեան հետ, որի մէջ էին գաղթականները պ. [Յ.] Արղուրեանի պաշտօնի մտնելուց առաջ:

Ժողովը փակուում է ժամը 9 և կէսին:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Չայն, 18 դեկտեմբերի 1918, N 84:

N 44

«Աշխատավոր» պարբերականը՝ Վրաստանի ՀԱԽ-ի 1918 թ. դեկտեմբերի 13-ի նիստի մասին

Օրակարգ.

1. Զեկուցում Սանահին մեկնած դելեգացիայի:
2. Պարենաւորման, բժշկա-սանիտարական բաժնի վարիչների և գլխաւոր վերահսկիչի ընտրութիւններ:
3. Աբսենտիզմի վերացման խնդիրը:
4. Հարցապնդում Խորհրդի ընտրական-օրէնսդրական կոմիսսիայի գործնէութեան մասին:
5. Հարցապնդում գաղթականական բաժնի գործնէութեան մասին:

Ազգային խորհրդի որոշման համաձայն, Սանահին մեկնած դելեգացիան վերադառնալով Թիֆլիս տեղեկացրեց Խորհրդին, որ նրան չի յաջողւել որևէ գործնական արդիւնքի

հասնել: Պարզել է միայն, որ շարժումը ունի զուտ տեղական բնույթ, որ ռազմական գործողությունները վարում են մեկ կողմից գիւղացիները, միւս կողմից վրացական կանոնաւոր զօրքերը:

Սկզբնապատճառն է համարում այն հանգամանքը, որ գիւղերում այս կամ այն օրինական պատրւակի տակ տեղական վրացական իշխանությունները գործում են անասելի բռնություններ: Ըստ երևոյթին համբերությունից դուրս եկած գիւղացիները որոշել են ինքնապաշտպանութեան դիմել: Պատուիրակութեանը յաջողւել էր համոզել վրաց հրամանատարութեանը չոմբակոծել Սանահինը և մօտակայ գիւղերը, մինչև որ կը յաջողի խնդիրը խաղաղ կերպով լուծել: Դելեգացիան վերադարձել է ցուցմունքներ ստանալու համար:

Խորհուրդը որոշեց.

Ստանալով վրաց կառավարությունից գարանտիաներ, որ գործողությունների դադարեցնելու դէպքում շրջակայ գիւղերը չեն ուղարկւի պատժիչ զօրամասեր և չեն գործադրւի բռնի միջոցներ, ուղարկել երկու պատուիրակություն. մեկը դէպի Ուզունլար համոզելու գիւղացիներին վերջ տալու գործողություններին, միւսը Սանահին շարունակելու բանակցությունները վրաց հրամանատարութեան հետ:

2. Բաց քւեարկութեամբ պարենաւորման բաժնի վարիչ ընտրւում է Ա. Օգանեզովը, բժ. սանիտարական՝ բժ. [Կ.] Ստեփանեան և գլխ. վերահսկիչ - [Յ.] Խունունց:

3. Խորհրդում նկատուող արքենտիզմի վերջ տալու համար ընկ. Դ. Դաւիթխանեանը առաջարկւում է ա)կազմել խորհրդի իսկական անդամների և փոխանդամների լիակատար ցանկը, բ)թեկնածուներին ձայն տալ միայն այն ժամանակ, երբ խորհրդի անդամը կը հրաժարւի իր կողմից, գ)համապատաս-

խան փոփոխություններ մտցնել նակագի մեջ: Առաջարկությունները ընդունում են:

4. Ընկ. Գ. Տեր-Ստեփանեանի հարցապնդումից պարզում է, որ ընտրական-օրենսդրական կոմիսիան, որ պարտաւոր էր մշակել ապագայ ազգային խորհրդի ընտրությունների նախագիծը, բնաւ ոչ մի քայլ այդ ուղղութեամբ չի կատարել:

Ընկ. Բ. Թոփչեանը դրա պատճառը գտնում է նրանում, որ մի քանի ֆրակցիաներ բնաւ շահագրգռած չեն այդ ընտրություններով: Գտնում է, որ Խորհուրդը ոչ մի բարոյական կամ իրաւական հիմունք չունի իր գոյութիւնը շարունակելու: Կտրւած մասսաներից, անկարող որևէ գործ անել, չզգալով և ոչ մի պատասխանատու[թիւն] աշխատանքի] հանդէպ, այդ մարմինը մի քառանկիւնի անախրոնիզմ է: Պետք է վերջապէս պարզօրէն դուր ինքնացրման և ընտրություններ նշանակելու հարցը: Առաջարկում է փոփոխել կոմիսիայի կազմը և տալ նրան 3 շաբաթ ժամանակ ընտրությունների նախագիծ մշակելու համար:

Առաջարկներն ընդունում են:

5. Գաղթականական գործի վերաբերեալ հարցապնդումը յետաձգում է, համապատասխան բաժնի վարիչի հիւանդ և բացակայ լինելու պատճառով:

Արմիկ

Տե՛ս Վրաստանի Հայոց Ազգ. Խորհուրդ //
Աշխատաւոր, 17 դեկտեմբերի 1918, N 207:

N 45

Ախալքալաքցիների հայրենակցական միության վարչության փոխնախագահ Գր. Պապոյանի կարծիքը՝ Վրաստանի ՀԱԽ-ի կողմից գաղթականներին ցուցաբերած օգնության մասին

<...> Այն օգնութիւնը, որ ցոյց է տալիս Վիրահայ Ազգային Խորհրդի գաղթականական բաժինը (նախկին Գլխաւոր Խորհուրդը միացեալ հայ գաղթականական հիմնարկութիւնների) աննշմարելի է և ունի ձևական բնոյթ, իրականօրէն ոչ մի օգուտ չի տալիս գաղթականութեան, որովհետև այնտեղ, ուր պահանջուում է տասնեակ միլիոններ, Ազգային Խորհուրդը հնարաւորութիւն ունի ծախսելու միայն մի քանի հարիւր հազար ռուբլի: Յիշեալ ընկերութիւնը, որ լարել է իր բոլոր ուժերը և միջոցները, մի գաղթականի վրայ ամսական ծախսել է հինգ ռուբլուց ոչ աւելի <...>:

Տե՛ս Ախալքալաքի գաւառի հայ գաղթականութեան համար // Նոր Հորիզոն, 18 դեկտեմբերի 1918, N 22:

N 46

Հաղորդագրություն՝ Վրաստանի վարչապետ Ն. Ն. Ժորդանիայի և ՀԱԽ-ի լիազորների աշխատանքային հանդիպման մասին (1918 թ., 16 դեկտեմբերի)

Դեկտ. 16-ին Վիրահայ Ազգ. Խորհրդից մի պատուիրակութիւն ներկայացաւ վրաց կառավարութեան նախագահին և յայտնեց խորհրդի վերաբերմունքը դէպի հայ-վրացական միջադէպը: Պատուիրակութիւնը համարեց կործանարար երկու ժողովուրդների բախումը և Վիրահայ Ազգ. Խորհուրդը աջակ-

ցութիւնն առաջարկեց բարոյապէս ազդելու հայկական կառավարութեան վրայ վերջ տալու արիւնոտ միջադէպին:

Տե՛ս Վրաստանի Հ. Ազգ. Խորհրդի
պատուիրակութիւնը Ժորդանիայի մօտ //
Աշխատաւոր, 18 դեկտեմբերի 1918, N 208:

N 47

**Լրագրային հաղորդում՝ Վրաստանի արտգործնախարար
Ե. Պ. Գեգեճկորու և ՀԱԽ-ի լրագրոված անդամների
աշխատանքային հանդիպման մասին
(1918 թ., 16 դեկտեմբերի)**

Դեկտեմբերի 16-ին, երկուշաբթի օրը, ներկայացաւ արտաքին գործերի մինիստրին Վրաստանի Հայոց Ազգային Խորհրդի պատուիրակութիւնը հինգ հոգուց բաղկացած, որոնց հետ ներկայ էին Ա. Զուրաբեան⁵⁷, Լ. Թումանեան, [Դ.] Դաւիթ-Խանեան:

Պատուիրակութիւնը բացատրեց Հայոց Ազգային Խորհրդի վերաբերմունքը Վրաստանի և Հայաստանի միջև ծագած կոնֆլիկտի մասին, արտայայտելով հանդերձ այն կարծիքը, որ պատերազմը կործանիչ հետևանք կունենայ երկու հասարակապետութեան վրայ: Պատուիրակութիւնն առաջարկեց իր բարոյական աջակցութիւնը՝ Հայաստանի Կառավարութեան վրայ ազդել պատերազմը կանխելու նպատակով:

Տե՛ս Վրաստանի Հայոց Ազգային Խորհուրդի
ներկայացուցիչները Ե. Պ. Գեգեճկորու մօտ //
Ժողովրդի Ձայն, 19 դեկտեմբերի 1918, N 85:

⁵⁷ **Զուրաբով (Զոհրաբյան) Արշակ Գերասիմի** (1873-1920), անվանի սոցիալ-դեմոկրատ, Վրաստանում և Հայաստանում գործող «մենջևիկ ինտերնացիոնալիստներ» հոսանքի առաջնորդ:

**«Знамя Труда» պարբերականը Վրաստանի ՀԱԽ-ի
անդամների Լոռվա մարզում կատարած միջնորդական
առաքելության մասին (1918 թ., դեկտեմբեր)՝
արտատպված «Ժողովրդի Ձայն»-ում**

<...> Դեկտեմբերի 11-ին, երեկոյեան Թիֆլիսից դեպքերի վայրը մեկնեց մի պատուիրակութիւն, որի կազմի մէջ էին մինիստրների օգնականներ՝ [Գ.] Սախարաձէն և [Ա.] Գեղևանով, վրաց պարլամենտի և Վիրահայոց Ազգ. Խորհրդի անդամներ՝ Ա. Ա. Երզնկեան, Լ. Գ. Թումանեան և Պ. Մ. Դոլուխանեան: Պատուիրակութեանը չհաջողուեց Ալլահվերդի կայարանից այն կողմն անցնել: Պատուիրակութիւնը կանչեց Հաղբատ և Սանահին գիւղերի պատուաւոր գիւղացիներին և ուղարկեց նրանց Ուզունլար և Ակոռի գիւղերը, առաջարկելով այդ գիւղերի ներկայացուցիչներին գալ Ալլահվերդի կայարանը բանակցութիւնների համար: Սուրհանդակները ուղևորուեցին դեկտ. 12-ի առաւօտը և չվերադարձան մինչև հետևեալ օրուայ ժամը 11-ը: Դեկտ. 13-ին, ժ. 11 և կէսից վրաց զօրքերը վերանորոգեցին թնդանօթային և գնդացիրային կրակը շրջակայ բարձունքների վրայ: Գիւղացիները պատասխանում էին հրացաններով: Յաջողութեան չհասնելով և չկարողոնալով կապուել Սանահնի կամ Երևանի հետ, պատուիրակութիւնը 13-ի երեկոյեան վերադարձաւ Թիֆլիս: Հակառակ Բորչալուի գէներալ գուբերնատորի⁵⁸ հաւաստիացումներին, պատուիրակութեան միահամուռ կարծիքն այն էր, որ դեպքերը սկզբում կրել են զուտ տեղական բնոյթ և նրանց մէջ հայ կանոնավոր զօրամասերը մասնակցութիւն չեն ունեցել:

⁵⁸ Խոսքը, հավանաբար, գէներալ Գ.Դ. Շուկուկիձէի մասին է:

Դեկտեմբերի 15-ին Վրաստանի Հայոց Ազգային Խորհրդի պատուիրակությունը նորից փորձ արաւ աստոմոբիլով ներս անցնել Ուզունլար և Ակոռի գիւղերը ոլոր ճանապարհով, որ- պէսզի ռազմական գործողութիւններին վերջ տալ կարողա- նայ: Պատուիրակութեան հետ մեկնեց նաև հայոց պարլամեն- տի անդամ [Գր.] Տէր-Օհանեանը, որ յանձն առաւ ուղիղ հեռա- խօսագծով խօսել Երևանի հետ: Պատուիրակութիւնը նախա- պէս առել էր վրաց կառավարութեան համաձայնութիւնը դէպ- քերի վայրը գնալու համար, սակայն Եկատերինենֆելդ⁵⁹ գիւղի մօտ ժողովրդական գուարդիականները նրանց չէ թողին ան- ցնել և ուզում էին նրանց վրայ բռնութիւններ գործ դնել: 17-ի առաւօտեան պատուիրակութիւնը վերադարձաւ Թիֆլիս: <...>

«Знамя Труда» (Թիֆլիս, 1918 թ., N 68) թերթից
արտատպված հոդվածը
տե՛ս Ճշմարտութիւնը Սանահնի դէպքերի մասին //
Ժողովրդի Ձայն, 20 դեկտեմբերի 1918, N 86:

N 49

Լրագրային հաղորդում՝ Վրաստանի ՀԱԽ-ի 1918 թ. դեկտեմբերի 29-ի նիստի մասին

Նախագահում է Ա. Բարխուդարեան:

Այն օրուանից⁶⁰, երբ կառավարութեան կարգադրութեամբ խուզարկութիւն կատարուեց Արամեանցի տանը⁶¹, ուր գտն-

⁵⁹ Խոսքը գերմանացի գաղութաբնակների ավանի, այժմ՝ Բոլնիսի քաղաքի մասին է:

⁶⁰ Իմա՝ 1918 թ., դեկտեմբերի 20-ը:

⁶¹ Խոսքը մեծահարուստ և բարերար Միքայել Արամյանցի առանձնատան մասին չէ: Թիֆլիսահայերը՝ իրենց առօրյա զրույցներում «Արամեանցի տուն» ասելով, սովորաբար ի նկատի ունենին նրան պատկանող «Մաջես-

ում էր և Վրաստանի Հայոց Ազգային Խորհուրդը, դեռ Ազգային Խորհուրդը նիստ չէր գումարել. վերջապես ամսիս 29-ին Բարեգործական Ընկ. դահլիճում կայացաւ արտակարգ նիստը, ուր քննութեան առնուեցին մի շարք խնդիրներ՝ կապուած ներկայ ծանր հանգամանքների հետ:

Արամայիս Երզնկեանի տուած զեկուցումից երևաց, որ Ազգային Խորհուրդը փաստօրէն ենթարկուած է անգործութեան, որովհետև գրաւուած է նրա շէնքը, գոյքը, ամբողջ դրամն ու պարէնը: Գաղթականական բաժինը մնացել է անելանելի դրութեան մէջ, գաղթականութիւնը տառապում է սովից ու այլ տանջանքներից և հնարաւորութիւն չկայ նրան օգնութեան հասնելու: Բացի դրանից կառավարութիւնը մեղադրում է Ազգ. Խորհրդին այն բանի մէջ, որ իբրև թէ հակակառավարական գործեր է կատարել⁶²: Նա անձամբ խօսել է ներքին գործոց մինիստրի հետ⁶³ յիշեալ խնդիրների մասին և այն մասին, որ

տիկ» (այժմ՝ Թբիլիսի-Մարիոտ) հյուրանոցը: Դրա հարկերից մեկում այդ օրերին գտնվել է նաև ՀՀ-ի ներկայացուցչության գրասենյակը:

⁶² Մինչ օրս վրաց պատմաբաններից ոնանք շարունակում են կրկնել ժամանակի բարբաջանքները, իբր ՀԱԽ-ը չարամտորեն էր տրամադրված վրաց հանրապետության հանդէպ, իր գրասենյակում գաղտնի խորհրդակցութուններ է հրավիրել և դավադիր ծրագրեր է մշակել նրա դէմ, ինչպես նաև հավաքագրել է հայազգի երիտասարդներին մտադրությամբ՝ կամավորների բանակ ստեղծել Վրաստանի դէմ պայքարելու համար: Տէ ւ Вадачкорія Ш. Вопросы грузино-армянских взаимоотношений в политической мысли Грузии (1918-1920). Тбилиси, 1999, с. 107-108. Այն ինչ, Վրաստանի ՆԳ նախարարը խորհրդարանի բարձր ամբիոնից խոստովանել էր, որ ՀԱԽ-ը վրաց պետության հանդէպ օրինապահ է եղել և մասնակցություն չի ունեցել որևէ դավադրության մէջ: Տէ ւ Վրացական պառլամենտ //Ժողովրդի Ձայն, 5. 01. 1919: Ինչպես տեսնում ենք, վրաց հետագոտողները միտումնավոր, թե ո՛չ, թերանում են պատմական իրողության մէջ:

⁶³ Խոսքը Ն. Վ. Ռամիշվիլու մասին է:

սկսուած է հայ ազգի դէմ առանձին հալածանք և թուում է, թէ հայութիւնը օրէնքից դուրս է յայտարարուած⁶⁴:

Ձեկուցումից յետոյ տեղի ունեցաւ մտքերի փոխանակութիւն: Ժողովը կայացրեց հետևեալ որոշումները:

1. Կանոնաւոր շարունակել Ազգային Խորհրդի պարապմունքները ուրիշ շէնքում:

2. Պարլամենտի հայազգի անդամները անպատճառ յաճախեն պարլամենտ, առանց ի նկատի առնելու այն հանգամանքը, որ տակաւին չեն բաւարարուած իրենց հասցրած վիրաւորանքի համար անցեալ նիստերից մէկում⁶⁵: Պարլամենտի անդամները պէտք է բացատրեն իրենց բացակայութեան պատճառը և այն՝ թէ ի՞նչն է ստիպում իրենց յաճախել այսուհետև պարլամենտական նիստերին: Պարլամենտի հայ անդամները պէտք է մի շարք հարցապնդումներ անեն վերջերս տեղի ունեցած և տեղի ունեցող կառավարչական հալածանքների առթիւ: Ազգային Խորհուրդը ուրեմն պէտք է գործէ պարլամենտի հայ անդամների միջոցով յայտարարութիւններ անելով և ինքն անձամբ վերահասու պէտք է լինի ամեն մի ճնշման դէպքում հարկաւոր օրինական միջոցները ձեռնարկելով:

⁶⁴ Ինչպէս ասված էր Վրաստանի խորհրդարան մտցված նրա հայ պատգամավորների հարցապնդման մեջ՝ «Թիֆլիսում և թէ Վրաստանի այլ և այլ վայրերում տեղի են ունենում բոլորովին անհիմն, անսխտեմ, մասսայական խուզարկութիւններ, ձերբակալումներ և աքսորներ հայերի, միայն նրա համար, որ նրանք հայ են»: Տե՛ս՝ ս Ժողովրդի Ձայն, 25. 12. 1918:

⁶⁵ Խոսքը՝ Վրաստանի խորհրդարանում 1918 թ. դեկտեմբերի 17-ին տեղի ունեցած միջադեպի մասին է, երբ Հայաստանի կառավարության դէմ արտասանած վարչապետ Ն. Ժորդանիայի ճառը ողջունող դահլիճի բուռն ծափահարություններին՝ չմիացան ներկա եղած հայազգի պատգամավորները: Վերջիններիս հասցեին հնչեցին վիրավորանքներ, վրաց պատգամավորներից ոմանք էլ բռունցքներով հարձակվեցին ՀՅԴ-ի խմբակցության անդամների վրա: Տե՛ս Վրաստանի պառլամենտում դաշնակցական պատգամաւորների բողոքը // Նոր Հորիզոն, 18 դեկտեմբերի 1918:

Եւ քանի որ ամենահրատապ հարցը մեր գաղթականութեան սոված չթողնելն էր, ուստի որոշուեց անմիջապէս ընտրել մի պատգամաւորութիւն, որ վաղն և եթ ներկայանայ կառավարութեան, որ նա կարգադրութիւն անի Ազգային Խորհրդի գոյքն ու ստացուածքը վերադարձնելու: Պատգամաւորութիւնը բաղկացած է ֆրակցիաների աւագներից. - ա) Ա. Բարխուդարեան (Ժողովրդ.), բ) Ա. Թադէոսեան (դաշն.), գ) Ա. Երզնկեան (Էսդէկ), դ) Ա. Յովհաննիսեան (Էս-Էր):

Ազգային Խորհուրդը զբաղուեց նաև քաղաքային ընտրութիւնների ցուցակագրման խնդրով: Ի նկատի ունենալով, որ այժմ հայ հասարակութիւնը ենթարկուած է ահաբեկման և հպատակութեան հարցն էլ շատ անորոշ դրութեան մէջ է, աշխատելու է, որ միաժամանակ յետաձգուի ցուցակագրութիւնը⁶⁶:

Խ.

Տե՛ս Վրաստանի Հայոց Ազգ. Խորհուրդ // Ժողովրդի Չայն, 31 դեկտեմբերի 1918, N 95:

N 50

Հաղորդագրություն՝ վարչապետ Ն. Ն. Ժորդանիայի և Վրաստանի ՀԱԽ-ի լիազորների աշխատանքային հանդիպման մասին (1918 թ., 30 դեկտեմբերի)

Դեկտեմբերի 30-ին, ցերեկուայ ժամը 1-ին Վրաստանի Հայոց Ազգային Խորհրդի պատգամաւորութիւնը ներկայացաւ կառավարութեան նախագահ Ն. Ն. Ժորդանիային և երկա-

⁶⁶ Թիֆլիսի ընտրագանգվածի ցուցակագրությունն իրականացվել է 1918 թ. դեկտեմբերի 28-ից 30-ը, ուստի հայերի նկատմամբ իրականացվող հալածանքների ամենաթեժ պահին: Տե՛ս Քրոնիկոն // Ժողովրդի Չայն, 31 դեկտեմբերի 1918:

րատն գրոյց ունեցաւ նրա հետ թէ՛ Թիֆլիսում վերջին օրերս տեղի ունեցող անցքերի և թէ՛ բազմաթիւ ձերբակալութիւնների և գրաւումների մասին:

Կառավարութեան նախագահը, յայտնելով այն կարծիքը, որ ներկայ պայմաններում ցանկալի չէ վիրահայոց Ազգային Խորհրդի գործունէութիւնը նրա նախկին ծաւալով և չափերով, յամենայն դէպս խոստացաւ անմիջապէս կարգադրութիւն անել, որ Խորհրդի Գործադիր Մարմինը և նրա Գաղթականական բաժանմունքը բոլորովին անարգել շարունակեն իրենց ընդհատուած գործունէութիւնը: Ինչ վերաբերում է Ազգային Խորհրդի բոլոր այն գումարներին, որոնք գրաւուած են վրաց իշխանութիւնների կողմից՝ կառավարութեան նախագահը կտրուկ կերպով յայտնեց, որ այդ գումարները, ինչպէս և Խորհրդին պատկանող այլ իրերը անմիջապէս կը վերադարձուեն ըստ պատկանելոյն⁶⁷:

⁶⁷ Վրաց իշխանութիւնները առգրավել էին նաև մի շարք հայկական այլ կազմակերպութիւնների ունեցվածքը, ինչպէս Կովկասի Հայ Բարեգործական Ընկերության ստացվածքը: Վերհիշելով այս անհրապոյր երևոյթները, Վրաստանի ՀԱԽ-ի անդամները 1921 թ. գրում էին. «Характерна конфискация имущества Армянского Благотворительного Общества, солидного и аполитичного учреждения, в то время целиком ушедшего в дело призрения сирот <...> Власти <...> не пощадили <...> их продовольствия, а также тех 5.500 фунтов стерлингов, которые были предоставлены Обществу на нужды сирот Американским Комитетом Помощи Ближнему Востоку. Незаконмерность и жестокость этой меры в отношении архи-благонадежного Общества и невинных детей – трудно было, конечно, хотя и поздно, после причинения напрасных страданий сиротам, признать грузинскому Правительству, которое вскоре вернуло Обществу конфискованное имущество; но и тут характерно то замечательное обстоятельство, что из всего конфискованного имущества Благотворительное Общество до сих пор не может получить этих 5500 фунт. стерлингов, и не потому, чтобы Правительство считало их не подлежащими возврату, т. к. при каждом обращении соответствующий Министр заверяет, что, конечно, правительство обязано их вернуть Обществу по принадлеж-

Քաղաքում տեղի ունեցող ձերբակալությունների ժամանակ կատարուող անկարգությունների առթիւ Ն. Ն. Շորդանիան, որպէս կառավարութեան գլուխ յայտնել է իր զայրոյթը և հաստատ համոզմունքը, որ այդպիսի անկարգությունների դէմ կառավարութիւնը ձեռք կառնի բոլոր միջոցները և բոլոր մեղաւորներին ու յանցաւորներին կը պատժի ամենախիստ կերպով:

Տէ՛ս Վրաստանի Հայոց Ազգային Խորհրդի
պատգամաւորութիւնը
կառավարութեան նախագահի Ն. Ն. Շորդանիայի մօտ //
Շողովրդի Ձայն, 1919, 1 հունվարի, N 1:

N 51

1918-ին Վրաստանի հայկական ժողովրդական և հայոց լեզվի (կամ՝ հայագիտական առարկաների) դասավանդմամբ պետական դպրոցների կացութեան մասին

<...> Դպրոցական կեանքը Վրաստանում սկսուել է պաշտօնապէս սեպտեմբերի 21-ին, բայց իրապէս կանոնաւոր պարապմունքները հոկտեմբերի 1-ից առաջ չեն եղել:

Վրաստանի կառավարութեան դպրոցական քաղաքականութեան մէջ նկատուել են և դժվարութիւն առաջացրել հետևեալ հանգամանքները.

Նախ՝ Վրաստանի կառավարութիւնը կամենալով ազգայնացման ենթարկել դպրոցները, գլխաւորապէս միջնակարգ

ности, хотя – и это характерно – уклоняется от подтверждения этого обязательства в письменной форме». Տէ՛ս MEMORANDUM, Учредительному Собранию о Национальном Самоуправлении армян в Грузии. [Тифлис, 1921]. С. 43-44.

դպրոցները և բաժանելով եղած դպրոցական հաստատությունները երեք գլխաւոր ազգութիւնների՝ վրացիների, հայերի և ռուսների մէջ, միանգամայն ոտքի տակ տուեց տարրական արդարութեան պահանջները. այդպէս հայերը երկու անգամ աւելի աշակերտութիւն ունենալով, քան թէ վրացիները⁶⁸, ստացան անհամեմատ աւելի պակաս թուով դպրոցներ և լաւագոյն դպրոցական շէնքերն էլ յատկացուեցին վրացական գիմնազիւաներին: Վրացական չորս լրիւ գիմնազիւաների դէմ հայերն ստացան միայն երկուսը՝ Երրորդ արականը և Երրորդ իգականը:

Երկրորդ՝ Հայերի համար ազգայնացրած գիմնազիւաների վարչութիւնը նշանակուեց Վրաստանի հանրապետութեան լուսաւորութեան նախարարութեան կողմից, առանց համապատասխան հայկական հիմնարկությունների, օրինակ Վրաստանի Հայոց Ազգային Խորհրդի, ցանկութիւնն ու կարծիքը հարցնելու: Այդ բաւական չէ. ազգայնացած հայկական գիմնազիւաներում նշանակուեցին օտարազգի վերատեսուչներ կամ տեսուչներ, լիովին անհամապատասխան ազգայնացման պահանջներին, լոկ քաղաքական նպատակներով և ո՛չ թէ մանկավարժական⁶⁹:

⁶⁸ 4800 աշակերտություն ունեցող Թիֆլիսի 6 պետական արական գիմնազիւաներում 1918-1919 ուս. տարվա մեկնարկի սկզբում ուսանում էր 1600 ռուս, 1500 հայ և 900 վրաց ազգությամբ դպրոցական: Տե՛ս Տէր - Մինասեան Ե. Դպրոցական գործի ներկայ դրութիւնը // Ժողովրդի Ձայն, 14 սեպտեմբերի 1918:

⁶⁹ ՀԱԽ-ն ի սկզբանէ, ավաղ, այն թյուր համոզմունքը ուներ, թէ վրաց նորաստեղծ հանրապետության առաջնորդները հետևողական կլինեն ազգային փոքրամասնությունների մշակութային ինքնավարության հարցում և ՎԴՀ-ում կիրականացնեն այն նույն կերպով և ծավալով, ինչպէս դա իրենք նախկինում էին պահանջում Ռուսաստանի ցարական իշխանություններից՝ Կովկասի ողջ ժողովուրդների համար:

Երրորդ՝ Այսպիսի դրութեան մէջ պետք էր սպասել, որ գէթ վերահսկողութեան իրաւունք կըտրուի Վրաստանի Հայոց Ազգային Խորհրդին այդ դպրոցների վերաբերութեամբ, քանի որ Վրաստանի լուսաւորութեան մինիստրութիւնը ո՛չ ցանկութիւն և ո՛չ էլ կարողութիւն ունէր դրանով զբաղուելու: Սակայն, չնայելով Ազգային Խորհրդի ետանդուն միջնորդութիւններին ու բանակցութիւններին, մինչև անգամ կառավարութեան նախագահի հետ, զգալի հետևանք չըստացուեց այս հարցում՝ գլխաւորապէս լուսաւորութեան մինիստրութեան անհասկանալի դիմադրութեան պատճառով: Խոստումներ լինում են, բայց այդ խոստումները իրական գործի չեն վերացում:

Այսպիսով՝ թէև կան Թիֆլիսում հայերի համար ազգայնացած գիմնազիաներ, բայց հայ հասարակութիւնը բոլորովին չէզոքացրած և մեկուսացուած է նրանց գործերից և տեղեկութիւն անգամ չունի, թէ ի՞նչ է կատարում նրանց մէջ: Ինչպէս և զլացում է նրան իրաւունք իրազեկ լինելու հայկական առարկաների դասաւանդութիւնը նաև մասնաւոր բազմաթիւ դպրոցներում. մի իրաւունք, որ մի ժամանակ վայելում էին հայոց հոգևոր իշխանութեան ներկայացուցիչները: Աւելի վատ է դրութիւնը գաւառում, ուր բոլորովին չկան հայկական միջնակարգ դպրոցներ, բացի Թելաւից, ուր հայերը բացել են մասնաւոր հայկական գիմնազիա⁷⁰, որը մեծ կարիք ունի արտաքին

⁷⁰ Երբ տեղի պետական գիմնազիան ենթարկվեց ազգայնացման, այսինքն վրացացվեց, Թելավի հայերը խնդրեցին իշխանություններին թույլ տալ իրենց ունենալ սեփական գիմնազիա: Նրանք հայցեցին այդ նպատակի համար և շէնք և որոշ գումար, որպէս նպաստ: Լուսավորության նախարարության միջոցով իրազեկվեց, որ նա կարող է նպաստել հայերին, եթե վերջիններս ընդունեն Վրաստանի հպատակությունը: Թելավի հայերը ժողով գումարելով, միաձայն որոշեցին ընդունել այդ պահանջը: Շուտով Թիֆլիսից ժամանում է մի հանձնաժողով, որին, ի միջի այլոց, հանձնարարված էր շէնք

օժանդակութեան, քանի որ վրաց կառավարութիւնը նրան ոչինչ չի տալիս:

Այդ տեսակետից շատ անելի բարեյաջող վիճակի մեջ են պետական քաղաքային տարրական դպրոցները, որոնց վերահսկողութիւնը լիովին յանձնուած է քաղաքային վարչութիւններին⁷¹, իսկ սրանք հրաւիրում են, ինչպէս օրինակ Թիֆլիսում, համապատասխան հայ մանկավարժ՝ այդ դպրոցներում վերահսկողութիւն կատարելու համար:

Ինչ վերաբերում է ազգայնացման ձևի և տեմպի հարցերին, վրաց կառավարութիւնը կարգադրել է վրաց գիմնագիւաներում ազգայնացնել միանգամից մինչև Ե. դասարանը, միայն ծայրայեղ դէպքերում բացառութիւն թոյլ տալով, իսկ հայկական գիմնագիւաներում ազգայնացրած է մինչև Բ. դասարանը, տեղ տեղ միայն մինչև Ա. դասարանը⁷², Վրաստանի Հայոց Ազ-

գտնել հայկական գիմնագիւայի համար: Տեղի իշխանությունները առաջարկեցին մի շարք շինություններ, որոնք այնպիսի վիճակի մեջ էին, որ այնտեղ դպրոց բանալ բոլորովին անհնարին էր: Տե՛ս Թելաւում // Ժողովրդի Չայն, 19 հոկտեմբերի 1918: Ի վերջո, «Թելաւ քաղաքի ուսումնարական յանձնաժողովը <...> դիմել է Թիֆլիսի հարուստ վաճառական, տեղիս քաղաքացի Ալեքսանդր Ռոստոմեանցին, [որը] իր լայնածաւալ սեփական տունը, III Նագորնի փողոցի վրա գտնվածը, յատկացրել է գիմնագիւային, որտեղ արդէն սովորում են մօտ 180-ի չափի երեխաներ»: Տե՛ս Բերինեան Բ. Առաջին հայկական գիմնագիւան Թելաւում // Սշակ, 2 հոկտեմբերի 1918:

⁷¹ Տե՛ս Ս. Школьное дело в Тифлисе // «Борьба», 23 января 1920. Նաև՝ Хроника: Городские школы // «Слово» (Тифлис), 11 марта 1920.

⁷² Ռոսաստանում գործող Ժողովրդական լուսավորության նախարարության կանոնադրության համաձայն արական դասական գիմնագիւաներում (միջնակարգ հանրակրթական հաստատություն) ուսուցումն ութամյա էր: Գիմնագիւաներ ավարտող օրիորդները գուրկ էին մնում Ռոսաստանի պետական համալսարաններում ուսումը շարունակելու իրավունքից: Սակայն օրիորդաց գիմնագիւաները ունէին լրացուցիչ 8-րդ մանկավարժական դասարան և շրջանավարտ սաներին շնորհում էին նաև ուսուցչուհու վկայական:

գային Խորհրդի վճռի համաձայն, որ հաղորդուած էր լուսաւորութեան նախարարութեանը:

Աննախանձելի դրութեան մէջ են եղել 1918 թին Վրաստանի հայոց եկեղ-ծխական դպրոցները: Սրանց մի մասը մնացել է փակ՝ շէնքերի գաղթականներով կամ այլ պետքերի համար բռնուած լինելու պատճառով, միւս մասը նիւթական հնարաւորութիւն չունի գործի անցնելու և բաց մնացել են շատ քիչ թուով դպրոցներ: Դրութիւնը համեմատաբար աւելի լաւ է Սուխումի և Սոչիի շրջաններում, ուր դպրոցները բաց են և կան նոյն իսկ շրջանային տեսուչներ: Այս ցաւին դարման տանելու և նոր դպրոցներ բաց անելու համար որոշ աշխատանքներ սկսեց գործ դնել Վրաստանի Հայոց Ազգային Խորհրդի դպրոցական բաժինը, բայց այդ աշխատանքները խանգարուեցին վերջին հայ-վրացական կոնֆլիկտի պատճառով:

Ծրագրի կամ կանոնադրութեան փոփոխութիւն այդ դպրոցների համար տեղի չի ունեցել: Միայն Վրաստանի Հայոց Ազգային Խորհուրդն յայտարարել է իրեն գերագոյն տէր ու տնօրէն բոլոր դպրոցների և դրանով ստեղծել մի տեսակ երկմիտ կացութիւն: Թեմակալ Առաջնորդն էլ է իրեն տէր ու տնօրէն համարում, Ազգային Խորհուրդն էլ և հարցը իրաւականօրէն վճռուած չէ դեռ ևս, իսկ այդպիսի երկուութիւնը օգտակար լինել չի կարող:

Աւելի բարեյաջող վիճակի մէջ են հայոց սակաւաթիւ միջնակարգ դպրոցները Վրաստանում՝ Ներսիսեան, Յովնանեան, Գայիանեան և այլն, որոնք փոքր ի շատէ կանոնաւոր շարունակել են իրենց ընթացքը, բացի Գայիանեան դպրոցից, որի շուրջը անցեալ ուսումն. տարուանից խոշոր վէճեր ու թիրիմացութիւններ են առաջացել հոգաբարձական մարմնի և մանկավարժական կազմի մէջ. այն աստիճան խոշոր, որ վտանգ

են սպառնացել դպրոցի փակմանը: Ներկայ 1918-1919 ուս. տ. սկզբին Վրաստանի Հայոց Ազգային Խորհրդի միջամտութեամբ միայն յաջողուեց այդ ծանր միջադէպը հարթել, դպրոցն ազատել կրքերի պայքարի ասպարէզ լինելուց և բաց անել նրա դռները աշակերտութեան առաջ: <...>

Քուիբինուս⁷³

Տե՛ս Դպրոցական կեանքը 1918-ին //
Շողովրդի Ձայն, 5 հունվարի 1919, N 3:

N 52

Լրագրային հաղորդում՝ վարչապետ Ն.Ն. Ժորդանիայի և Վրաստանի ՀԱԽ-ի լիազորների աշխատանքային հանդիպման մասին (1919 թ., 6 հունվարի)

Յունուարի 6-ին, ճաշից յետոյ ժամը 4-ին Վրաստանի հանրապետութեան կառավարութեան նախագահ Ն. Ն. Ժորդանիային ներկայացան Վրաստանի Հայոց Ազգային Խորհրդի պրեզիդիումն ու Գործադիր մարմինը՝ բողոքելու համար այն ընդհանուր ձերբակալութիւնների, շուրջկալների դէմ, որ տեղի ունեցաւ յունուարի 5-ին վաղ առաւօտուանից մինչև ժամը 3-ը, որի ժամանակ ձերբակալուել էին աւելի քան 4-5 հազար հոգի միայն նրա համար, որ հայ լինելու «դժբախտութիւնն էն» ունեցել:

Վրաստանի Հայոց Ազգային Խորհրդի պրեզիդիումն ու Գործադիր մարմինը կառավարութեան նախագահի ուշադրութիւնը մի վերջին անգամ հրաւիրեց այն հանգամանքի վրայ, որ կառավարութեան գործելակերպի և կարգադրութիւնների շնորհիւ ամբողջ հայ ազգը փաստօրէն օրէնքից դուրս է

⁷³ Հայագետ Ե. Գ. Տեր-Մինասյանի ծածկանունն է:

յայտարարուած և ենթակայ է ամեն տեսակ ապօրինի նութիւնների և խժոժութիւնների ու կամայականութիւնների, որ տանելի լինել չի կարող: Յունուարի 5-ին ձերբակալուում էին ո՛չ թէ միայն Հայաստանի Հանրապետութեան հպատակներին, այլ անխտիր բոլորին, որոնք յայտնում էին, թէ հայ էին կամ չէին կարողանում ապացուցել, որ հայ չեն: Եւ այդ բանն արւում էր այնպիսի ձևով, որ վիրաւորական լինէր հայ ժողովրդի ազգային արժանապատութեան համար:

Վրաստանի Հայոց Ազգային Խորհրդը խնդրում է բացատրել, թէ ի՞նչ էր երէկուայ այդ շուրջկալների և ձերբակալութիւնների պատճառը և միևնոյն ժամանակ կարգադրել, որ այդպիսի դէպքերը միանգամ ընդ միշտ վերջ ունենան, քանի որ նրանք օգտակար լինել չեն կարող ո՛չ պետութեան համար և ո՛չ էլ նպաստաւոր դրութիւն են ստեղծում Ազգային Խորհրդի գործունէութեան համար, որ ստիպուած պէտք է գգայ իրեն բոլորովին մի կողմ քաշուելու:

Կառավարութեան նախագահը բացատրեց, որ յունուարի 5-ի ձերբակալութիւններն ու շուրջկալները կատարուել են ի և ե ր ց ի ա յ ո վ⁷³, նախկին կարգադրութիւնների հիման վրայ, որոնց համաձայն պէտք է կալանաւորուէին իբրև զինուորական գերիներ Հայաստանի հանրապետութեան այն բոլոր քաղաքացիները, որոնք 18-45 տարեկան հասակ ունեն: Նա արդէն խստիւ կարգադրել է դադարեցնել բոլոր մասսայական շուրջկալներն ու ձերբակալութիւնները և եթէ ամսի 5-ից յետոյ տեղի են ունեցել այդպիսի դէպքեր, այդ նշանակում է եղած է իր պարզ և որոշ հրամանին հակառակ, որի համար միջոցներ ձեռք կառնուեն: Կարգադրուած է կառավարութեան կողմից,

⁷³ Ընդգծումը հեղինակինն է:

որ առհասարակ այդպիսի ընդհանուր շուրջկալներ ու ձերբակալություններ չլինեն այսուհետև, քանի որ արդեն զինադադար ու խաղաղություն է: Առանձին անհատների ձերբակալություններ կարող են լինել, եթե նրանց դեմ որոշ մեղադրանքներ լինեն:

Կը շարունակուեն նաև խուզարկությունները զենք գտնելու և ժողովրդին զինաթափ անելու համար, որովհետև կառավարությունը չի կարող թոյլ տալ, որ կրկնուեն Շուվաերի և Բելի Կլիչի դեպքերը, երբ կառավարությունը լսեց Հայոց Ազգային Խորհրդի միջնորդությունը և ազգաբնակությունից զենքը չը իլեց, իսկ դրա հետևանքն եղաւ վերջին օրերի դեպքերը, որի ժամանակ տեղական հայ ազգաբնակությունը զինուած անցաւ Հայաստանի հանրապետութեան զօրքերի կողմը և յարձակուեց Վրաստանի զինուած ոյժերի վրայ: Վերջապէս կառավարությունը պարտաւոր է ինքը զենքերը հաւաքել, եթէ չի ուզում, որ օտարները միջամտեն և քայլեր անեն այդ ուղղութեամբ: Նման դեպքերում կառավարությունը անցեալի փորձերից խրատուած՝ այլ ևս այնպիսի վստահութեամբ չի կարող վերաբերուել Վրաստանի Հայոց Ազգային Խորհրդի միջնորդություններին:

Վրաստանի Հայոց Ազգային Խորհրդի ներկայացուցիչները կառավարութեան նախագահի ուշադրությունը հրաւիրեցին այն հանգամանքի վրայ, որ Հայաստանի հանրապետութեան հպատակ գաղափարը դեռ պարզ չէ, որովհետև Հայաստանի կառավարությունը հպատակութեան օրէնք չի հրատարակել, իսկ շատերն իրենց շարունակում են Ռուսաստանի քաղաքացիներ հաշուել, քանի որ դեռ դրությունը չի պարզուել: Այդ տեսակէտից անհիմն է Վրաստանում գտնուած բոլոր ոչ վրացահպատակ հայերին նկատել Հայաստանի հպատակներ

և իբրև ռազմագերիներ ուղարկել Քուբայիս: Այս թուպէիս մի գնացք 800-1000 այդպիսի հայերով ուղարկուում է Քուբայիս: Վրաստանի Հայոց Ազգային Խորհրդը խնդրում է կարգադրել, որ այդ գնացքը չուղարկուի և յունուարի 5-ին բանտարկուածները բոլորը ազատ արձակուին, իսկ Քուբայիս ուղարկուածներն առհասարակ վերադարձուն:

Մինիստր-նախագահը խոստացաւ կարգադրել, որ գնացքը չուղարկուի Քուբայիս, բանտարկուածներն ազատուին, իսկ արդէն Քուբայիս ուղարկուածների համար կարգադրութիւն լինի անմիջապէս ազատել և վերադարձնել, հենց որ վաղը կամ միւս օրը հեռագիր ստացուի, թէ Հայաստանի հանրապետութեան զօրքերը արդէն յետ են քաշուել զինադադարի պայմանով որոշուած սահմանը:

Վերջապէս Ազգային Խորհրդի ներկայացուցիչները մատնանշեցին այն բոլոր ապօրինութիւններն ու խժոժութիւնները, խոշոր ու մանր կաշառակերութիւնն ու կազմակերպուած թաւանը, որ տեղի է ունեցել հայերի վերաբերութեամբ այս ձերբակալութիւնների առթիւ և խնդրեցին կտրուկ միջոցներ ձեռք առնել մեղաւորներին գտնելու և պատժելու համար:

Կառավարութեան գլուխը յայտնեց, որ արդէն կազմուած է քննիչ յանձնաժողով այդ նպատակի համար, որ կը կարողոնայ հարցը պարզել և մեղաւորներին պատժել, եթէ հասարակութեան անդամները բարոյական քաջութիւն ունենան յայտնելու քննիչ յանձնաժողովին եղածները: Ազգային Խորհրդի անդամները հրաւիրեցին Ն. Ն. Ժորդանիայի ուշադրութիւնը այն հանգամանքի վրայ, որ հայ հասարակութիւնը կառավարութեան վերաբերմունքից ու կարգադրութիւններից ահաբեկուած լինելով՝ կը վախենայ ներկայանալ նրա քննիչ յանձնաժողովին և ցուցումներ տալ՝ ապագայի վրէժխնդրութեան եր-

կիւղից: Այդ բանի առաջն առնելու միակ միջոցն այն է, որ քննիչ յանձնաժողովների մէջ մասնակցեն Հայոց Ազգային Խորհրդի անդամները և ներկայացուցիչները և այդպիսի քննիչ յանձնաժողովներ լինեն թե՛ այստեղ և թե՛ Քուրայիսում կամ այլ տեղերում, որ պետք է տեսնուի:

Կառավարութեան նախագահը միանգամայն ընդունելի և ցանկալի համարեց այդ առաջարկը և խոստացաւ հարկաւոր կարգադրութիւնն անել այդպիսի քննիչ յանձնաժողովներ կազմելու Վրաստանի Հայոց Ազգային Խորհրդի ներկայացուցիչների մասնակցութեամբ, որպէսզի վնասուածները վստահութեամբ կարողանան մօտենալ այդ յանձնաժողովներին և պատմեն իրենց գլխին եղածները⁷⁴:

⁷⁴ 1919 թ. առաջին օրերին ստեղծվել էր մի իրավիճակ, երբ Վրաստանի և նրա կառավարության հետագա ճակատագիրը տակաւին մնում էր խավար և անորոշ: Թիֆլիս ժամանած բրիտանական բանակի առաջին գորավարները (գեներալ Ու. Ռայկրոֆտ և ուրիշներ) դրսևորեցին անբարյացակամ վերաբերմունք Ն. Շորդանիայի վարչակազմի նկատմամբ, որպէս գերմանական «խամաճիկ դրածոների»: Հայ հասարակությունն, ընդհակառակը, հույսեր էր փայփայում, որ Անտանտի հաղթանակը կնպաստի հայերի շահերին: Հետևաբար վրաց վարչապետը տրամադրված էր արագ հարթել բոլոր այն ապօրինությունների հետևանքները, որոնք դարձան հայ խաղաղ բնակչության տառապանքների պատճառը: Նրա բերանով շոայլորեն տարածվող ամեն տեսակի խոստումները, ինչպէս հետագայում պարզվեց, ձևական բնույթ ունեին և, ակներևաբար, ժամանակ շահելու նպատակն էին հետապնդում: Խոստացած քննիչ հանձնաժողովը, որի անդամ էր նաև ՀԱԽ-ի լիազոր Գ. Դավիթխանյանը (տե՛ս Ժողովրդի Ձայն, 22 հունվարի 1919), այդպէս էլ վճռական որևէ դեր չունեցավ հայերին հալածողների ապօրինությունները բացահայտելու գործում: Ավելին, շարքային ոճրագործների անպատիժ թողնելը, որպէս անմիջական հետևանք ունեցավ 1919 թ. ապրիլ ամսին հայերի տներն և ունեցվածքի զանգվածային թալանն ու ավերը Գագրայի գավառում: Տե՛ս Մալիյան Բ. Վ. Արխագիայի հայ գաղութի պատմությունից (1918-1920 թթ.) // Մերձավոր և Միջին Արևելքի երկրներ և ժողովուրդներ, հ. XXVII, Երևան, 2009, էջ 115-116:

Ն. Ն. Ժորդանիան մի քանի անգամ շեշտեց, որ այս օրերս տեղի ունեցած բոլոր դեպքերն ու գործողությունները ցոյց են տալիս, որ պատերազմը հազարաւոր տարիներ իրար հետ հաշտ ու համերաշխ ապրած հայերի և վրացիների մէջ մի մեծ յանցագործութիւն է, որ երբէք տեղի չպէտք է ունենար:

Այն հարցին, թէ ե՞րբ կարող է կանոնաւորապէս վերսկսել իւր գործունէութիւնը Վրաստանի Հայոց Ազգային Խորհրդը, Ժորդանիան պատասխանեց – մի երկու օրից յետոյ, երբ Հաստանի հանրապետութեան զօրքերը յետ քաշուած կը լինեն իրենց նախկին սահմանները:

Տեսակցութիւնը տևեց 1 և կէս ժամ:

Թղթակից

Տե՛ս Վրաստանի Հայոց Ազգային Խորհրդի նախագահութիւնն ու գործադիր մարմինը կառավարութեան նախագահի մօտ //Ժողովրդի Ձայն, 9 հունվարի 1919, N 5:

N 53

«Ժողովրդի Ձայն»-ը՝ վարչապետ Ն. Ն. Ժորդանիային հղած Վրաստանի ՀԱԽ-ի գրութեան համառոտ բովանդակութեան մասին (1919 թ., հունվար)

Ի լրումն «Ժողովրդի Ձայն»-ի անցեալ համարում⁷⁵ տպուած այն տեսակցութեան և բանակցութիւնների, որ Ազգային Խորհրդի ներկայացուցիչներն ունեցել էին կառավարութեան գլուխ Ն. Ժորդանիայի հետ, տալիս ենք այսօր համառոտակի այն պաշտօնական գրութեան բովանդակութիւնը, որ Ազգային Խորհրդի պրեզիդիումն ու Գործադիր մարմինը ուղղել են Վրաստանի հանրապետութեան կառավարութեան պետին:

⁷⁵ Տե՛ս N 52 վավերագիրը:

Գրությունն սկսում է նրանով, որ մատնանշւած է, թէ ինչպէս երկու հարևան պետութիւնների մէջ պատերազմ ծագելու օրից վրաց կառավարութիւնը զինուորական գերի յայտարարեց Վրաստանում ապրող բոլոր հայերին, որոնք Հայաստանի հպատակ են և սկսեց նրանց բանտարկել, Քութայիս քստրել, չնայելով այն հանգամանքին, որ Վրաստանի Հայոց Ազգային Խորհուրդը սկզբից և եթ նախագգուշացրեց կառավարութեանը, թէ ինչ անխուսափելի էքսցեսսներ կարող են ծագել այդ կարգադրութեան իրագործումից և թէ ինչպէս դրանով ընդհանուր հալածանք կը սկսուի Վրաստանում ապրող ամբողջ հայութեան դէմ:

Այդ հալածանքին նպաստում էր մի կողմից Վրաստանի անկատար հպատակութեան օրէնքը, որ բացատրում էր կառավարութեան կողմից մերթ լայն, մերթ նեղ իմաստով⁷⁶, միւս

⁷⁶ Այս առթիվ ևս Առաջին Հանրապետության նշանավոր գործիչ և հայ-վրացական հարաբերությունների գիտակ Ա. Ջամալյանը գրում է, որ «Վրաստանի այն հայերին, որոնք տարիներից ի վեր հաստատօքն բնակութիւն ունէին՝ այստեղ էլ վրաց կառավարութիւնը իւրահատուկ վերաբերմունք ունէր: Երբ նա <...> մտադրում էր նրանց ևս զինուորակոչութեան ենթարկել՝ նա ամէնքին էլ դիտում էր իբրև Վրաստանի քաղաքացիներ: Իսկ երբ Վրաստանի շովինիստական տարրերին բաւարարութիւն տալով հարկ էր համարում բացառիկ հալածանքներ սկսել հայերի դէմ <...> այն ժամանակ խիստ մեծ սահմանափակումների էր ենթարկում իր իսկ հրատարակած քաղաքացիութեան օրէնքը՝ դժուարացնելով նրա նպաստաւոր տրամադրութիւններից օգտուելու հնարաւորութիւնը հայերի համար»: Տէ՛ս Ջամալեան Ա. Հայ-վրացական կնճիռը // Հայրենիք (Բոստոն), 1928, հոկտեմբեր, էջ 133: Այդպիսի մի դէպք տեղի ունեցավ Աբխազիայի հայերի պարագայում: Երբ նրանց լիազորները դիմել էին Թիֆլիս հարցապնդմամբ, ենթակա՝ են արդոք աբխազահայերը գորակոչին, թէ՛ ոչ, ապա կառավարութեանից իսկույն եկավ դրական պատասխան: Տէ՛ս Հպատակութեան խնդրի շուրջը // Հորիզոն, 8 օգոստոսի 1918: Սակայն 1918 թ. հուլիսի 16-ից գործող «հպատակութեան մասին կանոնադրություն»-ը Վրաստանի քաղաքացիության ձեռք բերման տեսակետից բարենպաստ չէր մեծ մասամբ թուրքահպատակ տեղի հայության համար:

կողմից՝ Հայաստանի հանրապետության միջև օրս հպատակության օրէնք չունենալը: Այդ հանգամանքները պատերազմի հենց առաջին օրերից թշնամական մթնոլորդ ստեղծեցին և միլիցիայի և առանձին յանձնախմբի⁷⁷ ներկայացուցիչներին ազատութիւն տուին ամեն տեսակ ապօրինութիւն գործ դնելու հայերի վերաբերութեամբ, խուզարկելով, բանտարկելով և քստորելով նրանց, այլ և բացարձակ դրամաշորթութեան դիմելով նրանց վերաբերութեամբ:

Հայերի դրութիւնն աւելի ևս վատթարացավ, երբ գէներալ-նահանգապետը Հայաստանի հպատակների շարքում դասեց նաև Բորչալուի գաւառի այն մասերի բնակիչներին, որոնք բռնուած էին հայոց զօրքերով, սակայն առանց յիշելու, թէ ո՞ր մասերն են դրանք, որպէսզի քաղաքացիները հնարաւորութիւն ունենայն գոնէ իրենք ինքնակամ ներկայանալու նահանգապետին և դրանով ազատելու բանտարկութիւնից և կայքերի գրաւման սպառնալիքից:

Վառավարութեան և վարչութեան այդպիսի բռնութիւնների հետևանքն եղաւ կէս միլիոն հայ ազգաբնակչութեան իրաւագուրկ դրութիւնը, որի պատիւը, արժանապատւութիւնը, ազատութիւնն ու կարողութիւնը առարկայ դարձան միլիցիայի և առանձին պահնորդախմբի⁷⁸ կամայանութիւնների:

Վրաստանի Հայոց Ազգային Խորհրդի իր ժամանակին արուած նախազգուշացումները ոչ միայն ոչ մի դրական հետևանք չհասցրին, այլ ընդհակառակն՝ սկսուեցին բռնու-

⁷⁷ Խոսքը պետական անվտանգության ոլորտը վերահսկող և ՆԳ նախարարությանը կից գործող «Հատուկ ջոկատ»-ի մասին է: Գերագանցաբար քաղաքական ոստիկանության պարտականություններ կատարող այս կառույցը (դեկ.՝ Մ. Կեդիա), հիմնականում և գլխավորապէս կազմված էր կառավարական կուսակցության անդամներից՝ սոցիալ-դեմոկրատներից ու նրանց համակիրներից:

⁷⁸ Խոսքը դարձյալ «Հատուկ ջոկատ»-ի մասին է:

թիւններ հենց Ազգային Խորհրդի դէմ և վերջ ի վերջոյ առաջ եկաւ այն սիստեմատիքական հալածանքը հայերի դէմ, որի վրդովեցուցիչ տեսարանին ականատես եղաւ Թիֆլիսը յունուարի 5-ին:

Պատրուակ բերելով, թէ իբր Արամեանցի տանը⁷⁹, ուր բացի Ազգային Խորհրդից ուրիշ բազմաթիւ հիմնարկութիւններ կային, կամաւորների ցուցակագրութիւն է կատարուել յօգուտ Հայաստանի հանրապետութեան, կնքեցին Ազգային Խորհրդի սենեակները, գրքերը, դրամական և բժշկական միջոցները, որ նշանակուած էին գաղթականներին օգնելու համար և Ազգային Խորհուրդը մինչև այսօր տեղ ու հնարաւորութիւն չունի իր խանգարուած աշխատանքներն սկսելու, հայ ազգի ներկայացուցիչը լինելու, որ իրապէս օրէնքից դուրս է մնացել Վրաստանում և գաղթականների խնամելու, որպիսի դրութիւնը վիրաւորում է մարդկայնութեան զգացմունքներն անգամ: Մանաւանդ որ ներքին գործերի մինիստրը պարլամենտի ամբիոնից յայտարարեց, որ Ազգային խորհուրդը լոյս է եղել⁸⁰:

Երկու շաբաթ է արդէն, որ յատկապէս Թիֆլիսի հայ ազգաբնակչութիւնը ենթակայ է ամեն տեսակի բռնութիւնների վարչական կարգով: Զինուած միլիցիոներները գիշերով այցելում են հայերի բնակարանները, առանց հպատակութեան և դիրքի խտրութեան, թալանում են ամեն թանգագին իր և բռնութիւններ են գործ դնում:

Օրը ցերեկով շուրջկլաներ են անում և հայերին հարյուրներով լցնում բանտերը և քշում Քութայիսի նահանգը⁸¹, թոյլ

⁷⁹ Խոսքը «Մաջեստիկ» հյուրանոցի մասին է, այժմ՝ «Թբիլիսի-Մարիոտ»:

⁸⁰ Տե՛ս Վրաստանի պառլամենտ // Ժողովրդի Չայն, 5 հունվարի 1919:

⁸¹ Զինապարտ հասակի հայ տղամարդկանց կալանավորում էին Քութայիսի մոտ ստեղծված հատուկ նշանակության ճամբարներում, ուր նրանց սովատանջ էին անում և ստիպում կատարել տաժանագին աշխատանքներ: Ճամ-

չտալով հարազատներին հրաժեշտ տալու կամ գոնե անհրաժեշտ իրեր վերցնելու հետները: Հազարաւոր քանուորներ և ինտելիգենտներ խլուամեն աշխատանքից և ուղարկում Մետեխի քանտը⁸² կամ Ներսիսեան դպրոցի շուրջը, վերածուած կոնցենտրացիոն քանատեղի⁸³: Եւ այս բոլորը դարձել է սովորական երևոյթ Թիֆլիսի հայերի կեանքում: Իսկ դրա հետ միասին՝ ամենաանպատկառ դրամաշորթութիւն և կաշառակերութիւն՝ անմեղ քանտարկութիւններին ազատելու համար, սպառնալով տեղն ու տեղը սպանել որոշուած գումարը չտուողներին և կամ այդ մասին կառավարութեան յայտնողներին:

Դեմորալիզացիայի աստիճանը որոշելու համար բաւական է մատնանշել, որ միլիցիոներներն ու առանձին պահուորախմբի անդամները որոշ սակագին են նշանակել ազատելու համար՝ յիսուն ռուբլուց մինչև յիսուն հազար ռուբլի և մի հաստատութեան ներկայացուցչին տուողը չի ազատում միւս հաստատութեան ներկայացուցչին էլ վճարելուց, այլ միայն աւելի է ամրապնդում երկրորդի իրաւունքը՝ իր պահանջն ևս կատարել տալու: Եւ զարմանալի չէ, որ այդ սիստեմատիքական երկու շաքաթ տնող հալածանքների հետևանքն եղաւ այն խայտառակ տեսարանը, որ ներկայացնում էր Թիֆլիսը կիրակի օրը, յունուարի 5-ին, երբ միլիցիոներները, զինուած վայրենիների նման, որսում էին հայերին, մի քանի ժամուայ ընթացքում ձերբակալելով 6000 հոգի և տուն բաց թողնելով միայն

բարներ արքորված հայերի թվաքանակը 1919 թ. հունվարի 3-ի դրությամբ կազմեց 1600 մարդ: Տե՛ս Ձերբակալւած հայերի մասին // Յառաջ, 12 հունվարի 1919:

⁸² Տե՛ս Լրատու // Յառաջ, 16 հունվարի 1919:

⁸³ Տե՛ս Ժողովրդի Ձայն, 15 հունվարի 1919:

այն մի քանի հարիւր բախտաւորներին, որոնք հնարաւորութիւն ունէին բացարձակ աճուրդի եղանակով վճարել պահանջուած գումարները կամ խոստանում էին տանը վճարել իրենց հետ եկող միլիցիոներներին աւելի խոշոր փրկանք:

Եւ եթէ այս բոլորը կատարում էր Թիֆլիսում, դժուար չէ երևակայել, թէ ինչ կը լինէր հայերի դրութիւնը գաւառում, ուր նրանք լիովին թողնուած են իրենց բախտին և տեղական վարչութեան շնորհին, որ կրթում ու սնուցանում է վրացական լրագիրների պրոպագանդով հայերի դէմ: Որ այդ հալածանքն սկսուած է ամբողջ հայութեան դէմ իբրև ազգութեան, այդ երևում է նրանից, որ նախ մի քանիսին ինքը՝ իշխանութիւնը տուել է պաշտօնական վկայականներ, թէ նրանք «իբրև հայեր» ենթակայ չեն ձերբակալման և երկրորդ՝ հազարաւոր զինուորական գերիների մէջ չի կարելի գտնել գոնէ մի հատ Հայաստանի կառավարութեան հպատակ, որ ազգով հայ չլինէր:

Նոյնիսկ Վրաստանի պարլամենտ մտցրած հարցապնդումը բոլոր հայ կուսակցութիւնների կողմից ազգային հալածանքի դէմ, այնպիսի թշնամական ընդունելութիւն գտաւ միւս կուսակցութիւնների կողմից, մինչ կառավարական կուսակցութիւնը լուռ հանդիսատեսի դերում էր, որ հաւասար էր կատարուող այլանդակութիւնների բարոյական սրբագործման: Իսկ կառավարութեան բացատրութիւնները, որ ազգային այդ հալածանքները համարեց միլիցիայի առանձին անդամների չնչին զեղծումներ, չէին կարող հայ հասարակութեան վրայ ամենաճնշող տպաւորութիւն չթողնել, մանաւանդ որ այդ բացատրութեան մէջ չէին մոռացուած վերջին ժամանակների սովորական ֆրազները՝ դէպի հայ ազգն ունեցած յարգանքի մասին, որոնք միայն աւելի էին վիրաւորում այդ ազգի զգացմունքները բացարձակ հալածանքի այդ ժամին:

Որովհետև հայ ազգաբնակչության ոտնահարուած իրաւունքները պահանջում էին քննութիւն նշանակել Վրաստանի հայ ժողովրդի կրած հալածանքների, պաշտօնեաների սիստեմատիքական դրամաշորթութեան մասին՝ վնասները հատուցանելով և յանցաւորներին պատժելով, Վրաստանի Հայոց Ազգային Խորհրդի Գործադիր մարմինն ու Նախագահութիւնը խնդրում են Ձեզ.

1. Կարգադրութիւն անել, որ անմիջապէս ազատուեն բանտերից և վերադարձուեն տուն բոլոր աքսորուածները:

2. Անմիջապէս կազմակերպել յատուկ յանձնաժողովներ՝ մեկը Թիֆլիս քաղաքի, միւսը՝ գաւառի համար, տալով նրանց քննադատական բոլոր լիազօրութիւնները՝ իշխանութեան ներկայացուցիչների արարքները քննելու, վնասները որոշելու, մեղաւորներին ի յայտ բերելու և դատի մատնելու, նախօրօք իրապէս ապահովելով իրենց վնասները յայտնողների կեանքն ու անձեռնմխելիութիւնը:

3. Յիշուած յանձնաժողովների մէջ ընդունել հաւասար իրաւունքներով Հայոց Ազգային Խորհրդի ներկայացուցիչներին:

4. Անմիջապէս կազմակերպել մի յատուկ յանձնաժողով՝ Հայոց Ազգային Խորհրդի ներկայացուցիչների մասնակցութեամբ՝ բոլոր բանտարկուածների և աքսորուածների դրութեան հետ ծանօթանալու և նրանց նիւթական օգնութիւն հասցնելու համար:

Տե՛ս Վրաստանի Հայոց Ազգային Խորհրդում //
Ժողովրդի Ձայն, 12 հունվարի 1919, N 8:

**«Հառաջ» օրաթերթը՝ Վրաստանի ՀԱՄ-ի 1919 թ. հունվարի
12-ի նիստի մասին**

Կիրակի, յունւարի 12-ին տեղի ունեցավ Վիրահայ Ազգային Խորհրդի նիստը: Թագնւած պատգամաւորներից շատերը արդէն դուրս էին եկել իրենց թագստոցներից և ներկայ էին նիստին: Քննութեան էր դրւած Թիֆլիսի քաղաքային դումայի և Սահմանադիր ժողովի ընտրութիւնների հարցը: Ժողովը արձանագրելով այն ծանր պայմանները, որոնց մէջ դրւած է հայ ընտրողը և աչքի առաջ ունենալով այն հանգամանքը, որ ազգաբնակչութեան ցուցակագրութիւնը Թիֆլիսում տեղի է ունեցել հ ա յ ո թ ու լ թ ե ա ն⁸⁴ շրջանում, երբ ամեն մի հայ հարկադրւած էր թագնւել, որոշեց դիմել կառավարութեան և խնդրել յետաձգել Թիֆլիսի քաղաքային դումայի ընտրութիւնները մինչև նոր ցուցակագրութեան կատարելը:

Ընտրւեց յատուկ յանձնաժողով մի պատճառաբանւած յուշագիր պատրաստելու համար:

Ժողովի վերջում քննութեան առնւեց նաև վիրահայ գաղթականներին օգնելու հարցը: Ինչպէս յայտնի է, պատերազմի պատճառով մի շարք հայկական գիւղեր, մասնաւորապէս Շուլաւերի և Դաղէթի շրջանից տեղահան են եղել ու այդ գիւղերը ենթարկւել են պաշտօնական թալանի ու ւներածի և գիւղերի ազգաբնակչութեանը իրաւունք չի տրուում իր վաթանը վերադառնալու, «որովհետև» նրանք ապստամբներ են և գիւղացիների պատգամաւորութիւնը կառավարութեան կողմից չի ընդունւել – կարճատև մտքերի փոխանակութիւնից յետոյ ժողո-

⁸⁴ Ընդգծումը՝ հեղինակին է:

վը յանձնարարեց Գործ. Մարմնին համապատասխան քայլեր
անել, թեթևացնելու համար այդ գաղթականների վիճակը:

Լիդ

Տե՛ս Վրաստանի [Հայոց] Ազգային Խորհուրդ //
Յառաջ, 14 հունվարի 1919, N 2:

N 55

«Ժողովրդի Ձայն» օրաթերթը՝ Վրաստանի ՀԱԽ-ի 1919 թ. հունվարի 12-ի նիստի մասին

Նախագահում է Ա[րշակ] Ջոհրաբեան:

Ազգային Խորհուրդը գլխաւորապէս զբաղւում է քաղա-
քային և Վրաստանի Սահմանադիր Ժողովի ընտրութիւնների
խնդրով: Արտայայտում են բոլոր ֆրակցիաները: Ամենքն էլ
այն միտքն են արտայայտում, որ այժմեան պայմաններում
հայ տարրը ո՛չ մի հնարաւորութիւն չունի իր բովանդակ իրա-
ւունքով հանդէս գալու ընտրութիւններին:

Խօսում են դաշնակցականների կողմից Հ. Եաղջեան, Հայ
Ժողովրդականների կողմից Ա. Բարխուդարեան, Էս-էրների
կողմից [Ա.] Թարխանեան և Էս-դեկների կողմից [Ա.] Ջոհրա-
բեան:

Այնուհետև Ազգային խորհուրդը միաձայն հետևեալ որո-
շում է կայացնում մօտաւորապէս. Ի նկատի ունենալով, որ
հպատակութեան օրէնքը պարզ չէ, որով հայութեան մեծա-
մասնութիւնը դուրս է մնում մասնակցելու իրաւունքից⁸⁵, - որ

⁸⁵ «<...> Այս օրէնքը ամենից առաջ իրաւական հիմնաւորութիւն է տալիս այն
քաղաքականութեանը, որ փառաբանում է «Կլդէի» և «Գրուզիայի» էջերից
(վրաց ազգային դեմոկրատների կուսակցական պարբերականներ. - Բ.Մ.) -
- «Վրաստանը վրացոց համար»: <...>

Օրենքին նայելով, Վրաստանի հպատակ է նա, ով մինչև 1914թ. յուլիսի 19-ը գրած է այս կամ այն վարչական միության մեջ, (кто до 19 июля 1914 г. был прописанъ къ той или другой административной единице въ пределахъ Грузіи), բացի այդ բոլոր ծագումով վրացիները համարում են վրացահպատակ: (Այս միտքը արտայայտուած է Սահմանադիր ժողովին վերաբերեալ օրենքում):

Այսպիսով, քաղաքային ընտրութիւնների ժամանակ վրացիները երբէք պարտաւոր չեն իրենց հպատակութիւնը ապացուցանել և այս իսկ հիման վրայ ամեն մի վրացի, թէկուզ ոչ թիֆլիսեցի, իրաւունք ունի ցուցակագրուելու և ընտրողական իրաւունք ստանալու, եթէ նոյնիսկ նա իր կեանքում առաջին օրը եկած լինի Թիֆլիս և նա ցանկութիւն էլ չունենայ Թիֆլիսում յետագայում ապրելու:

Հայը, ռուսը, թաթարը և ուրիշները իրենց ծագումով ոչ թէ միայն չեն ստանում վրացահպատակութիւն, նրանք, ընդհակառակը, պարտաւորապէս պիտի ապացուցանեն իրենց վրացահպատակ լինելը:

Եթէ ոչ-վրացին ապացուցանում է, թէ արդէն 20 տարի է, որ ինքն ապրում է Թիֆլիսում, այդ դէռ չի նշանակում, թէ նա վրացահպատակ է, որովհետև նա կարող էր այդ ժամանակամիջոցը անցկացրած լինել այստեղ առանց ցուցակագրուելու մի վարչական միութեան մեջ (не будучи приписанъ къ той или другой административной единице), այսինքն՝ մեշչանական (իմա՝ քաղքենի. – Բ. Մ.), գիւղացիական, կամ ազնւական դասի (сословіе) մեջ, այլ իր ձեռքին ունենալով առաջին անցագիրը, որը ստացել է նա, ասենք, Երևանից Թիֆլիս գաղթելու ժամանակ, սրանից 20-30 տարի առաջ:

Այսպիսով՝ մի հայ կամ ռուս, իր որդիներով պիտի գրկւի ընտրական իրաւունքից միայն նրա համար, որ նրանք չեն կատարել մի ձևականութիւն և Երևանի մեշչանների ցուցակից չեն անցկացրել իրենց [Թիֆլիսի քաղքենիների խավի մեջ], թէպէտ 20-30 տարի, առանց ընդմիջումների ապրել են Թիֆլիսում և նրա հետ աւելի սերտ են կապուած, քան մի վրացի:

Թիֆլիսի այլազգի բնակչութեան 90 տոկոսը այդպիսիներից է բաղկացած <...>: Տե՛ս Հպատակութեան օրենքը Վրաստանում // Յառաջ, 14 հունվարի 1919: Այս օրենքի կիրառման եղանակը պէտք է լրացուցիչ որոշվեր ՆԳ-ի և արդարադատության նախարարների հայեցողությամբ, ինչը պարարտ դաշտ էր ստեղծել տարբեր տեսակի կամայականությունների համար: Օրենքի իրականացման պրակտիկայի տխուր հետևանքների մասին ստիպված էր բարձրաձայնել Վրաստանի հայոց ազգային խորհուրդը: «Закон 16 июня (այդպէս է վավերագրում, պէտք է լինի հուլիս - Բ.Մ.) объявляет гражданами республики, за исключением лиц грузинского происхождения, лишь тех из не-грузин, которые могли представить доказательства о приписке к какой-либо административной единице бывших Тифлисской и Кутаисской губерний до 19 июля 1914 года. Такое определение понятия подданства означало в отношении в частности городского населения армян исключение

ցուցակագրութիւնը տարուել է շատ անկանոն և միակողմանի կերպով և անտրամալ ժամանակում, երբ հայերը մէկ կողմից որոշ հնարաւորութիւն չունէին ցուցակագրուելու, միւս կողմից ցուցակագրողները իրենք չէին մտցնում շատ հայերի անուններ մատեանի մէջ. – Վրաստանի Հայոց Ազգային Խոր-

более половины их из числа граждан Грузии...»; «в порядке же разъяснений Министерства Внутренних Дел, целия группы армянской интеллигенции, служащих и рабочих не только в государственно-общественных, но даже и в частных учреждениях, оказались не-грузинско-подданными и потому зловредными, почему и снимались с мест и мерами администрации выселялись из пределов Грузии...»; «результатом такого разъяснения явилось исключение из городских избирательных списков по Тифлису и другим городам большинства не-грузин и, в особенности армян, благодаря чему последние оказались почти поголовно лишёнными избирательных прав и, Тифлисская Городская Дума оказалась сплошь грузинской», – մատնշում էին ՀԱԽ-ի անդամները: Տե՛ս MEMORANDUM, Учредительному Собранию о Национальном Самоуправлении армян в Грузии. [Тифлис, 1921]. Էջ 15, 20:

Այսպիսով, հանրագումարի բերելով վերը շարադրած նյութը, հավելենք նաև, որ 1918 թ. հուլիսի 16-ին ՎԱԽ-ը հաստատեց «Վրաստանի դեմոկրատական հանրապետության հպատակության մասին կանոնադրություն»-ը, ըստ որի քաղաքացի էին ճանաչվում, բացի էթնիկական վրացիների, նաև այն անձինք, ովքեր իրրև ավանդական խավերի (իմա՝ ազնվական, քաղքենի, գյուղացի) ներկայացուցիչներ գրանցված են եղել Վրաստանի մաս կազմող որևէ վարչական օղակին կից մինչև 1914 թ. հուլիսի 19-ը (ն. տ. օգոստոսի 1-ը): Այս կանոնակարգի համաձայն քաղաքացիության ձեռք բերման որևէ եղանակ չէր նախատեսված: 1919 թ. մայիսին Սահմանադիր Ժողովը վավերացրեց «Վրաստանի հանրապետության քաղաքացիության մասին օրենք»-ը, որը գրեթե անփոփոխ էր թողել նախկին «կանոնադրության» հիմնական սկզբունքները: Նրա գլխավոր նպատակն էր՝ հնարավորինս դարձյալ խոչընդոտել և դժվարացնել Վրաստանում մինչև 1918 թ. մայիսի 26-ը մշտական բնակչություն հաստատած ոչ վրացի ազգությունների ներկայացուցիչների համար նորակազմ հանրապետության քաղաքացիության ձեռք բերումը: Գոյություն ուներ նաև խնդրի բարոյառոգեբանական կողմը: Այլ ազգություններին պատկանող բնակչությունը տեսնում էր, որ մինչև այժմ վրացիները ևս, իրենց նման, Ռուսաստանի պարզ հպատակներ էին, որ՝ և՛ իրավական, և՛ ազգային տեսակետից առաջ որևէ տարբերություն չկար նրանց մեջ, այնինչ 1918-ից սկսած մեկը իշխող տարր է դարձել, մյուսը՝ ստորադաս:

հուրդը իր ցանկությունն է յայտնում, որ յետաձգուեն ընտրությունները, որպէսզի կազմւի նոր և արդարացի ցուցակագրութիւն, որի մէջ մտնեն Թիֆլիսում բնակուող բոլոր նաև ոչ վրացիները, այս դէպքում – հայերը:

Մի բանաձև մշակելու համար ընտրուած մի մասնաժողով բաղկացած հետևեալ անձերից. – Յ. Սպենդիարեան, Ար. Յովհաննիսեան, Ա. Թարխանեան և Յ. Ամիրխանեան:

Ազգային Ժողովի⁸⁶ այդ խորհրդակցութիւնն ի նկատի պիտի ֆրակցիաները քաղաքային դումայի երկուշաբթի օրուայ⁸⁷ նիստի ժամանակ:

Բանաձևը մշակելուց յետոյ դիմում պիտի լինի կառավարութեան:

Այնուհետև Ան. Ստամբուլցեանը առաջարկում է դիմել կառավարութեան, որ թոյլատրուի Շուլաւերի, Բոլնիս-Խաչէնի, Դաղէթի գիւղացիներին վերադառնալու իրենց վայրերը. նրանց դրութիւնը կրիտիքական է, զրկուած են իրենց տնից-տեղից և կատարելապէս կողոպտուած:

Խորհուրդը թողնում է այդ հարցը ինչպէս նաև Ախալքալաքի հայ գաղթականութեան վիճակի մասին դիմում անելու վերաբերեալ Գործադիր Մարմնին. վերջինս պարտաւորում է հետևեալ նիստին գեկուցում տալու իր արած քայլերի մասին:

Հետևեալ նիստը կայանալու է չորեքշաբթի օրը ցերեկուայ ժամը 1-ին:

Խ.

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 14 հունվարի 1919, N 9:

⁸⁶ Պետք է լինի՝ Խորհրդի:

⁸⁷ Խոսքը 1919 թ. հունվարի 13-ի նիստի մասին է:

N 56

**Հաղորդագրություն՝ հայ գաղթականներին օգնելու և
խնամելու գործը՝ վրաց իշխանությունների կարգադրանքով
առժամանակ կասեցնելու մասին**

Շնորհիւ Վրաստանի կառավարութեան ձեռք առած արտակարգ միջոցների, գաղթականական մարմինները զրկւեցին նրանց օգնելու հնարաւորութիւնից: Մի կողմից կնքւեց Ազգային Խորհրդի գաղթականական բաժինը, գրաււեց նրա գոյքը, միւս կողմից ձերբակալւեցին գաւառներում աշխատողները: Բռնագրաւման ենթարկւեցին Բորժումի, Բակուրիանիի և այլ շրջաններում գտնուող գաղթականական մարմինների հացի, շորեղէնի, դեղորայքի պահեստները:

Տե՛ս Գաղթականութիւնը //
Յառաջ, 18 հունվարի 1919, N 6:

N 57

**Պատգամավոր Տ. Ավետիսյանի հաշվետվությունը՝
Վրաստանի խորհրդարանի կազմում ՀԱԽ-ի լիազորների
գտնվելու մասին**

<...> Պարլամենտը ընդունեց մեզ շատ սառն և շարունակ մեր առաջ խոչընդոտներ ստեղծեց, որ արգելում էր մեզ ակտիւ կերպով մասնակցել պարլամենտի աշխատանքներին: Բազմաթիւ կոմիսիաներում, որտեղ կատարում է աշխատանքի մեծագոյն մասը, մենք տեղ չգտանք: Բազմիցս դիմել ենք, թե՛ գրաւոր և թե՛ բանակցութիւններ վարելու ժամանակ, որ մեզ

համապատասխան տեղ տրւի սինիորէն կոնւենտում⁸⁸, բայց մինչև օրս⁸⁹ մենք դրական պատասխան չստացանք:

Տե՛ս Հ. Յ. Դաշնակցութիւն՝ ներկայացուցչական ժողով //
Յառաջ, 18 հունվարի 1919, N 6:

N 58

Լրագրային հաղորդում՝ Վրաստանի ՀԱԽ-ի 1919 թ. հունվարի 19-ի նիստի մասին

Նախագահում է [Դ.] Դալիթխանեանը: Նախագահը նիստը բանալով յայտնում է, որ Երևանում վախճանուել է Մինաս Բերբերեանը⁹⁰, որը Ազգային Խորհրդի նախկին անդամ էր. դրւատում է նրա անփոխարինելի կորուստը – իր մասնագիտութեան մէջ – մեր հայրենի իրականութեան մէջ: Ապա յայտնում է, որ հենց այսօր առաւօտեան կնքեց իր մահկանացում Հայ Յեղ. Դաշնակցութեան հիմնադիր և լիդեր ու հայ նշանաւոր գործիչ Ռոստոմ Ջորեանը: <...> Առաջարկում է երկու գործիչների յիշատակը յարգելու համար կանգնել ոտքի, յայտնել՝ Գործադիր Կոմիտէի միջոցով նրանց ընտանիքներին ցուակցութիւն և այն կուսակցութիւնների կենտրոնական մարմիններին, որոնց պատկանում էին հանգուցեալները, Բերբերեանը – Հայ Ժող. Կուսակցութեան, իսկ Ռոստոմը – Դաշնակցութեան:

⁸⁸ Խոսքը կուսակցական խմբակցությունների ավագների խորհրդի մասին է:

⁸⁹ Իմա՝ 1919 թ. հունվարի 16-ը:

⁹⁰ **Բերբերյան Մ. Հ.** (1871-1919), ծն. Նոր-Նախիջևանում, ավարտել է Մոսկվայի համալսարանի իրավաբանական բաժինը, այնուհետև վարել է նաև Գևորգյան Հոգևոր ճեմարանի տեսուչի պաշտոնը, վերջին աշխատանքի տեղը եղել է՝ ՀՀ-ի պետական վերահսկիչ: Նրա մասին մանրամասն տե՛ս Ժողովրդի Չայն, 16 հունվարի 1919, N 11:

Այնուհետև ժողովը լսեց Քութայիսից եկած հայ վարժուհի օր. Ղարազեօզեանի զեկուցումը Թիֆլիսից՝ Քութայիս գերեվարուած հայերի վիճակի մասին: Այնտեղ տակաւին 1701 հոգի կան մնացած, միանգամայն մատնուած անուշադրութեան ու անհոգ վերաբերմունքի: Լցուած են բանտերում իրար վրայ թափուած. հիւանդները առողջների հետ մէկտեղ, միևնոյն սենեակում են ապրում, օրական շնչին կտոր ճաղի⁹¹ ծամելով: Կազմուած է մի յանձնախումբ 3 հոդուց, որ թշուառներին որոշ միսիթարութիւն է պատճառում: <...>

Ժողովը յանձնարարեց Գործադիր Կոմիտէին աշխատելու, որ անմիջապէս վերադարձուին Քութայիսի տարագրուածները:

Այնուհետև զեկուցում է Ա. Երզնկեանը կառավարութեան հետ ունեցած տեսակցութեան մասին: Խօսել է ա) Բորչալուի տեղահան եղած հայ գիւղացիների վերադարձի, բ) Ջօրքերը գիւղերից հեռացնելու, գ) Բէկլիզիցիայի վերացման մասին և դ) Քննութիւն նշանակուի այդ վայրերում կատարուած դէպքերի առթիւ: Յիշեալ կէտերը խոստացուել են ի կատար ածելու անմիջապէս: Բացի դրանից ազատօրէն թոյլատրուելու է փախստականների վերադարձը՝ իրենց վայրերը: Միայն Վլադիկաւկազի հայ գաղթականութեան վերադարձի համար բացասական պատասխան է տրուած՝ բժաւոր տիֆի չտարածուելու հանգամանքով:

-- Վերաքննուում է քաղաքային ընտրութիւնների առթիւ կառավարութեան դիմելու հարցը: Չայների ճնշող մեծամասնութեամբ որոշուում է դիմումը չկատարել. այլ ամեն բան այդ ուղղութեամբ կատարել դումայում – ֆրակցիաների միջոցով:

⁹¹ Խոսքը եգիպտացորենի այլուրից պատրաստված հացի մասին է:

Ժողովի վերջում Գործադիր Կոմիտեի պատճառաբանեալ առաջարկով, որոշում է Ազգային Խորհրդի բոլոր ծառայողներին նիւթական օժանդակութիւն անել՝ սօսերի առթիւ:

Տե՛ս Վրաստանի Հայոց Ազգային Խորհուրդ //
Ժողովրդի Չայն, 22 հունվարի 1919, N 14

N 59

Լրագրային հաղորդում՝ Վրաստանի ՀԱԽ-ի 1919 թ. հունվարի 24-ի նիստի մասին

Վրաստանի Հայոց Ազգային Խորհրդի հերթական նիստը կայացաւ Կովկասի Հայոց Բարեգործական Ընկերութեան դահլիճում նախագահութեամբ պ. Ա. Մխիթարեանի (Հ. Ժ. Կ.) գերեկ ժամը 1-ին:

Ժողովը բացուելուց յետոյ խօսք տուեց Գործադիր Մարմնի անդամ և գաղթականական մասի վարիչ պ. Յովսէփ Արդութեանին (Դաշն.)՝ զեկուցելու գաղթականների վերադարձի մասին: Զեկուցումից պարզուեց, որ Գործադիր Մարմինը յարաբերութեան մեջ մտնելով Վրաստանի հանրապետութեան կառավարութեան հետ՝ թոյլտութիւն է ձեռք բերել երկու գնացք ստանալու իւրաքանչիւրը 40 վագոնից բաղկացած, որոնք պէտք է մինչև Ալէքսանդրապոլ հասցնեն մեր գաղթականներին: Այդ գնացքներից առաջինը մեկնելու է ամսիս 25-ին, իսկ միւսը 27-ին և նրանք Գործադիր Մարմնի տրամադրութեան ներքոյ են մնալու գաղթականներին տեղափոխելու համար մինչև այդ գործի աւարտումը: Գնացքները մեկնելու են Նալթուղ կայարանից⁹², ուր վրաց կառավարութեան և Գոր-

⁹² Խոսքը Թիֆլիսի երկու երկաթուղային կայարաններից մեկի մասին է:

ծաղիք Մարմնի ներկայացուցիչները պիտի առանձին կազմուած ցուցակներով տեղաւորեն գաղթականներին նշանակուած վագոններում: Եւ վրաց կառավարութեան ներկայացուցիչը պէտք է ուղեկցէ գնացքներին մինչև սահմանագլուխը, իսկ Գործադիր Մարմնի ներկայացուցիչ և յատուկ նշանակուած ֆելդշեր դեղորայքով պիտի գաղթականներին հասցնեն Ալէքսանդրապոլ:

Գործադիր Մարմնի որոշմամբ իւրաքանչիւր անգամ վերադարձից յետոյ վագոնները պէտք է ախտահանութեան ենթարկուեն՝ վարակիչ հիւանդութիւնների առաջն առնելու համար: Բացի այդ գաղթականութեանը տանելու և ճանապարհին զանազան թիւրիմացութիւններից ազատ պահելու համար՝ կառավարութեան հետ համաձայնութիւն է կայացրած, որ մաքսային ձևականութիւնները կատարուեն ո՛չ թէ սահմանագլխին, այլ այստեղ՝ Թիֆլիսում: Թոյլ է տրուում վերցնել հետը շատ քիչ քանակութեամբ շաքար և ալիւր, ո՛չ աւելի երկուերեք ֆունտից ամեն մի շնչին:

Իւրաքանչիւր գաղթականին ճանապարհի համար պաշար է տրուում Գործադիր Մարմնի որոշմամբ 5 ֆունտ հաց: Մտածուում է նաև վագոնները տաքացնելու մասին, որպէսզի գաղթականները ազատ մնան մրսելուց և հիւանդանալուց:

Ի նկատի ունենալով այն հանգամանքը, որ Հայաստանում պարէնի սուր ճգնաժամ է և գաղթականները կարող են այնտեղ աւելի անտանելի դրութեան մեջ ընկնել, գործադիր մարմինը որոշել է գաղթականներին տեղափոխել որոշ սիստեմով. առաջին հերթին նրանց, որոնք այժմեան Հայաստանի հանրապետութեան բնակիչներն են կամ կապեր ունեն այնտեղ և բնակարանի ու պարէնի դժուարութիւններ չեն հանդիպի, ինչպէս օրինակ Փամբակի, Ալէքսանդրապոլի շրջանի գաղթա-

կաններին, այլ և Կարսի շրջանից նրանց, որոնք Ալեքսանդրապոլի հետ կապ ունեն, կամ որոնց ընտանիքի մի մասն այստեղ է, միւս մասն Ալեքսանդրապոլում և այլն: Ինչ վերաբերում է Կարսի շրջանի և քաղաքի գաղթականութեանն առհասարակ, պետք է դեռ մի փոքր սպասել, մինչև որ այնտեղի դրութիւնը լիովին պարզուի և վերադարձի համար հնարաւորութիւններ ստեղծուեն:

Թիֆլիսում և շրջակայքում եղած գաղթականութիւննից ազատուելուց յետոյ միայն կարելի է կազմակերպել նաև Հիւսիսային Կովկասի գաղթականների վերադարձը, նախ՝ ճանապարհի յարմարութիւններ չունենալու, երկրորդ՝ կառավարութեան առաջադրած ժամանակաւոր արգելքի և երրորդ՝ պարենաւորման դժուարութիւնների պատճառով:

Պետք է շեշտել մի հանգամանք ևս, որ վրաց կառավարութիւնը երկու գնացք դնելով մեր տրամադրութեան տակ՝ երաշխաւորութիւն է պահանջում, որ այդ գնացքները անվնաս կը վերադարձուեն իրեն: Գործադիր Մարմինն ի հարկէ տուել է այդ երաշխաւորութիւնը:

Լսելով այս զեկուցումը, թեր և դեմ վիճաբանութիւններից յետոյ Վրաստանի Հայոց Ազգային Խորհուրդը որոշեց հաստատել Գործադիր Մարմնի վճիռները և յանձնարարել նրան՝ կազմակերպել վերադարձի գործը յիշուած ուղղութեամբ, միևնոյն ժամանակ առաջին իսկ գնացքի հետ մարդ ուղարկելու Ալեքսանդրապոլ՝ առտեղեաւն ծանօթանալու տեղի դրութեան և հանգամանքների հետ և նրա համաձայն զեկուցումն ներկայացնելու Ազգային Խորհրդին:

Այնուհետև գաղթականական զանազան շրջանների լիւրիդացիայի, Ախալքալաքի գաղթականութեան դրութեան և նրան հասցնելիք օգնութեան մասին Գործադիր Մարմնի կող-

մից զեկուցումն կարդաց բժշկական-սանիտարական մասի վարիչ բժ. Կար. Ստեփանեան (Չ. Ճ. Կ.): Նա յայտնեց, որ այդ զեկուցումը կազմուել է բոլոր հարցերը առանձին յանձնաժողովում քննելուց յետոյ, որ յատուկ այդ նպատակով կազմուած էր և զեկուցման արդիւնքները հաստատուած են Գործադիր Մարմնի կողմից: Զեկուցման մէջ շեշտելով այն հանգամանքը, որ Բակուրիանում և Ծալկայում գաղթականներ բոլորովին չեն մնացել, Մանգլիսում միայն 400 գաղթական հայ, Բելի-Կլիւշում 100 հոգի, իսկ Ախալցխայում ժամանակաւորապէս մնացել են և դեռ չեն կարողացել Ախալքալաք անցնել 2000 հոգի, Գործադիր Մարմինը առաջարկում է լիկլիդացիայի ենթարկել անմիջապէս այդ շրջանների բոլոր գաղթականական հիմնարկութիւնները (Բորժում, Ախալցխա, Բակուրիանի, Ծալկա, Մանգլիս), բայց թողնելով այդ նպատակի համար անհրաժեշտ գումարը:

Բայց որովհետև Ախալքալաքի գավառ վերադարձած գաղթականների դրութիւնն ևս շատ անբաւարար է թե՛ պարենաւորման և թե՛ բժշկա-սանիտարական տեսակէտից (գաւառում ներկայումս կայ 45 հազար հայ ազգաբնակութիւն, որից 15 հազարը ծայրահեղ չքաւոր դրութեան մէջ), այդ պատճառով Գործադիր Մարմինն առաջարկում է կազմակերպել այդ գավառում օգնութիւն հետևեալ առաջնորդող սկզբունքներով:

ա) Գործի մէջ մտցնել կենտրոնացման սիստեմ:

բ) Ախալքալաքը դարձնել գործունէութեան կենտրոնատեղի:

գ) Նշանակել երկու յատուկ լիազօր, մէկը պարենաւորման դեկավարութեան, միւսը՝ բժշկա-սանիտարական մասի վերահսկողութեան համար: Սրանք ունենալու են նաև հաշուա-

պահ և վերահսկիչ՝ նշանակուած Գործադիր Մարմնի կողմից, իսկ մնացած շտատը կազմում են իրենք:

դ) Յատուկ լիազօրները պէտք է ընտրել տան տեղական կոմիտէներ և գործակցեն նրանց հետ, նախապէս ներկայացնելով Գործադիր Մարմնին նախագիծ այդ մասին և ստանալով նրա հաւանութիւնը:

ե) Գաւառի պարենաւորման գործը հեշտացնելու ազգաբնակութեանը դիւրութիւններ տալու համար՝ զանազան կենտրոններում բաց անել պահեստներ, այդ նպատակի համար նուազում յատկացնելով 200 հազար ռուբլի իբրև շրջանառութեան մէջ եղող դրամագլուխ: Պահեստների նպատակը պէտք է լինի էժան մթերք մատակարել ազգաբնակութեանը և միայն ծայրայեղ չքաւորներին ձրիաբար կերակրել:

զ) Բաց անել բժշկական պունկտեր Ախալքալաքում, Բարալետում, Սուլտայում, Մեծ Խանչալլում և Գանձայում: Իսկ ուրիշ հինգ կենտրոնական գիւղերում, ինչպէս օրինակ՝ Խանդո, Արագով, Վաչեան, Ջիգրաշէն և Սաթխա, բաց անել ֆելդշերական կայաններ: Այս նպատակն իրագործելու և հիւանդութիւնների դէմ կռուելու համար հարկաւոր է յատկացնել 250 հազար ռուբլի:

Յանկալի կը լինէր ի հարկ է, բաց անել նաև մի մեծ հիւանդանոց 500 մահճակալով Ախալքալաքում, բայց դժբաղդաբար այդ անհնար է սաստիկ մեծ ծախքեր պահանջելու պատճառով (միայն 100 մահճակալով հիւանդանոցը վեց ամսուայ ընթացքում կնստի շուրջ 600 հազար ռ.):

Բոլոր վերոյիշեալ կարիքների համար պահանջւում է ընդհանուր հաշուով 790 հազար ռուբլի, առանց հիւանդանոցի:

Գործադիր Մարմինը խնդրում է հաստատել այս որոշումները և բաց թողնել համապատասխան վարկը:

Վրաստանի Հայոց Ազգային Խորհուրդը երկար թեր և դեմ արտայայտություններից յետոյ որոշեց հաստատել Գործադիր Մարմնի առաջարկները և յանձնարարեց նրան. միջոցներ ձեռք առնել աւելի ևս ընդարձակելու օգնութեան գործը, որ բաւարար լինել չէ կարող տիրող ծով կարիքի հանդէպ:

Ժողովը փակուեց ժամը 4-ին:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 26 հունվարի 1919, N 18:

N 60

Հաղորդագրություն՝ Բաթումի Հայոց ազգային խորհրդի կազմավորման մասին

<...> Արդէն կազմւած է Հայոց Ազգային խորհուրդ, որի մէջ մտնում են՝ Զ. Դանիէլեան, Ա. Նիկողոսեան, Գ. Եղիգարեան, Օ. Մարութեան, Աշոտ Մնդոյեան⁹³, Ա. Մարտիրոսեան, Յովհ. Վարդիկեան, Յ. Տէր-Մկրտչեան, Ե. Շահմելիքեան, Ռ. Շարանեան, Մ. Չազոեան և Մ. Գալուստեան: Խորհրդի կից կազմւել են գաղթականական, բժշկական, իրաւաբանական և ֆինանսական սեկցիաներ: Խորհուրդը նիւթական մեծ կարիք է զգում: Տեղացի հարուստ հայերը նոյնպէս գրեթէ կարիքաւոր են դարձել: Ուրեմն յոյս դնել տեղացիների վրայ՝ դա անհնարին է:

⁹³ Այնուհետև Ա. Մնդոյանն ընտրվել էր Բաթումի ՀԱԽ-ի ղեկավար:

Այդ իսկ պատճառով ազգային խորհուրդը մի պատգամա-
տրի միջոցով դիմել է Վրաստանի Հայոց Ազգային Խորհրդին՝
խնդրելով նիւթական նպաստ: <...>

Տե՛ս Կովկաս՝ Բաթումի ընթացիկ կեանքից //
Յառաջ, 1 փետրվարի 1919, N 16:

N 61

Լրատվություն՝ Վրաստանի ՀԱԽ-ի 1919 թ. փետրվարի 7-ի նիստի մասին

Ուրբաթ, փետրվարի 7-ին տեղի ունեցաւ Վրաստանի
Հայոց Ազգային Խորհրդի նիստը:

Քննութեան էին դրւած.

1. Դէպքերը Սոչիի շրջանում
2. Հարցապնդում գաղթականների մասին
3. Յովնանեան դպրոցի հոգաբարձ. ընտրութեան հարցը:

Գործադիր մարմնի զեկուցումից պարզուով է, որ համա-
ձայն Սոչիի Հայոց Ազգային խորհրդի հեռագրի⁹⁴, այնտեղ տե-
ղի են ունեցել ընդհարումներ և բռնութիւններ վրաց զօրքերի և
տեղական ազգաբնակութեան միջև⁹⁵: Կոնֆլիկտը կարող է
ծաւալւել, եթէ ձեռք չառնեն համապատասխան միջոցներ:

Խորհուրդը որոշում է առաջադրել Գործադիր մարմնին
դիմել կառավարութեանը և խնդրել, որ մի յատուկ յանձնաժո-
ղով, որի մէջ պիտի մտնի նաև Ազգ. խորհրդի ներկայացուցի-

⁹⁴ Տե՛ս Սոչիի շրջանի Հայոց ազգային խորհրդի դիմումը // Աշխատատր, 25.03.1919, N 57:

⁹⁵ Այս նշանավոր իրադարձությունների մասին տե՛ս Մաիլյան Բ. Վ. Վրաստանի կառավարությունը և Սոչիի շրջանի համշենահայ համայնքը (1918-1920 թթ.) // Մերձավոր և Միջին Արևելքի երկրներ և ժողովուրդներ, հ. XXIV, Երևան, 2005, էջ 167-170:

չը, մեկնի այդ շրջանը միջադեպը հարթելու համար: Հետևանքների և ձեռք առնելիք միջոցների մասին պիտի նախօրոք հարորդել Սոչիի խորհրդին:

Քննվում է նաև Ա. Տեր-Գրիգորեանի⁹⁶ սրանից մեկ ու կես ամիս առաջ մտցրած հարցապնդմանը գաղթականների վիճակի մասին: Հարցապնդման հեղինակը աշխատում էր ապացուցանել, որ այն օրանից, ինչ գաղթակ. խնամելու գործը անցավ Ազգ. Խորհրդին, գաղթականների վիճակը վատթարացավ: Գաղթականական բաժնի վարիչի բացատրությունները միանգամայն հերքելով հարցապնդման մեջ յիշուած փաստերը, ապացուցեցին, որ հենց ինքը պ. Տեր-Գրիգորեանը որպես լիազոր կանգնած չի եղել իր կոչման բարձրութեան վրայ և բացի գաղթականների խնամելու գործի վրայ հսկելուց՝ եղել է նաև Վրաստանի պարենաւորման նախարարութեան լիազոր – մի բան, որ անշուշտ վնասում էր գաղթ. շահերին:

«Ազգային Խորհուրդը լսելով Ա. Տեր-Գրիգորեանի հարցապնդումը և գործադիր մարմնի գաղթ. բաժնի վարիչի բացատրությունները գաղթականների վիճակի մասին, անհրաժեշտ համարեց յանձնարարել գործ. մարմնին առաջիկայ նիստին մանրամասն զեկուցում ներկայացնել խորհրդին գաղթականական գործի արդի վիճակի մասին»:

Բանաձևը ընդունւում է: Ուշ լինելու պատճառով օրակարգի միւս հարցերի քննութիւնը յետաձգւում է հետևեալ նիստին:

Տե՛ս Վիրահայ Ազգային Խորհուրդ //
Յառաջ, 9 փետրվարի 1919, N 23:

⁹⁶ Խոսքը Ծակլայի շրջանում Հայ գաղթականական կազմակերպությունների գլխավոր խորհրդի նախկին լիազորի մասին է:

Լրատվություն՝ Վրաստանի ՀԱԽ-ի 1919 թ. փետրվարի 7-ի և 14-ի նիստերի մասին

Առաջին ժողովին նախագահում է Ա. Զոհրաբեան, իսկ երկրորդին՝ Դ. Դալիթխանեան:

Լսելով ամենից առաջ զեկուցումն Սոչիի դեպքերի մասին, ժողովն անցնում է Դաղէթ-Խաչէնի անցքերին, որոնց հետևանքով ժողովուրդը ենթակայ է ամեն տեսակ հարստահարությունների, բռնությունների և նեղութիւնների՝ չի կարողանում տուն վերադառնալ և կոտորում է անտառներում ու ձորերում քաղցից ու հիւանդութիւններից ու սառնամանիքից: Որոշում է դիմել կրկին անգամ վրաց կառավարութեանը և խնդրել վերջ դնել կատարուող այլանդակութիւններին⁹⁷:

⁹⁷ Նշված սուկալի ծանր կացությունը ստեղծվել էր Վրաստանի և Հայաստանի միջև առաջացած զինված հակամարտության հետևանքով, քանզի վրաց զինվորականությունը վրեժխնդիր եղավ գավառի խաղաղ հայ բնակչությունից: Ապօրինի ձերբակալությունները և բռնագրավումները դարձել էին սովորական երևոյթ: Ազգային հալածանքի պատճառով Դաղէթ-Խաչէնի և Շուլավերի գավառակներում տեղի ունեցան հայերի սպանության բազմաթիվ դեպքեր: Անհրապոյր և ամոթալի սույն երևոյթների մասին բազմիցս բարձրաձայնել է ժամանակի մամուլը: Տե՛ս «Յառաջ»-ի հետևյալ նյութերը. Դաղէթ-Խաչէնը (16. 01. 1919), Բոլնիս-Խաչէն (30. 01. 1919), Շուլաւերում եւ իր շրջանի հայ գիւղերում վրաց զօրքերի ձեռքով կատարած թալանն ու աներածութիւնները (31. 01. 1919), Վրաց զօրքերի անկարգութիւնները հայ գիւղերում (07. 02. 1919), Գազանութիւններ Դաղէթի շրջանում (11. 02. 1919), Վրաց զօրքերի գազանութիւնները Բոլնիս-Խաչէնում (15. 02. 1919), Շամշուլ-դայում (19. 02. 1919): «Հայ-վրացական պատերազմի կապակցութեամբ կատարուած հակահայկական հալածանքների <...> բացատրութիւնը պէտք է որոնել Վրաստանի հայութիւնը նօսրացնելու եւ տնտեսապէս թուլացնելու այն քաղաքականութեան մէջ <...> որին, հետևում էր Ժորդանիա-Րամիշվիլիի կառավարութիւնը իր գոյութեան պահից սկսած՝ վրաց շովինիստներին բաւարարութիւն տալու համար: Պատերազմը հարթել էր այս քաղաքակաւութեան ճանապարհը: Նրա իրականացման համար այլեւս կարիք չկար

Այնուհետև ժողովն զբաղւում է Արամ Տէր-Գրիգորեանի (ս.-ր.) հարցապնդումով:

Արամ Տէր-Գրիգորեանը սուկալի գոյներով նկարագրում է գաղթականների կրած տանջանքներն ու կորուստները վերադարձի ժամանակ: 700 հոգի իրենց սայլերով ու եզներով քշել տարել են թուրքերը և մինչև այսօր նրանցից լուր չկայ: Գաղթականական մասի վարիչ Յ. Արղութեանը (դաշնակց.) կուսակցական տեսակետներով ղեկավարուելով պաշտօնից հեռացրել էր լիազօր Գեորգ Յովսէփեանին, իսկ նրա տեղը նշանակել Արարատ Տէր-Գրիգորեանին, որ շրջում էր Թիֆլիսի փողոցներում: Գաղթականութիւնը հարիւրաւոր գոհեր տուեց, որովհետև Արղութեանը արձակել էր ծառայողների շտատը և միլիցիան, որով և քայքայել էր ամեն կազմակերպութիւն: Ճանապարհներին չեն եղել սննդակայաններ և թէյարաններ, չնայելով Յ. Արղութեանի պնդումին, թէ եղել են: Լիազօրները նստած են եղել իրենց տեղերը վերադարձի ժամանակ և էպիքական հանգստութեամբ հեռագրում էին, թէ գաղթականները գնացին: Միակ լուսաւոր կէտը վերադարձի ժամանակ Ջօրեանի գործունէութիւնն է եղել, որ կազմակերպել է ճանապարհին սննդակայաններ և թէյարաններ մինչև Ախալցխա:

Վերադարձից յետոյ սուկալի վիճակ է տեղումը: Պ. Աբէլեանը⁹⁸ մեկնում է գաղթ. մարմնի յանձնարարութեամբ Ախալքալաք, իսկ Ջօրեանը բոլորովին չի գնում, վերջացած համա-

օրինական ձեակերպութիւնների յետեւից ընկնել»: Տե՛ս Ջամալեան Ա. Հայվրացական կնճիթը // Հայրենիք (Բոստոն), 1929, ապրիլ, էջ 145: Ժամանակի նշանավոր և իրազեկ գործչի այս սպառիչ խոսքերը, հիրավի հավելյալ մեկնաբանութեան անհրաժեշտութեան չունեն:

⁹⁸ **Աբէլեան Պողոս Գրիգորի** (1877-1943), հրապարակախոս, Ախալքալաքի հայրենակցական միութեան վարչութեան քարտուղար (1918-1919):

րելով իր դերը հիմնած սննդակայանով: Մի քանի օր մնալուց յետոյ վերադարձել է պ. Աբելեանն ևս և այսօր Ախալքալաքում ոչ մի լիազօր չկայ: Գաղթականութիւնը բոլորովին անտէր է և ենթակայ բարոյական թալանի և ամեն տեսակ բռնութեան: Մինչև անգամ դուխաբորները այս դրութեան վրայ ուշադրութիւն են հրաւիրում իրենց մեմորանդումի մէջ:

Շատ աւելի լաւ չէ գաղթականների վիճակը նոյն իսկ մեր աչքի առաջ Թիֆլիսում⁹⁹: Անտանելի է յատկապէս որբերի դրութիւնը, որոնք որբանոցներից փախչում են, որովհետև դրսում՝ փողոցում աւելի լաւ է, քան թէ որբանոցներում: Որբանոցների դպրոցական մասն էլ շատ վատ է դրուած: Ուսուցիչները կանոնաւորապէս չեն յաճախում իրենց պարապմունքներին և նրանց վրայ հսկելու պարտականութիւն ունեցող դպրոցական վարիչն էլ շատ քիչ հսկողութիւն ունի նրանց վրայ, համարեա ոչինչ:

⁹⁹ Ըստ «Թիֆլիսի քաղաքային գաղթականական բաժանմունքի կառավարիչ [Օ. Ս.] Բուկշտէնի՝ քաղաքային վարչութեանը տուած զեկուցումից երևում է, որ անցեալ տարուայ մինչև յունիսի 10-ը Թիֆլիս են եկել մօտ 40000 գաղթական, որոնցից 30 հազարը հովանաւորուել են քաղաքային ինքնավարութեան կողմից, իսկ մանցած 10000-ը որևէ կերպ տեղաւորուել է քաղաքում ու ապրել իրենց միջոցներով: Բսկ այն օրուանից (յուլիսի 17-ին), երբ կառավարութիւնը դադարեցրեց գաղթականներին նպաստ տալ, նրանցից 6 հազար հոգի տեղաւորուեցին 300-րդ վերստում, 1500 հոգի քաղաքային հանրակացարանում, իսկ մնացածը ինքնազուլիս որևէ կերպ տեղաւորուեց քաղաքում: Ներկայումս թէև քաղաքից հեռացողներ չեն եղել, բայց գաղթականների թիւը պակասել է յունիս ամսուայ համեմատութեամբ: Գաղթականների պակասելը եղել է նրանց մահացութեան հետևանքով, որի պատճառն եղել են վարակիչ հիւանդութիւնները և սովը: Այսպէս, յունիսի 1-ից մինչև յունուարի 1-ը, այսինքն 7 ամսուայ ընթացքում, Թիֆլիսում մեռել են 7-8 հազար գաղթական: Մնացած գաղթականներին ներկայումս օգնութիւն են ցոյց տալիս քաղաքային, հայկական, ամերիկական և յունական գաղթակ. մարմինները»: Տե՛ս Գաղթականների վիճակը Թիֆլիսում // Շողովրդի Չայն, 14 հունվարի 1919, N 9:

Յիշատակելով այս բոլորը՝ Արամ Տէր-Գրիգորեանը հարցնում է. «արդեօք յայտնի՞ Է Ազգային Խորհրդին, որ գաղթականներին օգնելու գործը քայքայուեց այն օրից, երբ ամբողջ գործն անցաւ Ազգային Խորհրդի Գաղթականական Բաժնին, և եթէ յայտնի է, ի՞նչ է մտածում Ազգային Խորհուրդը այդ մասին»:

Իօսը է տրւում պ. Աբելեանին, որ հաւասարապէս մեղադրում է թէ՛ հին և թէ՛ նոր գաղթականական մարմիններին, որոնց օրով գաղթականների ընդհանուր դրութեան մէջ տարբերութիւն չէ եղել: Յատկապէս մեղադրում է Արամ Տէր-Գրիգորեանին, որ «դարձել էր չարիք» գաղթականութեան համար և իր կայանը հիմնել էր այնտեղ, ուր գաղթական չկար: Հենց Արամ Տէր-Գրիգորեանի օրով և նրա գործունէութեան շնորհիւ եղել են հազարաւոր զոհեր: Պ. Աբելեանը գաղթականական գործադիր մարմնի գլխաւոր թերութիւններն համարում է ինիցիատիւ պակասութիւնը, դանդաղ կոտորութիւնը և անտարբերութիւնը զեղծումների հանդէպ: Պետք է ազատուել կամ այդ թերութիւններից կամ Գործադիր մարմնից:

Այնուհետև մանրամասն բացատրութիւններ է տալիս գաղթականական բաժնի վարիչ Յ. Արդութեանը, որ իր կողմից խոշոր մեղադրանքներ է ուղղում Արամ Տէր-Գրիգորեանի հասցէին, նրան համարելով հազարաւոր գաղթականների կորստեան պատճառը: Յ. Արդութեանը կրկնում է այն բոլոր մեղադրանքները, որ նա բարդել էր Արամ Տէր-Գրիգորեանի վրայ գաղթականական խորհրդում, որի հիման վրայ պաշտօնից արձակուել էր Արամ Տէր-Գրիգորեանը: Որովհետև այդ մեղադրանքները մեր թերթում լոյս տեսան իր ժամանակին, աւելորդ ենք համարում այստեղ նորից կրկնել:

Ուշ լինելու պատճառով առաջարկում է հարցապնդման քննությունը յետաձգել հետևեալ նիստին, յանձնարարելով գաղթականական բաժնին ներկայացնել նաև մանրամասն զեկուցումն առհասարակ գաղթականների դրութեան մասին:

Փետրուարի 14-ի ժողովում սակայն պարզուում է, որ հարցապնդումը քննուել չէ կարող, որովհետև Գործադիր Մարմինը կապ չէ գտնում հարցապնդման և գաղթականների դրութեան մասին ներկայացուելիք զեկուցման մէջ: Հարցապնդումը պէտք է սպառել, նրա մասին ցոյց տալ Ազգային Խորհրդի որոշ վերաբերմունքը և ապա անցնել լսելու գաղթականների ընդհանուր դրութեան մասին զեկուցումն: Այս տեսակէտին համաձայնում է ժողովը և որոշում է անցնել հարցապնդման քննութեանը, բայց Արամ Տէր-Գրիգորեանը յայտնում է, որ փաստաթղթերը հետը չէ բերել, որովհետև իրեն Գործադիր Մարմնի անդամ Ա. Ստամբուլցեանն ասել է, որ այսօր հարցապնդումը չի քննուի. այդ պատճառով խնդրում է յետաձգել հարցապնդման քննությունը հետևեալ ժողովին և հնարաւորութիւն տալ իրեն երևան բերելու բոլոր փաստերը:

Ժողովն յարգում է Արամ Տէր-Գրիգորեանի խնդիրը, բայց յանձնարարում է Գործադիր Մարմնին անկախ հարցապնդումից հետևեալ ժողովին անպատճառ ներկայացնել իր զեկուցումը:

Այնուհետև դրում է Դաշնակցական ֆրակցիայի առաջարկը Գործադիր Մարմնի վերակազմութեան մասին, որի մէջ ոյժերի փոխարարբերութիւնը խախտուել է ի վնաս Դաշնակցութեան բժշկա-սանիտարական և պարենաւորման մասերի վարիչների ընտրութիւններից յետոյ:

Որովհետև պարզուում է, որ այդ հարցի մասին ֆրակցիաների մէջ դեռ ևս համաձայնութիւն չի կայացել, որոշում է

յանձնարարել ֆրակցիաներին համաձայնութեան գալ և զեկուցանել ժողովին ոչ ուշ քան հետևեալ ուրբաթ օրը:

Հարց է յարուցում Ազգային Խորհրդի նոր ընտրութիւններ նշանակելու մասին: Թեր և դէմ խօսակցութիւններից յետոյ որոշում է օրէնսդրական յանձնաժողովին երկու շաբաթ ժամանակ տալ, որպէսզի նա իր զեկուցումը ներկայացնէ Ազգային խորհրդին, որից յետոյ և նշանակել ընտրութիւնները:

Ապա զեկուցում է, որ մինչև այժմ ֆինանս. յանձնաժողովը ոչինչ չէ արել, մինչդեռ մենք դրամ չունենք: Հարց է յարուցում ստիպողական կամ հարկադրական տուրքի մասին, որ պէտք է հաւաքեն կուսակցութիւնները: Երկար թեր և դէմ առարկութիւններից յետոյ որոշում է ընտրել մի ֆինանս. նոր կոմիսիա և յանձնարարել նրան մի շաբաթուայ ընթացքում զեկուցում ներկայացնել Ազգային խորհրդին, թէ ի՞նչ միջոցներով կարելի է դրամ հայթայթել Ազգային Խորհրդի համար, միննոյն ժամանակ պարզելով նաև Ազգային Խորհրդի կարիքները:

Նոր ֆինանս. յանձնաժողովի անդամներն են Ա. Երզնկեան (ս.-դ.), Ա. Յովհաննիսեան (ս.-ր.), Պ. Դոլուխանեան (Հ.Ժ. Կուս.) և Հ. Ետեմեան (դաշն.):

Արշ. Մխիթարեան (Հ. Ժ. Կուս.) առաջարկում է Ազգային Խորհրդի արտակարգ նիստ հրաւիրել, եթէ քաղաքում արտաքոյ կարգի նշանակութիւն ունեցող դէպքեր պատահելու լինեն: Ժողովն ընդունում է այն առաջարկութիւնը:

Սոցիալիստ-յեղափոխականների ֆրակցիան խնդրում է Ազգային Խորհրդին քննիչ յանձնաժողով ընտրել Արամ Տէր-Գրիգորեանի և գաղթականական նախկին խորհրդի գործուներութիւնը քննելու համար:

Ժողովը որոշում է գաղթականական նախկին խորհրդի գործունեությունը մի կողմ թողնել իբրև անկախ խնդիր, իսկ Արամ Տեր-Գրիգորեանի գործունեությունը քննելու համար յանձնաժողով ընտրել հարցապնդման քննությունից յետոյ:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Չայն, 16 փետրվարի 1919, N 36:

N 63

Լրագրային հաղորդում՝ Վրաստանի ՀԱԽ-ի 1919 թ. փետրվարի 21-ի նիստի մասին

Ժողովը բացում է նախագահությամբ Լ. Թումանեանի (ս.-ր.) Կ[ովկասի] Հ[այ] Բարեգործական ընկերության դահլիճում երեկոյան 6 և կէս ժամին:

Ամենից առաջ ժողովն զբաղում է Ախալքալաքի դրութեամբ և որոշում է կայացնում յանձնարարել Գործադիր մարմնին շտապեցնել Ազգային Խորհրդի Պարենաւորման լիազօրի առաքումը՝ տեղական ժողովրդի պարենաւորման ինքնօգնութեան գործը կազմակերպելու համար:

Այնուհետև ամբողջ երեկոն նուիրում է գաղթականութեան դրութեան մասին Արամ Տեր-Գրիգորեանի հարցապնդմանը: Խօսում են այդ խնդրի մասին Արամ Տեր-Գրիգորեանի, Բ. Թովչեան, Պ. Ստամբուլցեան, Ար. Մելքոնեան, [Ար.] Մարգարեան, Ա. Մխիթարեան, Ա. Երզնկեան և Մ. Դարբինեան: Սոցիալիստ րևոլյուցիոներների ֆրակցիան բերում է մի շարք փաստեր ու տեղեկություններ՝ ապացուցանելու համար գաղթականական գործի վատ դրությունը թե՛ շրջանում և թե՛ այստեղ Թիֆլիսում: Օրինակ՝ յայտնում են թե Ծակայի լիազօր

<...> Արարատ Տեր-Գրիգորեանը փոխանակ եղած մթերքն ու հագուստեղէնը բաժանելու գաղթականներին, ծախել է շուկայի գներից էլ էժան կողմնակի անձանց: Ողորմելի է 300-րդ վերստի գաղթականների դրութիւնը. այնտեղ հազիւ 3000 մարդ կայ, բայց ամեն օր 4000-ի կամ 4500-ի պարէն է վերցւում: Ծառայողների վարձումը լինում է տարօրինակ ձևով, անհաշիւ, առանց Գործադիր մարմնի որոշումների և այնպիսի անպատասխանատու անձինք տասնեակ հազարներով աւանս են ստանում. իբրև օրինակ բերում է նոր որբանոցի կառավարիչը, որ երկու ամսից ի վեր չի կարողացել որբերին տեղափոխել, բայց ծառայողներ վարձել է իր կողմից, դարձեալ առանց Գործադիր մարմնի գիտութեան:

Նոյպիսի տարօրինակութիւն կայ գերիների գործի մէջ: Գործադիր մարմինը որոշել է հրաւիրել միայն 3 մարդ, բայց պարզուով է, որ 3-4 հոգի էլ ջոկ են հրաւիրուած և ռոչիկ են ստանում, յայտնի չէ, թէ ո՞ւմ կարգադրութեամբ: Դրա դէմ բողոքող ծառայող Խաչատրեանին Գաղթականական մասի վարիչն արձակել է յանդգնութեան համար:

Գաղթ. մասի վարիչը բանաւոր ձևով պաշտոնից հեռացրել է Յակովբ Ղազարեանին և Գեորգ Յովսէփեանին, առանց պաշտօնական ձևակերպումները կատարելու, որի պատճառով յիշեալ պարոնները իրենց դեռ ևս հաշւում են ծառայութեան մէջ և ռոճիկ են պահանջում, իսկ Գործ. Մարմինը ստիպուած է լինում բաւարարել նրանց:

Ծառայողների շտատը չի պակասում, շնորհիւ Յ. Արդութեանի արգելքների: Շտատի յանձնաժողովը վաղուց իր գործը վերջացրել է, իսկ Արդութեանը իր եզրակացութիւնը ձգձգում է

շաբաթներով և բազմաթիւ աւելորդ ծառայողներ ռոճիկ են ստանում¹⁰⁰:

Վերջին 4 ամսուայ ընթացքում Ծալկայի 25000 գաղթականների համար ուղարկուել է ընդամենը 200 փ. ալիւր, 50 փ. շաքար և 200 հազար ռ. դրամ, որից 150 հազար ռ. ծախսուել է ծառայողների ռոճիկների վրայ, իսկ 50000-ը միայն գաղթականների վրայ:

Գաղթ. բաժինը անփոյթ է դէպի կեղծումները և չի պատժում ու պատասխանատուութեան կանչում կեղծարարներին: Իբրև կեղծումներ գործող յիշում են Բզնունի, Յով. Մալխասեան և այլն:

Նոյնիսկ Դաշնակցութեան օրգան «Աշխատաւորը» յայտնել է այն միտքը, թէ գաղթ. գործը Ազգային Խորհրդին անցնելուց յետոյ մնացել է միևնոյն վատթար դրութեան մէջ, ինչպէս առաջ:

Ս.-ր.-ներից մէկը մինչև անգամ յայտարարում է, որ նոյնիսկ բարի կամքն ու բարի հոգին պակասում է գաղթականներին օգնելու համար ([Ար.] Մարգարեան):

Իս. Յարութիւնեան (Հ. Ժ. Կ.) բացատրութիւն է տալիս Ամերիկեան և Կ. Հ. Բ. Ընկերութեան մի որբանոցի մասին և յայտնում է, որ այդ որբանոցները թէ՛ սննդի, թէ՛ հագուստի, թէ՛ բժշկա-սանիտարական և թէ՛ դաստիարակչական տեսակետներից գտնուում են միանգամայն բաւարար վիճակի մէջ,

¹⁰⁰ Ժամանակի ակնաստեսներից մէկը՝ նկարագրելով ՀԱԽ-ի գրասենյակում տիրող մթնոլորտը՝ ասում էր, թէ «սեղանների շուրջը անգործութիւնից յոգնած զանազան տեսակի ու տիպի լիազօրներ ու կոնտրոլէօրներ յօրանջելով ու սրախօսութիւններով են սպանում իրենց “աշխատանքի” ժամերը»: Տե՛ս Բաց նամակ Վիրահայ Ազգային Խորհրդի գործադիր մարմնին // Աշխատաւոր, 25 մարտի 1919:

այսպես որ որբանոցների վատ դրութեան մասին եղած նկարագրութիւնները չեն կարող այս 10 որբանոցներին վերաբերուել, այլ գուցէ վերաբերում են միւս 4 որբանոցներին, որ պահում են Մոսկուայի կոմիտէտը, հայ կանանց միութիւնը, ինքը Ազգ.Խորհուրդը - և այլն:

Բ. Թոփչեան (Դաշն.) և ուրիշները գտնում են երեք գլխաւոր կոնկրետ մեղադրանք, որոնց համար անհրաժեշտ է քննութիւն կատարել. I. սննդակայաններ չեն եղել վերադարձի ժամանակ, II. մթերքները գաղթականներին բաժանելու փոխարէն՝ վաճառել են, III. հարկաւոր հսկողութիւն չէ եղել պահեստների վրայ, որոնք ենթարկուել են թալանի:

Գաղթականական մասի վարիչ Յ. Արդութեան Գործադիր մարմնի կողմից բացատրութիւններ է տալիս յարուցուած մեղադրանքների առթիւ և յայտնում, որ Գործ. մարմինը արել է այն ամենը, ինչ որ հնարաւոր է մեր պայմաններում: Ինչ վերաբերում է կեղծարարներին, ի հարկէ նրանց վերաբերմամբ պէտք է քննութիւն նշանակել և պատժել յանցաւորին:

Հ. Եաղճեան (Դաշն.) պակասութիւնների մեծ մասը վերագրում է մեզ շրջապատող դրութեանը և պնդում, որ ներկայ պայմաններում աւելի բան անել կարելի չէր և յարձակումներն անարդար են:

Ա. Երզնկեան (Ս. Դ.) խնդրում է Հ. Եաղճեանին իր գեղեցիկ ճառն ուղղել իր ընկերներին և «Յառաջ»-ին, որոնք շարունակ յարձակումներ են գործում Գործադիր մարմնի վրայ, Ազգային Խորհուրդը անուանում «քառակուսի անիւ»¹⁰¹, մոռանա-

¹⁰¹ Ճառախոսն, ըստ երևութի, ի նկատի ունէր «Աշխատաւոր» լրագրում ընծայված հետևեալ կարծիքը. «Վրաստանի Հայոց Ազգային Խորհուրդը ունեցել է 4-5 նիստ և այդ նիստերը եկել են ապացուցելու, որ այդ մարմինն իր գործունէութեամբ բնաւ չի արդարացնում իր վրայ դրած յոյսերը <...> Ազ-

լով, որ գոնե գաղթականական գործի բոլոր լիազորներն ու վարիչները դաշնակցականներն են և քառակուսի անիւր նրանց վերաբերել չէ կարող: Դաշնակցականները պիտի ի նկատի ունենան, որ այսօր իրենց ճակատին կաչում է այն փայտի հակառակ ծայրը, որով իրենք շարունակ փորձում են հարուածել Ազգային Խորհրդին:

Քննութիւն նշանակել Գործ. մարմնի վրայ միանգամայն անթոյլատրելի է յայտարարում են Ա. Երզնկեան (Ս. - Դ.) և Ա. Միխիթարեան (Հ. Ժ. Կ.): Պետք է յանձնել գործ. մարմնին՝ կեղծարարների գործերը քննել և նրանց ենթարկել [պատասխանատվութեան]:

Վիճաբանությունները համարելով աւարտուած՝ առաջարկում են մի քանի բանաձևեր, որոնցից ընդունում է Ա. Միխիթարեանինը. բանաձևի միտքը հետևեալն է. «Ազգային Խորհուրդը լսելով Արամ Տէր-Գրիգորեանի հարցապնդումը գաղթականութեան դրութեան մասին և լսելով գործ. մարմնի գաղթականական մասի վարիչ Յ. Արդութեանի բացատրութիւններն և հռետորների վիճաբանութիւնները, բացատրութիւնները գտնում է բարարար և յանձնարարում է գործադիր մարմնին՝ հարցապնդման և բացատրութիւնների ժամանակ յիշուած մի քանի անձանց վերաբերութեամբ եղած մեղադրանքների մասին քննութիւն կատարել և եզրակացութիւնները ներկայացնել Ազգային Խորհրդին»:

գային խորհուրդ կոչվածը դարձել է մի մարմին, ուր կուսակցութիւնները մարզում են հռետորական և դիւանագիտական՝ պարապմունքների մէջ: <...> Պետք է օր առաջ նշանակել Վրաստանի հայութեան Սահմ. ժողովի ընտրութիւնները և հնարաւորութիւն տալ, որ դեմոկրատիայի իսկական ընտրելիներն իրենց ձեռքը վերցնեն հայ աշխատաւորութեան կրթական-կուլտուրական կեանքի դէկը»: Տե՛ս Քառանկիւնի անիւր // Աշխատաւոր, 27 սեպտեմբերի 1918:

Ժամանակի ուշ լինելու պատճառով՝ օրակարգի միւս հարցերը մնում են հետևեալ նիստին և ժողովը փակում է ժամը 11-ին:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 23 փետրվարի 1919, N 42:

N 64

Հաղորդագրություն՝ «Դաշնակցության» Թիֆլիսի ներկայացուցչական ժողովում Վրաստանի ՀԱԽ-ի ՀՅԴ խմբակցության հաշվետվության մասին

Երեքշաբթի, ամսոյս 18-ին «Շահխաթունեան» ընթերցարանում կայացաւ Հ. Յ. Դ-թեան Թիֆլիսի ներկայացուցչական ժողովը նախագահութեամբ ընկ. [Ան.] Ղազազեանի: <...>

Վիրահայ Ազգային Խորհրդի Դաշնակցական ֆրակցիայի կողմից զեկուցում են ընկ. Յ. Արդուրեան և ընկ. Բ. Թոփչեան, որից առաջինը զեկուցում է գաղթականական բաժնի մասին, իսկ վերջինը՝ Ազգային Խորհրդի ընդհանուր գործունէութեան մասին:

Ընկ. Յ. Արդուրեան բաժանելով գաղթական գործը 4 էտապների՝ I. նախքան յեղափոխութիւնը, երբ գաղթականական գործը ընդհանուր պետական գործն էր և պետութիւնը իր ստեղծած ապարատով վարում էր այդ գործը, II. յեղափոխութիւնից յետոյ պետութեան ստեղծած ապարատը անցաւ գաղթականական ընդհանուր գործադիր մարմնին, III. էտապ, երբ գործը անցաւ ազգային մարմինների ձեռք, և մասնաւորապէս հայ գաղթականների գործը Հայոց Ազգային Խորհրդի ձեռքը և IV. երբ Ազգային Խորհուրդը Երևան անցնելուց յետոյ կազմուեց

պարհիտետ սկզբունքով Վիրահայ Ազգային Խորհուրդ ու սկսեց տնօրինել հայ գաղթականային վիճակը: Ընկերը մանրամասն կանգ առնելով այս վերջին շրջանի վրայ, ընդհանուր գծերով նկարագրեց գաղթականների այն սոսկալի վիճակը, որի մեջ գտնուում են նրանք ու այդ բոլորի հիմնական պատճառը համարեց Ազգ. Խորհրդի «քառանկյուն անիւ» լինելը, բերաւ մի շարք փաստեր գործերի կրիայի քայլերով առաջ գնալու աթիւ, որոնք ապացուցում էին այդ Վիրահայ Ազգային Խորհուրդ կոչւած մարմնի անընդունակութիւնը գործ կատարելու և առաջարկեց այդ դրութիւնից դուրս գալու համար ցրել այդ Խորհուրդը և հրաւիրել նոր Ազգային Խորհուրդ, որը Վրաստանի հայութեան ու նրա աշխատատրութեան իսկական արտայայտիչը լինի: Ընկ. Թովչեան աւելի մանրամասն կանգ առնելով Ազգային Խորհրդի միւս բաժինների՝ ֆինանսական և դպրոցականի գործունեութեան վրայ՝ ցոյց տուեց, որ ինչպէս Վիրահայ Ազգ. Խորհուրդը ընդհանրապէս նոյնպէս և այդ մասնաժողովները ու նրանց վարիչները ոչինչ չեն արել բառի ամենալայն իմաստով, եթէ ի նկատի չունենանք մի քանի շրջաբերականները, որ գրել է դպրոցական մասնաժողովը իր երկու վարիչներով, ու նստել սպասելով ու ոչինչ չանելով: Ապա աւելի մանրամասն կանգ առնելով Ազգային Խորհրդի քառանկյունութեան վրայ, բերեց մի քանի օրինակ, թէ ինչպէս պրեզիդիոմի մշտական նախագահ չլինելու պատճառով Ազգային Խորհուրդը համարեա երբեք չի իմացել վաղօրօք օրակարգը այն նիստի, որին հրաւիրւած է ու երբեմն շատ կարևոր խնդիրներ յետաձգւել են միայն նրա համար, որ յայտնի չէ եղել օրակարգը ու նախօրօք ֆրակցիաները իրար մէջ համաձայնութեան եկած չեն եղել: Նկարագրելով այն ողբերգական վիճակը, որի մէջ գտնուում է Ազգային Խորհուրդը ու յայտնելով,

որ Վիրահայ Ազգային Խորհրդի գոյութեան 6-7 ամսւայ ընթացքում Դաշնակցական ֆրակցիան 3-4 անգամ առաջարկել է նոր ընտրութիւններ կայացնել ու միշտ էլ Խորհուրդը որոշել ու ընտրել է մի մասնաժողով, որը պիտի նոր ընտրութիւնների մասին ծրագիր մշակէր և միշտ էլ այդ որոշումը մնացել է որոշում, ընկ. Թովչեան ուրիշ միջոց չի գտնում քան պայթեցնել այդ Խորհուրդը և նոր ընտրութիւններ նշանակել ոչ այնպէս, ինչպէս կազմւած էր այդ Վիրահայ Ազգային Խորհուրդը, այլ նշանակել դեմոկրատական ընտրութիւններ: <...>

Ապա ընկ. Տիգրան [Ավետիսյան] խօսք խնդրելով, յայտնում է այն միտքը, որ Վրաստանի շրջանում չկայ ոչ մի վիրահայ գաղթականութիւն, եղած շուրջ 25-ից 30000 գաղթականութիւնը բոլորն էլ Հայաստանի հանրապետութեան քաղաքացիներն են և հետևապէս Հայաստանի հանրապետութիւնը պիտի հոգայ նրանց կարիքները և այն էլ ոչ թէ Վիրահայ Ազգային Խորհրդի կողմից, որ վրացահպատակ լինելով չի կարող Հայաստանի հանրապետութեան գործերով զբաղել, այլ Հայաստանի հանրապետութեան կողմից նշանակւած լիազօրների միջոցով, որոնք և պատասխանատու պիտի լինեն այդ հանրապետութեան առաջ իրենց ծախսած գումարների համար: Եւ եթէ մի քիչ հեռուն գնաք, թերևս իրաւական տեսակէրից Վիրահայ Ազգային Խորհուրդը պարտական է հաշիւ տալ Հայաստանի հանրապետութեան, չնայած բոլոր գումարները ստացւում են վերջինիցս:

Ապա մատնանշելով Վիրահայ Ազգային Խորհրդի սխալ քայլերը թէ՛ առաջին և թէ՛ երկրորդ հայ-վրացական միջադէպերի ժամանակ, երբ Ազգային Խորհուրդը Հայաստանի հանրապետութեան «առջի ծառայութիւն» մատուցեց խառնելով այդ գուտ քաղաքական ու պետական գործում, ու Թիֆլիսից

Երևան իր ազդեցութիւնն էր ուզում գործ դնել Հայաստանի հանրապետութեան վրայ, գտնում է, որ Վիրահայ Ազգային Խորհուրդը իրականում ոչ մի հիմք չունէր խառնելու այդպիսի ու նման քաղաքական դէպքերի մէջ, ասում է, որ պէտք է անմիջապէս առանց տատանումների ցրել այդ խորհուրդը, նախօրօք դիմելով Հայաստանի հանրապետութեան, որ նա անմիջական հսկողութեան տակ առնի իր քաղաքացիների կարիքների բաւարարման գործը: Ընկ. Տիգրան [Ավետիսյան] մեղադրում է նաև դաշնակցական ընկերներին, որ ինչ ինչ փափկանկատութեամբ իրենց գերիշխող դիրքից անհիմն զիջումներ արին այն քաղաքական կուսակցութիւններին, որոնք չունենալով ոչ մի մասսա, Դաշնակցութ. հետ համահաւասար իրաւունքով եկան բազմեցին Վիրահայ Ազգային Խորհուրդ կոչւած՝ մեռած նոյն իսկ իր ծնւած օրից՝ օրգանում ու այսօր հայ գաղթականութեան ու Վիրահայ կուլտուր-ազգային գործերը հասցրին այս անմխիթար վիճակին: <...>

Ընկ. Ա. Աբեղեան¹⁰² յայտնում է, որ Վիրահայ Ազգային Խորհուրդը կազմելու գաղափարը ծնունդ է առել դաշնակցական ընկերների մէջ, երբ նախկին ազգային խորհուրդը տեղափոխուեց Երևան կառուարութիւն կազմելու և ասաց, որ այդ խորհուրդը կազմելու գլխաւոր և միակ ցանկութիւնը եղել է

¹⁰² **Աբեղեան Արտաշէս Գարրիելի** (1878-1955), հայագետ-բանասեր: Գլխավորել է 1942-ին Բեռլինում ստեղծված Հայոց ազգային խորհուրդը: Երրորդ Ռայխի լիազոր ատյանները ճանաչել են իրեն որպէս Հայաստանի վտարանդի կառավարության նախագահ: Բեկանել է նացիստական Գերմանիայում հայերի ոչ արիական ծագման մասին արհեստական հարցի քննարկումը: Նրա այս գործունեությունը բախտորոշ նշանակություն ունեցավ շուրջ կես միլիոն հայության համար, սակայն դեռևս պատշաճ գնահատանքի չի արժանացել: Մանրամասն տե՛ս Հայրապետյան Չ. Արտաշէս Աբեղեան. Մեծ բանասերն ու հասարակական գործիչը // http://www.armin.am/images/menus/2699/Hayrapetyan_harutyun.pdf

Վրաստանի սահմանում ապրող հայութեան ատոնումիայի սաղմ կազմել և միայն վիրահայութեան ազգային-կուլտուրական կեանքը տնօրինել ու կառավարել, սակայն յետագայում այդ խորհուրդը շեղել է իրեն առաջադրած պարզ ու որոշ խնդիրներից ու սկսել զբաղել քաղաքական խնդիրներով, որ ոչ մի դեպքում նրա իրաւասութեան չէ վերաբերում ու միանալով ընկ. Տիգրանի [Ավետիսյան] առաջարկին՝ պնդում է ազգային խորհուրդը ցրելու ու նոր դեմոկրատական ընտրութիւններ նշանակելու պահանջին: <...>

Տե՛ս Հ. Յ. Դաշնակցութիւն՝ ներկայացուցչական ժողով //
Յառաջ, 22 փետրվարի 1919, N 34:

N 65

Հաղորդագրություն՝ Բորչալուի գավառի հայ բնակիչներին իրենց գյուղերը վերադարձնելու գործում Վրաստանի ՀԱԽ-ի ներկայացուցիչների մասնակցության մասին

Վրաց կառավարութեան կարգադրութեամբ թոյլատրւած է Բոլնիս-Խաչէնցիների և Դաղէթ-Խաչէնցիների վերադարձը իրենց տեղերը: Գաղթականներին տեղատրելու համար Բելի Կլիւչ է մեկնել մի ձանձնաժողով կառավարութեան և Վիրահայ ազգ. խորհրդի կողմից: Յիշեալ գիւղերը ներկայումս գտնւում են աւերւած դրութեան մէջ և ծանր վիճակում:

Տե՛ս Լրատու //
Յառաջ, 5 մարտի 1919, N 42:

N 66

**Վրաստանի ՀԱԽ-ի լիազորների հաղորդագրությունը
Բորչալուի գավառի (Տաշիր) հայազգի բնակչության սուկավի
ծանր և աղետաբեր կացության մասին**

Сообщение уполномоченных Армяцсовета Грузии о крайне
тяжелом и пагубном положении армянского населения
Борчалинского уезда (Ташир)

Правительственная комиссия, совместно с представителями армянского национального совета выезжавшая в Белый Ключь для выяснения вопроса о возвращении беженцев, возвратилась в Тифлис. Комиссия передает об ужасающем положении с. с. Дагет-Хачин и Башн Хачи. Деревни эти совершенно разорены. Скот угнан. Хлеб и пр[очие] продукты увезены. Население обречено на голодную смерть, вымирает от тифа. Из 1200 дагет-хачинцев 700 болеют тифом.

Տե՛ս և Թեմային լուր //
Գրույն, 5 մարտի 1919, N 50.

N 67

**Հաղորդագրություն՝ հայազգի գաղթականներին օգնելու
համար՝ ՀՀ-ի կառավարության միջոցներից Վրաստանի
ՀԱԽ-ին հատկացրած գումարի մասին**

Հայաստանի կառավարությունը Վրաստանում գտնուող հայ գաղթականներին օգնելու համար՝ Վիրահայ Ազգային Խորհրդի տրամադրությամբ տակ է դրել երկու միլիոն ռուբլի:

Տե՛ս և Քրոնիկոն //
Ժողովրդի Չայն, 5 մարտի 1919, N 47:

N 68

**Հաղորդագրություն՝ Վրաստանի ՀԱԽ-ի գանձարանի
գումարները պետական կալանքից ազատելու մասին**

Վրաց ֆինանսների մինիստրը կարգադրել է ազատել գրառումից Անդրկովկասեան բանկում Ս. Յարութիւնեանի անուամբ պահուած Հայոց Ազգ. Խորհրդի գումարները:

Տե՛ս Քրոնիկոն //
Ժողովրդի Ձայն, 16 մարտի 1919, N 56:

N 69

**«Աշխատաւոր» լրագիրը՝ Վրաստանի ՀԱԽ-ի 1919 թ. մարտի
14-ի նիստի մասին**

Նիստը բացւում է ըստ սովորականի մի ժամ անց: Ընդունւ-
ում է հետևեալ օրակարգը.

1. Հարցապնդում դպրոցական գործի մասին:
2. Կենտրոնական գաղթ. մարմնի ստեղծ. խնդիրը:
3. Հարցապնդում ֆինանսական գործի մասին:
4. Շտատների կրճատումը և մի շարք այլ խնդիրներ:

Կարդացւում է խորհրդի անդամ Բ. Թոփչեանի հարցապն-
դումը Ազգ. Խորհրդի դպրոցական վարիչների գործունէութե-
ան մասին: Թւելով այն բացերն ու անիշխանութիւնը, որ տի-
րում է դպրոցական ասպարեզում, հարցապնդման հեղինակը
հարցնում է խորհրդին՝ «յայտնի է դպրոցական գործի այս ող-
բալի վիճակը մեր վարիչներին և խորհրդին և եթէ այո՞, ի՞նչ
գործնական քայլեր են արւում այդ դրութիւնը վերջ տալու հա-
մար»: Հարցապնդումը պաշտպանում է հեղինակը:

Բ. Թոփչեան. - Ազգ. Խորհրդի կազմակերպման հիմնական նպատակներից մեկն էր, ունենալ մեկ մարմին, որը պիտի վիրահայ աշխատաւորութեան կրթական-կուլտուրական շահերը պաշտպանէր և նրա հոգսերի ու ցաւերի իրաւագործարգմանը լինէր: Բայց մի շարք ամիսների գործնութիւնը ցոյց է տալիս, որ այդ ուղղութեամբ և այդ ասպարէզում ոչինչ չի արւած: Դպրոցական կեանքը թէ՛ այստեղ մեր քթի տակ և թէ՛ գաւառում ողբալի վիճակի մէջ է գտնւում: Համարեա բոլոր հոգաբարձական մարմինների ժամանակամիջոցը լրացած է և նրանք շարունակում են «խնամել» դպրոցները ըստ իրենց հաճոյքի: Շատ դպրոցներում միննոյն մարդը և՛ հոգաբարձու է, և՛ տեսուչ, և՛ ուսուցիչ: Դպրոցները բացում և փակում են հոգաբարձութեան քմահաճոյքով: Ուսուցչութիւնը փող չստանալու պատճառով նոյնպէս փոխւում է ամիսը մեկ անգամ:

Գաւառում բազմաթիւ դպրոցներ իսպառ չեն բացւել, բացւածներից շատերի շէնքերը գրաււած են և տասնեակ ու 100-աւոր երեխաները ցրտի ու անտէրութեան պատճառով փողոցներում են մնացել: Այս վիճակը անհանդուրժելի է, կամ գործ կատարենք, կամ քաղաքացիական քաջութիւն ունենանք խոստովանելու մեր անճարակութիւնը և հեռանանք ասպարէզից:

Ե. Տէր-Մինասեան. – Որպէս դպրոցական վարիչ՝ տալիս է իր բացատրութիւնները: Նա գտնում է, որ հարցապնդումը ճիշտ հողի վրայ է դրւած: Պիտի արմատապէս լուծել դպրոցական խնդիրը: Երկիշխանութիւնն է բոլոր թերութիւնների պատճառը, բացի այդ կառավարութիւնն էլ մինչև օրս խոչընդոտներ էր յարուցանում Ազգ. Խորհրդի դէմ: Չնայելով նրան արւած է այն ամենը ինչ հնարաւոր է:

Ա. Ստամբոլցեանը (դպրոց. 2-րդ վարիչ) բերում է մի շարք փաստեր, որոնք ապացուցում են հարցապնդման հիմնաւոր

լինելը և ասում, որ այդ թերությունները վերացնել անհնար է եղել, որովհետև հոգաբարձությունները չեն ճանաչել նրանց իրաւասութիւնը: Յամենայն դէպս Գայիանեան, Թանդոյեան և այլ դպրոցների նպաստ է տրւած և 5 նոր դպրոց է բացւած:

Իս. Յարութիւնեան նոյնպէս գտնում է հարցապնդումը տեղին և վարիչների բացատրութիւնները անբաւարար:

Ա. Երզնկեանը իր երկար ճառով ճգնում է ապացուցել, որ արւած է այն՝ ինչ հնարաւոր է և քաղաքական պայմաններն են, որ թոյլ չեն տւել աւելին անելու:

Բ. Թոփչեան գտնում է առարկութիւնները անհիմն, ֆորմալ: «Ոչ պարոններ! Յանցանքը նետել մասնաժողովի վրայ, յանձնաժողովից պրեզիդիումի կամ վրաց կառավարութեան վրայ - դա հարցի լուծումը չէ: Մենք վստահութեան քիւ տփնք գործի և ոչ թէ անգործութեան համար: Խոստաւանեցէք, որ ամենապատասխանատու ըռպէին խորհուրդը բռնեց քաղաքական դեզերտիրութեան ու անկարգութեան ուղին և ինքնացրման ենթարկւեց նախ քան կառավարութեան ըեպրեսիաները: Պատասխանատւութեան զգացմունքը ու յեղափոխական պարտաճանաչութեան բացակայութիւնն է այս բոլորի պատճառը: Հեռացէք այստեղից, զիջէք ձեր տեղերը աշխատաւորութեան ներկայացուցչութեանը և նա ոյժ կունենայ թէ՛ սրբազանների, թէ՛ հոգաբարձուների և թէ՛ կառավարութեան ոտնձգութիւններին արժանի պատասխանը տալ»:

Նախագահը գտնում է, որ դեզերտիր բառը վիրաւորական է Խորհրդի համար և առաջարկում է խուսափել նրան գործածելուց:

Բ. Թոփչեան. - Այսպէս շարունակել այլևս անկարելի է: Բացարձակ սաբոտաժով դուք չէք տալիս ժամանակին ընտրութիւններ կատարել...

Երզնկեան (տեղից). - Դաշնակցաններդ էք ամենից շատ սաքոտած անում, ձեր ընկերը չի գալիս կոմիս[իայի] նիստերին:

Բ. Թոփչեան. - Երեք անգամ իմ հարցապնդումներից ու հարցումներից յետոյ դուք 2-ական շաբաթ ժամանակ տուիք կենտրոնական կոմիսսիային զեկուցման համար: Անցել են ամիսներ և այդ զեկուցումը չկայ: Սա անհանդուրժելի է: Ազատեցէք այս տեղերը ժողովրդի ընտրելիների համար:

Երզնկեանը նորից առարկում է մեղադրանքների դեմ և «կատեգորիկ կերպով յայտարարում», որ նրանք դեմ չեն ընտրութիւնների և առաջարկում է նոր կոմիսիա ընտրել նախագահութեամբ ընկ. Թոփչեանի:

Ընկ. Թոփչեանի բանաձևը՝ անբաւարար համարել բացատրութիւնները և որպէս միջոց կարճ ժամանակամիջոցում նոր ընտրութիւններ նշանակել տապալում է էս-դէկների, էս-էրների և կադէտների բոլորի ձայներով: Անցնում է էս-էրների բանաձևը, որը վարիչների բացատրութիւնները բաւարար է գտնում:

Ապա քննում է և վաւերացում է Վրաստանի կառավարութեան կից կազմուելիք կառավար. գաղթ. մարմնի կանոնադրութիւնը: Պարզում է, որ կառավարութիւնը 2 միլ. Վարկ է բաց արել Վրաստանի գաղթականութեանը օգնելու համար, որի բաշխման և այլ աշխատանքների համար բոլոր ազգային խորհուրդների ներկայացուցիչներից մի յանձնաժողով է կազմում: Խորհուրդը հաւանութիւն է տալիս կատարած քայլերին: <...>

Տե՛ս Վիրահայ Ազգային Խորհուրդ //
Աշխատաւոր, 16 մարտի 1919, N 50:

**«Ժողովրդի Ձայն» լրագիրը՝ Վրաստանի ՀԱԽ-ի 1919 թ.
մարտի 14-ի նիստի մասին**

Նախագահում էր Արշ. Մխիթարեան (Հ. Ժ. Կ.): Օրակարգի բազմաթիւ հարցերից առաջնութիւն տրուեց դպրոցական խնդրի մասին եղած հարցապնդմանը, որ երեք շաբաթ առաջ մտցրել էր Դաշնակցական ֆրակցիայի անդամ պ. Բ. Թոփչեանը, բայց որը դեռ քննութեան առարկայ չէր եղել:

Հարցապնդման էութիւնն այն էր, որ չնայելով երկու դպրոցական վարիչների գոյութեան, այդ ասպարեզում ծրագրային և սկզբունքային գործ չէր կատարուած, ստեղծուած է դպրոցներում երկիշխանութիւն, որոնցից մէկը բացասում է միւսի իրաւունքները, դպրոցներում իշխում է հոգաբարձուների կամայականութիւնը, շատ դպրոցներ նիւթական անապահովութեան պատճառով փակուել են կամ ենթակայ են փակման վտանգի, իսկ Ազգային Խորհուրդը այդ ուղղութեամբ քայլեր չէ արել գոնէ նպաստներ տալու կարիք ունեցող դպրոցներին, հոգաբարձական ընտրութիւնները կատարում են տարրական դեմոկրատիկ սկզբունքների խախտումով, և այլն և այլն:

Հարցապնդմանը պատասխանում են միջնակարգ դպրոցների վարիչ Ե. Տէր-Մինասեան և տարրական դպրոցների վարիչ Ան. Ստամբուլցեան: Պատասխանների մէջ շեշտում է այն հանգամանքը, որ նախ՝ երկու վարիչ ունենալու յանցանքը ոչ թէ վարիչներինն է, այլ իրեն՝ Ազգային Խորհրդի, որ բոլորովին անտեղի կերպով մի դպրոցական գործը երկու մասի է բաժանել՝ իր պարիտետի սկզբունքին բաւարարութիւն տալու համար:

Երկրորդ՝ ծրագրով և սկզբունքային գործ կատարուել չէր կարող, քանի որ Ազգային Խորհրդի ընդունած բանաձևը՝ թէ ինքն է գերագոյն տէրն ու տնօրէնը բոլոր Ազգային կուտուրական գործերի՝ իրապէս սահմանափակուած և կարելի է ասել ոչնչացած է նոյն Ազգային Խորհրդի ընդունած մի այլ բանաձևով յատկապէս դպրոցների վերաբերութեամբ: Այդ բանաձևն ասում է, թէ Ազգային Խորհուրդն առայժմ իրաւական խնդիրը չվճռելով՝ իր վրայ է վերցնում դպրոցների փաստական կառավարութիւնը: Այն ինչ, ինչպէս քանիցս շեշտուած է Ազգային Խորհրդի առաջ, այդպիսի վարչութիւն գոյութիւն ունենալ չի կարող, որ իրաւունքը մէկինը լինի, իսկ ղեկավարութիւնը՝ մի ուրիշինը: Այդ բանը հնարաւոր էր միայն հոգևոր իշխանութեան և Ազգ. Խորհրդի փոխադարձ համաձայնութեամբ, ինչպէս առաջարկուում էր Հայ Ժողովրդ. Կուսակցութիւնը, որի առաջարկութիւնը չէ անցել Ազգային Խորհրդում:

Այդպիսի հանգամանքներում սկզբունքային և ծրագրային գործունէութիւն պահանջել դպրոցական վարիչներից, միայն թիւրիմացութեան արդիւնք է. մանաւանդ որ դաշնակցական հոգաբարձուները, որոնք միաժամանակ Ազգային Խորհրդի անդամ են և բանաձև են ընդունել, թէ Ազգային Խորհուրդը գերագոյն տէր և տնօրէն է դպրոցական գործում, տեղումը հետևում են այլ քաղաքականութեան և հնարաւոր չեն գտնում ճանաչել Ազգային Խորհրդի իրաւասութիւնը, յենուելով այն սկզբունքի վրայ, թէ առայժմ վտանգաւոր է, քաղաքական հորիզոնը և մեր կուլտուրական ինքնավարութեան պայմանները չպարզուած, նախկին հոգևոր իշխանութեան իրաւունքները կրճատել և նոր մարմնի իրաւասութիւն ընդունել, որի իրաւունքների սահմանները որոշ չեն և կառավարութեան կողմից էլ ճանաչուած չեն: Տեսակէտներ, որ միշտ պարզել է Հայ Ժո-

ղովրդ. Կուսակցութիւնը, բայց չէ անցել Ազգային Խորհրդի մէջ: Այսպէս է պատճառաբանում Ազգային Խորհրդի իրաւասութիւնը չճանաչելը օրինակ Ներսիսեան դպրոցի հոգաբարձութիւնը, որ այդ խնդրի համար պատգամաւոր էր ուղարկել Գործ. մարմնի մօտ Ազգային Խորհրդի դաշնակցական ֆրակցիայի անդամ պ. Յ. Ամիրխանեանին: Առհասարակ Ազգային Խորհրդի իրաւասութիւնը լիովին ճանաչում են և ենթարկում նրան այն դպրոցները, որոնք նիւթական կարիք և օգնութեան ակնկալութիւն ունին Ազգային Խորհրդից: Երբորդ՝ սխալ է հարցապնդման այն կէտը, թէ դպրոցներ են փակուել և աշակերտներ դուրսը մնացել: Այդպիսի բան տեղի չէ ունեցել: Չորբորդ՝ սխալ է, թէ կարիք ունեցող դպրոցներին նպաստ չէ բաժանուել: Կարիք ունեցող թէ՛ տարրական, թէ՛ միջնակարգ դպրոցները խոշոր օժանդակութիւն են ստացել Գործադիր մարմնի որոշման համաձայն այն 100 հազար ռուբլուց, որ յատկացրել էր Ազգային Խորհուրդը դպրոցական գործին: Մի օժանդակութիւն, որ մեր դպրոցական կեանքում եզակի է և մինչև այժմ չի եղել: Հինգերորդ՝ դեմոկրատիկ սկզբունքների խախտում հոգաբարձական ընտրութիւնների մէջ չի եղել: Եթէ ակնարկուում է Յովնանեան դպրոցի դէպքը. դրա մասին հարկաւոր բացատրութիւնները արուել են նախորդ ժողովում և Ազգային Խորհրդի կողմից բաւարար ճանաչուել:

Դրուած հարցի մասին խօսում են նաև ուրիշ պատգամաւորներ: Վերջը Գործ. մարմնի կողմից խօսում է Ար. Երզնկեան, որ դաշնակցականներին խորհուրդ է տալիս մի փոքր համեստ լինել և չերևակայել, թէ եթէ ամբողջ Ազգային Խորհուրդը կազմուած լինի դաշնակցականներից, գործերն աւելի լաւ կընթանան: Օրինակը մեր առաջն է. նախկին Ազգային Խորհրդի մէջ դաշնակցականները տիրող մեծամասնու-

թին էին, բայց բոլոր գործերը, նրանց թույլ և դպրոցական գործը, անհամեմատ ասելի վատ էին գնում, քան թե ներկայումս: Պետք է նոր ընտրություններ նշանակել Ազգային Խորհրդի համար, դրա համար ընտրուած էր յատուկ յանձնաժողով, որ երկու շաբաթուայ ընթացքում զեկուցում ներկայացնէ: Եթէ այդ յանձնաժողովը շատ բան չէ արել, դարձեալ դաշնակցականներն են, որոնց ներկայացուցիչները չեն յաճախում նշանակած նիստերին: Ա. Երզնկեանն առաջարկում է ընտրությունների գործը շտապեցնելու համար նոր յանձնաժողով ընտրել և նրան նախագահ կարգել Բ. Թովչեանին, որ խօսքից գործի անցնի և ընտրությունները կազմակերպէ:

Հարցը սպառուած լինելով՝ կարդացում են բանաձևեր, որոնցից Դաշնակցութեան բանաձևը ստանում է երեք ձայն և մերժուում է, բանաձևի միտքն էր՝ պետք է ցրել Ազգային Խորհուրդը և նոր ընտրություններ կազմակերպել. մի բանաձև, որ բոլորովին չէր համապատասխանում հարցապնդման <...>: Ձայների ճնշող մեծամասնութեամբ ընդունում է հետևեալ բանաձևը. «Վրաստանի Հայոց Ազգային Խորհուրդը լսելով Բ. Թովչեանի հարցապնդումը դպրոցական գործի մասին և դպրոցական վարիչների բացատրությունները, գտնում է այդ բացատրությունները գոհացուցիչ և անցնում է հերթական խնդիրներին»:

Օրակարգի երկրորդ խնդիրն էր «Կենտրոնական պետական գաղթականական կոմիտէի» կազմակերպութեան հարցը, որին մասնակցելու հրաւիրուած է նաև Վրաստանի Հայոց Ազգային Խորհուրդը: Կարդացում է այդ նոր կազմակերպութեան ստատուտը, որ ընդունում է մի քանի փոփոխություններով: Իբրև ընդհանուր ղեկավարող սկզբունք ընդունում է, որ չպետք է թոյլ տալ ո՛չ մի ձևով մեր կազմակերպությունների

ինքնավարութեան և անկախութեան խախտումն այդ նոր կոմիտէի կողմից:

Այնուհետև լսում է Սուխումի [Հայոց շրջանային] Ազգային Խորհրդի նախագահ Խ. Աղալբէկեանի¹⁰³ զեկուցումը տեղական գործերի մասին և Ազգային Խորհուրդը հաւանութիւն է տալիս Սուխումի Խորհուրդի գործելակերպին և յանձնարարում գործադիր մարմնին աջակցել պ. Աղալբէկեանին իր միսսիան կատարելու մէջ կառավարութեան առաջ:

Ուշ լինելու պատճառով ժողովը փակուում է ժամը 11-ին:

Թղթ.

Տե՛ս Վրաստանի Հայոց Ազգային Խորհուրդ //
Ժողովրդի Չայն, 19 մարտի 1919, N 58:

N 71

Լրագրային հաղորդում՝ Վրաստանի ՀԱԽ-ի 1919 թ. մարտի 18-ի արտահերթ նիստի մասին

Նախագահում է Արշ. Մխիթարեան (Հ. Տ. Կ.):

Ա. Ժողովի բազմաթիւ հարցերից առաջ քննութեան է առնում ծառայողների շտատի կրճատման, լիկվիդացիայի և մնացող ծառայողների ոռճիկների յաւելման խնդիրը:

¹⁰³ **Աղալբէկեան Խաչատուր Հայրապետի** (1888-1975), ծն. Մակու քաղաքում, 1911-1913 թթ. աշխատել է Սուխումի շրջանի Մերխետու գյուղի հայկական դպրոցում: 1914-1920 թթ. հանդիսացել է նաև Աբխազիայի ծխախոտագործական կոոպերացիայի կազմակերպող և վարչության նախագահ: 1921թ. տեղափոխվել է Երևան, մինչև 1930 թ. աշխատել է Հայաստանի ԽՍՀ Երկրագործության ժողկոմատում, որպէս վարչության պետ և կոլեգիայի անդամ: 1931-1937 թթ. զբաղվել է թարգմանչական աշխատանքներով: 1938-1948 թթ. բռնադատված էր, գտնվում էր կալանավայրերում: 1955 թ. աքսորավայրից վերադարձել է Երևան:

Գործադիր մարմնի կողմից այս հարցի մասին զեկուցանում է Ե. Տեր-Մինասեան: Նա յայտնում է, որ Գործադիր մարմինը վաղուց մտադրութիւն է ունեցել ծառայողների թիւը Ազգային Խորհրդին ենթակայ զանազան հաստատութիւններում կրճատել. դրա համար կազմել է յատուկ յանձնաժողով, որն իր աշխատանքները վերջացնելով՝ մասերի վարիչների փոխադարձ համաձայնութեամբ առաջարկել է գործադիր մարմնին կրճատման նախագիծը: Գործադիր մարմինը ընդունելով այդ նախագիծը մի քանի փոփոխութիւններով, բերում է այն այսօր Ազգային Խորհրդի հաստատութեան: Կրճատման են ենթարկւում սոյն մարտ ամսի 1-ից ընդամենը 31 ծառայող, որոնց հարկաւոր է բարարարել լիկվիդացիոն վարձադրութեամբ մի ամսական ռոճկի սահմաններում, ի նկատի առնելով նրանց ծառայութեան տևողութիւնը: Այդպիսի լիկվիդացիայի համար հարկաւոր կը լինի ամենաշատը 8-9 հազար ռուբլի:

Ազգային Խորհուրդը առանց վիճաբանութիւնների հաստատում է Գործադիր մարմնի այս առաջարկը:

Ինչ վերաբերում է մնացած ծառայողների ռոճիկների յաւելման խնդրին, զեկուցանող Ե. Տեր-Մինասեան յայտնում է, որ այս խնդիրը վաղուց է յարուցուած ծառայողների կողմից: 1918 թ. նոյեմբեր ամսից, բայց մինչև այժմ չէ իրագործուել զանազան արգել առիթ հանգամանքների շնորհիւ: Այժմ գործադիր մարմինը այս հարցն ևս մանրամասն քննութեան է ենթարկել, աշխատել է վերացնել մինչև այժմ տիրող ռոճիկների անհամաչափ բաշխումը միևնոյն կարգի ծառայողների մէջ, դրա համար ծառայողներին բաժանել է տասն կատեգորիայի և նշանակել նրանց համար հաստատուն, նախկինի համեմատութեամբ աւելացրած ռոճիկներ: Աւելացման ընդհանուր տո-

կոսը չի անցնում 50-ից, որ ներկայ հանգամանքներում կարելի է շատ քիչ համարել: Գործադիր մարմնի առաջարկն է՝ հաստատել ռոճիկների նոր բաշխումը, գործադրութեան մեջ մտցնելով այն յունուարի 1-ից, սակայն միայն այն ծառայողների համար, որոնք շարունակում են իրենց ծառայութիւնը ներկայումս, ծառայողների թուի կրճատումից և լիկվիդացիայից յետոյ:

Այս հարցի մասին լինում են թեր և դեմ վիճաբանութիւններ: Առաջարկ է լինում բոլոր ծառայողներին հաւասար ռոճիկներ նշանակել, առանց նրանց բաժանելու կատեգորիաների, բայց այդ առաջարկը չի անցնում և անփոփոխ հաստատում է Գործադիր մարմնի ներկայացրած նախագիծը իր բոլոր մանրամասնութիւններով:

Նախագծով որոշուած ամենաբարձր ռոճիկն է 1300 ռուբլի և 500 ռուբլի ամսական, որից սակայն հանում է որոշ գումար 250-150 ռուբլի այն հաստատութիւններում, ուր ծառայողները սնունդ են ստանում:

Այնուհետև ժողովականների կողմից առաջարկ է լինում աւելացնել նաև ընտրովի պաշտօնների ռոճիկները: Որոշում է Գործադիր մարմնի անդամներին և գլխաւոր վերահսկիչի ռոճիկ նշանակել 1500-ական ռուբլի, իսկ Ազգային խորհրդի քարտուղարին՝ 1000 ռուբլ.:

Բ. Գործադիր մարմնի կողմից Ա. Երզնկեան առաջարկում է Ազգային Խորհրդի ընտրութիւնների գործը փութացնելու համար ընտրել մի յատուկ յանձնաժողով և որոշ վարձատրութիւն նշանակել նրա անդամներին, որպէսզի ո՛չ միայն օրինագիծ մշակէ, այլ և ընտրութիւնները առհասարակ կազմակերպէ:

Ազգային Խորհուրդը ընդունելով այս առաջարկը, որոշում է կազմել ընտրական յանձնաժողով 4 հոգուց բաղկացած, իւրաքանչիւր ֆրակցիայից մի հոգի, նշանակել այդ յանձնաժողովի անդամներին ռոճիկ ամսական 1500 ռուբլի իւրաքանչիւրին, պարտաւորեցնելով որքան կարելի է շուտ ներկայացնել ընտրական օրինագիծը, որի համար հետևեալ նիստին ժամանակ որոշել և յանձնաժողովի անդամների ընտրութիւնները կատարել, քանի որ ներկայ ժողովին ֆրակցիաները պատրաստ չեն ընտրութիւն կատարելու:

Գ. Այնուհետև ժողովն զբաղուում է կուլտուրական աստուծոմիայի ծրագրի մշակման հարցով: Գործադիր մարմնի կողմից զեկուցանում է Ա. Երզնկեան: Գործադիր մարմինը խնդրում է որոշ վարկ յատկացնել իրեն՝ կուլտուրական աստուծոմիայի օրինագիծ մշակել տալու և Ազգային Խորհրդին ու նրա միջոցով Վրաստանի սահմանադիր ժողովին ներկայացնելու համար, քանի որ հայերը այժմ ներկայացուցչութիւն չունեն Սահմանադիր Ժողովում և այդ պարտականութիւնը բոլորովին ընկնում է Ազգային խորհրդի վրայ:

Ազգային Խորհուրդը ընդունում է գործադիր մարմնի առաջարկը և այդ նպատակն իրագործելու համար որոշում է Գործադիր մարմնին յատկացնել մինչ 10 հազար ռուբլի:

Դ. Զեկուցում է տալիս Բաթումի [Հայոց] Ազգային Խորհրդի ներկայացուցիչ Գրիգորեան: Ամերիկացիների բերած 300 հազար փութ ալիւրի և 11 հազար փութ այլ ապրանքների մասին, որ թէև Հայաստանի Հանրապետութեան համար է, բայց Բաթումում յատկացնում են և ուրիշներին: Բաթումի ներկայացուցիչը խնդրում է միջոցներ ձեռք առնել դրա դէմ և դժգոհութիւն է յայտնում, որ իրենց նամակները Գործադիր մարմնին մինչև այժմ անհետևանք են մնացել: <...>

ժողովն առաջարկում է Գործադիր մարմնին ըստ կարելոյն նպաստելու Բաթումի ազգ. խորհրդի ներկայացուցչին:

Ե. Ախալքալաքի հայրենակցական միութեան կողմից խօսք են առնում պ.պ. Ա. Տէր-Գրիգորեան և Պ. Աբէլեան, որոնք յարձակում են Գործադիր մարմնի վրայ նրա «դանդաղկոտ»-ութեան և Ազգային Խորհրդի վճիռները Ախալքալաքցիների վերաբերութեամբ չկատարելու համար:

Գործադիր մարմնի կողմից բացատրութիւններ են տալիս Ե. Տէր-Մինասեան և Ա. Երզնկեան, որոնցից վերջինը մի ընդարձակ ճառով հերքում է բոլոր մեղադրանքները և ցոյց տալիս, որ շատ որոշումներ անհնարին է եղել կատարել դրամ չլինելու պատճառով, ուրեմն Գործադիր մարմնից միանգամայն անկախ, որ շարունակ խօսելու փոխարէն լաւ կը լինի հայրենակցական միութեան անդամները բարեհաճէին իրենց հայրենակիցների հետ վերադառնալ հայրենիք և այնտեղ նրան օգնել, փոխանակ ժամանակ խլելու Գործադիր մարմնից և նրա գործերը դրանով աւելի ևս «դանդաղացնելու»: Բացատրութիւններից պարզում է նաև, որ Ախալքալաքցիներին Գործադիր մարմինը օգնել կարող է միայն Հայաստանի կառավարութիւնից դրամ ստանալուց յետոյ, որի համար արդէն Երևան են մեկնել Ազգային Խորհրդի վճռով պ.պ. Դ. Դավիթխանեան և Ան. Ստամբոլցեան:

Առաջարկելով Գործադիր մարմնին օգնելու Ախալքալաքցիներին ըստ չափու հնարաւորութեան, Ազգային Խորհուրդը վերջապէս քննում է

Ձ. Սուխում ներկայացուցիչ ուղարկելու հարցը և այս խնդրի լուծումն ու իրագործումը յանձնարարում է Գործադիր մարմնին:

Օրակարգի միւս հարցերը ուշ լինելու պատճառով յետաձգում են ուրբաթ օրուայ հերթական նիստին:

Ժողովը փակուում է ժամը 10-ին:

Թղթակից

Տե՛ս Վրաստանի Հայոց Ազգային Խորհուրդ //
Ժողովրդի Ձայն, 21 մարտի 1919, N 60:

N 72

**Հաղորդագրություն՝ ՀՀ Կառավարությունից նյութական
օժանդակության հայցման նպատակով՝ Վրաստանի ՀԱԽ-ի
պատվիրակության Երևան մեկնելու մասին**

В Эривань на-днях выехали делегаты армянского национального совета в Грузии для исходотайствования у правительства Армении отпуска кредитов в 2 млн. рублей на нужды армян беженцев, находящихся в пределах грузинской республики.

Տե՛ս Местная жизнь //
Грузия, 21 марта 1919, N 63.

N 73

**Հաղորդագրություն՝ Վրաստանի ՀԱԽ-ի ֆինանսական
կացության մասին**

Անցեալ երեքշաբթի¹⁰⁴ նշանակուած Ազգային խորհրդի արտակարգ նիստը, մի քանի հանգամանքների պատճառով որոշուեց յայտարարել մասնաւոր խորհրդակցութիւն, որը զբաղուեց ֆինանսական հարցով:

¹⁰⁴ Իմա՝ 1919 թ., մարտի 25-ը:

Ֆինանսական վարիչ Ար. Երզնկեանը ժողովին պարզեց Ազգ. խորհրդի ֆինանսական նեղ կացութեան մասին. ըստ Երզնկեանի տուած տեղեկութիւնների՝ օրական ծախսում է մօտ 100000 ռուբլի, մինչդէռ Ազգային Խորհրդի գանձարկղում կայ ընդամենը 1 ռ. 50 կոպէկ: Գործադիր մարմինը գտնւում է անելանելի կացութեան մէջ. եթէ դադարեցնի գաղթականութեանը հաց բաժանել՝ վերջինս կընկնի կատաստրոֆիկ դրութեան մէջ, իսկ եթէ շարունակի՝ Ազգ. խորհրդի պարտքը հետզհետէ կաճի: Մինչդէռ Հայաստանի կառավարութեան մօտ ուղարկուած միսիան (որը ըստ նախահաշուի պէտք է նրանից աւելի քան 20 միլիոն ռուբլի դրամ ստանայ) մինչև այժմ ոչ մի տեղեկութիւն չի տուել մեզ, թէ արդեօք Հայաստանի կառավարութիւնը ի՞նչ վերաբերմունք է ցոյց տալիս ծախքերի համար: Ներկայումս Ազգ. խորհուրդը, քանի չի պարզուել նրա վերաբերմունքը՝ անշուշտ չի կարող հետզհետէ աճող ծախքերն իր պատասխանատուութեան վերցնել:

Խորհրդակցութիւնը մտքերի փոխանակութիւնից յետոյ, ցանկութիւն է յայտնում, որ Վիրահայ Ազգ. Խորհրդի Գործադիր մարմինը հեռագրով հաղորդակցութիւն սկսի Հայաստանի կառավարութեան հետ և ամենակարճ ժամանակում պարզի նրա վերաբերմունքը, իսկ բացասական պատասխանի դէպքում՝ անմիջապէս հրաւիրի արտակարգ նիստ¹⁰⁵:

Տե՛ս Վիրահայ Ազգ. Խորհրդի ֆինանսական կացութիւնը // Ժողովրդի Չայն, 28 մարտի 1919, N 66:

¹⁰⁵ ՀԱԽ-ին գաղթականներին խնամելու համար նպաստ հատկացնելու փոխարէն, հայոց կառավարությունը նախըտրեց Վրաստանի տարածքում ստեղծել ՀՀ-ի Խնամատարության նախարարությանը ստորադաս հատուկ ներկայացուցչություն, որին և հանձնարարեց Վրաստանում բոլոր հայ գաղթականների և որբ երեխաների հետ կապված գործերի տնօրինումը: Այդ կառույցի գլուխ 1919 թ. մարտի 27-ին կարգվեց Վրաստանի ՀԱԽ-ի անդամ Դ. Գ. Դավիթխանյանը: Տե՛ս ՀԱԱ, ֆ. 276, ց. 1, գ. 139, թ. 144:

N 74

Լրագրային հաղորդում՝ հայազգի գաղթականներին օգնելու նպատակին ծառայող Վրաստանի ՀԱԽ-ի գանձարանի ծախսերի մասին

Վրաստանի Հայոց Ազգային Խորհրդը Թիֆլիսում գտնուող գաղթականության համար բաց է թողնում օրական 360 փութ հաց (մեջը հաշուած 300-րդ վերստ գաղթականութիւնն ու որբանոցները): Փութը գնում է 130 ռ., ուրեմն միայն այդ բանի համար Ազգային Խորհուրդը ծախսում է աւելի քան 40 հազար ռուբլի: Հաց ստանում են 21 հազար մարդ: Կարիքաւորների թիւը հետզհետէ աւելանում է, որովհետև ունևորները, որոնք մինչև այժմ մի կերպ եօլայ էին գնում, ներկայումս ստեղծուած դրութեան պատճառով ծախում են իրենց վերջին ունեցվածքն ու դառնում ընչազուրկ:

Տե՛ս Քրոնիկոն //

Ժողովրդի Չայն, 27 մարտի 1919, N 65:

N 75

Հաղորդագրություն՝ վիրահայ ունևոր դասից պարտադիր տուրք գանձելու ՀԱԽ-ի մտադրության մասին

Սօտ մի ամիս առաջ Հայոց Ազգ. Խորհուրդը ընտրել էր մի ֆինանսական յանձնաժողով, որը պիտի մշակեր մի ծրագիր՝ վիրահայերի վրայ պարտադիր տուրք նշանակելու ու գանձելու մասին: Այդ յանձնաժողովը վերջացրել է իր աշխատանքները. բանակցութիւններ է վարուած տեղիս հարուստների հետ, որոնք համաձայնել են 2 միլիոն 200 հազար ռուբլու չէկերով գանձել, պայմանով, որ վրաց կառավարութիւնն այդ մա-

սին պաշտօնական որոշում կայացնի: Խորհրդի գործադիր մարմինը այդ ուղղութեամբ բանակցութիւնների մէջ է մտել կառավարութեան հետ:

Տե՛ս Պարտադիր տուրք վիրահայերի վրայ // Ժողովրդի Չայն, 27 մարտի 1919, N 65:

N 76

Հաղորդագրություն՝ Վրաստանի ՀԱԽ-ի համաժողովրդական ընտրությունները հետաձգելու պատճառների մասին

Վիրահայ Ազգային Խորհրդի «փառաւոր» գործնէութիւնը շարունակում է: Այս ֆրակցիաները, որոնք ամեն տեղ աղմկում էին, թէ իրենք էլ ընտրութիւնների կողմնակից են և ի սպացոյց այդ բանի՝ համաձայնեցին վարձով ընտրական-օրէնսդրական կոմիսիա կազմելու առաջարկին, այժմ արդէն հին, փորձած միջոցի՝ սաբոտաժի են դիմում ընտրութիւնները յետաձգելու համար:

Քաղաքացիական քաջութիւն չունենալով իրենց իսկական ջանկութիւնները երևան հանելու, նրանք աշխատաւորութեան աչքերին թոզ են փչում գեղեցիկ առաջարկներով, որոնք մնում են մեռած տառ հենց առաջարկների հեղինակների ջանքերով...

Չորրորդ անգամ ընտրութիւններն արագացնելու որոշումը տալուց յետոյ, մեր «ազգայինները» հանգիստ սրտով, ահա երրորդ շաբաթն է նիստերին չեն գալիս, «յոյժ կարևոր» գործերով զբաղւած լինելու պատճառով <...>:

Տե՛ս Սաբոտաժը // Աշխատաւոր, 2 ապրիլի 1919, N 64:

**Կարծիքներ ՀԱԽ-ի գործունեության մասին՝ ըստ ՀՅԴ
Վրաստանի ճյուղի 2-րդ «ռայոնական ժողովում» հնչած
ելույթների (1919 թ., մարտ)**

Բ. Թուփչեան. - «Ընկերներ, ինչպես գիտեք, ներկայ Ազգային Խորհուրդը կազմուեց նախկին Ազգային խորհրդի Երևան մեկնելուց յետոյ և անուանեց Վրաստանի [Հայոց] Ազգային Խորհուրդ ու պիտի հիմք կազմէր Վրաստանի հայոց ազգային-կուլտուրական աստոնովայի, կազմուել է պարիտետային հիմունքներով իրականութեան մէջ գործող 4 կուսակցութիւնից, իւրաքանչիւրից 8-ական ներկայացուցիչներով: Առաջնորդուելով այն տեսակետով, որ հայ իրականութեան մէջ միակ ուժեղ կազմակերպութիւնը Դաշնակցութիւնն է, մենք սկզբում պահանջում էինք տալ մեզ աւելի շատ տեղ, քան միւս կուսակցութիւնները պիտի ունենան, սակայն վերջում մենք զիջեցինք և համաձայնեցինք նրանց հետ հաւասար ձայն ունենալ, ի նկատի ունենալով միայն մի հանգամանք, որ եթէ մենք պնդենք մեր պահանջի վրայ՝ Ազգային Խորհուրդը չէր կազմուի և վաղուայ օրը երբ հարկ լինի մի լիազօր մարմին, որը Վրաստանի հայութեան բերանը հանդիսանար և որ այդ բանի մէջ պիտի մեղադրէին մեզ դաշնակցականներին, ասելով որ մենք չուզեցինք այդպիսի մարմնի գոյութիւնը, որպէս զի մենք միահեծան տէրը լինենք իրականութեան: Ահա այս մեղադրանքներից խուսափելու համար էր, որ մենք յանձն առանք այդ քառանկիւնի անիւի մի անկիւնը լինել:

Վիրահայ Ազգային Խորհրդի կազմումից յետոյ յոյս ունէինք, գոնէ նախազահութիւնը մեզ կը տային, սակայն այստեղ ևս աթոռակոխը իր ամբողջ մերկութեամբ երևան եկաւ և ոչ մի

կուսակցութիւն չէր ուզում մէկին զիջել իր աթոռը ու ստիպւած եղաւ Ազգային Խորհուրդը ունենալ 4 նախագահ: Նոյն ձևով կազմուեց և գործադիր մարմինը:

Այսպիսով այդ Ազգային Խորհուրդը իր չորս վարիչներով սկսում է «գործել»: Չակերտների մէջ ենք առնում գործել բառը, որովհետև իր 10 ամսեայ գործունէութեան ընթացքում Վիրահայ Ազգային Խորհուրդը ոչ մի դրական գործ չէ կատարել շնորհիւ իր պատահական բնոյթ կրող քաղաքականութեան, շնորհիւ նրան, որ ամեն մի նախագահ, ամեն մի խնդրի առթիւ ունեցել է իր սեփական քաղաքականութիւնը. թէ եղել ոչ մի ընդհանուր գիծ այդ քաղաքականութեան մէջ: Ինչ շինել է մէկը, քանդել է միւսը: Ամենապատասխանատու, ամենածանր չտպէին, երբ վիրահայութեան հասած ծանր փորձանքի ժամին Ազգային Խորհուրդը դիմումներ է անում վրաց կառավարութեան, նա այդտեղ ևս յանձինս իր չորս նախագահի չորս ձևով էր խօսում վրաց կառավարութեան հետ, չորս պրիզմայով էր նայում հարցին ու ինքը վրաց կառավարութիւնն անգամ մնացել էր շւարած, չգիտէր, որին լսէր, որի կարծիքը ընդունէր իբր վիրահայութեան ներկայացուցչի կարծիք: Ու այդպէս ամէն մի խնդրում, ամէն մի դէպքում: Ու այս բոլորը մենք զգում ու ապրում էինք հենց նրա գոյութեան սկզբից և այդ իսկ պատճառով շատ ու շատ անգամ մենք Ազգային Խորհրդում հարց էինք բարձրացրել նրա վերընտրութեան մասին, նա մանաւանդ, որ սկզբում մենք մի պայման ևս դրել ենք և նրանք համաձայնուել են, որ այդ Խորհուրդը պիտի ժամանակաւոր լինի, նա պիտի ամենակարճ ժամանակամիջոցում մշակի մի օրինագիծ, որի հիման վրայ պէտք է Վրաստանի Հայոց Ազգային Խորհրդի կանոնաւոր ընտրութիւններ կատարուեն: Ահա այս երկու պատճառներով մենք շարունակ պահանջում էինք, որ ընտ-

րութիւնները արագացուն, բայց ազգահին խորհուրդը իր ճնշող մեծամասնութեամբ միշտ դէմ էր գնում մեր պահանջներին, պարզ գիտակցելով, որ ընտրութիւններ անել՝ նշանակում է աթոռներից զրկել, և այդ իսկ պատճառով մենք մինչև այսօր Վիրահայ Ազգային Խորհրդի փոխարէն ունենք միայն մի քառանկիւնի անիւ, որին շարժելու համար հարկաւոր է մի դրսի ուժ, մի արտաքին խթան, և այն էլ միայն մի կողմից միւսը դարձնելը <...>:

Վիրահայ Ազգային Խորհրդի ամենապատասխանատու գործը եղել է մեր ներկայացուցչի ձեռքին և հետևապէս ամենից շատ յարձակումը մեզ վրայ, սակայն գաղթականական գործը այնպիսի մի հսկայական գործ էր, որ այդպիսի գործ վարել նոյնիսկ մարմնի ուժերից վեր էր. այդ գործը համապետական գործ էր, որի համար նախկին ռուսաց պետութիւնը հարիւրաւոր միլիոններ էր ծախսում, և մենք ժառանգելով նախկին գաղթականական կոմիտէից այդ ծառայութիւնը, առանց դրամի գտնուում էինք մի սուսկալի վիճակում. մեր ծախսած գումարները ստացած Հայաստանի կառավարութիւնից կաթիլներ էին ծով կարիքի դիմաց ու այդ է գլխաւոր պատճառը գաղթականական արդի վիճակի»: <...>

Տ. Աւետիսեան. - «Վիրահայ ազգային խորհուրդը, որ մենք հասկանում էինք ազգային կուլտուրական մի մարմին, սկսեց քաղաքական ակտերով ու խնդիրներով զբաղւել, նա նոյն իսկ հայ-վրացական առաջին կոնֆլիկտի ժամանակ այնքան հեռացաւ իր կոչումից ու քաղաքականութեամբ այնքան տարւեց, որ հարկ համարեց յատուկ պատգամաւորութիւն ուղարկել Երևան ազդելու հայկական կառավարութեան. նոյնը առաւ և երկրորդ կոնֆլիկտի ժամանակ: Նա փոխանակ ազդելու, եթէ

հարկ կար միայն, այն պետութեան վրայ, որի հպատակն է, ինքը գնաց ազդելու մի օտար պետութեան վրայ....»։ <...>

Տե՛ս Հ. Յ. Դաշնակցութեան Վրաստանի ռայոնական ժողով, Գ. նիստ //Աշխատատւր, 2 ապրիլի 1919, N 64:

N 78

Հաղորդագրություն՝ Բորչալուի գավառում հայ-վրացական պատերազմի հետևանքով ձերբակալված հայերին ազատելու՝ ՀԱԽ-ի միջնորդության մասին

Վիրահայ Ազգային Խորհրդի կողմից վրաց ներքին գործերի և զինուորական մինիստր Ն. Վ. Ռամիշվիլիին ներկայացան Ա. Երզնկեան, Ղ. Տէր-Ղազարեան¹⁰⁶ և Հայաստանի խորհրդարանի անդամ Հ. Ազատեան¹⁰⁷ գրուցաարութիւն ունեցան Բորչալուի շրջանում տեղի ունեցող կալանաւորութիւնների շուրջը, որոնք մեղադրուում են հայ-վրացական պատերազմի միջոցին ապստամբութիւն կազմակերպելու և մասնակցելու մէջ: Այս խնդրի վերջնական լուծման համար Ազգային խորհրդի ներկայացուցիչները մինիստրին առաջարկեցին Սահմանադիր ժողով մտցնել համապատասխան օրինագիծ և բոլոր ձերբակալուածներին ազատել: Ներքին գործերի և զինուորական մինիստր Ռամիշվիլիին խոստացաւ շուտով Սահմանադիր ժո-

¹⁰⁶ **Տէր-Ղազարյան Ղազար Գրիգորի** (1874-1958), ծն. Շուշիում, քիմիկոս, գիտությունների դոկտոր (1906), պրոֆեսոր (1935): 1906-1910-ին՝ Ժնևի համալսարանի լաբորատորիայի վարիչ: Եղել է կանգնած հայ սոցիալ-դեմոկրատ «սպեցիֆիկներ» կոչված հոսանքի ակունքներին մոտ: Պարենավորման և աշխատանքի կոմիսար Անդրկովկասյան Կոմիսարիատում և Ե. Գեգեճկորու ղեկավարած կառավարության կազմում: 1924-1932-ին՝ Անդրդաշնության Պետականի վարչության պետ, այնուհետև աշխատել է ԵՊՀ և ԵՊԸ-ում:

¹⁰⁷ **Ազատյան Հայկ Նահապետի** (1881-1964), տնտեսագետ:

ղով մտցնել օրինագիծ, հայ-վրացական պատերազմի միջոցին ձերբակալուած հայերին ազատել և առհասարակ լուծել պատերազմի հետ կապուած խնդիրները¹⁰⁸:

Տե՛ս Տեղական կեանք. ձերբակալուած հայերին ամնիստիա տալու մասին // Ժողովրդի Ձայն, 13 ապրիլի 1919, N 79:

N 79

Լրագրային հաղորդում՝ ՀԱԽ-ի 1919 թ. ապրիլի 11-ի նիստի մասին

Նիստը տեղի ունեցաւ Բարեգ. ընկ. դահլիճում: Օրակարգն էր.

1. Գործադիր մարմնի ինֆորմացիա:
2. Մթերքների վաճառքի խնդիրը:
3. Յովնանեան դպրոցի հոգաբարձութ. խնդիրը:
4. Գործադիր մարմնի վերակազմութիւնը:

1. Ընկ. Երզնկեանի տւած տեղեկութիւններից պարզուում է, որ Գործադիր մարմինը դիմումներ է արել վրաց կառավարութեանը ազատելու բանտից և վերջ տալու այն դատաստանական գործերին, որոնք կապ ունեն հայ-վրացական կոֆլիկ-

¹⁰⁸ Այս խոստումնայից հավաստիացումներին հակառակ ձերբակալված հայերը ոչ միայն ազատություն չստացան, այլև ամիսներ անց կալանքի տակ հայտնվեցին նորերը: Այսպես, Շուլավերի շրջանային կոմիսար Լանդիայի կարգադրությամբ 1919 թ. օգոստոսին ձերբակալվել էր ոմն Ար. Էլիբեկյանը, Վրաստանի և Հայաստանի միջև առաջացած պատերազմի ժամանակ ապստամբություն կազմակերպելու մեղադրանքով: Տե՛ս Տեղական կեանք // Ժողովրդի Ձայն, 15 օգոստոսի 1919: Միջազգային հանրության կողմից Վրաստանի «դե ֆակտո» ճանաչման կապակցությամբ 1920 թ. հունվարի 27-ին Սահմանադիր ժողովը երկրում համաներում հայտարարեց, սակայն ազատություն ստացածների ցանկում բացակայում էին այն հայերը, ովքեր հետապնդվում էին հայ-վրացական միջադեպին մասնակցելու մեղադրանքով:

տի հետ: Կառավարական շրջանները համակրանքով են վերաբերել այդ առաջարկին և խոստացել են մօտ օրերս համապատասխան օրենագիծ մտցնել Սահմ. Ժողով:

2. Գաղթականական գործը Հայաստանի խնամատարության մինիստրի կողմից յատուկ լիազորի յանձնելու պատճառով գաղթ. բաժնի մօտ մնացած մթերքների դրութիւնը մնում է անորոշ, որովհետև լիազոր Դ. Դաւիդեանը¹⁰⁹ հրահանգ է ստացել Հայաստանի կառավարութիւնից ստանալ Ազգ. խորհրդի մթերքներն անվճար: Այդ կարգադրութեան իրագործելը անհնարին է դարձնում այն պարտքերի հանգցնելը, որոնք արած են նոյն գաղթ. պետքերի համար:

Որոշում է յանձնարարել Գործ. մարմնին որոշ համաձայնութեան գալ հայկ. կառ. ներկայացուցչի հետ և աշխատել մթերքները յանձնել նրան, որպէսզի գաղթականութիւնը չը տուժի:

3. Յովնանեան դպրոցի ապօրինի ընտրած հոգաբարձութիւնը հաստատած լինելով կաթողիկոսից, պահանջել է հին հոգաբարձութիւնից յանձնել բոլոր գործերը: Գործադիր մարմինը խնդրում է ինստրուկցիաներ: Երկար վիճաբանութիւններից յետոյ որոշում է.

1. Յանձնարարել Գործ. մարմնին անյապաղ Յովնանեան դպրոցի հոգաբարձութեան նոր ընտրութիւններ նշանակել:

2. Հրահանգել հին հոգաբարձութեանը շարունակել իր աշխատանքները և գործերը յանձնել միայն ապագայում ընտրուելիք հոգաբարձութեան:

3. Առաջնորդի հրաւիրած ժողովին հոգաբարձութիւնը պիտի մասնակցի և յայտարարի, որ ինքը գործերը չի յանձնում

¹⁰⁹ Պետք է լինի՝ Դավիթյանեան:

և ենթարկում է Ազգային Խորհրդի հրահանգներին: Ուշ լինելու պատճառով նիստը փակում է գիշ. ժամը 11-ին մօտ:

Տե՛ս Վիրահայ Ազգային Խորհուրդ //
Աշխատատւր, 13 ապրիլի 1919, N 73:

N 80

ՀԱՄ-ի դիմումը Վրաստանի կառավարությանը՝ Շուլաւերի հայ ազգաբնակչության հոգսերի մասին

Վիրահայ ազգային խորհուրդը դիմել է Վրաստանի հանրապետութեան մինիստր-նախագահին մի գրութեամբ, որի մէջ մատնանշելով այն հանգամանքը, որ քաղաքական յանցանքների համար ձերբակալւած և բանտարկւած շուլաւերցիների մէջ քիչ չեն այնպիսի անձեր, որոնք իրենց անձնական թշնամիների սուտ մատնութեան գոհեր են և միանգամայն անմեղ, խնդրում է միջոցներ ձեռք առնել անյապաղ արձակելու նրանց բանտերից:

Նկատի ունենալով, որ Շուլաւերի, ինչպէս և շրջակայ գիւղերի բնակիչները սաստիկ տուժել են թալաններից հայ-վրացական կոնֆլիկտի ժամանակ, կորցնելով իրենց համարեա ամբողջ գոյքը, խորհուրդը խնդրում է առհասարակ վերջ տալու բոլոր նման գործերին յիշեալ գիւղերի շրջանում նորմալ կեանքը վերականգնելու և անցածը մոռացութեան տալու համար:

Տե՛ս Վիրահայ Ազգային Խորհրդի դիմումը (Շուլաւերցիների համար) // Աշխատատւր, 13 ապրիլի 1919, N 73:

N 81

ՀԱԽ-ի դիմումի վրաց կառավարությանը՝ Չավախքի հայ ազգաբնակչության կարիքները հոգալու մասին

Վիրահայ ազգային խորհուրդը դիմել է Վրաստանի հանրապետության մինիստր-նախագահին, անգլիական միսսիային և Վրաստանի փախստականներին օգնող կոմիտեի նախագահին մի գրութեամբ, որի մեջ նկարագրելով հայրենիք վերադարձած ախալքալաքցի փախստականների ծանր աստիճան նեղ կացութիւնը պարենաւորման տեսակէտից, խնդրում է շուտափոյթ օգնութիւն հասցնել հացով և սերմացուով: Հայրենիք վերադարձած փախստականների թիւը հասնում է 40 հազարի, որոնց 4 ամիս կերակրելու համար (մինչև առաջիկայ բերքը) հարկաւոր կը լինի 160 հազար փութ ալիւր (հաշւելով շնչին 4 փութ), իսկ սերմացուի համար 200 հազար փութ ցորեն (շնչին 5 փութ):

Խորհուրդը խնդրում է նմանապէս վերադարձած փախստականներին տալ անասուններ և գիւղատնտեսական գործիքներ, ինչպէս և շաքար, թէյ, կտորեղեն և այլն:

Տե՛ս Վիրահայ Ազգային Խորհրդի դիմումը

(Ախալքալաքցիների համար) //

Աշխատաւոր, 13 ապրիլի 1919, N 73:

N 82

Հաղորդագրություն՝ Վրաստանի ՀԱԽ-ի կենտրոնական ընտրական հանձնաժողովի կազմի մասին

Վիրահայ ազգային խորհուրդը որոշել է կայացնել խորհրդի նոր ընտրութիւն, այդ նպատակի համար ընտրել է ընտ-

րական կենտրոնական յանձնաժողով, որի կազմի մեջ մտնում են՝ Ա. Աթաբեկեան (դաշնակց. ֆրակցիայից), Ղ. Տեր-Ղազարեան (սոց.-դեմ.), Ա. Տեր-Գրիգորեան (սոց.-յեդ.) և Ա. Բարխուդարեան (Հայ. ժող. կուս.): Յանձնաժողովի նախագահ ընտրել է Ա. Աբեղեան, քարտուղար՝ Ա. Տեր-Գրիգորեան: Յանձնաժողովը արդեն ձեռնարկել է համապատասխան աշխատանքների:

Տե՛ս Լրատու՝ Վիրահայ ազգային խորհրդի նոր ընտրությունը
//Աշխատաւոր, 1 մայիսի 1919, N 84:

N 83

«Աշխատավոր» օրաթերթի խմբագրականը՝ Վրաստանի ՀԱԽ-ի մասին

Վրաստանում գոյություն ունեցող Հայոց Ազգային Խորհուրդը, որ կազմւած է չորս կուսակցութեանց փոխադարձ համաձայնութեամբ և գուրկ է որևէ ժողովրդականութիւնից, զարմանալի յամարութեամբ շարունակում է կառչած մնալ իր աթոռներին:

Մինչև այժմ մեր պահանջին – ընտրութիւններ նշանակել – պատասխանել են, որ «մոմենտը անյարմար» է, որ «Խորհուրդը ծանրաբեռնւած է գաղթականական գործերով» և որ ժամանակ չէ ընտրութիւններ նշանակել և այլն: Այդ պատճառաբանութիւններին զուգընթաց՝ ինքը Խորհուրդը ենթարկւում է իւրատեսակ մետամորֆոզայի: Իր էութեամբ լինելով մի մեռած մարմին, Խորհուրդը իր բոլոր իրաւունքները ու աշխատանքները բարձել է Գործադիր Մարմնի վրայ, որը աշխատում է այնպէս, ինչպէս ինքն է հասկանում:

<...> Գործադիր Մարմինն է ոտնահարել Խորհրդի իրաւունքները: Փաստօրէն նա եղել է ոչ թէ «գործադիր», այլ

«օրէնսդիր» մարմին: Նա իր ձեռքն է կենտրոնացրել բոլոր գործերը և, շնորհիւ նախագահութեան փաստացի բացակայութեան, Խորհրդի նիստերը անգամ հրաւիրել է այն ժամանակ, երբ յարմար է դատել, կամ երբ տրամադրութիւն է ունեցել Խորհրդին իր գործունէութեան «ինֆորմացիա անել»:

Իսկ այդ գործունէութիւնը եղել է շատ «բազմակողմանի», արւել են պատասխանատու քայլեր, ծախսել միլիոններ, և այդ բոլորի մասին խորհրդին միայն յայտնել են «ի տեղեկութիւն» կամ, աւելի յաճախ, բնաւ չեն յայտնել:

Այսպիսով Ազգային Խորհուրդը փաստօրէն եղել է մի խրտիլակ, որը քողարկել է մի շարք մարդկանց գործունէութիւնը: Այդ դրութիւնը հետևանք է այն բանի, որ Խորհրդում չկայ որևէ կայուն մեծամասնութիւն, չկայ հնարաւորութիւն՝ հարկադրելու անհատներին հանրային կարծիքն հաշի առնելու: <...>

Ժամանակ է նաև հասարակութեանը հաշի տալ այն հսկայական գումարների մասին, որոնք ծախսած են առանց Խորհրդի գիտութեան ու նրա սանկցիայի:

Մեր հասարակական բարքերի այլանդակութեան տեսակետից հենց Ազգային Խորհրդի գոյութիւնն ու նրա գործելակերպը շատ բնորոշ են:

Տե՛ս Ազգային Խորհուրդ //
Աշխատաւոր, 7 մայիսի 1919, N 88:

**Լրագրային հաղորդում՝ Վրաստանի ՀԱԽ-ի 1919 թ. մայիսի
6-ի արտահերթ նիստի մասին**

Նախագահ պ. [Ա.] Մխիթարեանը յայտարարում է հետևեալ օրակարգը.

1. Ինֆորմացիա:
2. Գործադիր Մարմնի վերակազմութիւնը:
3. Զեկուցում պարեն. և ֆինանս. գործերի մասին:
4. Ընթացիկ հարցեր:

Նախ քան օրակարգին անցնելը ընկ. Բ. Թովչեանը հարց է տալիս նախագահութեանը, թէ ո՞ւմ որոշումով և ի՞նչ իրաւունքով Խորհրդի որոշած օրերին երկու շաբաթայ ընթացքում նիստեր չեն հրաւիրուել, հակառակ վերջին նիստին տրւած այն յայտարարութեան, թէ գործ. մարմնի վերակազմութեան հարցը կը քննուի ոչ ուշ՝ քան մէկ շաբաթայ ընթացքում:

Նախագահ պ. Մխիթարեանը յայտնում է, շնորհիւ պրեզիդիումի փաստացի բացակայութեան ինքը մենակ ի վիճակի չի եղել հետևել բոլոր գործերին, ուստի ոչինչ չի կարող ասել Խորհրդի նիստերի ժամանակին չհրաւիրելու մասին:

Գործադիր Մարմնի անդամ ընկ. Ա. Երզնկեան յայտնում է, որ նիստը չի հրաւիրուած քանի որ հարցեր չեն եղել:

Ընկ. Բ. Թովչեան. - Դաշնակցական ֆրակցիան ժամանակին մի գրութեամբ պահանջել է Խորհրդի նիստը գումարել:

Մանի որ այդ գրութեան մասին այստեղ ոչինչ չասուեց, թոյլ տւեք կարդալ գրութիւնը (կարդում է):

«Վիրահայ Ազգային Խորհրդի նախագահութեանը.

Ազգային Խորհրդի դաշնակցական ֆրակցիան պահանջում է Խորհրդի արտակարգ նիստ նշանակել ոչ ուշ քան երեք-

շաբթի օրը, մի շաբթ անյետաձգելի խնդիրների քննութեան համար: Իր կողմից ֆրակցիան առաջարկում է հետևեալ օրակարգը. 1. հարցապնդում պարենաւորման գնումների մասին, 2. ընտրութիւնների հարցը, 3. Գործադիր մարմնի վերակազմ., 4. վերաստուգիչ յանձնաժողովի ընտրութիւններ»:

Ակներն է, որ քննելու հարցեր կան:

[Ա.] Երզնկեան. - Գործադիր Մարմինը որոշել էր նիստ գումարել նախ քան այդ գրութեան ստանալը: Քանի որ նա պիտի զեկուցում տար նաև պարենաւորման գործի մասին, ուստի աւելորդ համարեց ընկ. Թոփչեանի հարցապնդումը օրակարգի մէջ դնել:

Ընկ. Բ. Թոփչեան ըստ կարգի պահանջում է առաջին հերթին լսել հարցապնդումը, որ ոչ մի կապ չունի զեկուցման հետ և շօշափում է կոնկրետ, բայց խոշոր նշանակութիւն ունեցող մի խնդիր:

Դա Ազգային Խորհրդի բիջէտային տարրական իրաւունքի ոտնահարումն է, որ սիստեմ է դարձրել Գործադիր Մարմինը:

Ըստ իս, քանի որ մեզ ուղարկած հրաւիրաթերթիկների մէջ օրակարգը չէր յիշած, քանի որ իմ հարցապնդումը մտցւած է նախ քան նիստ հրաւիրելը, ուստի Գործադիր Մարմնի բացատրութիւնները պիտի լինեն միայն հետևանք այդ հարցապնդման և ոչ թէ կանխեն նրան:

Թէր և դէմ խօսակցութիւններից յետոյ, ժողովը որոշում է առաջ քննել ընտրական յանձնաժողովի նախագահի ընկ. Արտ. Աբեղեանի զեկուցումը Խորհրդի ընտրութիւնների մասին, յետոյ լսել Գործ. Մարմնի զեկուցումը և ապա անցնել օրակարգի միւս հարցերին:

Ընկ. Աբեղեանը գեկուցում է կենս. ընտրական յանձնաժողովի աշխատանքների մասին, որից պարզում է, որ կոմիսիան նախապատրաստական աշխատանքները վերջացրել է: Կազմված է թե՛ ծախսերի նախահաշիւը, թե՛ մտաւոր ստատիստիկա և մաշակւած է պատշաճ հրահանգ շրջանային տեղական ընտրական յանձնաժողովներին: <...>

Կոմիսիան խնդրում է այժմ լուծել այդ հարցը, թէ ընտրւի՞ անմիջապէս Ազգային Խորհուրդը, թէ՞ նախ պիտի գումարի Վիրահայ Ազգային համագումար, որը և կընտրի Ազգային Խորհուրդ:

Ղ. Տէր-Ղազարեան մի ընդարձակ ճառով պաշտպանում է անմիջական ընտրութիւնները կատարւած քառանդամ ֆորմուլայով, անկարելիութեան դէպքում առաջարկելով քիչ էլ յետաձգել ընտրութիւնները մինչ այդ հնարաւոր կը դառնայ:

Ստ. Մալխասեանը անհրաժեշտ է համարում նախ քան այս կամ այն ձևի ընտրութիւնների մասին խօսելը՝ պարզել, թէ արդեօք կառավարութիւնը ո՞ր ձևի ընտրութիւններին արգելք չի հանդիսանայ:

[Ա.] Ստամբուլցեանը պաշտպանում է անմիջական ընտրութիւնների սկզբունքը:

Ընկ. Բ. Թոփչեան և Երզնկեան կողմնակից են համագումարի, ի նկատի առնելով, որ անմիջական ընտրութիւններ համարեա անկարելի է կատարել այժմ:

Ընկ. Ա. Աբեղեան պատասխանելով բոլոր առարկութիւններին, անհիմն է համարում և արդիւնք որոշ մարդկանց ցանկութեան՝ ընտրութիւնները զանազան պատրւակներով յետաձգելու և պնդում է կոմիսիայի առաջարկների վրայ:

Քւէարկութեան ժամանակ Իս. Յարութիւնեանը առաջարկում է խնդիրը յետաձգել, մինչև որ իրենց (ժող. կուսակ.)

Ֆրակցիան կը քննի հարցը: Միւս ֆրակցիաները տրամադիր են առաջարկն ընդունելու:

Ընկ. Գ. Տէր-Ստեփանյանն առաջարկն ընդունելի է համարում, եթէ նիստը նշանակւի չորեքշաբթի կամ հինգշաբթի: Առաջարկը չի անցնում:

Ընկ. Բ. Թովչեան. – Տասն ամիս ժամանակ ենք ունեցել այս հարցը քննելու: Յետաձգելով այս հարցը դուք յետաձգում էք նաև մնացած բոլոր հարցերի քննութիւնը: Չի քննւի նաև այսօրայ հարցապնդումը այնպէս, ինչպէս ամիսներ շարունակ չքննեց իմ մտցրած հարցապնդումը ֆինանսական գործի մասին: Այս յաւիտենական ձգձգումներին պիտի վերջ տալ: Ֆրակցիայի կողմից լիազօրւած եմ յայտարարելու, որ եթէ Խորհուրդը այս շաբաթուայ ընթացքում վերջնականապէս չլուծի ընտրութիւնների հարցը, մեր ֆրակցիան համաձայն իր որոշման և կուսակցական դիրեկտիւաների՝ հարկադրւած կը լինի դուրս գալ Խորհրդի կազմից: <...>

Տե՛ս Վիրահայ Ազգային Խորհուրդ //
Աշխատատւոր, 7 մայիսի 1919, N 88:

N 85

Վրաստանի ՀԱԽ-ի անդամ Ա. Աբեղյանի կարծիքը՝ ՀԱԽ-ի կազմը վերընտրելու անհրաժեշտության մասին

1917 թ. հոկտեմբերին, ինչպէս յայտնի է, հրաւիրեց Ռուսահայոց Համագումար, որն և ընտրեց Ազգային Խորհուրդ: Այդ Ազգային խորհուրդը շարունակեց իր գոյութիւնը և աշխատանքները Թիֆլիսում մինչև անցած տարւայ յուլիս ամիսը, երբ նա, Անդրկովկասի բաժանման հետևանքով, տեղա-

փոխուեց Երևան և դարձաւ Հայաստանի Խորհուրդ կամ պարլամենտ:

Նոյն յուլիս ամսին հենց կարիք զգացուեց Վրաստանի հայութեան համար ներկայացուցչութիւն ստեղծել: Հ. Յ. Դաշնակցութեան Վրաստանի առաջին ռայոնական ժողովն եկաւ ընդգծելու անհրաժեշտութիւնը: Հարկաւոր էր ընտրել Վրաստանի Հայոց Ազգային Խորհուրդ: Բայց որովհետև ընտրութիւնները ժամանակ կը պահանջէին, ուստի և մտածեցին ժամանակաւորապէս մի խորհուրդ ընտրել՝ այլ հիմունքներով:

Չպիտի մոռանալ, որ դա մեր կեանքի և պատմութեան ամենամոայլ շրջաններից մեկն էր: <...> Ստեղծուեց Վ. Հ. Ազգային Խորհուրդը «պարիտետային» սկզբունքով: Չորս կուսակցութիւններից իւրաքանչիւրը (Հ. Յ. Դաշ., ս.-դ., ս.-յ., հ.ժ.կ.) տուաւ հաւասար թւով (ութական) պատգամաւորներ <...>:

Ժամանակաւորապէս միայն այդ կազմով ստեղծուած մարմինը փոխանակ անմիջապէս գործի դիմելու՝ մէկ ամբողջ ամիս վիճեց նախ, թէ ո՞վ, ո՞ր ֆրակցիայի ներկայացուցիչն է լինելու Խորհրդի նախագահ, ապա մէկ ամիս էլ՝ թէ ո՞վ է լինելու Ա[զգային] Խորհրդի Գործադիր մարմնի նախագահ: Պարիտետային սկզբունքի արդիւնքն էր դա՝ Հ. Յ. Դաշնակցութեան առաջին և խոշոր դիմումը միւս ֆրակցիաներին անսանձ էր դարձրել: Ու մինչ – այս, մինչ այն՝ եկան սեպտեմբերը ու հոկտեմբերը, դպրոցական-կուլտուրական գործը, որ գլխաւորը պիտի լինէր նորաստեղծ մարմնի համար, մնաց երեսի վրայ և անկազմակերպ վիճակի մէջ: Ո՛չ պետական հայկական և ո՛չ էլ ծխական-միջնակարգ դպրոցները որևէ բարեփոխութեան վրայ չդրուեցին: Խորհուրդը զբաղուեց ամեն խնդրով, բայց շատ քիչ՝ իր բուն խնդրով, որ է ազգային-կուլտուրական աւտոնոմիայի խնդրով:

Վ. Հ. Ազգային Խորհրդի ընտրությունները պիտի լինեն, ըստ նախօրօք կայացրած համաձայնության, հոկտեմբեր ամսին: Եւ չնայած մեր ֆրակցիայի բազմիցս արած պահանջներին և առաջարկներին՝ այդ ամենակարևոր խնդիրը ձգձգւեց մինչև օրս: Միւս ֆրակցիաները օգուելով Դաշնակցության առաջին զիջումից և «պարիտետային» սկզբունքից, գոհ էին գոյութիւն ունեցող վիճակից և իրենց շատ լաւ զգալով՝ կարիք չէին տեսնում նոր ընտրությունների: <...>

Տե՛ս Ա. Աբեղեան, Վ. Հ. Ազգային Խորհրդի ընտրությունները // Աշխատաւոր, 14 մայիսի 1919, N 94:

N 86

Լրագրային հաղորդում՝ ՀԱԽ-ի 1919 թ. մայիսի 13-ի արտահերթ նիստի մասին

Նախագահում է Ա. Մխիթարեան: Ընդունում է հետևեալ օրակարգը.

1. Յայտարարութիւն ֆրակցիաների կողմից Գործ. Մարմնի և նախագահութեան մեջ մտցւելիք ներկայացուց[իչների] մասին:

2. Ձեկուցում ընտրությունների ձևի և ժամանակի մասին:

3. Ձեկուցում ֆինանսական դրութեան և պարենաւորման գործի մասին:

4. Հարցապնդում պարենաւորման գնումների մասին:

5. Հայկական դպրոցների ծրագիր կազմելու հարցը:

Գործադիր մարմնի կազմը

Համաձայն նախորդ նիստի¹¹⁰ որոշման՝ ֆրակցիաները տալիս են Գործ. Մարմնի իրենց թեկնածուների անունները:

¹¹⁰ Կայացել է 1919 թ. մայիսի 9-ին: Տե՛ս Աշխատաւոր, 11. 05. 1919, N 92:

1. Խնամատարութեան վարիչ – ընկ. Ա. Միանսարեան (ղաշն.):

2. Արտաքին յարար. և նախագ. ընկ. Ա. Երզնկեան (սոց.-դեմ.):

3. Ֆինանսների վարիչ ընկ. [Ա.] Ստամբուլցեան (սոց.-յեղ.):

4. Դպրոցական մասի վարիչ պ. Ե. Տեր-Մինասեան (ժող. կուս.):

Խորհուրդը առաջարկւած թեկնածուներին հաստատում է: Խորհրդի նախահահույթինը

Վիրահայ Ազգային Խորհրդի մշտական նախագահութիւն է ընտրւում հետևեալ կազմով.

Նախագահ՝ ընկ. Բ. Թովչեան (ղաշն.):

Փոխ. նախ. պ. Ա. Մխիթարեան (ժող. կուս.):

Քարտուղար մնաւում է Մ. Դարբինեան (սոց.-դեմ.):

Մեկ փոխ. նախագահի տեղ վերապահւում է էսերներին, որոնք թեկնածու մատնանշելու են հետևեալ նիստին: Նախ քան ընտրութիւնները՝ առաջարկ եղաւ պրեզիդիումի վարձատրելու մասին: Վիճաբանութիւններից յետոյ առաջարկը մերժեց:

Ընտրութիւնները

Ընկ. Աբեղեան զեկուցում է այն որոշման մասին, որ կայացրել է Ազգ. Խորհ. ընտրական յանձնաժողովը ֆրակցիաների ներկայացուցիչների հետ միասին:

1. Ազգային նոր խորհրդի ընտրութիւնները տեղի են ունենալու յուլիսի 15-ից մինչև 30-ը, ընդհանուր, ուղղակի, հաւասար, գաղտնի և պրոպորցիոնալ սկզբունքի հիման վրայ:

2. Ընտրութիւնները պիտի լինեն անմիջական՝ այսինքն պիտի ընտրուի ուղղակի Ազգային Խորհուրդը:

3. Ընտրողների ցուցակագրությունը կատարելու է միայն քաղաքներում, այն էլ էթե հնարաւոր լինի օգտագործել 1919 թ. ընտրական ցուցակները:

4. Ընտրությունների համար վարկ է բացւում 200000 ռուբլի:

Խորհուրդը առանց վիճաբանությունների հաստատում է կոմիսիայի այդ որոշումները:

Խորհրդի ֆինանսները

Ընկ. Ա. Երզնկեանը զեկուցում է Ազգային Խորհրդի ֆինանսական դրութեան մասին, որից պարզւում է, որ այժմ Խորհրդի ակտիւր հասնում է դրամով և մթերքներով մօտ երեք քառորդ միլիոնի: Դրա դիմաց կան պարտքեր մօտ 6 հարիւր հազարի: Այդ պարտքերի զգալի մասը կապ ունեն գաղթականների ու ռազմագերիների խնամատարութեան հետ և պիտի հանգցւեն Հայաստանի կառավարութեան կողմից:

Խորհուրդը զեկուցումը ընդունում է ի տեղեկութիւն:

Պարենաւորման գործը

Ա. Յովհաննիսեան զեկուցում է ոչ թէ առհասարակ պարենաւորման գործի, այլ միայն Բագւում կատարած գնումների մասին: Պարզւում է, որ Գործադիր Մարմնի որոշումով զեկուցողը և Ա. Զոհրաբեանը գնացել են Բագու. 1. Թոյլտութիւն ստանալու պարեն. մթերքներ գնելու գաղթականների համար, 2. կանոնաւորելու հայ ռազմագերիների վերադարձը դէպի Ադրբեջան: Գնումների համար բաց է թողնւում 100000 ռուբլի:

Բագւում այդ պատիւրակութիւնը բանկերի միջոցով վարկ է բաց անում 3 միլիոն ռուբլու: Գնում է 1 վագոն ալիւր, սպիտակեղէն, 3 վագոն բրինձ, մօտ 1 վագոն վօբլա և այլ ձկներ – ընդամենը մօտ 1 միլիոն ռուբլու: Բոլոր մթերքները այժմ լաւ գներ ունեն, բացի վօբլայից, որը փչացել է: Այստեղ վօբլան այժմ արժէ 72 ռուբլի, մինչդէռ խորհրդի վրայ նա նստել է 200

ռուբլուց աւելի: Փշացած վօբլան այժմ լւացվում է և աղ է դրում: Յոյս կայ, որ գները կը բարձրանան և այդ ամբողջ գնումները լիկւիդացիա կարւի անվնաս:

Հարցերից, որոնք ուղղւած էին թէ՛ զեկուցողին և թէ՛ Գործ. Մարմնի նախագահ Երզնկեանին՝ պարզում է, որ Գործ. Մարմինը լիազօրութիւն չի տւել այդպիսի խոշոր գնումներ կատարելու համար և որ մթերքները գնւած են յանձնաժողովի հայեցողութեամբ: Պարզում է նաև, որ ամենանպաստաւոր դէպքում այդ գործը լիկւիդացիա անելը կը պահանջի խորհրդից մօտ 270-300 հազար ռուբլի ամենաքիչը:

Նախ քան մտքերի փոխանակութեան անցնելը՝ խորհուրդը լսում է Բ. Թովչեանի հարցապնդումը այդ նոյն գնումների մասին: Տեղի են ունենում կատաղի և բուռն վիճարանութիւններ¹¹¹ <...>:

Տե՛ս Վիրահայ Ազգային Խորհուրդ //
Աշխատաւոր, 15 մայիսի 1919, N 95:

N 87

Լրագրային հաղորդում՝ ՀԱԽ-ի 1919 թ. մայիսի 16-ի հերթական նիստի մասին

Նախագահում է պ. Ա. Մխիթարեանը: Հայտատուում է հետևեալ օրակարգը:

1. Ինֆորմացիա:
2. Վիճարանութ. գնումների առթիւ արւած հարցապնդման շուրջը:

¹¹¹ Տե՛ս Աշխատաւոր, 16. 05. 1919, N 96:

3. Գործադիր մարմնի առաջարկները դպրոցական գործի ընդհանուր վիճակի և ծրագրի մասին:

4. Ընթացիկ հարցեր:

Ա. Երզնկեանը Գործադիր մարմնի կողմից զեկուցում է, որ Հայաստանի կառավարութիւնը Ախալքալաքի շրջանի գաղթականների պետքերի համար ուղարկել է 10 միլիոն չորս հարիւր հազար ռուբլի, գումարը պիտի գործադրւի յատուկ կազմած յանձնաժողովի կողմից:

Այդ յանձնաժողովը կազմած է Ազգային Խորհրդի, Գիւղատնտեսական ընկերութեան, Հայաստանի խնամատարութեան մինիստրութեան և Ախալքալ. Հայրենակց. Միութեան ներկայացուցիչներից: Յիշեալ յանձնաժողովը մեկնելու է Ախալքալաք՝ տեղն ու տեղը կազմակերպելու օգնութեան գործը¹¹²:

Զեկուցումն ընդունւում է ի տեղեկութիւն: Անցնում են հարցապնդման վիճաբանութիւններին¹¹³ <...>:

Տե՛ս Վիրահայ Ազգային Խորհուրդ //
Աշխատաւոր, 18 մայիսի 1919, N 98:

¹¹² Խոսքը ՀԱԽ-ին կից ստեղծված «Ախալքալաքի հատուկ կոմիտե» կոչված կառույցի մասին է: Նրա «գործունեությունը» տեղիք տվեց բազմաթիվ նախատանքների, որոնք հնչեցին և՛ ՀԱԽ-ի շրջանակներում և՛ մամուլում: Տե՛ս Գաղթականութեան անց ու դարձը Ջալալբում // Նոր Աշխատաւոր, 30. 07. 1919: Նաև՝ Զեղծումների աշխարհում // Աշխատաւոր, 14. 10. 1919:

¹¹³ Քննարկումների շարունակությունը նաև տե՛ս Աշխատաւոր, 21. 05. 1919, N 100:

**Վրաստանի ՀԱԽ-ի անդամ Ա. Աբեղյանի կարծիքը՝ ՀԱԽ-ի
առջև ծառայած բուն խնդիրների մասին**

Վրաստանի Հայոց Ազգային Խորհրդի գոյութեան հիմնական նպատակը պիտի համարել այն, որ նա կարողանայ կեանքի մեջ իրականացնել ազգային-կուլտուրական ատոնումիայի սկզբունքները: Այդ ատոնումիան է, որ հնարաւորութիւն պիտի տայ Վրաստանի խոշորագոյն փոքրամասնութիւն ներկայացնող հայ ազգաբնակչութեան ազգային, կուլտուրական և քաղաքացիական իրաւունքները պաշտպանելու և նրա նորմալ զարգացման ուղին հարթելու: Այդ ձևով միայն՝ Ազգային Խորհուրդը այսուհետև հանդիսանալու է Վրաստանի հայութեանն օրինական ներկայացուցչութիւնը, վերապահելով իրեն այն բոլոր իրաւունքները, որ մասամբ ունեցել է մինչև հիմա եկեղեցին՝ կրթական-դպրոցական խնդիրներում: <...>

Վ. Հ. Ազգային Խորհրդի անմիջական նպատակն է՝ քննութեան առնել և պարզել Վրաստանի սահմաններում ապրող հայութեան ազգային-կուլտուրական և իրաւական քաղաքացիական դրութիւնը, նրա կարիքները և պահանջները ու համապատասխան միջոցներ ձեռք առնել՝ կանոնաւորելու ազգային կուլտուրական-քաղաքացիական կեանքը, յեղափոխութեան ընձեռած ազատութեան ամենալայն սահմաններում:

Ազգային կուլտուրական ատոնումիան է լինելու այն իրաւական հասարակական ինստիտուտը, որ նոր կարգերի սահմաններում հանդիսանալու է տէր ու տնօրէն և հովանաւոր Վրաստանի սահմաններում ապրող հայութեան, առանց դաւանանքի խտրութեան, կուլտուրական բոլորատեսակ հաստատութիւնների և ձեռնարկների, որպիսիք են՝ դպրոց (ամեն

տիպի և կարգի), թատրոն, գեղարվեստ, գիտություն, թանգարան-գրադարաններ, լուսատարած հաստատություններ և ընկերություններ, բարեգործական-մարդասիրական հաստատություններ, հասարակական խնամատարություն, որբերի խնամատարություն և դաստիարակություն, գրադարան-ընթերցարաններ և այլն: Այս բոլորի պահպանության և զարգացման համար Ազգային Խորհուրդն ունենալու է իր սեփական դրամական ռեսուրսները – կուլտուրական տուրքի ձևով գանձված, պետական կամ այլ աղբիւրներից ստացված:

Այսպիսով Ազգային Խորհուրդը հանդիսանալու է Վրաստանի սահմաններում ապրող հայության ազգ. կուլտուրական գերագոյն ղեկավար մարմինը:

Երբ օրենսդրական եղանակով ընդունված և հաստատված կը լինի ազգային աստուծոմիան, այդ ժամանակից արդեն Վրաստանի հայության կեանքը իր նորմալ հունի մէջ կը մտնի: <...>

Տե՛ս Ա.Աբեղեան, Վ. Հ. Ազգային Խորհրդի ընտրությունները // Աշխատաւոր, 23 մայիսի 1919, N 102:

N 89

Լրագրային հաղորդում՝ ՀԱԽ-ի 1919 թ. մայիսի 23-ի հերթական նիստի մասին

Նախագահում է ընկ. Բ. Թովչեան: Հաստատում է հետևեալ օրակարգը՝

1. Ինֆորմացիա Գործ. Մարմնի.

ա) Ձերբակալւածների վիճակը:

բ) Գագրիի և Պիլենկովայի շրջանների Ազգային Խորհրդի դիմումը:

- զ) Պարեն. գնումների լիկվիդացիան:
2. Ծառայողների ռոճիկների յաւելում:
3. Ընթերցում և հաստատում ընտրական հրահանգի:
4. Գործ. Մարմնի առաջարկները դպրոցական գործի մասին:
5. Վերաստուգիչ յանձնաժողովի ընտրութիւնները:
6. Ընթացիկ հարցեր:

Ա. Գործադիր Մարմնի նախագահ ընկ. Ա. Երզնկեանը զեկուցում է այն քայլերի մասին, որ արել է Գործ. Մարմինը մինչև այժմ բանտերում տառապող Շուլաւերցի, Դաղէթցի և Բոլնիսցի գիղացիներին ազատելու համար:

Պարզում է, որ մի շարք բանտարկեալների մասին ոչ մի տեղեկութիւն չունի կենտրոնական իշխանութիւնը, որը խոստացել է անմիջապէս ազատել վարչական կարգով ձերբակալւածներին:

Խորհուրդը որոշում է յատուկ պատուիրակութիւն ուղարկել կառավար. նախագահի մօտ՝ բանտարկեալների վերջնական վիճակը պարզելու համար: Պատուիրակութեան կազմելը յանձնում է խորհրդի նախագահութեանը և Գործադիր Մարմնին:

Բ. Այնուհետև քննութեան է դրում Գագրիի և Պիլենկովայի շրջանների ազգ. խորհուրդների դիմումը օգնութեան մասին (տե՛ս Աշխատաւոր, N 100): Շրջանի դրութեան մասին զեկուցում են ընկ. Երզնկեան և Բ. Թովչեան: Խորհուրդը որոշում է վերոյիշեալ պատուիրակութեանը յանձնարարել բանակցել կառավարութեան հետ Գագրիի շրջանը մի արտակարգ լիազօրութիւններով կոմիսիա ուղարկելու: Կոմիսիայի կազմելը յանձնել նախագահութեանը և Գործ. Մարմնին:

Գ. Պարենատրաման գնումների լիկվիդացիան շարունակում է: Գործը յանձնւած է բանկերին: Հաստատում է Գործադիր Մարմնի որոշումը վորլայից դուրս՝ մնացած մթերքներից գոյացած յաւելեալ գումարը գործադրել բանկերի վնասները հանգցնելու վրայ:

2. Կարճատև վիճարանութիւններից յետոյ Խորհուրդը որոշում է աւելացնել բոլոր ծառայողների ռոճիկը 50 տոկոսով, կիրառելով այդ որոշումը մայիսի 1-ից:

3. Կարդացում է և չնչին փոփոխութիւններով հաստատում է ընտրական հրահանգը:

Ուշ լինելու պատճառով մնացած հարցերի քննութիւնը յետաձգում է հետևեալ նիստին:

Տե՛ս Վիրահայ Ազգային Խորհուրդ //
Աշխատաւոր, 25 մայիսի 1919, N 104:

N 90

Հաղորդագրություն՝ Վրաստանի ՀԱԽ-ի շրջանային ընտրական հանձնաժողովների մասին

Վրաստանի Հայոց Ազգ. Խորհրդի կենտրոնական ընտրական յանձնաժողովը կազմակերպել է ընտրական շրջանները և նշանակել նախագահներ և փոխ-նախագահներ: Այսպէս՝ Սուխումի ընտրական շրջանի նախագահ է ընտրւել Խ. Աւդաբեկեան, փոխ-նախագահ՝ Յ. Տերտերեան, Թելաւի նախ. Ս. Դանդուրեան, փ.-նախ.՝ Գ. Տէր-Յարութիւնեան, Քութայիսի՝ Պետ. Ռաֆայէլեան, փոխ-նախագահ՝ Պ. Յովհաննիսեան, Գորի-Դուշէթի՝ նախագահ՝ Խ. Աֆրիկեան, փոխ-նախագահ՝ Ս. Գորգեան, Ախալցխայի՝ նախագահ՝ Մ. Այվազեան, փոխ-նախագահ՝ Ազայեան: Կենտրոնական ընտրական յանձնաժո-

դովի վերոյիշեալ ընտրաշրջաններին արդեն փոխադրել է հարկաւոր գումարները, կազմակերպչական պետքերի համար: Թիֆլիսի և Սոնախի գաւառների ընտրաշրջանները կը կազմակերպեն այս օրերս:

Տե՛ս Լրատու //

Աշխատաւոր, 6 հունիսի 1919, N 110:

N 91

Հաղորդագրություն՝ Վրաստանի վարչապետ

**Ն. Ն. Ժորդանիայի, ՆԳ նախարար Ն. Վ. Ռամիշվիլու և ՀԱԽ-ի
լիազորների 1919 թ. հունիսի 5-ի աշխատանքային
հանդիպման մասին**

Յունիսի 5-ին Վրաստանի Հայոց Ազգային Խորհրդի կողմից մի պատգամաւորութիւն ներկայացաւ Վրաստանի վարչապետ Ժորդանիային և ներքին գործերի ու զինուորական մինիստր Ն. Ռամիշվիլուն և խնդրեց՝ 1) դադարեցնել հայ-վրացական կոֆլիկտի պատճառով հետապնդումը հայ գիւղացիներին, 2) Վրաց կառավարութեան և Հայոց Ազգային Խորհրդի կողմից արտակարգ լիազօրութիւններով խառն յանձնաժողով ուղարկել Սոչիի և Սուխումի շրջանը, այնտեղի հայերի դրութիւնը բարելաւելու համար և 3) թոյլ տալ կայացնելու Վրաստանի Հայոց Ազգային Խորհրդի ընտրութիւնները: Վարչապետ Ժորդանիան Ազգային Խորհրդի պատգամաւորութեանը խոստացաւ. 1) թոյլ տալ Ազգային Խորհրդի ընտրութիւնները կատարել, որոշ փոփոխութիւններ մտցնելով ընտրութիւնների ձևի մէջ, 2) ուղարկել մի խառն յանձնաժողով Սոչիի և Սուխումի շրջանը, հայերի դրութեան հետ ծանօթանալու և բարելաւելու համար և 3) հայ-վրացական կոնֆլիկտի առթիւ հետա-

պնդման գործի հետ ծանօթանալուց յետոյ, անել հարկաւոր կարգադրութիւն: Պատգամաւորութեան կազմն էր՝ խորհրդի նախագահ՝ Բ. Թովչեան, Գործադիր Մարմնի նախագահ՝ Ա. Երզնկեան և ընտրական յանձնաժողովի նախագահ՝ Արտ. Աբեղեան:

Տե՛ս Վրաստանի Հայոց Ազգային Խորհրդի պատգամաւորութիւնը Ն. Ժորդանիայի մօտ // Աշխատաւոր, 7 հունիսի 1919, N 111:

N 92

Լրագրային հաղորդում՝ Վրաստանի ՀԱԽ-ի 1919 թ. հունիսի 6-ի հերթական նիստի մասին

Նախագահում է ընկ. Թովչեան: Հաստատում է հետևեալ օրակարգը.

1) Ինֆորմացիա կառավարութեան հետ ունեցած բանակցութիւնների մասին:

2) Վերաստուգիչ յանձնաժողովի ընտրութիւնները:

3) Ախալք. Հայր. Միութեան յայտարարութիւնը խորհրդի անդամ Ա. Տէր-Գրիգորեանի մասին:

4) Դպրոցական յանձն. զեկուցումը:

5) Առաջարկութիւն Գործ. Մարմնի հոգաբ. ընտրութ. մասին:

6) Ընթացիկ հարցեր:

1. Ընկեր Բ. Թովչեանը զեկուցում է այն տեսակցութիւնների մասին, որ Ազգային Խորհրդի որոշման համաձայն, ունեցել են խորհրդի նախաձեռնութեամբ Բ. Թովչեանը, Գործադիր Մարմնի նախ. Ա. Երզնկեանը և ընտրական յանձնաժողովի

նախ. Ա. Աբեղյանը, նախ ներքին գործոց մինիստրի, ապա և կառավարութեան նախագահի հետ:

Բանակցութիւնները վարել են 3 խնդրի՝ 1) Խորհրդի ընտրութիւնների, 2) Սոչիի շրջ. հայութեանն վիճակի բարտքման և 3) Բանտարկեալների ազատման խնդրի շուրջը: Պարզել է, որ կառուարութիւնը համաձայն է ընտրութիւններին, միայն առանց նախնական ցուցակագրութեան: Կառավարութիւնը ընդառաջ է գնացել նաև խորհրդի ցանկութեանը մի խառը պատուիրակութիւն ուղարկել Սոչիի շրջանի դէպքերի հետ ծանօթանալու և էքսցեսների առաջն առնելու համար:

Բանտարկեալների նկատմամբ որոշ խոստում չի տրւած: Առաջարկւած է բանակցել Սահմ. Ժողովի օրէնադր. յանձնաժող. նախագահի հետ, հայ-վրաց. կոֆլիկտի առթիւ մի օրէնագիծ մշակելու վերաբերեալ: Խորհուրդը յանձնարարում է պրեզիդիումին և Գործ. Մարմնին ուղարկել պատուիրակութիւն Սոչիի [շրջան] և շարունակել բանակցութիւնները բանտարկեալների մասին: Վեճ է առաջանում ընտրուցեանց համար ցուցակներ կազմելու շուրջը: Հարցը յետաձգուում է հետևեալ արտակարգ նիստին:

2. Ընկ. Մ. Ջարգարեան առաջարկում է ընտրել մի վերաստուգիչ յանձնաժողով թե՛ իրա՝ Խորհրդի և թե՛ ժառանգած հաշիւների քննութեան համար: Լինում են առաջարկութիւններ: Ի վերջոյ խորհուրդը ընդունում է վերաստ. յանձ. անհրաժեշտութիւնը: Անդամների ընտրութիւնը յետաձգուում է:

3. Այնուհետև կարդացուում է Ախալք. Հայր. Միութ. գրութիւնը Արամ Տեր-Գրիգորեանի մասին: Խորհուրդը ի նկատի ունենալով իր նախկին որոշումը, ընտրում է մի յանձնաժողով քննելու համար Տեր-Գրիգորեանի վրայ բարդած մեղադրանք-

ները: Ոչ լինելու պատճառով մնացած հարցերը յետաձգում են:

Տե՛ս Վրաստանի Հայոց Ազգային Խորհուրդ //
Աշխատատւր, 11 հունիսի 1919, N 114:

N 93

ՀԱՄ-ի կենտրոնական ընտրական հանձնաժողովի ծանուցումը՝ Վրաստանի հայ ազգաբնակչության

Սրանով յայտարարում է ի գիտութիւն Վրաստանի սահմաններում ապրող հայ ազգաբնակչութեան, որ համաձայն Ազգային Խորհրդի որոշման, առաջիկայ յուլիսի 20-ին ամենուրեք Վրաստանում նշանակուած են Ազգային խորհրդի ընտրութիւնները – ընդհանուր, հաւասար, ուղղակի, գաղտնի և համեմատական սկզբունքով: Կուսակցութիւնները և խմբակցութիւնները պատգամաւորական թեկնածուների ցանկերը ներկայացրած պիտի լինեն Կենտրոնական Ընտրական Յանձնաժողովին մինչև յունիսի 20-ը: Կազմակերպուել են շրջանային ընտրական յանձնաժողովներ՝ Թելաւում, Սդնախում, Գորի[ում], Սուխում[ում], Քութայիս[ում], Ախալցխա[յում] և Թիֆլիսի շրջանում¹¹⁴:

¹¹⁴ Հաջորդ անգամ սույն ազդի լույս ընծայման դէպքում, ՀԱՄ-ի ընտրական հանձնաժողովը նույն տեքստին ավելացրել է ևս մի պարբերություն: Այն է՝ «Ընտրութիւնները պէտք է կատարել առանց նախնական ցուցակագրութեան: 1917 թուի համառուսական Սահմ. Ժողովի առթիւ կազմուած ցուցակներից կարելի է օգտուել այն դէպքում միայն, երբ հնարաւոր է»: Տե՛ս Ժողովրդի Չայն, 14 հունիսի 1919, N 124: Հիշյալ հանգամանքը ևս համոզիչ կերպով ապացուցում է այն անհերքելի փաստը, որ իշխանությունների հանձնարարականով 1918-1919 թթ. իրականացված ընտրողների ընդհանուր ցուցակագրումը չէր արտացոլում Վրաստանի հայ ազգաբնակչության թվաքանակի իրական պատկերը և, հետևաբար, լինելով կեղծված, չէր էլ կարող

Կենտրոնական Ընտրական Յանձնաժողովի հասցեն՝
Тифлисъ, Дворцовая ул., Арм. Нац. Сов. Центральная Избира-
тельная Комиссия. Հեռագրի համար՝ Арм. Нац. Сов. Тифлисъ.

Կենտրոնական Ընտրական Յանձնաժողովի նախագահ՝
Արտաշէս Աբեղեան
Անդամ-քարտուղար՝ Սիմեօն Փիրումեան

Տե՛ս Վրաստանի Հայոց Ազգային Խորհրդի
Կենտրոնական Ընտրական Յանձնաժողովը //
Ժողովրդի Չայն, 12 հունիսի 1919, N 122:

N 94

Հաղորդագրություն՝ Վրաստանի ՀԱԽ-ի համաժողովրդական ընտրությունների կազմակերպման ընթացակարգի մասին

Վրաստանի Հայոց Ազգային Խորհրդի ընտրությունների
շուրջը: Ազգային Խորհուրդը իր վերջին նիստում, կառավա-
րութեան նախագահի հետ ունեցած բանակցութեան հետևան-
քով¹¹⁵, որոշել է առաջիկայ յուլիսի 20-ի ընտրութիւնները կա-
տարել առանց ընտրողների նախնական պարտադիր ցուցա-
կագրութեան:

– Բացի արդէն կազմակերպուած Շրջանային ընտրական
յանձնաժողովների (Թելաւ, Գորի, Դուշեթ, Քութայիս, Ախալց-
խա և Սուխում), կենր. ընտրական յանձնաժողովը իր վերջին
նիստում կազմակերպեց Շրջանային յանձնաժողովներ նաև
Թիֆլիսի և Սղնախի գաւառների համար: Թիֆլիսի գաւառի
յանձնաժողովի նախագահ ընտրուեց Ն. Մատինեան, փոխ-

վստահելի հիմք ծառայել ՀԱԽ-ի ընտրությունների գործը պատշաճ կազմա-
կերպելու համար:

¹¹⁵ Տե՛ս Վրաստանի Խրոնիկա // Кавказское Слово, 7 июня 1919.

նախագահ՝ Ա. Թումանեան, իսկ Սղնախի Շրջանային յանձնաժողովի նախագահ ընտրուեց [Քրիստ.] Տէր-Աստուածատրեան, փոխնախագահ՝ Ե. Մամուլեան:

Տե՛ս Տեղական կէանք //
Ժողովրդի Չայն, 13 հունիսի 1919, N 123:

N 95

Լրագրային հաղորդում՝ Վրաստանի ՀԱԽ-ի 1919 թ. հունիսի 13-ի հերթական նիստի մասին

Նախագահում է ընկ. Բ. Թոփչեան: Հաստատվում է հետևեալ օրակարգը.

1. Ինֆորմացիա.

ա) Գործադիր մարմնի

բ) Ընտրական յանձնաժողովի

2. Վերաստուգիչ յանձնաժողովի ընտրութիւններ

3. Զեկուցում հասարակ. հիմնարկ. հաշիւների քննութ. մասին

4. Ընթացիկ հարցեր:

Նախագահը, նախ քան օրակարգին անցնելը յիշեցնում է խորհրդին, որ ըստ նակագի 3 նիստ բաց թողած անդամները համարում են խորհրդից դուրս եկած:

Պարապմունքները ընթանում են անկանոն: Բոլոր ֆրակցիաները թող ներկայացնեն իրենց անդամների վերջնական ու լրիւ անւանացուցակը: Ապա յայտնում է, որ շնորհիւ մնայուն բիջէի բացակայութեան, նախագահութիւնը զուրկ է հնարաւորութիւնից հսկելու Գործ. Մարմնի գործնէութեան վրայ: Մինչդէռ նա այդ պարտաւոր է անել: Երբ խորհուրդը որոշում

է կայացնում, կամ վարկ բաց անում, նախագահութիւնը նախօրօք չգիտէ, թէ արդեօք հնարաւոր է այդ որոշումը իրագործել: Ուստի անհրաժեշտ է պարտաւորեցնել Գործ. Մարմնին գէթ մի ժամանակաւոր բիւջէ ներկայացնել, մինչև նոր Ազգային Խորհրդի գումարելը: Կարճատև մտքերի փոխանակութիւնից յետոյ խորհուրդը որոշում է պարտաւորեցնել Գործ. մարմնին ներկայացնել բիւջէն մի շաբաթուայ ընթացքում:

Ընկ. Մ. Ջարգարեան բողոքում է, Խորհրդի այն որոշման դէմ, ըստ որի դպրոցական յանձնաժողովի անդամներին ամսավճար է տրուում: Պէտք է վարձատրել միայն աշխատանքը: Առաջարկում է ամսավճարը փոխարինել նստավճարով: Առաջարկն անցնում է:

Ընկ. Ա. Միանսարեան զեկուցում է, որ Գործ. Մարմինը Հայաստանի կառավարութիւնից փոխարինաբար ալիւր է խնդրել Վրաստանի շրջանակում գտնուող հայ կարիքաւոր զինդերին բաժանելու համար: Համարժեքը պիտի վերադարձի կամ ցորենով, կամ դրամով: Արդէն բաշխումը կատարած է և լիազօրները ուղարկւած են:

Ընկ. Արեղեան համառօտ զեկուցում է տալիս ընտրակ. յանձնաժողովի աշխատանքների մասին: <...>

Ընկ. Ա. Երզնկեան. - Ձեկուցում է Գործ. Մարմնի որոշումները Բազմի գնումների մասին: Իր առաջարկով Գործ. Մարմինը որոշել է բոլոր ասեկօսներին վերջ տալու համար քննութիւն կատարել և այդ գործը յանձնել նորընտիր վերաստուգիչ յանձնաժողովին: Խորհրդի անդամներից ոմանք առաջարկում են ընտրել յատուկ յանձնաժողով: Ի վերջոյ անցնում է Գործ. Մարմնի առաջարկը և գործի քննութիւնը յանձնւում է վերաստուգիչ յանձնաժողովին:

Ուշ լինելու պատճառով օրակարգի միւս հարցերը յետաձգում են:

Տե՛ս Վրաստանի Հայոց Ազգային Խորհուրդ //
Աշխատատւր, 17 հունիսի 1919, N 119:

N 96

Հաղորդագրություն՝ Վրաստանի ՀԱՄ-ի Թիֆլիսի թաղային ընտրական հանձնաժողովների մասին

Ընտրական կենտրոնական յանձնաժողովը արդէն կազմել է Թիֆլիսի թաղային ընտրական յանձնաժողովները հետևեալ կազմով. I և II թաղամասերի յանձնաժողովի նախագահ՝ Մ. Մարգարեան, փոխ-նախագահ՝ Հ. Թերզիբաշեան, անդամ՝ Վ. Տէր-Սիմոնեան, III թաղամասի նախագահ՝ Լ. Խալաթեան, փոխ-նախագահ՝ Թ. Ազատեան, անդամ՝ Ա. Ապրէլեան, IV թաղամասի նախագահ՝ Ի. Յարութիւնեան, փոխ-նախագահ՝ Յովսէփ Աբաղեան, անդամ՝ Վ. Աթոյեան, V թաղամասի նախագահ՝ Ջ. Կաճկաճեան, փոխ-նախագահ՝ Յ. Աղաբաբ, անդամ՝ Տէր-Ներսեսեան, VI և VII թաղամասերի նախագահ՝ Ջ. Ջօրեան, փոխ-նախագահ՝ Արշ. Մարգարեան, անդամ՝ Պ. Տէր-Սիմոնեան, VIII թաղամասի նախագահ՝ Գ. Տէր-Ստեփանեան, փոխ-նախագահ՝ Ա. Աղաջանեան, անդամ՝ Արա Մարգարեան, IX թաղամասի - նախագահ՝ Քէշիշեան, փոխ-նախագահ՝ Ճոնեան, անդամ՝ Խարազեան և X, XI և XII թաղամասերի - նախագահ՝ Ն. Աթոյեան, փոխ-նախագահ՝ Ս. Շիւեան, անդամ՝ Յ. Յակովբեան:

Տե՛ս Լրատու՝ Հայոց ազգային խորհրդի
ընտրութիւնների շուրջը //
Աշխատատւր, 24 հունիսի 1919, N 124:

N 97

**Հաղորդագրություն՝ Վրաստանի ՀԱՄ-ի վերաստուգիչ
հանձնաժողովի կազմի մասին**

Վիրահայ Ազգային Խորհրդի Վերաստուգիչ Ցանձնաժողովը արդեն սկսել է իր աշխատանքները հետևեալ կազմով.
Նախագահ՝ Գար. Տեր-Ստեփանեան, քարտուղար՝ Յով. Յով-
հաննիսեան, անդամներ՝ պ.պ. Ա. Աղաջանեան, Ա. Իվանեան
և վերահսկիչ՝ Յով. Խունունց:

Տե՛ս Տեղական կեանք //
Ժողովրդի Չայն, 26 հունիսի 1919, N 133:

N 98

**Կուսակցական թեկնածուների ցուցակները՝ ներկայացված
Վրաստանի ՀԱՄ-ի համամասնական ընտրությունների
համար (1919 թ., հուլիս)**

ՊԱՏԳԱՄԱԻՈՐԱԿԱՆ ԹԵԿՆԱԾՈՒՆԵՐԻ

ՑԱՆԿ N 1

ՍՈՑԻԱԼԻՍՏԱԿԱՆ ԲԼՈԿԻ

(Սօցիալ-դեմոկրատներ եւ սօց.- յեղափոխականներ)

- | | |
|--------------------------|-----------------------------|
| 1. Զոհրաբեան Արշակ | 9. Մելիք-Շահնազարեան Մերգել |
| 2. Սահակեան Մաքո | 10. Տեր-Ներսիսեան Միքայել |
| 3. Երզնկեան Արամայիս | 11. Իվանեան Արամ |
| 4. Ստամբոլցեան Անուշաւան | 12. Տեր-Գրիգորեան Արամ |
| 5. Փիրումեան Սիմեօն | 13. Դարբինեան Մաթէոս |
| 6. Տեր-Ներսիսեան Իսահակ | 14. Սաղաթէլեան Շուշանիկ |
| 7. Ազատեան Հայկ | 15. Աթոյեան Նիկօլայ |
| 8. Մելքոնեան Արամ | 16. Յովհաննիսեան Արամ |

- 17.Աբովեան Սարգիս
- 18.Միմօնգուլեան Գրիգոր
- 19.Փոթէեան Վարդան
- 20.Յովհաննիսնեան Յակոբը
- 21.Սարգսրեան Արշակ
- 22.Սարգսրեան Արս
- 23.Տէր-Բարսեղեան Արտեմ
- 24.Քեմջեան Խաչատուր
- 25.Թումանեան Անտօն
- 26.Յարութիւնեան Բագրատ
- 27.Վարդանեան Խաչատուր
- 28.Բաղալեան Յովհաննէս
- 29.Կաֆեան Գարրիէլ

- 30.Զաքարեան Արշակ
- 31.Մեհրաբեան Արշակ
- 32.Խարազեան Ռուբէն
- 33.Աւանեան Սուրէն
- 34.Մաճկալեան Աստղիկ
- 35.Քեշիշեան Խաչատուր
- 36.Կարապետեան Վահան
- 37.Աթոյեան Վարդան
- 38.Ազատեան Արմենակ
- 39.Տէր-Բարսեղեան Ալէքսանդր
- 40.Գրիգորեան Աղասի

ՑԱՆԿ N 2

ՀԱՅ ԺՈՂՈՎՐԴԱԿԱՆ ԿՈՒՍԱԿՑՈՒԹԵԱՆ

- 1.Մխիթարեան Արշալոյս
- 2.Ստեփաննեան Կարապետ
- 3.Բարխուդարեան Արշակ
- 4.Այվազեան Յարութիւն
- 5.Սպեղիարեան Յովհաննէս
- 6.Յարութիւնեան Իսահակ
- 7.Տէր-Մինասեան Երւանդ
- 8.Աֆրիկեան Խաչատուր
- 9.Մալխասեան Ստեփան
- 10.Դոլուխանեան Պօղոս
- 11.Տէր-Յովսէփեան Վալերիան
- 12.Հախումեան Տիգրան
- 13.տիկ. Թումանեան Մարիամ
- 14.Կիւլպէնկեան Սերովբ

- 15.Փիրալեան Յարութիւն
- 16.Շահպարտնեան Մանուէլ
- 17.Ալիխանեան Յովհաննէս
- 18.Սովսիսեան Մովսէս
- 19.Մելեան Մեսրոբը քահ.
- 20.Աղաջանեան Արմենակ
- 21.Սուլխանեան Ստեփան
- 22.Գէորգբէկեան Տիգրան
- 23.Կանայեան Խաչատուր
- 24.տիկ. Պօղօսեան Օլգա
- 25.Կաճկաճեան Զաքարիա
- 26.Մատոյեան Ղուկաս
- 27.Մելիք-Փարսաղանեան Արտավազդ

- 28. Կուսիկեան Արշակ
- 29. Ալեքսանդրեան Մարտիրոս
- 30. Թերզիբաշեան Նիկողայոս
- 31. Տէր-Աւետիսեան Արտաշէս
- 32. Խաղազորգեան Միսակ
- 33. Նարինեան Խաչատուր

- 34. Աֆրիկեան Կոստանդին
- 35. Ղասարեան Ռուբէն
- 36. Մարութեան Մեսրոպ
- 37. Թաղէոսեան Ռուբէն
- 38. Առաքելեան Բարսէղ
- 39. Այվազեան Բագրատ
- 40. Խիթարեան Գրիգոր

ՑԱՆԿ N 3

ՎՐԱՍՏ[ԱՆԻ] ՍՈՑ[ԻԱԼ] - ԴԵՄ[ՈԿՐԱՏԱԿԱՆ] ԲԱՆ[ՎՈՐԱ-
ԿԱՆ] ԿՈՒՍԱԿ[ՅՈՒԹԵԱՆ] ՀԱՅԿ[ԱԿԱՆ] ՍԵԿ[ՅԻԱՅԻ]

- 1. Դանդուրեան Մարգիս
- 2. Փանեան Կոստանդին
- 3. Մկրտումեան Բագրատ
- 4. Վարդոյեան Գէորգ
- 5. Խիթարեան Աղեքսանդր
- 6. Վարդոյեան Մկրտիչ
- 7. Պալեան Մկրտիչ
- 8. Ղայթանջեան Ստեփան
- 9. Տէր-Բարսէղեան Էլէօնորա
- 10. Երզնկանեան Յակոբ
- 11. Ալիխանեան Վարդան
- 12. Վանցեան Լևոն
- 13. Փորսուղեան Հռիփ[սիմե]
(Հայկանուշ)
- 14. Գլախոյեան Մարգիս
- 15. Դաթեան Յովհաննէս
- 16. Նիկողոսեան Ամիրան
- 17. Մինասարեան Պետրոս
- 18. Նիկողոսեան Թիկօ

- 19. Գալստեան Գէորգ
- 20. Աուշտրեան Ռուբէն
- 21. Եղիազարեան Ալեքսանդրա
- 22. Մուրմանեան Դաւիթ
- 23. Շահնազարեան Նիկողայոս
- 24. Ոսկանեան Յարութ[յուն]
(Յովսէփ)
- 25. Շիմշիրեան Լևոն
- 26. Յովհաննիսեան Գէորգ
- 27. Լորիս-Մելիքեան Եւա
- 28. Յարութիւնեան Մովսէս
- 29. Արզումանեան Գէորգ
- 30. Եղիազարեան Վարդան
- 31. Արշակունի Սիմէոն
- 32. Ալեքսանեան Լևոն
- 33. Համբարձումեան Մարգիս
- 34. Զախարեան Նատալիա

35.Կուլխանեան Ալէքսանդր
36.Իսրայէլեան Ստեփան
37.Անդրիանեան Եգոր

38.Իտրեան Նիկողայոս
39.Յակոբեան Գրիգոր
40.Գաբրիէլեան Ալէքսանդր

ՑԱՆԿ N 4

ՀԱՅ ՅԵՂԱՓՈՒԽԱԿԱՆ ԴԱՇՆԱԿՑՈՒԹԵԱՆ

1.Զօրեան Զօրի
2.Թովչեան Բագրատ
3.Աւետիսեան Տիգրան
4.Իսրայէլեան Աշոտ
5.Դաւիթխանեան Դաւիթ
6.Զիֆլիկեան Գրիգոր
7.Մատինեան Նիկողայոս
8.Թադէոսեան Արշակ
9.Տէր-Ստեփանեան Գարեգին
10.Տէր-Յարութիւնեան Գարեգին
11.Հոգիջանեան Արշակ
12.Էլիբէկեան Յակոբ
13.Միանսարեան Արշակ
14.Ղազազեան Անահիտ
15.Տէր-Պօղոսեան Պօղոս
16.Զարգարեան Միքայէլ
17.Բալասաբէկեան Գրիգոր
18.Բաղալեան Եղիշէ
19.Տէր-Գրիգորեան Զալալ
20.Զիջեան Զարիբէկ
21.Սամիկոնեան Արմենակ
22.Թադէոսեան Տիգրան
23.Կողբաշեան Զանիկ

24.Մուշայեան Միքայէլ
25.Ազնաուրեան Շահէն
26.Ամիրխանեան Աղաբէգ
27.Գուրգէնեան Սիմէոն
28.Թովչեան Աղասի
29.Արեան Մուշեղ
30.Տօնեան Արշակ
31.Աղաջանեան Սենեքերիմ
32.Մեսեան Գէորգ
33.Ամիրբէգեան Սիրանուշ
34.Աբաղեան Յովսէփ
35.Յովհաննիսեան Արմենակ
36.Ապրէլեան Անդրեաս
37.Յովսէփեան Գրիգոր
38.Տէր-Յարութիւնեան Մինաս
39.Յովհաննիսեան Գիսակ
40.Թոսունեան Սեդրակ
41.Շահվերդեան Սիմէոն
42.Մկրտչեան Սիմէոն
43.Տէրտէրեան Յարութիւն
44.Նահապետեան Յարութիւն
45.Սատոյեան Սիմէոն
46.Պապովեան Հեղինէ
47.Շէկոյեան Յակովբ

- 48.Ստեփանեան Արշալիր
- 49.Տօնեան Ռուբէն
- 50.Հայրեան Իշխան
- 51.Մամուլեան Նիկողայոս
- 52.Յովհաննիսեան Պօղոս
- 53.Սարեան Գրիգոր
- 54.Պետրոսեան Սադաթ

- 55.Թումանեան Մարիամ
- 56.Տէր-Սարգսեան Ա.
- 57.Վարդանեան Խաչատուր
- 58.Ղազարեան Գրիգոր
- 59.Ղուլեան Եղիազար
- 60.Յարութիւնեան Երեմ

ՑԱՆԿ N 5

ԱԲԽԱԶԻԱՅԻ ՀԱՅ ՍՈՑԻԱԼ - ԴԵՄՈՎՐԱՏՆԵՐԻ

- | | |
|-----------------------|---------------------|
| 1.Տէր-Ղազարեան Ղազար | 6.Ռշտունի Վահան |
| 2.Աղալբեգեան Խաչատուր | 7.Միսէլլիմեան Եղիա |
| 3.Սողոմոնեան Տիգրան | 8.Զէյթունեան Յակովբ |
| 4.Աղէկեան Վաղարշակ | 9.Տատեան Օննիկ |
| 5.Մինասեան Երւանդ | 10.Փիլոսեան Լևոն |

ՑԱՆԿ N 6

Ս. Դ. ՀՆՉԱԿԵԱՆ ԿՈՒՍԱԿՑՈՒԹԵԱՆ

- | | |
|------------------------------|----------------------|
| 1.Մարօ Նազարբէկ | 7.Հրանտ Գալիկեան |
| 2.Արշակ Բաբեան | 8.Տիգրան Ղազանձեան |
| 3.Սիմէօն Հովուեան (Ս. Տաշիր) | 9.Խորէն Թորիկեան |
| 4.Բագրատ Աւագեան (Միւնիք) | 10.Արտաշէս Գասպարեան |
| 5.Յակովբ Ղազարեան (Լազօ) | 11.Յակովբ Բաբախանեան |
| 6.բժ. Լևոն Տէր-Ստեփանեան | 12.Իսահակ Հովուեան |

Վ. Հ. Ազգ. Խորհրդի կենտ. ընտր. յանձնաժողովի
Նախագահ՝ Արտաշէս Արեղեան
Անդամներ՝ Արշակ Բարխուդարեան

Արամ Յովհաննիսեան

Անդամ-քարտուղար՝ Սիմէոն Փիրումեան

Տե՛ս ՊԱՏԳԱՄԱԻՈՐԱԿԱՆ ԹԵԿՆԱԾՈՒՆԵՐԻ ՑԱՆԿԵՐ՝
Վրաստանի Հայոց Ազգային Խորհրդի ընտրութիւնների հա-
մար (յուլիս 1919) //

Նոր Աշխատատւր, 10 հուլիսի 1919, N 136:

N 99

**Հաղորդագրություն՝ Վրաստանի ՀԱԽ-ի ընտրությունների
շուրջն առաջացած խոչընդոտների մասին**

Վրաստանի Հայոց Ազգային Խորհրդի ընտրությունների
շուրջը. – Վրաստանի Հայոց Ազգային Խորհրդի կենտրոնա-
կան ընտրական յանձնաժողովի թե՛ մասնաւոր անձերից և թե՛
իր հրահանգիչներից ստացել է տեղեկութիւններ, որ գաւառ-
ներում ինչպէս կոմիսարները, այնպէս էլ մասնաւոր անձինք
Ազգային Խորհրդի ընտրութիւնների դէմ խոչընդոտներ են յա-
րուցանում և հայ ժողովրդին պահում ահաբեկման մէջ: Այս
առթիւ կենտրոնական ընտրական յանձնաժողովի նախագահ
Արտ. Աբեղեանը և անդամ [Մ.] Վարդոյեանը ներկայացան
Վրաստանի ներքին գործերի մինիստր [Ն.] Ռամիշւիլուն և
նման խոչընդոտների առաջն առնելու համար խնդրեցին մի-
ջոցներ ձեռք առնել: Ներքին գործերի մինիստրը խոստացաւ
մի շրջաբերականով յայտնել կոմիսարներին և զեմաստային
վարչութիւններին, որ Վրաստանի Հայոց Ազգային Խորհրդի
ընտրութիւնները տեղի են ունենում կառավարութեան գիտու-
թեամբ և ընտրութիւնների դէմ խոչընդոտներ չպիտի յարու-
ցուեն:

Տե՛ս Տեղական կէանք //

Ժողովրդի Չայն, 10 հուլիսի 1919, N 145:

N 100

**Վրաստանի ՀԱԽ-ի կենտրոնական ընտրական
հանձնաժողովի ծանուցումը՝ ի գիտություն Թիֆլիսի հայ
ազգաբնակչության**

Այսու յայտնում է ի գիտութիւն Թիֆլիսի հայ ազգաբնակութեան, որ կիրակի, յուլիսի 20-ին, քաղաքումն կատարուելու են Վրաստանի Հայոց Ազգային Խորհրդի ընտրութիւնները, որին մասնակցելու իրաւունք ունեն 20 տարին լրացած բոլոր հայերը՝ առանց սեռի, հպատակութեան և դաւանութեան խտրութեան: Ընտրութիւններին ձայնի իրաւունքից օգտուել ցանկացողները պիտի ներկայացնեն անցագիր (պասսպորտ) կամ նրան փոխարինող ուրիշ վկայական (видъ на жительство):

Թէ՛ անցագրերը և թէ՛ յիշած վկայականները պէտք է ներկայացուած լինեն միլիցիային (предъявленный къ прописке), իսկ ովքեր չունեն, այդպիսի անցագիր կամ վկայական, պէտք է ստանան անուական վկայականներ իրենց թաղամասի յանձնաժողովից՝ ներկայացնելով տնային գիրքը (домовая книга), ի հաստատութիւն անցագիր կամ վաւերացրած վկայական չունենալուն: <...>

Տե՛ս Վրաստանի Հայոց Ազգային Խորհրդի
Կենտրոնական Ընտրական Յանձնաժողովը //
Ժողովրդի Չայն, 17 հուլիսի 1919, N 150:

N 101

**ՎՍԴԲԿ-ի հայազգի անդամների միջնորդությունը՝
Վրաստանի ՀԱԽ-ի ընտրությունները հետաձգելու մասին**

Վրաստանի ներքին գործերի մինիստրը հարցում է ուղղել Վրաստանի Հայոց Ազգային Խորհրդին, թէ համապատասխա-

նո՞ւմ է իրականութեան այն լուրը, թէ Ախալքալաքի գաւառում, իբրև վիճելի երկրամաս, Հայոց Ազգային Խորհրդի ընտրութիւններ չեն կատարուելու:

– Յուլիսի 17-ին վրաց կառավարութիւնը Թելաւի սոցիալ-դեմոկրատական կազմակերպութիւնից, Վելիսցիխէի սոցիալ-դեմոկրատների հայկական սեկցիայի ներկայացուցիչ Ս. Իսահակեանից, Թելաւի Աշիեթի շրջանային սոցիալ-դեմոկրատների կուսակցութեան հայկական սեկցիայից և Վելիսցիխէի սոցիալ-դեմոկրատների կոմիտէից ստացել է հեռագիր, որով նրանք խնդրում են Հայոց Ազգային Խորհրդի ընտրութիւնները յետաձգել մինչև աշուն, որովհետև դաշտային եռուն աշխատանքների պատճառով այդ շրջանների ազգաբնակչութիւնը հնարաւորութիւն չունի պէտք եղած չափով մասնակցել ընտրական աշխատանքներին¹¹⁵:

Տե՛ս Տեղական կեանք //
Ժողովրդի Զայն, 19 հուլիսի 1919, N 152:

¹¹⁵ ՎՄԴԲԿ-ի «հայկական սեկցիան» ցուցաբերել էր ակտիվ մասնակցություն ՀԱԽ-ի ընտրությունների նախապատրաստման գործերում: Սակայն պաշտոնական Թիֆլիսը վճռեց այլ կերպ: Հետևապես փոխվեց նաև «հայկական սեկցիայի» դիրքորոշումը: Այսպիսով՝ ՎՄԴԲԿ-ի առանձին հայ անդամները իրենց դրսևորեցին որպես վրաց իշխանությունների քաղաքականության հլու կամակատարներ, քանզի «դաշտային եռուն աշխատանքների» մասին մոգոնած պատրվակն արդեն չէր էլ կարող քողարկել այս պարզ հանգամանքը: Նման երևույթ տեսանք նաև Լոռվա ճակատագրի վճռման հարցում: Սեկցիայի ղեկավարը հորդորում էր գավառի հայ ազգաբնակչությանը կողմ արտահայտվել Վրաստանի սահմանների մէջ «չեզոք գոտին» կցելու օգտին: Տե՛ս Документы об армяно-грузинском пограничном споре в Лори (декабрь 1920 г. – январь 1921 г.) // ՊԲՀ, 2010, N 1, փաստ. 2, էջ 259:

**Լրագրային հաղորդում՝ Վրաստանի ՀԱԽ-ի 1919 թ. հուլիսի
18-ի արտահերթ նիստի մասին**

Վրաստանի Հ. Ա. Խ. նիստը բացւեց երեկոյեան ժամը 8-ին ընկ. Բ. Թոփչեանի նախագահութեամբ:

Բացի Ազգային Խորհրդի անդամներից, դահլիճը լիքն էր երկսեռ խումն բազմութեամբ:

Կառավարութեամբ կարգադրութիւնը, կասեցնել Ազգ. Խոր. ընտրութիւնները, կայծակի արագութեամբ տարածել էր հասարակական լայն խաւերում և բազմութիւնը լցւել էր նիստի դահլիճը, տեսնելու համար, թէ ինչ պատասխան է տալու խորհուրդը կառավարութեան այդ ոտնձգութեան:

Նախագահ ընկ. Բագ. Թոփչեանը, նիստը բաց անելով, յայտնեց, որ նիստի քննութեան առարկան նախ՝ կառավարութիւնից Ազգային խորհրդի ընտրութիւնները դադարեցնելու մասին ստացւած գրութիւնն է, ապա վերաստուգիչ յանձնաժողովի զեկուցումը:

Առաջին հարցի մասին զեկուցում է Խորհրդի գործադիր մարմնի նախագահ ընկ. Ա. Երզնկեանը, նա կարդում է ներքին գործոց մինիստրի օգնական [Պ.] Ճիճինաձէի գրութիւնը Վ.Հ.Ա.Խ. ընտրութիւնները դադարեցնելու մասին, ապա զեկուցում է, որ այդ գրութիւնն ստացւելուց յետոյ Գործադիր մարմնի և նախագահութիւնն ու Խորհրդի նախագահը ներկայացել են պ. Ճիճինաձէին խնդիրը պարզելու համար: Ճիճինաձէն հրաժարւել է գրութեան բովանդակութեան սահմաններից դուրս որևէ զիջում անել և յայտարարել է, որ խնդրի վերաքննութիւնը կարելի է յանձնել յաջորդ օրը (յուլիսի 19-ին) տեղի ունենալիք մինիստրական խորհրդին:

Չեկուցումից յետոյ արտայայտում են բոլոր ֆրակցիաների ներկայացուցիչները, որոնք բոլորն էլ կառավարութեան այդ ապօրինի կարգադրութիւնը համարում են բռնութեան միակտ, որը արհամարհելով Ազգային խորհուրդի իրաւունքները, միաժամանակ վիրաւորում է նրա արժանապատուութիւնը: Բոլոր ֆրակցիաների միաբան համաձայնութեամբ որոշում է բռն կերպով բողոքել կառավարութեան այդ ապօրինի կարգադրութեան դէմ (ուր և ընդմիջումի ընթացքում մշակում է բողոք-բանաձևի գլխաւոր թեզերը) և մի առանձին թռուցիկով իրազեկ դարձնել հասարակութեանը ստեղծած դրութեան: Որոշում է նոյնպէս գաւառական հրահանգիչներին հեռագրով տեղեկացնել կառավարութեան կարգադրութիւնը, գաւառներում հնարաւոր ընդհարումների առաջն առնելու համար:

Միաժամանակ Ազգային Խորհրդի նախագահին և գործադիր մարմնի նախագահութեանը յանձնարարում է բանակցութիւններ վարել կառավարութեան հետ Ազգային Խորհրդի իրաւունքները վերականգնելու համար: <...>

Հասարակութիւնը հեռանում է խիստ յուզւած:

* * *

Վրաստանի Հայոց Ազգային խորհուրդը յուլիսի 18-ի երեկոյեան իր արտակարգ նիստում քննելով վերոյիշեալ գրութիւնը՝ որոշեց մի պատգամաւորութեան միջոցով պատճառաբանեալ գրաւոր բողոք յայտնել վրաց կառավարութեան, գտնելով, որ կարգադրութիւնը արւած է յետին թուով, որ ներկայումս էլ զեմստւային ինքնավարութեան ընտրութիւններն են կատարում երկրի զանազան մասերում, որ կուլտուրական ատոնումիայի խնդրում հպատակութիւնը մեծ դեր չի կատարում,

որ դեռ ևս ամիս ու կես առաջ յայտնի է կառավարութեանը ընտրութիւնների յուլիսի 20-ին նշանակուած լինելու մասին, որ հայոց Ազգային Խորհուրդը իր ներքին կարգադրութիւնների մէջ իրեն անկախ է համարում և այլն: Ազգային խորհուրդը միաժամանակ գիտակցում է, որ այդ կարգադրութիւնը արւում է պետական կուսակցութեան յաղթանակը ապահովելու համար:

Պատգամաւորներ ընտրւեցին՝ Բ. Թովչեան, Ա. Երզնկեան, Ա. Մխիթարեան և Տէր-Ներսիսեան, որոնք խորհրդի պատճառաբանեալ բողոքը երեկ ներկայացրին վրաց կառավարութեանը:

Խորհուրդը յանձնարարեց մի կոչով յայտնել հայ ազգաբնակչութեանը ընտրութիւնները չկայանալու մասին:

Տե՛ս Վրաստանի Հայոց Ազգային Խորհուրդ //
Նոր Աշխատաւոր, 20 հուլիսի 1919, N 144:

N 103

«Նոր Աշխատաւոր» օրաթերթի մեկնությունը՝ Վրաստանի ՀԱԽ-ի համաժողովրդական ընտրությանների արգելման պատճառների մասին

Այսօր տեղի ունենալիք Ազգային խորհրդի ընտրութիւնները չեն կայանալու, որովհետև Վրաստանի «հոգատար» կառավարութիւնը «անհրաժեշտ է համարել յետաձգել այդ ընտրութիւնները»: <...>

Իր միջամտութիւնը հայ աշխատաւորութեան միակ ներկայացուցչական մարմնի ներքին գործերին կառավարութիւնը պատճառաբանում է նրանով, որ ա) գաւառում դաշտային աշխատանքները չեն վերջացել և բ) որ ընտրութիւնները չեն նշա-

նակած միաժամանակ ամբողջ Վրաստանում: Այս հիմունքների ամբողջ անհեթեթությունը ակներև է: Հիմք ունենք կարծելու, որ Վրաստանի կառավարությունը միայն յուլիսի 18-ին չէ որ յիշեց, թե դաշտային աշխատանքները մեր երկրում տեղի են ունենում յուլիսի ընթացքում, այլ նա գիտեր այդ բանը նաև մէկ ու կէս ամիս առաջ, երբ Ազգ. Խորհրդի պատուիրակությունը զեկուցել էր ընտրություններ նշանակելու մասին: Եւ վերջապէս, ինչո՞ւ այդ դաշտային աշխատանքները չեն խանգարում զեմստային և Սահմ. Ժողովի ընտրություններին ու խանգարում են Խորհրդի ընտրություններին: Ինչո՞ւ Սահմ. Ժողովի ընտրությունները կարելի է նշանակել զանազան վայրերում տարբեր ժամանակ, իսկ Խորհրդինը՝ ոչ: Պարզ է, որ այդ պատճառաբանությունները լոկ ձևական են և նպատակ ունեն քողարկելու կառավարական այդ քայլերի իսկական պատճառները:

Յայտնի է, որ վրաց կառավարությունը մեծ հետաքրքրություն ցոյց տւեց այս խորհրդի ընտրություններին: Յայտնի է նաև այն, որ նրա պնակալեզները հանդէս եկան N 3 ցուցակով: Կառավարությունը ուզում էր խորհուրդը իր արբանեակների ձեռքը ձգել, որպէս զի նա դառնայ իր քմահաճոյքներին ենթարկւող մի խրտիլակ: Ըստ երևոյթին գաւառի դրությունը, որի վրայ այնքան յոյսեր էին դնում վրաց մենշնիկները, այնքան էլ նրանց համար նպաստաւոր չի եղել: Հայ աշխատաւորությունը, թէպէտև ահաբեկւած, լաւ ճանաչելով հայրսութեան հեղինակներին՝ երես է դարձրել նրանցից: <...>

Տե՛ս Կամայականությունը //
Նոր Աշխատաւոր, 20 հուլիսի 1919, N 144:

**ՀՅԴ Վրաստանի ճյուղի ԿԿ-ի դիմումը երկրի հայ
քաղաքացիներին՝ ՀԱԽ-ի համաժողովրդական
ընտրությունները արգելելու կապակցությամբ**

Ընկերներ!

Կառավարական կամայականությունների անձայր շարանին ուելացաւ մի ակտ նս. ներքին գործոց մինիստրի օգնականի անմիջական կարգադրութեամբ արգելւած են Ազգային Խորհրդի ընտրութիւնները ամբողջ Վրաստանում:

Իր այդ կամայական ու հակադեմոկրատական քայլը կառավարութիւնը իր «հաղորդագրութեան» մէջ փորձում է պատճառաբանել դաշտային աշխատանքների չվերջացած լինելով: Ողորմելի պատճառաբանութիւն: Բոլորին յայտնի է, որ դաշտային աշխատանքները Վրաստանում տեղի են ունենում ամառային ամիսներին: Այդ բանը պիտի յայտնի լինէր նաև կառավարութեանը: Եւ եթէ նա երկու ամիս առաջ գիտենալով Խորհրդի ընտրութիւնների մասին միայն այժմ, ընտրութեանց նախօրեակին իր արգելքը յարուցեց, այդ միայն նրա համար, որ իր քաղաքական նկատառումները յօդս ցնդած տեսաւ:

Ընկերներ! Մեր յեղափոխական աշխատանքի ամբողջ ընթացքում կառավարութիւնն ու նրա գործակալները աշխատում էին ամեն տեսակ խոչընդոտներ յարուցել: Տեղիս ու գաւառի մեր ակտիւ ընկերները հսկողութեան տակ են առնւած: Կուսակցական ժողովները փաստօրէն արգելւած են և դաշնակցական լինելը խոշոր յանցանք է համարւում: Չնայելով այդ բոլորին, Խորհրդի ընտրութիւններին մեր դէմ դուրս եկած կառավարական պնակալէզները անկարող եղան իրենց կողմը քաշել հայ աշխատաւորութեանը և իրենց խայտառակ պար-

տութիւնը քողարկելու համար, յետաձգել տւին ընտրութիւնները: <...>

Հ. Յ. Դ. Վրաստանի Կենտրոնական Կոմիտէ
19 յուլիս 1919
Թիֆլիս

Տե՛ս Ազգային Խորհրդի ընտրութիւնները արգելւած //
Նոր Աշխատատւր, 22 հուլիսի 1919, N 145:

N 105

Վրաստանի ՆԳՆ-ի փոխնախարարի գրութիւնը՝ ՀԱԽ-ի համաժողովրդական ընտրութիւնները արգելելու պատճառների մասին

Վրաստանի ներքին գործերի մինիստրութիւնը յուլիսի 18-ին Վրաստանի Հայոց Ազգային Խորհրդին ուղարկել է հետևեալ շտապողական գրութիւնը:

«Ներքին գործերի մինիստրութեան մէջ ստացւած տեղեկութիւնների համաձայն Վրաստանում բնակւող հայ ազգաբնակչութիւնը դաշտային աշխատանքների սկսւած լինելու պատճառով դժարանում է ալտիվ մասնակցութիւն ունենալ Վրաստանի Հայոց Ազգային Խորհրդի առաջիկայ ընտրութիւններին:

Վրաստանի հանրապետութեան կառավարութիւնը շահախնդրւած է, որ Վրաստանի հպատակները կարողանան իրենց քաղաքական և քաղաքացիական իրաւունքներից օգուել լիապէս, և քննելով վերոյիշեալ հանգամանքը, կառավարութիւնը անհրաժեշտ գտաւ յետաձգել Ազգային խորհրդի ընտրութիւնները մինչև դաշտային աշխատանքների վերջանալը, միննոյն ժամանակ նպատակայարմար գտնելով ընտ-

րութիւնները կատարել միաժամանակ Վրաստանի բոլոր մասերում, ուր տեղաւորւած են հայեր, և ոչ թէ զանազան ժամանակներում, ինչպէս ենթադրում է Հայոց Ազգային Խորհուրդը:

Սրա հետ միաժամանակ անհրաժեշտ էմ համարում տեղեկացնել, որ հանրապետութեան կառավարութիւնը որոշել է, որ ընտրութեան ակտիւ և պասսիւ իրաւունքներից կարող են օգտուել - գիւղական համայնքներում միայն հայ ազգին պատկանող անձինք, որոնք տեղական բնակիչ են, իսկ քաղաքներում նոյն ազգին պատկանող անձինք, որոնց Վրաստանի հանրապետութեան հպատակութիւնը պարզաբանում է, հպատակութեան օրէնքի հիման վրայ, որ ընդունուել է Վրաստանի Սահմանադիր Ժողովի կողմից մայիսի 25-ին և յայտարարուել է «Սաքարթւելոս Բեսպուբլիկա» թերթի յունիսի 26-ի N 122-ում:

Ներքին գործ. մին. օգնական՝ [Պարմեն] Ճիճինաձե
Դիւանապետ (ստորագրութ.)»

Տե՛ս Վրաստանի Կառավարութեան գրութիւնը
Վիրահայ Ազգային Խորհրդին //
Գործաւոր, 28 հուլիսի 1919, N 18:

N 106

Բողոք Վրաստանի ներքին գործերի նախարարին՝ ՀԱԽ-ի համաժողովրդական ընտրությունները արգելելու կապակցությամբ

Քննութեան առնելով ներքին գործերի մինիստրի 1919 թի յուլիսի 18-ի N 12492 գրութիւնը, Հայոց Ազգային Խորհուրդը միաձայն ընդունեց հետևյալ որոշումը:

Հայոց Ազգային Խորհուրդը գոյություն ունեցող օրենսդրության սահմաններում իրաւունք ունի իր հայեցողութեամբ տնօրէնելու իր բոլոր աշխատանքները, որոնց թում նաև Խորհրդի ընտրութիւնները դեմոկրատական հիմունքներով: Այդ իրաւունքը նա ստացել է Ռուսական Մեծ Յեղափոխութիւնից անմիջապէս, որի փաստական հաստատութիւնը տուել է դեմոկրատական Վրաստանը: Մինչդէռ ներկայ քննութեան ենթակայ դրութիւնը կառավարութեան կողմից, բացայայտ կերպով խախտում է այդ իրաւունքը և միջամտում է ընտրութիւնների գործին ոչ թէ ձեւականօրէն, այլ ըստ էութեան: Դաշտային աշխատանքների վրայ մատնանշելը էական չէ այդ պատճառով, որ կառավարութիւնը Սահմանադիր Ժողովի և զեմստտեան ընտրութիւններ է կայացնում օգօստոս ամսին, այսինքն նոյն այդ դաշտային աշխատանքների ամենաեռուն ժամանակ:

Ազգային Խորհուրդը ամուր կանգնելով աւելի կատարեալ և դեմոկրատական ընտրութիւնների հողի վրայ, որոնց պէտք է մասնակցեն քաղաքային և գիւղական դեմոկրատիայի աւելի լայն խաւեր, յայտնում է, որ ընտրութիւններին, նրանց շրջանակին ու ժամանակին վերաբերեալ հարցերը ներքին հարցեր են, եթէ միայն չեն խանգարում գոյություն ունեցող օրենսդրական նորմաներին: Ընտրութիւնները յետաձգելու համար կառավարութեան դաշտային պարապմունքների վրայ յենելը անկասկած նշան է Ազգային Խորհրդի ներքին գործերի, ինչպէս նաև ընտրութիւնների գործի մէջ խառնուելուն՝ ըստ դրանց էութեան և հետևապէս, դրանով ոտնահարում են նրա հիմնական իրաւունքները, մի բան, որ անթոյլատրելի է դեմոկրատական երկրում:

Դաշտային աշխատանքների վրայ մատնանշելու այդ երևոյթը առանձնապէս աչքի է ընկնում մանաւանդ նրանով, որ ներքին գործերի մինիստրութեան ընտրութիւնների վերաբերութեամբ եղած դիմումը ստացւեց Ազգային Խորհրդի պրեզիդիում միայն այսօր, այսինքն ընտրութիւններից երկու օր առաջ, մինչդեռ ընտրութիւնների ժամանակը յայտնի էր կառավարութեան դեռևս ամիս ու կէս սրանից առաջ: Նրան նոյնպէս չէր կարող յայտնի չլինել, որ դաշտային աշխատանքները կատարում են յուլիս և օգոստոս ամիսների ընթացքում:

Կառավարութիւնը ոչ միայն իրեն է վերապահել Ազգային Խորհրդի ընտրութիւնները յետաձգելու իրաւունքը, այլ և այդ կարգադրութիւնը դրել է Ազգային Խորհրդին արհամարհող ու վիրատրոդ պայմանների մէջ, Ազգային Խորհուրդը, որ Վրաստանի սահմաններում ապրող հայ ժողովրդի ամբողջ կուլտուրական կեանքն է ղեկավարում:

Այսպէս կառավարութիւնը նոյնիսկ նեղութիւն չէ քաշել ստուգելու Ազգային Խորհրդում իր ստացած տեղեկութիւնները և առհասարակ բանակցելու նրա հետ, այլ կարգադրել է ընտրութիւնները յետաձգել իր կոմիսարների միջոցով, անցնելով այդպիսով Ազգային Խորհրդի իրաւանց սահմաններից:

Այս բոլորից պարզ է, որ կառավարութիւնն իր ղեկըտով ոտնահարել է Ազգային Խորհրդի հիմնական իրաւունքները, իւրացրել է ներքին կարգադրութիւններին և ընտրութիւններին ըստ էութեան միջամտելու գոյութիւն չունեցող իրաւունքը, հակառակ գոյութիւն ունեցող և գործող օրէնսդրութեան ձևի ու էութեան և, որ այդ ամենը մի անմիջական նպատակ են ունեցել՝ խափանել ընտրութիւնները:

Արձանագրելով այս ամենը, Ազգային Խորհուրդը միաձայն բողոքում է կառավարութեան այդ ակտի դէմ, համարե-

լով այն հակաօրինական և Ազգային Խորհրդի հիմնական և անկապտելի իրաունքները բացորոշ կերպով խախտող և ըստ էության ջետաձգելով ընտրութիւնները, ստիպւած է ենթարկւելու կոպիտ ոյժին:

Դրա հետ միասին Ազգային Խորհուրդը յայտարարում է, որ յետագայում էլ յենւելով իր աներկբայելի իրաունքների վրայ, գոյութիւն ունեցող օրէնսդրութեան սահմաններում պիտի որոշի իր ամբողջ գործունէութեան ծաւալը, բնոյթն ու ուղղութիւնը, ինչպէս և ընտրութիւնների նշանակումն ու ժամանակամիջոցը:

Հայոց Ազգ. Խորհրդի նախագահ՝ Բ. Թոփչեան
Գործադիր կոմիտէի նախագահ՝ Ա. Երզնկեան
Քարտուղարի փոխ. Ա. Յովհաննիսեան

Տե՛ս Վիրահայ Ազգային Խորհրդի 1919թ. յուլիսի 18-ի որոշումը // Գործաւոր, 28 հուլիսի 1919, N 18:

N 107

«Գործավոր» պարբերականի մեկնաբանությունը՝ Վրաստանի ՀԱԽ-ի համաժողովրդական ընտրությունները արգելելու պատճառների մասին

Վիրահայ Ազգային Խորհրդի ընտրութիւնները <...> վրաց դեմոկրատիք հանրապետութեան կառավարութեան կարգադրութեամբ «յետաձգւած» են անորոշ ժամանակով: <...>

Կառավարութեան պատճառաբանութիւնը ոչ մի քննադատութեան չէ դիմանում, քանի որ նա բացարձակ կամայականութիւն և քնահաճոյք է: Այդ կարգադրութեան բուն պատճառը և իսկական աստառը յայտնի են ամենքին: Սակայն մի բոպէ ենթադրենք, թէ կառավարութիւնն իւր «հպատակների» ան-

վթար և վսեմ շահերը ի նկատի առնելով, դիմել է այդ արտա-
ռոց քայլին: Մի՞թե նա չպետք է իմանար, այդ դեպքում, որ
ընտրությունները կատարելու են ամառային աշխատանքնե-
րի ժամանակ, քանի որ մօտ երկու ամիս է, որ արծարծւած և
վճուած է Ազգ. Խորհրդի ընտրությունների հարցը, հետևաբար
և այդ կառավարությունը առաջուց կաներ իւր դիտողությունը:
Սակայն այդ դիտողությունն անելու իսկ նա իրաւունք չպիտի
համարի իրեն, եթէ որ նա իսկապէս դեմոկրատիք հանրապե-
տական կառավարութիւն է, եթէ նա թոյլ է տալիս ամեն մի ժո-
ղովրդի ազատօրէն վարելու իւր ներքին, կուլտուրական գոր-
ծերը: Գիւղական աշխատանքները ամենաչնչին չափով հազիւ
կարող են արգելք հանդիսանալ ընտրություններին, քանի որ
վերջիններս կատարելու են կիրակի օրերը, երբ գիւղացիք ա-
զատ են լինում դաշտային պարապմունքներից: Զարմանալի
այն է, որ նոյն այս ժամանակները Վրաստանի սահմաններում
կատարում են գեմստօի և այլ ընտրությունները, ու դաշ-
տային աշխատանքները արգելք չեն հանդիսանում նրանց
խաղաղ ընթանալուն և յաջողութեան, բայց մի չարաբաստիկ
դիպուածով խոչընդոտ են Վիրահայ Ազգ. Խորհրդի ընտրու-
թիւններին: <...>

Պարզ բան է, որ այս բոլորը մի, ինչպէս ասացինք, բացար-
ձակ կամայականութիւնն է, և կառավարութեան մեջ բերած
փաստերը ոչ թէ պատճառաբանութիւններ են, այլ փառաւոր
պատրուակներ... Իսկական պատճառը N 3 չարաբաստիկ
ցուցակի հաւանական անյաջողութիւնն էր, որ եկաւ քար ձգե-
լու Վրաստանի հայ ժողովրդի գէթ այս անգամ իրագործելիք
ընտրական գործին, և մենք համոզուած ու հաւատացած ենք,
քար գցեց ընդմիջտ: Այդ ընտրությունները տեղի չեն ունենալ
այլ ևս <...> նոյնքան անհիմն և կամայական է երկրորդ փաս-

տաբանութիւնը հպատակութեան խնդրի յարուցումը: Վիրահայ Ազգային Խորհուրդը պէտք է լինի մի կուլտուրական, ժողովրդական օրգան, գուրկ քաղաքական ձգտումներից և միտումներից, բոլոր այն հայերը, որոնք ապրում են ժամանակաւորապէս կամ մշտապէս Վրաստանի սահմաններում, նրանք իրաւունք ունեն մասնակցեցնու այն կուլտուրական բնոյթ կրող գործուղութիւններին, որոնք կատարում են իրենց շահերի համար, կամ նրանց շահերն ու ձգտումները ընդգրկում են: Հին ռեժիմի օրով իսկ ոչ ոք չէր հարցնում պարսկահայ, ռուսահայ, տաճկահայ, բոլորն էլ ազատօրէն կարող էին մեր դպրոցական, հասարակական, ազգային ու բարեգործական օրգաններում ընտրուել, ընտրել, պաշտօնավարել և ակտիվ մասնակցութիւն ունենալ <...>:

Կառավարութեան պատճառաբանութեան երրորդ կէտը՝ Բորչալուի և Ախալքալաքի խնդիրն է <...>: Նախ և առաջ Վիր. Ազգ. Խորհուրդն արդէն յայտնել էր, որ այդ գաւառներում լրացուցիչ ընտրութիւններ կըլինեն անպատճառ, եթէ սկզբում չեն նախատեսուել, այդ կատարուել է տեխնիքական անյարմարութիւնների պատճառով: <...>

Ամեն պարագայի տակ, Վիրահայ Ազգ. Խորհրդի ընտրութիւնների վիժումը մի զգալի հարւած է մեր ժողովրդի կուլտուրական և հասարակական գործերի համար <...>: Ներկայ Ազգ. Խորհուրդը հեղինակութիւն չունի, արհեստականօրէն ստեղծուած մի օրգան է, գուցէ չարիքներից փոքրագոյնը: Այժմեանից իսկ դրում է նրա ապագայի խնդիրը: Մեր կարծիքով միջև քաղաքական հորիզոնի պարզելը, Վիրահայ Ազգ. Խորհուրդը պէտք է նոյն եղանակով, ինչ եղանակով աշխարհ եկաւ նա, վերակազմութեան, վերափոխութեան կամ, աւելի ճիշտ բարեփոխութեան ենթարկուի նա:

Պետք է, ժամանակաւորապէս նրա մէջ հրաւիրել մեր կէ-
անքում գոյութիւն ունեցող այլ հոսանքների ներկայացոցիչ-
ներ, որոնք նոյնքան իրաւունք ունեն այնտեղ բազմելու և գոր-
ծելու որպէս և միւսները, որոնք մի տեսակ դիկտատուրա են
հռչակել ազգային գործերում <...>:

Տե՛ս Վիրահայ Ազգային Խորհրդի ընտրութիւնների

«յետաձգումը» //

Գործաւոր, 28 հուլիսի 1919, N 18:

N 108

**Լրագրային հաղորդում՝ Վրաստանի ՀԱԽ-ի
համաժողովրդական ընտրութիւնների արգելման
պատճառով առաջացած վիրահայ հանրութեան բողոքների
մասին**

Ախալցխա, 21 յուլիսի. – Ընտրական աշխատանքները ըն-
թանում էին շատ կանոնաւոր. ժողովուրդը ցոյց էր տալիս մեծ
հետաքրքրութիւն: Բոլորովին անսպասելի յետաձգման լուրը
շեշտակի կերպով տարածեց ժողովրդի մէջ և մեծ յուզմունք
առաջ բերեց:

Հասարակութիւնը հաւաքւելով մի մեծ սրահի մէջ և լսելով
կառավարութեան անհիմն պատճառաբանութիւնները, իր
բուն բողոքն է ուղարկում կատարւած ակտի դէմ:

Մ. Յակովբեան

Յարսկիէ Կոլտոցի, 21 յուլիսի. – Ընտրութիւնների յետաձ-
գումն ճնշող ազդեցութիւն թողեց ձայն տրուողների վրայ: Հա-
մար չորսի յաջողութիւնը ապահովւած էր:

Ընտրական յանձնաժողովի նախագահ՝ Երւանդ վարդ[ապետ]

Թեւաւ, 22 յուլիսի. – Հայ հասարակութիւնը լսելով կառավարութեան ակտը, իր բուռն բողոքն է յայտնում, և պահանջում է Ազգային Խորհրդից միջոցներ ձեռք առնել իր ոտնահարած իրաւունքները վերականգնելու:

Ի դիմաց ժողովի՝ Սեդրակ Սուքիասեան

Գորի, 22 յուլիսի. – Կառավարութեան միջամտութիւնը Հայոց Ազգային Խորհրդի գործերի մէջ, մեծ յուզմունք առաջ բերեց հասարակական լայն խաւերում:

Յետաձգման ակտը, որ ուղղւած է դաշնակցութեան դէմ, որը տանելու էր փայլուն յաղթանակ, հայ աշխատաւորութիւնը հանդուրժել չի կարող:

Մի խումբ Դաշնակց[ական] ընկերներ

Նամակ Ուրիաթուբանից (Թեւաւի գաւառ)

Տեղիս սոցիալ-դեմոկրատների միջնորդութիւնը Ազգային Խորհրդի ընտրութիւնների յետաձգման առթիւ այնքան էր մեզ համար անսպասելի, որ միանգամայն ապշեցրեց: Դաշտային աշխատանքները երբէք չպէտք է խանգարէին ընտրութիւններին: Մենք միանգամայն բողոքում ենք մեզ տեղացի գիւղացիների անունը շահագործող մի քանի մարդկանց դէմ իրենց կուսակցական շահերի նպատակով: <...> Վանօ Գրիգորեան

Վելիսցիխէ, 24 յուլիսի. – Յուլիսի 24-ն Վելիսցիխէում տեղի ունեցաւ կուսակցական բազմամարդ ժողով: Ժողովին արտայայտեցին Գարեգին Տէր-Ստեփանեանը, [Գ.] Տէր-Յարութիւնեանը և Մնացականեանը: Առաջին հերթին ժողովը իր բուռն բողոքն ու գայրոյթն արտայայտեց կառավարութեան

Հայոց Ազգային Խորհրդի ընտրությունները յետաձգելու ապօրինի և բռնի քայլի դեմ <...>:

Վելիսց[իխեի] կոմիտ[եի] նախագ[ահ]՝ Օհանեան

Վելիսցիխե, 25 յուլիսի. - Այցելեցի Կախեթիայի շատ գիւղեր. ամենուրեք համատարած գայրոյթ է իշխում կառավարութեան Հայոց Ազգ. Խորհրդի ընտրությունները յետաձգելու առթիւ:

Չորրորդ N-ի յաջողությունն ամեն տեղ ապահոված էր:

Գարեգին Տէր-Ստեփանեան

Տե՛ս Բողոքներ Վրաստանի Հայոց Ազգային
Խորհրդի ընտրությունների յետաձգման առթիւ //
Նոր Աշխատատւր, 24 հուլիսի, N 147 և
1 օգոստոսի 1919, N 153:

N 109

Լրատվություն՝ ՀԱԽ-ի 1919 թ. օգոստոսի 1-ի նիստի մասին

Վրաստանի Հայոց Ազգային խորհրդի օգոստոսի 1-ի նիստում որոշ փոփոխություններից յետոյ ընդունուեց դպրոցական Կանոնադրութիւնը և յանձնարարուեց դպրոցական յանձնաժողովին վերջնական խմբագրութեան ենթարկել կանոնադրութիւնը: Երկար վիճաբանությունների տեղիք տուեց Վրաստանի սոց.-դեմոկրատների Խորհրդի կազմի մէջ մտնելու դիմումը:

Այդ առթիւ դաշնակցականները այն կարծիքի էին, որ պէտք է վերակազմութեան ենթարկել Խորհուրդը և վերացնել պարիտետի սկզբունքը, իսկ Հայ Ժողովրդական Կուսակցութեան ֆրակցիան առաջարկում էր թողնել նոյն կազմը նոյն

ձևով, որովհետև համաձայնությունը կայացել է միմիայն մինչև այժմ խորհրդի կազմի մեջ գործող կուսակցությունների միջև: Սոց.-յեղափոխականների և սոց.-դեմոկրատները ևս պաշտպանում են պարիտետի սկզբունքը, և կողմնակից են նոր կուսակցությունների մուտք գործելուն: Վերջում որոշեց այդ խնդիրը յետաձգել մի ուրիշ նիստի:

Տե՛ս Տեղական կեանք //
Ժողովրդի Ձայն, 5 օգոստոսի 1919, N 164:

N 110

Լրատվություն՝ ՀԱԽ-ի 1919 թ. օգոստոսի 1-ի նիստի մասին

Նախագահում է ընկ. Բ. Թովչեան: Օրակարգի խնդիրներն են. 1) Դպրոցական կանոնադրության հաստատումը, 2) Խորհրդի վերակազմությունը և 3) Վրաստանի սոց.-դեմ. կուսակցության հայկական հատուածի, հնչակեանների և կադետների դիմումը Խորհրդի կազմի մեջ մտնելու մասին:

Կէտ առ կէտ ընթերցումով որոշ ուղղումներից յետոյ հաստատում է դպրոցական յանձնաժողովի մշակած դպրոցական կանոնադրությունը, որն ըստ էության քննել էր նախօրօք նիստին: Վերջում յանձնարարեց նոյն յանձնաժողովին վերջնական խմբագրության ենթարկել կանոնադրությունը:

Այնուհետև նախագահը յայտնում է, որ Վրաստանի սոց.-դեմոկրատների կենտրոնական կոմիտէն դիմել է խորհրդին, խնդրելով իրենց հայկական հատուածին ևս տեղ յատկացնել պարիտետի հիման վրայ¹¹⁶, դիմումի պատճէնն արդէն ուղարկած է ֆրակցիաներին: Աւագների խորհրդում քննել է

¹¹⁶ Դիմումի բովանդակությունը տե՛ս ՀԱԱ, ֆ. 441, ց. 1, գ. 61, թ. 20:

այդ խնդիրը. դիմումին կողմնակից են եղել սոց.-դեմոկրատներին և սոց.-յեղափոխականների ներկայացուցիչները, իսկ դաշնակցական ֆրակցիայի ներկայացուցիչները սկզբունքով չառարկելով, առաջարկել են վերակազմել Խորհրդի կազմը: Հայ Ժողովրդական կուսակցութեան ներկայացուցիչները առաջարկել են թողնել նոյն կազմը նոյն ձևով մինչև ընտրութիւնները: Բացի այս՝ հնչակեանների գրաւոր, իսկ կաղէտական կուսակցութեան նախագահը բանաւոր արել են նոյն պահանջները: Խորհրդի վերակազմութեան հարցը դնելով՝ նախագահը հարկ է համարում զեկուցել, որ գործադիր մարմնի համար ստեղծել է անորոշ դրութիւն և օրգանական աշխատանք կատարելու հնարաւորութիւն չունի շնորհիւ նրա, որ Խորհուրդն էլ գտնուում է անորոշ դրութեան մէջ:

Ս. Փիրումեան (ս.-դ.) առաջարկում է հնչակեանների և միւսների խնդիրը յետս ձգել, իսկ այսօր զբաղւել միայն Վրաստանի սոց.-դեմոկրատներին խորհրդի կազմի մէջ ընդգրկելու խնդրով:

Նախագահ. – Նախ քան այդ խնդրին անցնելը՝ պիտի սկզբունքորէն որոշել Խորհրդի վերակազմութեան խնդիրը:

Մի փոքր մտքերի փոխանակութիւնից յետոյ, որոշում է զբաղւել Խորհրդի վերակազմութեան խնդրով:

Բ. Թովչեան հիմնաւորում է այն միտքը, որ պարիտետի սկզբունքի վրայ գործող Ազգային Խորհուրդը մի տարուց աւելի գործունէութեան ընթացքում կատարել է անբաւարար գործ շնորհիւ ուժերի աննորմալ փոխ-յարաբերութեան, ուստի պիտի Խորհուրդը վերակազմել ուժերի փոխհարաբերութեամբ և ոչ թէ պարիտետի սկզբունքով և իր ֆրակցիան, – ասում է նա, – այն կարծիքի է, որ հայ կեանքում իրական ուժեր ցուցանող ու իրականութիւնից դուրս եկած ուժերի մասնակցութեամբ

խորհուրդը կը լինի աւելի կենսունակ, քան եղել է: Այժմեան Ազգային Խորհուրդը դրած էր մրցման մէջ, որը չէր կարող չանդրադառնալ գործերի վրայ: Ազգային Խորհուրդը մի մարմին է, որ կարգադրելու է կուլտուրական աշխատանքներ, որի համար անհրաժեշտ է բոլոր գործօն ուժերի՝ կուսակցութիւնների մասնակցութիւնը այն չափով, որ չափով նրանք բղխում ու արտայայտիչ են հանդիսանում հայ իրականութեան, ուստի մենք իրատուք չունենք բաւականանալ միայն չորս կուսակցութեան ներկայացուցիչներով, այլ և դրական իմաստով լուծում պիտի ստանան բոլոր կուսակցական դիմումները, եթէ նրանք մեր իրականութիւնից են բղխում, բայց երբէք չպիտի Խորհրդի կազմին միացնել հայ իրականութեան համար խորթ ուժերը. այս պատճառով Ազգային Խորհուրդը անընդունակ կը լինի աշխատանք կատարել, ուստի պիտի ընդունել այն հիմնական դրութիւնները, որ մենք դնում ենք Ազգային Խորհրդի վերակազմութեան մէջ:

Ա. Երզնկեան (ս.դ.) այն կարծիքի է, որ մինչև ընտրութիւնները պիտի Խորհրդի կազմը թողնել նոյն պարիտետի սկզբունքի վրայ: Ներկայ կազմը ընդունելիս հիմնական նպատակը եղել է այն, որ մասնակցեն այն կուսակցութիւնները, որ կան հայ իրականութեան մէջ: Առարկելով նախորդ ճառախոսին՝ նա այն միտքն է յայտնում թէ կրիտերիում չկայ, որի հիման վրայ էլ տեղերը կարելի կը լինի բաժանել կուսակցութիւնների մէջ: Քանի որ դեռևս ընտրութիւններ չկան, ուստի պիտի հիմնել միայն կուսակցութիւնների համաձայնութեան վրայ: Նա ևս գտնում է, որ պարիտետի սկզբունքը դանդաղեցնում է Խորհրդի աշխատանքները: Վերջում նա եզրակացնում է, որ Խորհուրդը պէտք է շարունակել այն ձևով, ինչ ձևով եղել է մինչև այժմ: «Իմ կուսակցութիւնը, – ասում է նա, – երբէք չի

համաձայնիլ, որ երբ ժողովրդական թւէ չկայ, իր տեղերը զիջի մի ուրիշ կուսակցութեան. դա կը նշանակի քաղաքական ինքնասպանութիւն գործել»:

Ա. Մխիթարեան (ժողովրդական) գտնում է, որ եթէ Դաշնակցութիւնը մի տարի առաջ համաձայնել է պարիտէտի սկզբունքին, այժմ նրա խախտումը կարող է տարաձայնութիւններ առաջ բերել: Եթէ Դաշնակցութիւնը առաջ զիջում է արել, այժմ այդ զիջումը պարտաւորական է նրա համար: Խորհուրդը պարիտէտ կազմով էլ պիտի մնայ. եթէ կային ուրիշ կուսակցութիւններ՝ սկզբից պիտի մտնէին, որովհետև համաձայնութիւնը կայացել է չորս կուսակցութիւնների միջև, ուստի նրանք էլ պիտի մնան մինչև վերջը, մինչև ընտրութիւնները, այլ էլքը կը կործանի Ազգային Խորհուրդը:

Սոց. – յեղ. կուսակցութեան ֆրակցիայի կողմից [Բ.] Տէր-Ներսիսեան առաջարկում է թողնել Խորհրդի ներկայ կազմն անփոփոխ, որի մէջ նորից կարող են մտնել բոլոր այն կուսակցութիւնները, որոնք գործում են հայ իրականութեան մէջ:

Բ. Թովփեան յայտարարում է, որ Դաշնակցութիւնը առաջ համաձայնութիւն է կայացրել գործի տեսակէտից, որովհետև անցողակի շրջան էր, նախկին Ազգային Խորհուրդը հեռացել էր, պիտի նրան փոխարինէր ուրիշը: Այժմ, եթէ մենք գործ կատարելու համար ենք եկել այստեղ, պէտք է երևան բերենք մեր ռէալ ոյժերը. պարիտէտը չի լինի այն էլքը, որի համար աշխատում ենք: Համաձայնութիւնը կայացել է չորս կուսակցութիւնների միջև որոշ ժամանակով: Պարիտէտը լաւ բան է նրա համար, ով չի ուզում գործ անել, այլ կամենում է ցուցադրել, որ իրենք էլ ուժ ունեն:

Ղ. Տէր-Ղազարեան առաջարկում է խնդրի վերջնական քննութիւնը յանձնել կուսակցութիւններին՝ համաձայնութեան գալու համար, և վիճաբանութիւնները դադարեցնել:

Մ. Մխիթարեան կրկնելով իր վերև բերած պատճառաբանութիւնները և իր ֆրակցիայի առաջարկը դաշնակցական ֆրակցիային՝ ասում է. «Դուք այս կազմով համաձայնել էք մի տարի առաջ, դուք վեքսել էք տւել»:

Բ. Թոփչեան. – պ. Մխիթարեան, մեր տւած վեքսելը бессрочный չէ, այլ срочный:

Ղ. Տէր-Ղազարեանի առաջարկներին միանում է Ա. Երզնկեան, դէմ է սոց.-դեմոկրատների ֆրակցիան, որի հետևանքով առաջարկը վերացւած է համարւում: Բ. Թոփչեանը առաջարկում է նիստը փակել: Ա. Զոհրաբեան առաջարկում է բանաձև, որ Հայոց Ազգային Խորհուրդը թողնելով հին կազմը՝ անցնում է հերթական խնդիրներին: Դաշնակցական և ժողովրդական կուսակցութեան ֆրակցիաները դէմ են առաջարկութեան. առաջարկը վերացւում է:

Նախագահը հիմնւելով նակագի վրայ, առաջարկում է նիստը փակել:

[Ա.] Իւանեան (ս.-դ.) առաջարկում է վերակազմութեան խնդիրը թողնել առկախ և անցնել օրակարգի միւս խնդիրներին:

Նախագահը յայտարարում է 10 ր. ընդմիջում:

Նիստը վերսկսւելով Ա. Միանսարեանն դաշնակցական և Ա. Մխիթարեանը հայ ժողովրդական կուսակց. ֆրակցիաների կողմից՝ առաջարկում են խնդրի քննութիւնը յետաձգել մի ուրիշ նիստին:

Առաջարկն ընդունւում է և 10 ու կէս ժամին փակւում է նիստը:

Տե՛ս Վրաստանի Հայոց Ազգային Խորհուրդ //
Նոր Աշխատավոր, 5 օգոստոսի 1919, N 156:

N 111

**Հաղորդագրություն՝ Բորչալուի գավառի հայ
ազգաբնակչությանը՝ Վրաստանի ՀԱԽ-ի միջոցներից
հասկացրած պարենային օժանդակության մասին**

Աղբուլաղի շրջանի հայ գիւղերի ազգաբնակութեանը Վի-
րահայ Ազգային Խորհրդի կողմից ուղարկւած ալիւրների բա-
ժանումն արդէն վերջացել է: Ալիւր բաժանւած են հետևեալ
գիւղերում. - Դաղէթում, Մամշիլդայում, Վախունայում, Մամ-
զիէթում և վերջապէս Աղբուլաղում բնակւող տեղացի հայե-
րին:

Տե՛ս Տեղեկութիւններ Աղբուլաղի շրջանից //
Նոր Աշխատավոր, 5 օգոստոսի 1919, N 156:

N 112

**ՀՅԴ-ի Վրաստանի ճյուղի «Ռայոնական ժողովի» բանաձևը
(1919 թ., 7 օգոստոսի)՝ ՀԱԽ-ի համաժողովրդական
ընտրությունների արգելման կապակցությամբ**

Հ. Յեղ. Դաշնակցութեան Վրաստանի 3-րդ Ռայոնական
ժողովը, քննութեան առնելով կառավարութեան կողմից
Վրաստանի Հայոց Ազգային Խորհրդի ընտրութիւնները արգե-
լող կարգադրութիւնը և անկապտելի համարելով իւրաքան-
չիւր, մանաւանդ դեմոկրատական պետութեան սահմաննե-
րում ազգային փոքրամասնութիւնների իրենց ներքին ազ-
գային-կուլտուրական կեանքի լիակատար ինքնօրէն տնօրե-
նութեան իրաւունքը, իր բուռն բողոքն է արտայայտում կառա-
վարութեան այդ ապօրինի քայլի, որպէս բռնութեան ու կամա-
յականութեան մի ակտի դէմ, ուղղւած հայ դեմոկրատիայի

նւիրական իրաւունքների ոտնահարման: Ռայոնական ժողովը լիայոյս է, որ հայ յեղափոխական դեմոկրատիան կարող կը լինի պատուաւոր կերպով պաշտպանելու իր անբռնադատելի իրաւունքները ամեն տեսակի քմահաճ ու անտեղի միջամտութիւններից:

Տե՛ս Ն. Յ. Դաշնակցութիւն. Վրաստանի III ռայոնական ժողով //Նոր Աշխատաւոր, 10 օգոստոսի 1919, N 161:

N 113

Լրատվություն՝ Վրաստանի ՀԱԽ-ի 1919 թ. օգոստոսի 8-ի նիստի մասին

Նիստը բացւեց երեկ. ժամը 7 և կէսին Ներսիսեան դպրոցի դիւանատանը: Նախագահում էր Բ. Թովչեան:

Նախորդ նիստի արձանագրութիւնները հաստատելուց յետոյ նախագահը յայտնում է, որ խորհրդի ընտրութիւնների յետաձգման պատճառով գործադիր մարմնի համար ստեղծւել է ծանր կացութիւն բիջէտի խնդրի վերաբերմամբ. ինչպէս յայտնի է, խորհուրդը հաստատել է բիջէ մի ասւայ համար, որի ժամանակամիջոցն անցել է արդէն, ուստի կարևոր է օգոստոս ամսւայ համար հաստատել նոր բիջէ, իսկ մինչ այդ թոյլ տալ օգտագործել նախկին բիջէի յօդւածները: Այս կարծիքի է նաև Ա. Միանսարեանը: Ժողովը ընդունում է նախագահի առաջարկը:

Ապա Թելուի հայկական գիմնագիայի պահպանութեան մասին նախահաշիւ է ներկայացնում դպրոցական մասի վարիչ Ե. Տէր-Մինասյանը, ըստ որի առաջիկայ ուսումնական տարում գիմնագիայի պահպանութեան համար ծախս պահանջուում է 262700 ռ. <...>

Իս. Յարութիւնեան առաջարկում է նման խնդիրները մինչև խորհրդի ընտրութիւնները՝ յանձնեն դպրոցական յանձնաժողովի քննութեան:

Ազգային Խորհուրդը հաստատում է նախահաշիվը և յատկացնում պահանջուած գումարը: Ապա ընդունում է Իս. Յարութիւնեանի առաջարկը:

Այնուհետև նախագահը յայտնում է, որ քննելու է օրակարգի երրորդ կետը. այն է՝ Ազգային Խորհրդի վերակազմութիւնը: Այս առիթով նա յայտնում է, որ Վրաստանի սոց.-դեմոկրատների հայկական հատուածը, Հնչակեան կուսակց., կադէտները և առևտրա-արդիւնաբերականների խմբակցութիւնը պահանջել են տեղ պարիտետի սկզբունքով: Այդ խնդիրը քննելով աւագների խորհուրդը, որոշել է պարիտետի սկզբունքը վերացնել և խորհուրդը վերակազմել կուսակցութիւնների համաձայնութեամբ, որոշ թւափոխ յարաբերութեամբ: Աւագների խորհուրդում կայացել է մի համաձայնութիւն, ըստ որի վերակազմուած Ազգային Խորհրդի կազմի մէջ դաշնակցութիւնը ունենալու է 11 ներկայացուցիչ, ռուսաստանի սոց.-դեմոկրատներ, Հայ Ժողովրդական կուսակցութիւնը և սոցիալիստ յեղափոխականները 7-ական ներկայացուցիչ, հնչակեանները - 2, առևտրա-արդիւնաբերականները՝ 2, կադէտները՝ 1, իսկ Վրաստանի սոց.-դեմոկրատների մասին Խորհրդում եղել է երկու առաջարկ 5 կամ 7 տեղ, որի վերաբերմամբ աւագների խորհուրդը միաձայն որոշման չի եկել, ուստի այդ խնդիրը վերապահում է Ազգային Խորհրդին:

Ար. Երզնկեան յայտարարում է, որ եթէ որևէ կուսակցութիւն չհամաձայնի ավագների խորհրդի որոշմանը ենթարկել և հեռանայ, այն ժամանակ պէտք է թւերի նոր կոմբինացիա անել:

Խորհուրդը միաձայն ընդունում է աւագների խորհրդի որոշումը, առանձին քննութեան նիւթ դարձնելով Վրաստանի սոց.-դեմոկրատների խնդիրը: Այս խնդրի վերաբերմամբ որոշ համաձայնութեան չլինելու համար նախագահը յայտարարում է ընդմիջում:

Կէս ժամից աւելի տևող ընդմիջումից յետոյ վերսկսում է նիստը:

Նախագահը առաջարկում է Վրաստանի սոց.-դեմոկրատների հարցը վերացնել օրակարգի քննութիւնից և ֆրակցիաներից ընտրել 3-ական ներկայացուցիչ վերջնական համաձայնութեան գալու համար խորհրդակցելու: Առաջարկը ընդունւում է միաձայն:

Դաշնակցական ֆրակցիայի կողմից առաջարւում են՝ Բ. Թոփչեան, Ա. Միանսարեան և Գ. Տեր-Ստեփանեան, սոցիալիստ-յեղափոխականներից՝ Յակ. Յովհաննիսեան, Իս. Տեր-Ներսէսեան և [Ն.] Թարխանեան, հայ ժողովրդական կուսակցութիւնից՝ Ա. Մխիթարեան, Ե. Տեր-Մինասեան և Իս. Յարութիւնեան, սոց.-դեմոկրատներից՝ Ղ. Տեր-Ղազարեան, Ա. Երզնկեան և Ս. Փիրումեան:

Սպասածից աւելի վեճի առարկայ է լինում անցեալ տարի տաճիկ բարբարոսների կողմից Եկատերինենֆելդի մօտ սրախողխող արւած հայ զինուորների¹¹⁷ յիշատակին արձան կանգ-

¹¹⁷ Ղարաքիլիսայի ճակատամարտում 1918 թ. մայիսին մասնակից զորամասերից մեկը և նրան միացած փախստականները, շուրջ 800 մարդ, պարտադրված դեպի Թիֆլիս նահանջելով, Եկատերինենֆելդ (այժմ՝ Բոլնիսի) բնակավայրի մոտ օղակվեցին Բորչալուի թաթարական հրոսակախմբերով և այնուհետև տեղ հասած թուրքական կանոնավոր զորքերով: Զինամթերքը ամբողջությամբ ապառաժ հայ զինվորները չկարողացան երկար դիմագրավել թշնամում, մեծ մասամբ գերի ընկան և դաժանաբար կոտորվեցին:

նեցնելու խնդիրը, որը յարուցել է Եկատերինենֆելդի պաստորը:

Գործադիր մարմնի նախագահ Ա. Երզնկեան պաշտպանում է այն տեսակետը, որ արձան կանգնեցնելու խնդրին պիտի մի տեսական, տեղական բնոյթ տալ: Ելնելով այս տեսակետից, Գործադիր Մարմինը առաջարկել է պաստորին տեղում հայերից և գերմանացիներից կազմել մի մարմին արձանի գործը հոգալու համար, իսկ Խորհրդի կողմից խոստացել է աջակցութիւն գործի յաջողութեան համար:

Բ. Թոփչեան այն կարծիքի է, որ տաճիկների ձեռքով նահատակվածների յիշատակին արձան կանգնեցնելու գործը ամբողջապէս իր վրայ պէտք է վերցնի Ազգային Խորհուրդը:

Քւէարկւում են ընկ. Թոփչեանի և Ա. Երզնկեանի առաջարկները: 11 ձայնով 7-ի դէմ որոշւում է Եկատերինենֆելդում թաղած մեր հերոսների յիշատակին յուշարձան կանգնեցնել Ազգային խորհրդի կողմից, որի համար յանձնարարւեց Գործադիր Մարմնին կազմել նախահաշիւ:

Տե՛ս Վրաստանի Հայոց Ազգային Խորհուրդ //
Նոր Աշխատատւր, 12 օգոստոսի 1919, N 162:

N 114

«Բորբա» օրաթերթը՝ Վրաստանի ՀԱԽ-ի 1919 թ. օգոստոսի 8-ի նիստի մասին

Газета “Борьба” о заседании Армяноцсовета Грузии (8 августа 1919 г.)

На заседании совета от 8 августа под председательством Б.Топчяна в первую очередь обсуждался вопрос о содержании телавской армянской гимназии. Заведующий учебным отделом

Е. Тер-Минасян представил смету на содержание гимназии на предстоящий учебный год, по которой сумма расходов исчисляется в 262.700 рублей, а приход в 222.000 рублей; от совета требуется субсидия в размере 60.000 рублей. Плата за обучение в приготовительных классах доведено до 500-600 руб., а в высших 900-1000 рублей.

После прений национальный совет утверждает смету на содержание гимназии и ассигнует требуемую сумму. Затем председатель ставит на обсуждение вопрос о реорганизации национального совета. По этому поводу он сообщает, что армянская секция социал-демократической партии Грузии, инчакианская партия¹¹⁸, кадеты и группа торговопромышленников требует предоставления им мест в совете на началах паритетного представительства. Совет старшин национального совета обсуждал уже этот вопрос и решил паритетное начало упразднить и реорганизовать совет на началах взаимного соглашения партий. В совете старшин состоялось соглашение, по которому в реорганизованный совет войдут: от дашнакцютюна 11 представителей, от р.с.-д.р.п., армянской народной партии и социал-революционеров по 7 представителей, от инчакистов торговопромышленников по 2 представителя, от кадетов 1 представитель, а относительно армянской секции социал-демократической партии Грузии было два предложения, по одному предлагается предоставить ей 5 мест, а по другому – 7 мест. Вследствие этого разногласия совет старшин по этому вопросу не пришел к определенному заключению и разрешение его предоставляется на усмотрение пленума национального совета.

¹¹⁸ Իմա՝ Հնչակյան կուսակցություն:

Член совета А. Ерзнкян заявляет, что если какая-либо партия не согласится на постановление совета старшин и уйдет из совета, то встанет вопрос о числе соотношений партий в совете.

Совет единогласно принимает постановление совета старшин, причем число представителей армянской секции с[оциал]-д[емократической] п[артии] Грузии решено обсуждать особо.

После перерыва председатель предлагает снять с порядка дня вопрос и для окончательного его решения избрать по 3 представителя из каждой фракции.

Предложение принимается единогласно.

От дашнакцаканской фракции выбираются: Б. Топчян, А. Миансарян и Г. Тер-Степанян; от социал-революционеров: Акоп Ованнисян, Исаак Тер-Нерсесян и [Н.] Тарханян; от армянской народной партии: А. Мхитарян, Е. Тер-Минасян и Ис. Арутюнян; от социал демократов: К. Тер-Казарян, А. Ерзнкян и С. Пирумян¹¹⁹.

Տե՛ս Երմանակոմիտեի Գործառնական Կոմիտեի Գրասենյակի Գրքում
Բորբա, 13 օգոստոս 1919, Ն 180.

¹¹⁹ Փիրումյան (Պիրումով) Միսն (Միսնիկ), բուշուկ-կոմունիստ, Չեկայի գործակալ: Վարել է մի շարք ղեկավար պաշտոններ Բեռլինի, Փարիզի, Վարշավայի խորհրդային դիվանագիտական և արևտրական ներկայացուցչություններում: Ստալինյան բռնաճնշումների զոհերից է:

N 115

Լրատվություն՝ Վրաստանի նորացված ՀԱԽ-ի 1919 թ.
սեպտեմբերի 18-ի նիստի մասին

Նախագահությամբ ընկ. Բ. Թոփչեանի Ներսիսեան դպրոցի դիւանատանը <...> տեղի ունեցաւ վերակազմուած Վրաստանի Հայոց Ազգային Խորհրդի անդրանիկ նիստը հետևեալ կազմով.

Հ. Յեղ. Դաշնակցութիւնից. – Մ. Զարգարեան, Զ. Զօրեան, Բ. Թոփչեան, Տ. Յովհաննիսեան, [Ար. Դ.] Հոգիջանեան, Ան. Ղազազեան, Նիկ. Սատինեան, Ա. Միանսարեան, Յ. Նահապետեան, Յ. Տէր-Միրաքեան, Պ. Տէր-Պօղոսեան և Գ. Տէր-Ստեփանեան:

Ռուս. սոց.-դեմոկրատներից.– Ա. Զոհրաբեան, Սիմ. Փիրունեան, Ա. Երզնկեան, Ա. Իւանեան, Ղ. Տէր-Ղազարեան, Ս. Աբովեան, Հ. Աթոյեան և Մ. Դարբինեան:

Վրաստանի սոց.-դեմոկր. հայկ. հատուածից. – Բ. Մկրտումեան, Խ. Աւդալբէկեան, Մ. Վարդոյեան, Ս. Դանդուրեան, Տ. Սողոմոնեան, Ստ. Ղայթանջեան, Վ. Ռշտունի և Մ. Պալեան:

Սոց.-յեղափոխականներից. – Ա. Տէր-Գրիգորեան, Ան. Ստամբոլցեան, Ն. Թարխանեան, Ա. Մելքոնեան, Յակ. Յովհաննիսեան, Իս. Տէր-Ներսիսեան, Վ. Թուրազեան և Ա. Մարգարեան:

Հայ ժողովրդ. կուսակցութիւնից. – Ա. Մխիթարեան, Իս. Յարութիւնեան, Ե. Տէր-Մինասեան, Խ. Կանայեան, Լ. Խալաթեան, Ա. Աղաջանեան, Պ. Դոլուխանեան և Ս. Առաքելեան:

Հայ սեփականատերերի և առևտրա-արդիւնաբերողների կուսակցութիւնից. – Միք. Արամեան, Ի. Մայիլեան*, Յ. Մելլանեան և Կ. Խալաթեան:

Հնչակեան կուսակցութիւնից. – Լազօ, Ա. Բաբեան:

Կադէտներից. – Բ. Ամիրադեան և Ե. Խանդանեան:

Բաց անելով ժողովը ընկ. նախագահը մի քանի խօսքով բնորոշելով նրա պատկերն ու կատարելիք դերը, ասաց, որ որքան բազմակողմանի լինի Խորհրդի կազմը՝ այնքան արդիւնաւէտ կըլինի հայ աշխատատրութեան համար. թէև հնարաւոր չի եղել, որ խորհուրդը լինի ընտրովի, բայց այն վերակազմել է հայ իրականութեան մէջ գործող կուսակցութիւնների համաձայնութեամբ: Վերակազմաւծ Խորհրդի առաջ դրաւ են մի շարք հրատապ խնդիրներ, որոնց պէտք է լուծում տայ Ազգային Խորհուրդը անցնելով օրգանական աշխատանքների: Ապա նախագահը առաջարկեց նոր Գործադիր Մարմնի և Խորհրդի նախագահութեան ընտրութիւն կատարել, որպէսզի հնարաւոր լինի մի շարք կարևոր խնդիրների ընթացք տալ:

Մտքերի փոխանակութիւնից յետոյ որոշեց Գործադիր Մարմնի և Խորհրդի նախագահութեան ընտրութիւնները յետաձգել այսօր կայանալիք Խորհրդի նիստին, իսկ ուրբաթ օրը¹²⁰ գումարել աւագների խորհրդի նիստ օրակարգը մշակելու և ընտրելիք մարմինների մասին խորհրդակցելու համար: Ընտրուեց աւագների խորհուրդ, որի կազմի մէջ մտան - Բ.

* Խոսքը մեծահարուստ Եղիա Մայիլեանի (նաև՝ Բլյա Մայիլով) մասին է: Ժամանակին Դանիել և Հովհաննէս իր եղբայրների հետ նա հայտնի է եղել ազգօգուտ բոլորանվեր բարեգործությամբ: Մանրամասն տե՛ս Ջաքարյան Ա., Լևոն Լիսիցյանը Մայիլեան եղբայրների գիտատնտեսական արշավախմբի մասին// ՊԲՀ, 2001, N 1, էջ 277-285:

¹²⁰ Իմա՝ 1919 թ., 19 սեպտեմբերի:

Թովչեան, Ս. Փիրումեան, Իս. Յարութիւնեան, Տ. Սողոմոնեան, Յ.Սէլյանեան, Լազօ և Իս. Տեր-Ներսիսեան:

Ապա Խորհուրդը լսեց նախագահի համառօտ հաղորդագրութիւնը Ազգային Խորհրդի գործունէութեան մասին, որից երևաց, որ Խորհուրդը առաջին հերթին զբաղւել է դպրոցական խնդրով, ապա վրայ է հասել գաղթականների խնամատարութեան գործը, որի համար խորհուրդը լարել է իր բոլոր ոյժերը աշխատելով ցոյց տալ ամեն տեսակի օգնութիւն Վրաստանի սահմաններում ապաստանած գաղթականներին: Խորհուրդը իրեն յայտարարել է գերագոյն մարմին Վրաստանի սահմաններում եղած հայերի կրթական կուլտուրական խնդիրների վերաբերմամբ: Որովհետև Խորհուրդը զբաղւած է եղել խնամատարութեան գործով ու հանդէս եկել հայ-վրացական կոնֆլիկտին ու պաշտպան եղել հայ աշխատատրութեան այն ժամանակ, երբ նա օրէնքից դուրս էր յայտարարւած, ուստի և խորհրդի մնացած գործերը ունեցել են թերութիւններ: Մինչև օրս խորհուրդը չի կարողացել Սահմանադիր ժողովից ստանալ իր կոնստիտուցիան, որ հնարաւորութիւն ստանար պարտադիր տուրք սահմանել ապահովելու համար Խորհրդի ֆինանսական դրութիւնը: Խորհուրդը գաղթականների վրայ կատարած ծախսերը կարողացել է հոգալ Հայաստանի կառավարութիւնից ստացած գումարներով և գաղթականական մարմնի ունեցած գումարով: Այժմ Խորհրդի գումարները սպառուած են և պէտք է զբաղւել նոր միջոցներ ստեղծելու խնդրով: Խորհուրդը հանդէս է եկել և պէտք է հանդէս գայ ի պաշտպանութիւն հայ աշխատատրութեան:

Իր եզրակացութեան մէջ ընկ. Թովչեանը յայտնեց այն միտքը, թէ եթէ Խորհուրդը չշտապի, մեր դպրոցներից շատերը փակ կը մնան:

Խորհուրդը բաւականացաւ նախագահի համաձայն հարդարագրութեամբ և ցրեց երեկոյեան ժամը ութ ու կէսին:

Տե՛ս Վրաստանի Հայոց Ազգային Խորհուրդ //
Աշխատաւոր, 20 սեպտեմբերի 1919, N 196:

N 116

Լրատվություն՝ Վրաստանի նորացված ՀԱԽ-ի 1919 թ. սեպտեմբերի 18-ի նիստի մասին

Ամսոյս 18-ին երեկ. ժ. 7 և կէսին կայացաւ վերակազմուած Ազգ. խորհրդի անդրանիկ նիստը. նախագահում էր [հին] կազմի նախագահ Բ. Թոփչեանը, մասնակցում էին «պարիտետի» հիմունքներով հետևեալ կուսակցութիւնները.

- | | |
|------------------------------|---------------------------------------|
| 1. Հայկական սեկցիա 8 տեղ | 5. Դաշնակցութիւնը 12 “ ” |
| 2. Ռ. Ս. Դ. Բ. կուսակ. 8 “ “ | 6. Հայ Ժող. կուսակ. 8 “ ” |
| 3. Ս. Յեղափոխականներ 8 “ “ | 7. Արդիւնաբերողներ 4 “ ” |
| 4. Հնչ. սօց. -դեմ. 2 “ “ | 8. Ռուս կադէտներ ¹²¹ 2 “ ” |

<...>

Նորակազմ խորհուրդը լսեց միայն հին կազմի ինֆորմացիան և կազմեց աւագների խորհուրդ, թողնելով յաջորդ նիստին ընտրելու պրեզիդիում ու նոր գործադիր մարմին: Նիստը փակուած յայտարարեց ժամը 8 1/2 – ին:

Տե՛ս Վրաստանի Հայոց Ազգ. Խորհուրդ //
Բանվորի Չայն, 21 սեպտեմբերի 1919, N 2:

¹²¹ Խոսքը ռամկավար-սահմանադրական ռուսական «Ժողովրդական ազատության կուսակցության» հայազգի ներկայացուցիչների մասին է:

**«Աշխատավոր» լրագիրը՝ Վրաստանի ՀԱԽ-ի 1919 թ.
սեպտեմբերի 20-ի նիստի մասին**

Վրաստանի Հայոց Ազգային Խորհրդի նոր նստաշրջանի երկրորդ նիստը տեղի ունեցավ Թիֆլիսի քաղաքային դումայի դահլիճում երեկ[ոյան] ժամը 8-ին, նախագահությամբ ընկ. Բ. Թովչեանի, որը բանավով նիստը առաջարկեց յոտնկայս յարգել Ազգային խորհրդի անդամ և բժշկա-սանիտարական մասի վարիչ Կ. Ստեփանեանի յիշատակը, բնորոշելով նրան իբրև կարող ու եռանդուն գործչի: Խորհուրդը ոտքի է կանգնում:

Ապա նախագահը կարդում է հետևեալ օրակարգը.

1)Ազգային Խորհրդի նախագահության և գործադիր մարմնի կազմի խնդիրը, 2)Ախալքալաքի ժողովրդի օգնութեան գործի կազմակերպումը, 3)դպրոցական նախահաշիքնությունը, 5)Յովնանեան դպրոցի հոգաբարձության հարցը, 5)Ֆինանսների կազմակերպումը, 6)դպրոցական յանձնաժողովի հարցը և 7)Հոգևոր իշխանության և Հայոց Ազգային Խորհրդի փոխ-յարաբերության հարցը:

Օրակարգը նոյնությամբ հաստատվում է:

Առաջին խնդրի մասին զեկուցում է նախագահ Թովչեանը: Ձեկուցումից երևում է, որ աւագների խորհրդում հանդես են եկել երկու տրամադրություն. մեկ, որ Խորհուրդն ունենայ երկու նախագահ և երկու քարտուղար, իսկ գործադիր մարմնի կազմը թողնել նոյնը, միւսը՝ թէ Խորհրդի նախագահությունը թողնել նոյն կազմով, իսկ գործադիր մարմնի կազմը 4-ի փոխարէն դարձնել 5: Եղել է նաև առաջարկ, որ ամեն մի ֆրակցիան ունենայ իր ներկայացուցիչը: Գործադիր մարմնի կազմն

ընդարձակելու կողմնակիցները հիմնուում են այն բանի վրայ, որ կարող է դպրոցական գործն ընդարձակել և այլն: Յամենայն դեպս աւագների խորհրդում թե՛ կողմերի և թե՛ անւանական ցուցակների մասին դեռևս համաձայնութիւն չի կայացել և ստեղծել են չհամաձայնող կողմեր, ուստի այդ բոլոր խնդիրները պիտի որոշի ինքը՝ Խորհուրդը:

Իս. Յարութիւնեան առաջարկում է նախագահութեան ընտրութիւնը յետաձգել, գտնելով, որ առանց նախնական համաձայնութեան գալու հնարաւոր չէ կատարել նախագահութեան ընտրութիւնը և այդ խնդիրը յանձնել աւագների խորհրդի քննութեան:

Ս. Փիրումեան (ռ. ս. դեմ.) առաջարկում է ընտրութիւնները կատարել, որովհետև նոր խորհուրդը ունենալու է նոր նախագահութիւն: «Դաշնակցութիւնը, - ասում է նա, - առաջարկել է մի թեկնածու, որ մենք չենք ընդունի: Դաշնակցութեան և մեր միջև համաձայնութիւն երբէք չի լինի, ուստի պէտք է այժմ ընտրել Խորհրդի պրեզիդիում, իսկ գործադիր մարմնի ընտրութիւնը յետաձգել»:

Զ. Զօրյան գտնում է, որ էականը նախագահութեան ընտրութեան մէջ չէ, այլ այն, որ պէտք է կողմերի միջև համաձայնութիւն լինի, ուստի անհրաժեշտ է և նպատակահարմար, որ նախագահութեան ընտրութիւնը յետաձգիւ մի քանի օրով, բայց կողմերի համաձայնութեամբ:

Սոց.-յեղափ. ֆրակցիայի կողմից Իս. Տէր-Ներսիսեանը առաջարկում է, որ ընտրութիւնները կատարւեն նոյն նիստում: Վրաստանի սոցիալ-դեմոկրատների հայկական սեկցիայի կողմից [Ս.] Վարդոյեանը ասում է. «Ազգային Խորհուրդը երկու նիստ գումարեց, բայց ազգին ոչ մի օգուտ չըրեց, դրա համար էլ պիտի կատարել պրեզիդիումի ընտրութիւն»:

Նրանց առարկում է Գ. Տեր-Ստեփաննեան և անհեթեթ ու անհետևողական է համարում վերոյիշեալ ֆրակցիաների առաջարկութիւնները և անհրաժեշտ գտնում նախագահութեան ընտրութեան յետաձգումը:

Առաջարկները նախագահը դնում է քւէարկութեանը. 26 ձայնով 25-ի դէմ որոշում է նախագահութեան ընտրութիւնը յետաձգել մէկ շաբաթով:

Ս. Փիրումեան յայտարարում է, որ համաձայն պարլամենտական օրէնքների Բ. Թոփչեանի փոխարէն, մինչև նոր նախագահութեան ընտրութիւնը, նիստը պիտի նախագահի Խորհրդի անդամներից ամենաաւագը:

Զ. Զօրեան, Պ. Տեր-Պօղոսեան և Մ. Զարգարեան գտնում են, որ մինչև նորի ընտրութիւնը պէտք է հին նախագահութիւնը, ըստ ընդունւած սովորութեան, շարունակի իր գործերը:

Խորհուրդը ձայների մեծամասնութեամբ ընդունում է պ. Փիրումեանի առաջարկը: Այնուհետև նիստը նախագահում է Միք. Արամեան¹²² իբրև ամենաաւագը, իսկ իբրև ամենակրտսերը, քարտուղար է ընտրում Ս. Առաքելեանը:

Ա. Բաբեան և ուրիշներ առաջարկում են նիստը փակել և օրակարգի խնդիրների քննութիւնը յետաձգել յաջորդ նիստին, իսկ Բ. Թոփչեան պաշտպանում է այն միտքը, թէ Խորհուրդը պէտք է անյապաղ լուծում տայ այն խնդիրներին, որոնք դրւած են օրակարգի մէջ: Առաջին կարևոր խնդիրը Ախալքալաքին օգնութիւն հասցնելու գործն է, որ յետաձգման չի կարող սպասել, ապա դպրոցական խնդիրը, որ նոյնպէս շտապողական ու այժմեան խնդիր է: Կանգնելով գործնական տէսակէտի վրայ,

¹²² Արամյանց Միքայէլ Հովսէփի (****-1922), մեծահարուստ, բարերար:

ընկ. Թոփչեանը պնդում է, որ Խորհուրդը անմիջապես զբաղ-
ւելու է օրակարգի խնդիրներով:

Սոց.-դեմոկրատները կողմնակից են օրակարգի խնդիրնե-
րի քննութեան յետաձգման, նրանց միանում են ուրիշները ևս
և երեկ[ոյան] ժամը 9 և կէսին նախագահը յայտարարում է
նիստը փակւած:

Q.

Տե՛ս Վրաստանի Հայոց Ազգային Խորհուրդ //
Աշխատաւոր, 23 սեպտեմբերի 1919, N 198:

N 118

«Բանվորի Չայն» շաբաթաթերթը՝ Վրաստանի ՀԱԽ-ի 1919 թ. սեպտեմբերի 20-ի նիստի մասին

Ամսիս 20-ին, շաբաթ օրը, երեկոյեան ժամը 8-ին [Թիֆլի-
սի] Դումայի դահլիճում տեղի ունեցաւ վիրահայ Ազգ. Խորհ.
երկրորդ նիստը: Նախագահում էր Բ. Թոփչեանը:

Երկրորդ նիստի գլխաւոր հարցն էր նախագահութեան
ընտրութիւնը, որով Խորհուրդը հնար կունենար անցնելու
հերթական մի շարք անյետաձգելի խնդիրների լուծմանը,
որոնց մէջ առաջին տեղում կանգնած են Ախալքալաքի գաղ-
թականներին օգնելու և դպրոցական խնդիրը կարգաւորելու
հարցերը:

Նախագահի զեկուցումից պարզւեց, որ ֆրակցիաների մէջ
նախագահութիւն և գործադիր մարմինը կազմելու խնդրի
շուրջն աւագների խորհրդում համաձայնութիւն չի կայացել և
հարցի վերջնական լուծումը թողնւած է Խորհրդին: <...> Նա-
խագահութիւն կազմելու ձևի մասին երկու առաջարկ կայ:
<...> Ռ. Ս. Դ. Բ. կուսակցութիւնը, Վ. Ս. Դ. Բ. կուսակցութեան

Հայկական սեկցիան և Սոցիալիստ-Յեղափոխականները առաջարկում են հինգ անդամից կազմված նախագահություն, որի մեջ տեղ կունենան բոլոր գլխավոր ֆրակցիաները, իսկ Դաշնակցականներն կարծում են, որ չորս հոգուց պիտի կազմել նախագահությունը: <...> Առաջին երեք ֆրակցիաները միասին Ազգային Խորհրդի նախագահի համար ունեն մեկ առանձին թեկնածու, իսկ դաշնակցականներն ու Հայ Ժողովրդական կուսակցությունն էլ իրենց հերթին առանձին առանձին թեկնածուներ: <...>

Սոցիալիստական երեք ֆրակցիաների կողմից առաջարկ է լինում անմիջապես անցնել ընտրութեան, որովհետև ոչ մի յոյս չկայ համաձայնութեան գալու, իսկ առանց նախագահութեան Խորհուրդը չի կարող անցնել իր աշխատանքներին. դանդաղելը յանցանք է: Դաշնակցութեան և Հայ Ժողովրդական կուսակցութեան կողմից առաջարկ է լինում յետաձգել ընտրությունը և յանուն համերաշխութեան աշխատել համաձայնություն տալ: <...> Քսանվեց ձայնով ընդդեմ 25-ի որոշում է մի շաբաթ յետաձգել նախագահութեան ընտրությունը:

Ապա ընկեր Ս. Փիրումեանը առաջարկում է ժողովին շարունակել իր զբաղմունքները նոր նախագահով, որովհետև Բ. Թովիչեանը այս երեկոյ պատահական անձնատրություն է և Ազգ. Խորհրդի նոր կազմը մինչև նախագահութեան ընտրելն ըստ պարլամենտական սովորութեան իր աւագագոյն անդամին է հրաւիրելու նախագահութեան, իսկ կրտսեր անդամին էլ քարտուղարութեան: Այս առաջարկը բանական է գտնում Հայ ժողովրդական կուսակցությունն էլ, բացի դաշնակցութեան մի քանի հռետորներից, որոնք ճգնում են հակառակն ապացուցել: Քւեարկութեամբ անցնում է Ս. Փիրումեանի առաջարկը և նա-

խագահի տեղը բռնում է պ. [Մ.] Արամեանը, իսկ քարտուղարը՝ պ. Ս. Առաքելեանը:

Դաշնակցականներն առաջարկում են օրակարգի միւս խնդիրներին անցնել: Եւ այս այն ժամանակ, երբ նախագահութեան ընտրութեան յետաձգումով նրանք Ազգ.Խորհրդի պարապմունքների կանոնաւոր և շտապ աշխատելու հնարաւորութեան առաջ քար են ձգել:

Մոցիալիստական երեք ֆրակցիան ի նկատի ունենալով յետագայ խնդիրների յապաղականութիւնը համաձայնում են այս առաջարկին, բայց գտնում են, որ առաջ պիտի պարզել Ազգ.Խորհրդի ֆինանսական դրութիւնը, որովհետև յետագայ հարցերի բարեյաջող լուծումը կախուած է նիւթական միջոցներից: Հայ ժողովրդական կուսակցութիւնը գտնում է, որ այժմ և եթէ պիտի փակել այս նիստը, որովհետև մի շաբաթ հէնց նրա համար յետաձգւեց նախագահութեան ընտրութիւնը, որ կուսակցութիւնները համաձայնութեան գան ընտրութեան շուրջը և ապա նոր նախագահութեամբ կանոնաւոր աշխատանքի դիմեն:

Նախագահը նիստը փակւած յայտարարեց: <...>

Տե՛ս Վիրահայ Ազգային Խորհրդի երկրորդ նիստը //
Բանվորի Չայն, 28 սեպտեմբերի 1919, N 3:

**Լրագրային հաղորդում՝ ՀԱԽ-ի վերակազմավորման հարցում
Վրաստանի Սոցիալ-Դեմոկրատական Բանվորական
կուսակցության «հայկական սեկցիայի»¹²³ դիրքորոշման
մասին**

Չորեքշաբթի, ամսիս 24-ին տեղի ունեցավ Վ. Ս. Դ. Բ. Կուսակց. Հայկական Սեկցիայի հերթական ժողովը, ուր ի միջի այլ հարցերի քննության առնուց Վիրահայ Ազգ. Խորհրդի նախագահության և գործադիր մարմնի կազմության խնդիրը և պարզաբանուց այն տեսակետը, որ պաշտպանելու են մեր ներկայացուցիչները թե՛ սոցիալիստական կուսակցությունների ֆրակցիաների խորհրդակցության մեջ և թե՛ Ազգ. Խորհրդի ընդհանուր ժողովում: Մինչև այժմ կատարածի մասին ժողովին զեկուցում տուց ընկ. Տ. Սողոմոնեանը <...>: Մտքերի փոխանակումից յետոյ ընկեր Ս. Ղայթանջեանի և Վ. Ռշտունու¹²⁴

¹²³ Ընկալվելով որպես վրացական ազգային կուսակցություն՝ ՎՄԴԲԿ-ն, այնուամենայնիվ, բազմազգ էր: Նրա շրջանակներում գործում էր նաև «հայկական սեկցիա» (շուրջ 150 կուսակցական), որը ղեկավարն էր ՎՄԴԲԿ Կենտկոմի անդամ Մ. Կ. Վարդոյանը: Սեկցիան ուներ պարբերական՝ «Բանվորի Ձայն» շաբաթաթերթը: Առավելապես աչքի էր ընկնում սեկցիայի Աբխազիայի ճյուղը, որի անդամները (Խ. Ավդալբեգյան, Տ. Սողոմոնյան, Ե. Մինասյան, Վ. Ռշտունի և այլք) առաջնորդում էին նաև Սուխումի Հայոց շրջանային ազգային խորհուրդը:

¹²⁴ Ռշտունի Վահան Հարությունի (1894-1970), պատմագիտության դոկտոր, Հայկական ԽՍՀ ԳԱ թղթակից անդամ, պրոֆեսոր: Ավարտել է Էջմիածնի Գևորգյան ճեմարանը (1915), այնուհետև անցել է մանկավարժական գործունեության՝ սկզբում Թավրիզի, ապա՝ Ախալցխայի, Սուխումի և Թիֆլիսի հայկական դպրոցներում: 1918-ին ակտիվ մասնակցություն է ունեցել Ախալցխայի հայության ինքնապաշտպանության գործում: 1919թ.-ից բնակվել է Վաղարշապատում, այնուհետև Սուխումում: Ակտիվ մասնակցություն է ունեցել ինչպես Աբխազիայի հայ համայնքի կյանքում, այդպես էլ ՎՄԴԲԿ-ի «հայկական սեկցիայի» աշխատանքներում: Հաջողությամբ ավարտելով Թիֆլիսի պոլիտեխնիկական ինստիտուտի հասարակագիտական ֆակուլ-

առաջարկով ժողովը հրահանգում է իր ներկայացուցիչներին ոչ մի դեպքում դաշնակցության հետ համաձայնության չըզայնախազահության կազմելու խնդրում, այլ ուրիշ խմբակցությունների հետ ժամանակաւոր համաձայնութեամբ լուծել այդ խնդիրը և սոցիալիստական մեծամասնութիւն ստեղծել թէ՛ նախազահության և թէ՛ գործադիր մարմնի մէջ:

Տե՛ս Վ. Ս.-Դ. Բան. Կուս. Հայկական Սեկցիա //
Բանվորի Չայն, 28 սեպտեմբերի 1919, N 3:

N 120

Հաղորդագրություն՝ Սուրամի (Գորիի գավառ) հայկական դպրոցը Վրաստանի ՀԱԽ-ին ենթարկելու մասին

Սուրամ, 18 սեպտեմբերի

<...> Սուրամի ինտելլիգենցիան հոգաբարձութեան նախազահի հետ խորհրդակցելով որոշում է հրաւիրել բազմամարդ ժողով, որ գումարուեց ամսիս 17-ին – նախազահութեամբ Յովհ. Դաւթեանի և քարտուղարութեմբ օր. Ս. Նազարեանի:

Ժողովը որոշում է. ա)դպրոցն այսուհետև ժողովրդակաճնացնել, անջատելով հոգևոր իշխանութեան գերիշխանութիւնից և ենթարկել Վրաստանի Հայոց Ազգային խորհրդին, կատարելով վերջինից բըխած բոլոր հրահանգներն ու կարգադրութիւնները անշեղ ու անթերի: <...>

Շանթահար

Տե՛ս Սուրամի հայոց դպրոցը //
Բանվորի Չայն, 28 սեպտեմբերի 1919, N 3:

տետը (1924), վերադարձավ Հայաստան՝ դասախոսական աշխատանքի: Նրա անվան հետ է կապված ԵՊՀ-ում ԽՍՀՄ պատմության ամբիոնի հիմնադրման նախաձեռնությունը, որի ղեկավարն էր չորս տասնամյակ:

N 121

**Լրագրային հաղորդում՝ Վրաստանի ՀԱԽ-ի 1919 թ.
սեպտեմբերի 28-ի նիստի մասին**

Կիրակի, սեպտեմբերի 28-ին [Թիֆլիսի] Դումայի դահլիճում, ժամը 8-ին տեղի ունեցավ Վիրահայ Ազգ. Խորհրդի երրորդ նիստը: Օրակարգի առաջին խնդիրը նախագահության ընտրությունն էր:

Ընթերցողները յիշում են, որ դաշնակցականների և Հայ ժողովրդական կուսակցության առաջարկով և ջանքերով անցեալ նիստում նախագահության ընտրությունը յետաձգեց և այդ էլ այն պատճառով, որ այդ <...> մարդիկ յոյս ունէին, որ գործի յաջողութեան համար ֆրակցիաները համաձայնութեան կը գան: Բայց ոչ մի համաձայնութիւն չէր կայացել այդ մի շարքայ ընթացքում այն պարզ պատճառով, որ իւրաքանչիւր ֆրակցիա նախագահութեան կազմի մասին շարունակում էր իր նախկին տեսակէտի պաշտպանությունը և երեք անգամ հրաւիրւած աւագների խորհուրդը նիստ չէր ունեցել այս կամ այն ֆրակցիայի բացակայութեան պատճառով:

Բայց այնուամենայնիւ դաշնակցականներն որոշ աշխատանք կատարել էին, թէ ինչ ձևով այդ իրենց գործն է, միայն փաստն այն է, որ երբ քւէարկութեան դրեցին Ա. Խորհրդի նախագահութեան համար երկու թեկնածուները՝ Ա. Երզնկեանը սոցիալիստական երեք ֆրակցիաների, իսկ Բ. Թովչեանը դաշնակցականների կողմից, վերջինն ստացաւ 26 ձայն, այսինքն երկու ձայն աւելի սոցիալիստների թեկնածուից և ընտրեց Ազգ. Խորհրդի նախագահ: Ձեռնպահ էին ռուսական կաղէտների երկու հայ ներկայացուցիչները: <...>

Նախագահի ընտրութիւնից յետոյ սոցիալիստական ֆրակցիաների առաջարկով ընդմիջում յայտարարեց և սոցիալիստներն առանձնացան ստեղծւած դրութիւնը քննելու:

Մտքերի փոխանակութիւնը պարզեց, որ ստեղծւած դրութիւնը թելադրում է մասնակցութիւն չունենալ նախագահութեան և գործադիր մարմնի մէջ: Այն ծրագիրը, որ ունէր սոցիալիստական բլոկը, ձգտում էր սոցիալիստական մեծամասնութիւն ստեղծել յիշած երկու մարմիններում և այդ պիտով անգործունէութիւնից հանել Ազգային Խորհուրդը: Այդ ծրագրով մտածուում էր չեզոքացնել նոյնպէս Դաշնակցութեանը և նրան զրկել ղեկավարողի դերից <...>:

Նիստի վերսկսումից յետոյ սոցիալիստական բլոկի անունից ընկեր [Ն.] Թարխանեանը վերնում շեշտած հիմունքներով մի յայտարարութիւն է անում:

Նիստի շարունակութեան ժամանակ նախագահի օգնական է ընտրուում բաց քւէարկութեամբ Ա. Մխիթարեանը, իսկ քարտուղար Լազօն /անւանի հնչակեան/¹²⁵ :

Ապա վեճի առարկայ է դառնում այն թե՛ այժմ պետք է զբաղւել օրակարգի միւս խնդիրներով, թե՛ թողնել մի արտակարգ նիստի:

Այս անգամ էլ դաշնակցութեան և ժողովրդականների ձայներով որոշում է փակել նիստը և մի ուրիշ ժողովում քննել Ախալքալաքի և դպրոցական հարցերը: <...>

Տե՛ս Ազգային Խորհրդի 3-րդ նիստը // Բանվորի Չայն, 5 հոկտեմբերի 1919, N 4:

¹²⁵ **Ղազարյան Հակոբ**, եղել է Թիֆլիսում 1919 թ. եզդիների ազգային խորհրդի ստեղծման նախաձեռնողը և նրա պատվավոր անդամը: Կազմել է քրդերենի առաջին այբուբենը և Էջմիածնում 1922 թ. հրատարակել է «Շամս» դասագիրքը:

N 122

«Աշխատավոր» օրաթերթը՝ Վրաստանի ՀԱԽ-ի 1919 թ. սեպտեմբերի 30-ի նիստի մասին

Երեկոյեան ժամը 8-ին Թիֆլիսի դումայի դահլիճում նախագահութեամբ ընկ. Բ. Թոփչեանի տեղի ունեցաւ Վրաստանի Հայոց Ազգային Խորհրդի արտակարգ նիստը, որի օրակարգն էր. 1)լրացուցիչ ընտրութիւններ, 2)դպրոցական նախահաշիւ, 3)Ախալքալաքին օգնութիւն կազմակերպելու խնդիրը և 4)ֆինանսական յանձնաժողովի զեկուցումը:

Զ. Զօրեան առաջարկում է ընտրութիւնները յետաձգել, որովհետս այդ մասին բոլոր ֆրակցիաների միջև դեռևս համաձայնութիւն չկայ. մի բան, որ կարևոր է: Ա. Մխիթարյեան միանում է Զ. Զօրեանի առաջարկին: Մոցիալիստական բլոկի ներկայացուցիչները առաջարկում են ընտրութիւնները կատարել նոյն նիստում: Քլէարկութեամբ 24 ձայնով 23-ի դէմ որոշում է կատարել լրացուցիչ ընտրութիւնները: Նախքան ընտրութիւններին անցնելը յայտարարում է ընդմիջում:

Նիստը վերսկսւելով կատարւում է գործադիր մարմնի ընտրութիւն: Դաշնակցական ֆրակցիայի կողմից գործադիր մարմնի համար թեկնածու են առաջարկւում Ա. Միանսարեան և Գ. Տէր-Ստեփանեան, Հայ Ժողովրդական կուսակցութեան կողմից՝ Երւ. Տէր-Մինասեան, արևտրա-արդիւնաբերողների կողմից՝ Մ. Արամեան: Թերթիկներով կատարւած գաղտնի քլէարկութիւնը տւեց հետևեալ արդիւնքը. առաջարկւած բոլոր թեկնածուները ստացան 26-ական ընտրական ձայն, 15 ոչ ընտրական և ձեռնպահ: Այդպիսով բոլոր թեկնածուները համարւեցին ընտրւած:

Սոցիալիստական բլոկի առաջարկով դարձեալ ընդմիջում է յայտարարում: Կէս ժամից աւել տևող ընդմիջումից յետոյ վերսկսում է նիստը:

Նախագահն անցնելով օրակարգին՝ առաջարկում է ընտրել Խորհրդի գլխաւոր վերահսկիչ և ֆինանսական յանձնաժողով:

Զ. Զօրեան առաջարկում է նախկին գլխաւոր վերահսկիչ Յ. Խունունցին տալ վստահութեան քւէ և նրան խնդրել շարունակել իր աշխատանքները: Առաջարկին միանում են միւս ֆրակցիաները և Յ. Խունունցը վերընտրւում է Ազգային Խորհրդի գլխաւոր վերահսկիչ:

Սոցիալիստական բլոկի կողմից Ս. Փիրումեան յայտարարում է, թէ գործադիր մարմնի և նախագահութեան ընտրութիւնը պարզեց, որ Ազգային Խորհուրդը ունի ազգային-բուրժուական կազմ: Նկատի ունենալով այդ, ինչպէս և այն, որ այդպիսով կուսակցութիւնների միջև կայացած համաձայնութիւնը խախտած է՝ սոցիալիստական բլոկը յետագայում իրեն է վերապահում իր գործունեութիւնը եւ ազատութիւնը:

Այդ յայտարարութիւնից յետոյ բլոկի բոլոր անդամները հասարակութեան ծիծաղի ու բացականչութիւնների տակ հեռանում են նիստի դահլիճից:

Նախագահը յայտարարում է նիստը շարունակելու մասին, որ ընդունւում է բուն ծափերով:

Հնչակեան ֆրակցիայի անդամ Ա. Բարեանը Ս. Փիրումեանի ճառի մէջ վիրաւորանք է նկատում և բողոքում է, որ նախագահը նրա ճառը չէ ընդհատել:

Նախագահը ցաւ է յայտնում, որ ստեղծւած պայմանների հետևանքով հնարաւորութիւն չի ունեցել ընդհատելու ճառախօս Փիրումեանին: Ապա առաջարկում է ընտրել ֆինանսա-

կան յանձնաժողով: Ընտրուում են՝ Շարաֆեան (դաշն.), Ա. Աղաջանեան (հայ. ժող. կուսակց.) և [Ե.] Մայիլեան (առևտրա-արդիւնաբերողներից):

Ապա Ջ. Զօրեան առաջարկում է նախագահութեանը, գործադիր մարմնին և ֆինանսական յանձնաժողովին յանձնարարել մշակել ֆինանսական դրութեան կարգաւորման նախագիծ և անհրաժեշտ քայլեր և դիմումներ անել ախալքալաքցիներին օգնութիւն կազմակերպելու համար:

Ընկ. Զօրեանի առաջարկն ընդունուում է: Ժամանակի ուշ լինելու պատճառով օրակարգի միւս խնդիրների քննութիւնը յետաձգւեց յաջորդ նիստին:

Q.

Տե՛ս Վրաստանի Հայոց Ազգային Խորհուրդ //
Աշխատատր, 2 հոկտեմբերի 1919, N 205:

N 123

«Բանվորի Չայն»-ը՝ Վրաստանի ՀԱԽ-ի 1919 թ. սեպտեմբերի 30-ի նիստի մասին

Սեպտեմբերի 30-ին, երեկոյեան ժամը 8-ին [Թիֆլիսի] Դումայի դահլիճում կայացաւ Ազգային խորհրդի 4-րդ նիստը: Օրակարգի մէջ դրւած էր ի միջի այլոց գործադիր մարմնի ըտրութեան խնդիրը, որ այս նիստի զբաղման գլխաւոր նիւթը և երկար վեճերի առարկայ դարձաւ, որովհետև դաշնակցականների կողմից առաջարկ եղաւ այդ խնդիրն էլի յետաձգել:

Մոցիալիստական բոկը կտրուկ կերպով պահանջեց, որ այսօր և եթ լուծի գործադիր մարմնի խնդիրը, չնայած ինքը չի մասնակցում այդ մարմնում, բայց անհրաժեշտ է գտնում, որ ատեղծւած մեծամասնութիւնը ընտրի այդ վարիչ մարմինը: Այսպիսով մեր ընկերները, որ հին գործադիր մարմնում դեռ աշխատում են, հնար կստանան հեռանալ:

Խնդիրը դրուում է քւէարկութեան և 24 ձայնով ընդդէմ 23-ի վճռուում է գործադիր մարմնի ընտրութեանն անցնել:

<...> Գործադիր մարմնի համար առաջարկուում է և ընտրուում դաշնակցութիւնից՝ Գ. Տէր-Ստեփանեանը և Ա. Միանսարեանը, իսկ Հայ ժողովրդական կուսակցութիւնից՝ [Մ.] Արամեան և Ե. Տէր-Մինասեան: Սոցիալիստական բլոկը բլոկին սև քւէ է տալիս:

Յայտարարուում է նորից ընդմիջում և սոցիալիստական բլոկը քննում է այն դրութիւնը, որ ստեղծւեց այժմեան Ազգային Խորհրդում շնորհիւ այն հանգամանքի, որ թէ՛ նախագահութիւնը և թէ՛ գործադիր մարմինը կազմւեց բուրժուական-նացիոնալիստական տարրերից:

Նիստի վերաբացումից յետոյ ընկեր Ս. Փիրումեանը բլոկի կողմից անում է մի յայտարարութիւն, որտեղ շեշտուում է, որ սոցիալիստները մտան ազգային խորհուրդ այն մտադրութեամբ, որ բուրժուական-նացիոնալիստական րէակցիոն տարրերի կործանարար և հակաժողովրդական գործունէութեանը վերջ տան և իրենց ամբողջ ուժերը լարած հայ ժողովրդական մասսաների բարեկեցութեան համար աշխատեն: Շնորհիւ Ազգ. Խորհրդի այժմեան վարիչ մարմինների կազմի, սոցիալիստների համար ժողովրդի օգտին աշխատելու հնարաւորութիւն չկայ:

Դրա համար սոցիալիստական ֆրակցիաները քանդւած են յայտարարում այն իրաւաբանական հիմունքը, այսինքն կուսակցութիւնների փոխադարձ համաձայնութիւնը, որի արդյունքն է այս Ազգային Խորհուրդը և յետագայ քայլերի համար իրենց ազատ են զգում: <...>

Վ.

Տե՛ս Ազգային Խորհրդի 4-րդ նիստը // Բանվորի Չայն, 5 հոկտեմբերի 1919, N 4:

N 124

**«Բորբա» օրաթերթը՝ Վրաստանի ՀԱԽ-ի գործկոմի
վերընտրության և նրա նոր կազմի մասին**

*Сообщение газеты “Борьба” о переизбрании исполкома
Армнацсовета Грузии и его новом составе*

На заседании 30 сентября [1919г.] армян. национального совета Грузии избран новый исполнит[ельный] комитет в составе: А. Миансарова, Г. Тер-Степаняна, М. Арамянца и Е. Тер-Минасяна. Главным контролером совета переизбран И. Хунунц. В финансовую комиссию вошли – Шарафян, [А.] Агаджанян и [Е.] Маилов. Социалистический блок: (обе фракции соц.-дем. и соц.-рев.) отказались выставить своих кандидатов в исп[олнительный] комитет.

Տե՛ս Խրոնիկա: Երմանկոմ ռազիոնալ ռոսեթը Գրուզիա //
Բորբա, 2 օկտյաբր 1919, N 223.

N 125

**Հաղորդագրություն՝ Վրաստանի ՀԱԽ-ի աշխատակազմի
ինքնալուծարման մասին**

Վիրահայ Ազգ. Խորհուրդը ցրած է և միջկուսակցական խորհրդակցութիւնը հետևեալն է յայտնում ֆրակցիաներին.

1. Ազգային խորհուրդը արձակում է մինչև նոր ժողովրդական ընտրութեամբ կազմուած Խորհրդի գումարելը:

2. Նախկին Ազգ. Խորհ. նախագահութիւնը և գործադիր մարմինը շարունակում են իրենց ընթացիկ աշխատանքները:

Խորհրդի ընտրութիւնների ժամանակ և եղանակի մասին կը հաղորդի լրացուցիչ, ամենակարճ ժամանակամիջոցում¹²⁶:

Տե՛ս Կարելոր լուրեր //
Բանվորի Չայն, 5 հոկտեմբերի 1919, N 4:

N 126

Վրաստանի ՀԱԽ-ի հայտարարությունը՝ ուսուցչական անձնակազմ վարձելու մասին

Վրաստանի հայոց Ազգային Խորհրդի դպրոցների համար հարկաւոր են ՈՒՍՈՒՑԻՉ-ՈՒՍՈՒՑՉՈՒՀԻՆԵՐ:

Պայմաններն են՝ 15.000 ռուբլի տարեկան ռոճիկ ու բնակարան, վառելիք ու լուսատրութիւն:

Խնդրատուները պէտք է դիմեն Ազգային Խորհրդի Դպրոցական Բաժինը (ամեն օր ժամը 10-3-ը) Սերգիևսկայա փողոց N 9 Վրաստանի Հ. Ազգ. Խորհրդի Դպրոց. Բաժնի վարիչ՝ Ե. Տեր-Սինասեան:

Տե՛ս Բանվորի Չայն, 12 հոկտեմբերի 1919, N 5:

¹²⁶ 1920 թ. փետրվարին հայկական քաղաքական հոսանքները Վրաստանում դարձյալ համաձայնության եկան ՀԱԽ-ի վերակազմավորման հարցում, որի անդամների համար հատկացվում էր 30 աթոռ: Այս պարագայում ՀՅԴ-ն ունեցավ 10-ը, իսկ մյուս կուսակցություններից (ՎՍԴԲԿ, ՌՄԴԲԿ, հնչակյաններ, էսէռներ) յուրաքանչյուրը 5-ական տեղ: Տե՛ս Хроника // Борьба, 10 февраля 1920. Այս կառուցվածքը պահպանվեց մինչև ՀԱԽ-ի գոյության վերջին պահը՝ 1921 թ. փետրվարի 28-ը:

N 127

Վրաստանի ՀԱՄ-ի հայտարարությունը՝ դպրոցական տեսուչներ վարձելու մասին

Վրաստանի Հայոց Ազգային Խորհրդին ենթակալ հայոց դպրոցների համար հարկաւոր են շրջանային տեսուչներ բարձրագոյն կրթութեամբ:

Պայմանները - ամսական 3000 ռուբլի ռոճիկ և ճանապարհածախս:

Խնդիր պէտք է ներկայացնել Ազգային Խորհրդի դպրոցական բաժնին համառօտ կենսագրութեան և վկայականների հետ (ամեն օր ժամը 10-2-ը) Սերգիևսկայա փողոց N 9 Վրաստանի Հ. Ազգ. Խորհրդի Դպրոց. Բաժնի վարիչ՝ Ե. Տեր-Մինասեան:

Տե՛ս Բանվորի Ձայն, 12 հոկտեմբերի 1919, N 5:

N 128

Հաղորդագրություն՝ Վրաստանի ՀԱՄ-ի դպրոցական տեսուչներին նշանակելու մասին

Վրաստանի Հայոց Ազգային Խորհրդի տնօրինութեան տակ եղած դպրոցների տեսուչներ են հրաւիրուել Վ. Թուրազեան և Մ. Ղարաբէկեան:

Տե՛ս Լրատու //

Աշխատաւոր, 18 հոկտեմբերի 1919, N 219:

N 129

Վրաստանի գավառների ու Լոռվա «չեզոք գոտու» հայալեզու դպրոցները

Չնայած, որ Վրաստանի Հայոց Ազգային Խորհուրդը մի քանի անգամ դիմել էր ժողովրդական գւարդիայի գլխաւոր շտաբին, Սղնախի դպրոցի շէնքը գւարդիականներից ազատելու մասին¹²⁷, և գլխաւոր շտաբի կարգադրութեան, որ դպրոցի շէնքը անմիջապէս յանձնվի ըստ պատկանելոյն, մինչ օրս էլ դպրոցը մնում է գւարդիականների ձեռքին: Այս առիթով Վրաստանի Հայոց Ազգային Խորհուրդը որոշեց նորից միջնորդել ժողովրդական գւարդիայի գլխաւոր շտաբի առջև, որ համապատասխան կարգադրութիւն արւի Սղնախի հայկական դպրոցի շէնքը անյապաղ գւարդիականներից ազատելու մասին:

Վրաստանի Հայոց Ազգային Խորհուրդը արդէն դպրոցներ է բացել Սագարէջօ, Մեծ-Դաղէթ, Հաղպատ, Մանահին, Այգեհատ, Մուխրան, Վաղա, Ալաստան, Ղըզըլ-Քիլիսա և Սաչխէրի գիւղերում:

Տե՛ս Լրատու //

Աշխատաւոր, 30 հոկտեմբերի 1919, N 228:

N 130

Հաղորդագրություն՝ Բորժումի հայկական դպրոցը Վրաստանի ՀԱԽ-ին ենթարկելու մասին

Բորժում, 17 հոկտեմբերի

Մի քանի անգամ հրաւիրելուց յետոյ այսօր, ամսիս 16-ին վերջապէս կայացաւ հասարակական ժողովը մօտ 50 անդամի հերկայութեամբ:

¹²⁷ Տե՛ս ՀԱԽ-ի գործկոմի 1919 թ. օգոստոսի 8-ի դիմումը (ՀԱԱ, ֆ. 441, ց.1, գ. 48, թ. 49):

Նախագահ ընտրւեց պ. Կ. Մուրադխանեան, քարտուղար աւ. ուս. Յովհ. Դաւթեան:

Այս ժողովի քննութեան առարկան էր ի շարս բազմաթիւ հարցերի նաև դպրոցի խնդիրը: Դրսում բազմաթիւ ասէկօսներից ու գաղտնի որոգայթներ լարելուց յետոյ, այս ժողովին հնարաւորութիւն ստացան հակառակորդներն ազատօրէն արտայայտուելու: Աւագ ուս. պ. Յ. Դաւթեանի զեկուցումը զգայնացած լսելուց յետոյ, որ առաջարկում էր դպրոցը Վրաստանի Հայոց Ազգային Խորհրդին ենթարկել, վերածել ժողովրդակաւնի և կրօնի դասաւանդութիւնը վերածել – ջուխտ ու կէնտ կղերամուլները գլուխ ունենալով տեղիս Վ. ք. Վարդանեանին, սկսում են արշաւանք զեկուցանողի և առաջարկած կարծիքի դէմ: <...>

Եւ ի վերջոյ երբ հետևեալ բանաձևը քննարկութեան դրւեց, անցաւ համարեա միաձայն (երկուսի ձեռնպահութեամբ միայն):

«Լսելով աւ. ուս. զեկուցումը, ժողովն որոշում է, այսուհետև դպրոցին եկեղեցականի տեղ ժողովրդական անունը տալ, վերացնել կրօնի դասաւանդութիւնը և ամբողջովին ենթարկել Վրաստանի Հայոց Ազգային Խորհրդին, այլևս չճանաչելով հոգևոր իշխանութեան կարգադրութիւնները դպրոցական գործերում»: <...>

Ժան-Դաւ

Տե՛ս Գաւառական կեանք. հասարակական ժողովը Բորժումում

//Բանվորի Ձայն, 27 հոկտեմբերի 1919, N 7:

N 131

Հաղորդագրություն՝ ջավախահայությանն օգնելու նպատակով՝ Վրաստանի ՀԱԽ-ի արած միջնորդությունների մասին

Վրաստանի Հայոց Ազգային Խորհրդի գործադիր մարմինը քննելով ախալքալաքցիների օգնութիւն հասցնելու խնդիրը որոշել է սերմացուի համար դիմել Հայաստանի կառավարութեան աջակցութեանը, հացի և հագուստի համար Ամերիկեան կոմիտէին, իսկ գիւղատնտեսական գործիքների և լծկանների համար Հայոց Գիւղատնտեսական ընկ. հետ միասին դիմել վրաց կառավարութեան, որ ախալքալաքցիներին տրւի զեմստային ինքնավարութիւններին յանձնւած երկրագործական գործիքներից: Ամերիկեան Կոմիտէի կարգադրութեամբ արդէն սկսւել է Ախալքալաք ուղարկւել 150 հազ. փութ ալիւր:

Ախալքալաքի դպրոցները բանալու նախնական ծախսերի համար Հայոց Ազգային Խորհուրդը յատկացրել է 10000 ռ.:

Տե՛ս Վրաստան՝ օգնութիւն ախալքալաքցիներին /
Ախալքալաքի դպրոցների համար //
Աշխատատր, 2 նոյեմբերի 1919, N 231:

N 132

Հաղորդագրություն՝ Վրաստանի ՀԱԽ-ի նախագահության որոշման՝ Կովկասի հայոց բարեգործական ընկերությունն իրեն ենթարկելու մասին

Վրաստանի Հայոց Ազգային Խորհրդի նախագահութիւնը քննելով մի խումբ ժողովականների բողոքը Կովկ. Հայոց բարեգործ. ընկ. նոր խորհրդի ընտրութիւնների դէմ, որոշել է

խորհրդի ներկայ դրությւնը թողնել անփոփոխ և յատուկ յանձնաժողովի քննութեան յանձնել բողոքը. յանձնաժողովին տալով երեք օր ժամանակ վճիռ կայացնելու համար: Յանձնաժողովի անդամներն են՝ Կ. Ղազազեան, Ս. Փիրումեան, [Ն.] Թարխանեան և Պ. Դոլուխանեան: Բացի այս նախագահութիւնը որոշել է բարեգործական ընկ. համարել Ազգային Խորհրդին ենթակայ:

Տե՛ս Լրատու //

Աշխատաւոր, 9 նոյեմբերի 1919, N 237:

N 133

Հաղորդագրություն՝ նոր դպրոցներ հիմնադրելու և ֆինանսավորելու Վրաստանի ՀԱԽ-ի որոշման մասին

Վրաստանի Հայոց Ազգային Խորհուրդը որոշել է Ախալցխայի քաղաքային հայկական դպրոցին նպաստի հաշիւին տալ 20000 ռ. նախնական ծախսերի համար, իսկ Թիֆլիսի Շամքորեցոց դպրոցին՝ 5000 ռ.

Վրաստանի Հայոց Ազգային Խորհուրդը որոշել է դեկտեմբերի 1-ից բոլոր վրացախօս հայկական գիւղերում բաց անել դպրոցներ:

Տե՛ս Լրատու //

Աշխատաւոր, 13 նոյեմբերի 1919, N 240:

Լրագրային հաղորդում՝ Վրաստանի ՀԱԽ-ի անդամներին երկրից վտարելու կապակցությամբ՝ վրաց վարչապետին հղած բողոքի մասին (1919 թ., նոյեմբեր)

Ներքին գործերի նախարարության նոյեմբերի 12-ի կարգադրության համաձայն՝ Վրաստանի սահմանադրության համաձայն՝ Վրաստանի սահմաններից արտաքսուեցին Հայոց Ազգային Խորհրդի անդամներ՝ Արշակ Չոխրաբեան, Միմոնիկ Փիրումեան, Նիկոլայ Թարխանեան և Իսահակ Տեր-Ներսեսեան: Վրաստանի Հայոց Ազգ. Խորհուրդն պարտքն ու իրաւունքն է համարում պարզել, թէ ի՞նչ պատճառով յիշեալներն այդպիսի պատժի ենթարկուեցին: Ազգ. Խորհրդի պատւիրակութիւնը մի քանի անգամ փորձեց, ներքին գործերի պարոն նախարարի հետ անմիջական բանակցութիւններով, պարզել այդ հարցերը, բայց դժբախտաբար այդ բանակցութիւնները չկայացան, քանի որ պարոն նախարարն ազատ ժամանակ չունէր:

Միակ նիւթը, որ կայ Ազգ. խորհրդի տրամադրութեան տակ, – դա բնագիրն է այն գրութեան, որ թելադրել է և ստորագրել է տւել Խորհրդի արտաքսուող անդամներին, և որ չի կարող պատասխանել յուզող հարցերին. ընդհակառակը՝ նա միայն նոր հարցեր է յարուցանում: Աւելորդ չենք համարում յիշատակել այդ գրութեան բնագիրը. «Ստորագրեալս, Знамя Революции թերթի աշխատակից Իսահակ Տեր-Ներսեսեանս, այս ստորագրութիւնն եմ տալիս ներքին գործերի նախարարութեան կից Յատուկ Զօրախմբի պարոն պետին, որ այսօր ես պարտաւորուում եմ 24 ժամայ ընթացքում, համաձայն ներքին գործերի նախարարի օգնականի սույն նոյեմբերի 12-ի որոշ-

ման, հեռանայ վրաց դեմոկրատական հանրապետության սահմաններից. հակառակ դեպքում կը ձերբակալւեմ և կարտաքուլեմ վարչական միջոցներով: Այդ հաստատելու համար՝ ստորագրում եմ սեփական ձեռքով»:

Ինչպէս երևում է, Ազգ. Խորհրդի յիշեալ անդամներն արտաքուլում են առանց պատճառները պարզելու, վարչական կարգով: Ազգ. Խորհուրդն անթոյլատրելի է համարում վարչական հալածանքների կիրառման վերականգնումը: Սոցիալիստական Վրաստանում պէտք է իշխէ ազատ դատարանի գերակայութեան սկզբունքը:

Եթէ յիշեալ անձերը որևէ յանցանք են գործել, այդ դեպքում Ազգ. Խորհուրդը, թանգ գնահատելով իր արժանապատուութիւնը, ամենքից աւելի շահագրգռուած է իր կողմից հեռացնելու յանցաւոր կամ ոճրապարտ տարրերին: Բայց դրա համար անհրաժեշտ է, որ հաստատուի յանցանքի փաստը, որ յանցանքն որակւի՝ հանրապետութեան մէջ գործող օրէնքների հիման վրայ, և որ նշանակւի համապատասխան պատիժ, այլ խօսքով՝ պէտք է գործէ դատական ապաքարատը, և ոչ թէ վարչական հայեցողութիւնը:

Եւ ապա – արտաքուլածներից՝ Արշակ Զոհրաբեանը և Նիկոլայ Թարխանեանը հանդիսանում են Վրաստանի քաղաքացիներ (հպատակներ): Վրաստանում, ինչպէս և ամբողջ երկրագնդում գործող օրէնսդրութիւնների հիման վրայ, սեփական հպատակը չի կարող բռնի արտաքուլել իր հայրենիքի սահմաններից, ինչպիսի ոճիր էլ որ գործաց լինի:

Բոլոր վերոյիշեալների հիման վրայ՝ Ազգ. Խորհուրդը վճռական բողոք է յայտնում՝

1) Ազգ. Խորհրդի անդամներ Արշակ Զոհրաբեանի, Սիմոնիկ Փիրումեանի, Բասհակ Տէր-Ներսէսեանի և Նիկոլայ Թարխանեանի նկատմամբ վարչական հալածանքների դեմ,

2) Գործադրութեան դեմ այնպիսի պատժի, որ չի նախատեսուած Վրաստանի, ինչպէս և ամբողջ աշխարհի օրէնսդրութեամբ-սեփական հպատակին հայրենիքի սահմաններից արտաքսելու դեմ:

Ազգ. Խորհուրդը յոյս ունի, որ Վրաստանի կառավարութիւնը կը համաձայնի նրա բողոքի հիմքի հետ և Ազգ. Խորհրդի այդ տուժած անդամներին կը վերադարձնէ իրենց պարտականութիւնների կատարմանը:

Ազգ. Խորհրդի նախագահ՝ Բ. Թովչեան

Գործադիր Կոմիտէի նախագահ՝ Ա. Երզնկեան

Ի. տ. քարտուղարի՝ Ս. Հովհաննիսեան

Տե՛ս Վրաստանի Հայոց Ազգ. Խորհրդի բողոքագիրը
Վրաստանի կառավարութեան նախագահին //
Աշխատատուր, 20 նոյեմբերի 1919, N 246:

N 135

Հաղորդագրություն՝ վարչապետի պաշտոնակատար Ե. Պ. Գեգեճկորու և ՀԱԽ-ի լիագործների 1919 թ. նոյեմբերի 22-ի աշխատանքային հանդիպման մասին

Վրաստանի Հայոց Ազգային Խորհուրդը որոշել է միջնորդել վրաց կառավարութեան առջև, որ Թիֆլիսից օտար տարրերին արտաքսելու որոշումը¹²⁸ վերացւի, որովհետև հայ գաղ-

¹²⁸ Թիֆլիսի քաղաքային ավագանին (սակրեբուլո), որի աթոռների շուրջ 87 տոկոսը պատկանում էր վրացիներին, վճռել էր «օտար տարրերին» քաղաքից հեռացնելու մասին: Սույն որոշումը մեծ իրարանցում առաջացրեց մայ-

թականութիւնը հետզհետե արդէն հեռանում է Թիֆլիսից, իսկ ազգաբնակութեան համար որոշման իրագործումը ստեղծել է ծանր կացութիւն:

Երեկ Ազգային Խորհրդի նախագահ ընկ. Բ. Թոփչեանը և գործ. մարմնի նախ. ընկ. Ա. Երզնկեանը տեսակցութիւն ունեցան կառավարութեան նախագահի պաշտօնակատար Ե. Գեգեճկորու հետ մի շարք խնդիրների առթիւ: Թիֆլիսից օտար տարրերի հեռացնելու մասին արած դիմումին Ե. Գեգեճկորին խոստացել է հսկել, որպէսզի ապօրինութիւններ տեղի չունենան:

Ազգային Խորհուրդը մտադիր է իր ներկայացուցիչներին ուղարկել կենտրոնական ու թաղային կոլլեգիաները, որ պիտի հսկեն այդ գործի վրայ և այդ ուղղութեամբ արդէն քայլերի է ձեռնարկել:

Տե՛ս Լրատու //

Աշխատատւր, 23 նոյեմբերի 1919, N 249:

րաքաղաքի բազմազգ բնակչության միջավայրում: Իշխանությունները նախատեսել էին շուրջ 400 հազ. թվաքանակ ունեցող քաղաքը ազատել նրա 1/4 բնակիչներից: Մամուլը հաղորդում էր, որ «օտար տարրերը Թիֆլիսից արտաքսելու պարտադիր որոշման հրատարակութեան առիթով ամեն օր բազմաթիւ քաղաքացիներ դիմում են Վրաստանի Հայոց Ազգային Խորհրդին բացատրութեան համար: Պարտադիր որոշումը մեծ յուզում է առաջ բերել ազգաբնակութեան մէջ»: Տե՛ս Լրատու // Աշխատատւր, 20. 11. 1919: Հիշյալ խնդրին վերաբերող «Օտար տարրերը Թիֆլիսից հեռացնելու մասին (կառավարական հաղորդագրութիւն)», «Թիֆլիսը ազգայնացում է» և «Տագնապը չի վերացում» խորագրով նյութերը տե՛ս նույն օրաթերթի 1919 թ. նոյեմբերի 14, 18 և 19 համարներում:

N 136

**Հաղորդագրություն՝ Վրաստանի ՆԳ նախարարի և ՀԱԽ-ի
լիազորների 1919 թ. նոյեմբերի 24-ի աշխատանքային
հանդիպման մասին**

Վրաստանի Հայոց Ազգային Խորհրդի նախագահ Բ. Թովի-
չեան և գործադիր կոմիտեի նախագահ Ա. Երզնկեան նոյեմբե-
րի 24-ին այցելեցին ներքին գործերի մինիստր Ն. Ռամիշվիլին
և ունեցան երկարատև զրոյց Թիֆլիսից օտար տարրերին հե-
ռացնելու, Ախալքալաքի գաղթականների զորակոչը յետաձգե-
լու և հայ-վրացական կոնֆլիկտին մասնակցելու մեջ մե-
ղադրուղ Բորչալուի գաւ. հայ գիւղացիներին ամնիստիա տա-
լու մասին: Ներքին գործերի մինիստրը Ազգային Խորհրդի
ներկայացուցիչներին խոստացաւ պատասխանել վերոյիշեալ
գործերի հետ ծանօթանալուց յետոյ:

Տե՛ս Հայոց Ազգային Խորհրդի ներկայացուցիչները
Ն. Վ. Ռամիշվիլու մօտ //Աշխատաւոր,
26 նոյեմբերի 1919, N 251:

N 137

**Հաղորդագրություն՝ Ջավախքի հայկական դպրոցներին
նպաստ հատկացնելու ՀԱԽ- ի որոշման մասին**

Վրաստանի Հայոց Ազգային Խորհուրդը որոշել է Ախալ-
քալաքի տեղական և գաւառական դպրոցներին տրուելիք
նպաստի հաշիւին բաց թողնել 50000 ռուբլի: Նոյն խորհուրդը
որոշել է Օնիում (Քուրթայիսի նահ.) բացանել հայկական
դպրոց:

Տե՛ս Դպրոցական կեանք //
Աշխատաւոր, 28 նոյեմբերի 1919, N 253:

N 138

**Հաղորդագրություն՝ ՀԱԽ-ի միջոցներով Ջավախքում
հայկական դպրոցներ վերաբացելու մասին**

Սուլտա, 10 դեկտ[եմբերի]

Նոյեմբերի 28-ին մեր գիւղը ժամանեց շրջանային տեսուչ պ. Մ. Ղարաբեկեանը: Վիրահայ Ազգային Խորհրդի հրահանգով և նոյն խորհրդի դրամական միջոցներով Սուլտայում վերաբացեց դպրոցը, մի ուսուցչով և 50 աշակերտով: Ինչպես պ. տեսուչը տեղեկացրեց, գաւառումս բացւում են այնպիսի դպրոցներ Վիրահայ Ազգային Խորհրդի ջանքերով 9 հատ, հետևեալ գիւղերում. Սուլտա, Կարգախ, Վաչեան, Մեծ գեօնդուրա, Սաթխա, Տիլիսկա, Արակովա, Գանձա և Ալաստան: <...>

Տե՛ս Դպրոցական՝ Ջաւախքում //
Աշխատատւր, 24 դեկտեմբերի 1919, N 273:

N 139

**Հաղորդագրություն՝ Վրաստանի Սահմանադիր ժողովի
դեկավարության առջև ՀԱԽ-ի նախագահ Բ. Թոփչյանի
միջնորդության՝ հայազգի կալանավորների պատիժը
թեթևացնելու մասին**

Сообщение о посредничестве председателя Армяцсовета Б. Топчяна перед руководством Учредительного собрания Грузии об облегчении участи арестантов-армян

Председатель армянского национального совета [Б.] Топчян посетил вчера старшего товарища председателя Учредительного Собрания А. С. Ломтатидзе, с которым имел про-

должительную беседу по вопросу смягчения кары лицам обвиняемым в связи с армяно-грузинским конфликтом.

Տե՛ս Ըրօսբժա օ սմյգչենն քարն //
Բօրբժա, 24 յանվարյա 1920, N 17.

N 140

**Հաղորդագրություն՝ Վրաստանի ՀԱԽ-ի որոշման՝ իրեն
ենթակա դպրոցներում ուսուցիչ-մանկավարժների նյութական
կացությունը բարելավելու մասին**

*Сообщение о решении Армяно-грузинского совета Грузии об улучшении в
подчиненных ему школах материального положения учителей-
педагогов*

Армянский национальный совет постановил с 1 января [1920г.] уравнивать в окладах преподавателей в школах совета с преподавателями государственных учебных заведений.

Տե՛ս Խրօննկա: Մրաւենն օքլադօվ //
Բօրբժա, 22 յանվարյա 1920, N 15.

N 141

**ՀԱԽ-ի կոչը Վրաստանի հայ ազգաբնակչությանը՝ Գորիի
երկրաշարժի կապակցությամբ**

ԿՈՉ

ՎՐԱՍՏԱՆԻ ՀԱՅ ԱԶԳԱԲՆԱԿՉՈՒԹԵԱՆ

Փետրվարի 19-ին և 20-ին անսպասելի երկրաշարժը գրեթե հիմնայատակ արեց Գորի քաղաքը իր շրջակայ գիւղերով: Ձմռան այս սոսկալի սառնամանիքին հազարաւոր ընտանիքներ, գրկւած ամեն բանից, քաղցած, մերկ ու բոկոտն, մնացել են բաց երկնքի տակ:

Մեր հարազատները տնաւեր ու անօգնական իրենց միակ յոյսը դրել են մեզ վրայ: Ամեն մի գիտակից ու սրտացաւ քաղաքացու պարտականութիւնն է օգնութեան ձեռք մեկնելու իր տառապեալ եղբորը:

Վրաստանի Հայոց Ազգային Խորհուրդը, միանգամայն վստահ լինելով Վրաստանի հայութեան վրայ, սրանով կոչ է անում ամենքին լայն չափով օգնութեան գալու գորեցիներին: Թող ամեն մէկը իր լուման տայ աւերած գորեցուն: Թող ամեն մէկը մի աղիւս բերէ քանդուած Գորու վերաշինութեան համար:

Օգնեցէք, ինչով կարողեք: Դրամով, հագուստով, ոտնամանով, տնային իրերով, ամանեղէնով և այլ պարագաներով:

Ամեն ինչ Գորու համար:

Թող այս լինի մեր օրւայ լոգունգը:

Վրաստանի Հայոց Ազգային Խորհուրդ

Ներները ընդունում են Ազգային խորհրդում առաւ. ժամը 10-3-ը:

Մերգիւսկայա փողոց N 9

1920 թ. 25 փետրվարի

Թիֆլիս

Տե՛ս Բանվորի Ձայն, 29 փետրվարի 1920, N 9:

N 142

Լրագրային հաղորդում՝ Վրաստանի ՀԱԽ-ի 1920 թ.

փետրվարի 24-ի նիստի մասին

Երեքշաբթի, փետրւարի 24-ին Ազգային Խորհրդի շէնքում տեղի ունեցաւ նորակազմ Խորհրդի երկրորդ նիստը: Կարդացւեցին օրակարգի խնդիրները, որոնց մէջ առաջին տեղն

էին բռնում Ազգային Խորհրդի նախագահութեան և Գործադիր Մարմնի ընտրութիւնները: <...>

Արդէն մի ամսից աւելի է, որ Ազգային Խորհուրդը վերակազմւելու համար բանակցութիւններ են վարում, որոնց ժամանակ [ՎՍԴԲԿ] Հայկական Սեկցիայի ներկայացուցիչները միշտ այն միտքն են պաշտպանել, որ կոնտրոլի տեղը պիտի վերապահւի իրենց, իսկ նախագահութեան և Գործադիր Մարմնի մէջ տեղ ունենալուց Հայկական Սեկցիան հրաժարվում է: <...>

Նիստի բացումից յետոյ կարդացւեց և հաստատուեց անցեալ ժողովի արձանագրութիւնը, ապա ժողովը անցաւ նախագահութեան ընտրութեանը: Բոլոր ֆրակցիաների միաձայն քւեով Ազգային Խորհրդի նախագահ ընտրվեց Դաշնակցութեան թեկնածու պ. Բ. Թովչեանը, իսկ սոց.-յեղափոխականների ֆրակցիայի ձեռնպահութեամբ Ազգ. Խորհրդի քարտուղար ընտրւեց Ռ.Ս.Դ.Բ.Կ. թեկնածու ընկեր Մ. Դարբինեանը:

Գործադիր Մարմնի նախագահութեան համար առաջարկւեց Ռ.Ս.Դ.Բ.Կ. կողմից ընկեր Ա. Երզնկեանի թեկնածութիւնը, սոց.-յեղափոխականների կողմից Գործադիր Մարմնի ֆինանսական մասի վարիչի համար առաջարկւեց ընկեր Ա. Ստամբուլցեանի թեկնածութիւնը, Դաշնակցութիւնը դրեց պ. Ա. Միանսարեանի թեկնածութիւնը ինամատարական բաժնի վարիչի համար, իսկ Հայ Ժողովրդական Կուսակցութիւնը դպրոցական վարիչի համար պ. Ի. Յարութիւնեանի թեկնածութիւնը: Առաջարկւած բոլոր թեկնածուները միաձայնութեամբ ընտրւեցին:

Ապա ժողովն անցաւ կոնտրոլի և փոխ-նախագահների ընտրութեան խնդրին: <...>: Ընդմիջում յայտարարւեց, որի ժամանակ [ՎՍԴԲԿ] Հայկական Սեկցիան պարզ և որոշ յայ-

տարարեց ֆրակցիաների ներկայացուցիչներին, որ ինքը փոխ-նախագահների երկու տեղը թողնում է սոց.-յեղափոխականներին և Հայ ժողովրդական Կուսակցութեանը, իսկ առաջարկում, որ կոնստրուկտի տեղը տրւի իրեն: <...>

Երկար բանակցութիւնները ցոյց տւեցին, որ Դաշնակցութիւնը ուղղակի չի ուզում կոնստրուկտի տեղը վերապահել [ՎՄԴԲԿ] Հայկական Սեկցիային, իսկ Հայ ժողովրդական Կուսակցութիւնն էլ տատանւում է թեկնածուին ծանօթանալու պատրասկով, իսկ երկուսը միաբերան առաջարկում են խնդիրը յետաձգել միւս նիստին:

Վերջ ի վերջոյ [ՎՄԴԲԿ] Հայկական Սեկցիային առաջարկում է նիստը փակել և հետևեալ նիստին առաջին հերթին դնել այդ խնդիրը, որպէսզի այդ երկու կուսակցութիւնները «մտածելու» ժամանակ ունենան և զրկւեն պատրասկներին ապաստանելու հնարաւորութիւնից: Առաջարկը ընդունւում է և նիստը փակւում է:

Արտակարգ կերպով քննւում է Գորու երկրաշարժից վնասուածների հարցը: Որոշւում է յանձնարարել Գործադիր Մարմնին, որ նա կոչով դիմէ հայ հասարակութեան, ապա 50 հազար րուբլի դրւում է նրա տրամադրութեան տակ աղէտեալներին օգնութեան հասնելու համար, նաև որոշւում է պահել մինչև 20 մահճակալ Գորու հիւանդ աւէտեալների համար:

Վ.

Տե՛ս Նորակազմ Վիրահայ Ազգային Խորհրդի Բ. նիստը // Բանվորի Ձայն, 29 փետրվարի 1920, N 9:

**Լրագրային հաղորդում՝ Վրաստանի ՀԱԽ-ի 1920 թ. մարտի
1-ի նիստի մասին**

Մարտի 1-ի նիստում Վիրահայ Ազգային Խորհրդը համարեա թէ աւարտեց Նախագահութեան, Գործադիր Մարմնի և գլխաւոր վերահսկիչի ընտրութիւնը, ասում ենք համարեա թէ, որովհետև դեռ նախագահի երկու օգնականի ընտրութիւնը չի կատարւած, թէև սկզբունքային համաձայնութեան եկել են բոլոր ֆրակցիաները, որ օգնականների երկու տեղերը յատկացւեն Սոցիալիստ Յեղափոխականներին և Հայ Ժողովրդական Կուսակցութեանը: Կարելի է ասել, որ այդ խնդիրը հարթւած է և նոր բարդութիւնների և երկար բանակցութիւնների առիթ չի լինի: Գլխաւոր վերահսկիչի պաշտօնի համար միաձայն ընտրւեց ընկեր Ալեքսան Մելիք-Աղաջանեան, որ պերսոնալ ձևով առաջարկւել էր Վ.Ս.Դ.Բ. Կուսակցութեան Հայկական Սեկցիայի կողմից: <...>

Շնորհիւ պարիտետի սկզբունքին Ազգ. Խորհրդում ստեղծւած է հաւասարակշռութիւն մի կողմից սոցիալիստական հատւածի և միւս կողմից Դաշնակցութեան և Հայ Ժողովրդական Կուսակցութեան միջև <...>: Յանուն պարիտետի և հաւասարակշռութեան իւրաքանչիւր ֆրակցիա աշխատել է և աշխատում է իր կուսակիցների համար այնքան տեղ ու պաշտօն ստանալ, ինչքան ունեն միւսները: Այս չարաբաստիկ սկզբունքը այնքան է ամրապնդւել ֆրակցիաների մէջ մի տխուր տրադիցիայի շնորհիւ, որ այլ ևս հանդուրժել անկարելի է և վարկաբեկիչ է միանգամայն յատկապէս սոցիալիստական հատւածի համար:

Տե՛ս Վիրահայ Ազգային Խորհրդում //
Բանվորի Ձայն, 7 մարտի 1920, N 10:

Լրագրային հաղորդում՝ Վրաստանի ՀԱԽ-ի 1920 թ. մարտի
6-ի և 9-ի նիստերի մասին

I.

Շաբաթ, մարտի 6-ին, կայացած յատուկ նիստում Վր. Հ. Ազգ. Խորհ. զբաղւեց Վրաստանի կառավարութեան ներկայացնելիք ազգային փոքրամասնութիւններին վերաբերեալ նախագծի քննութեամբ:

Նախագահում էր ընկ. Բ. Թովչեանը:

Նախագահի զեկուցումից երևում է, որ Վրաստանի կոնստիտուցիա մշակող յանձնաժողովը դեռևս համարեա ոչ մի քայլ չի արել այդ խնդրի վերաբերեալ: Ուղիղ է, յանձնաժողովը ստացել է առ այժմ 3 պրոէկտ, բայց դրանք թերի ու անմշակ են եւ ոչինչ չեն խոստանում ազգային փոքրամասնութիւններին: Վրաստանի սահմանադրութիւնը մշակող յանձնաժողովը հրաւիրել էր ազգային փոքրամասնութիւնների ներկայացուցիչներին լսելու նրանց կարծիքները: Երեքշաբթի¹²⁹ պետք է ներկայացնել մի մշակւած նախագիծ և ահա սրա համար է, որ կարիք զգացւեց Վ. Հ. Ազգ. Խ.-ի արտակարգ նիստ գումարելու: Վեց ամիս աւելի է, ինչ աշխատում է նախագիծը մշակող մեր յանձնաժողովը, բայց մինչև այսօր առիթ և յարմարութիւն չենք ունեցած ներկայացնելու Վր. Հ. Ա. խորհրդին այդ նախագիծը ի քննութիւն:

Այնուհետև նախագահը խօսք է տալիս ընկ. [Ռ.] Բէկզադէանին, որը զեկուցում է յանձնաժողովի աշխատանքների մասին:

¹²⁹ Իմա՝ 1920 թ. մարտի 9-ին:

Ընկ. Բէկգադեան. - Աղքատ է ազգային փոքրամասնութիւններին վերաբերեալ գրականութիւնը, մինչ նրա նիւթը շատ բարդ է և շատ դժուար է ժողովում իր ամբողջ ծաւալով ցուցադրել և քննել:

Չունենալով ոչ մի յարմար նիւթ, ստիպւած ենք մշակելու ինքներս, որպէսզի ազգային փոքրամասնութիւնների խնդիրը մի փոքր շարժի:

Մենք խնդրին մօտեցանք գործնական կողմից և չարծարծեցինք այնպիսի խնդիրներ, որոնք կարող են աւելորդ թիրիմացութիւններ յարուցել, կամ դանդաղեցնել գործը: Յանձնաժողովը ներկայացնում է մեզ երկու պրոէկտ, մէկը ընդհանուր է և վերաբերում է առհասարակ Վրաստանի սահմաններում ապրող բոլոր ազգային փոքրամասնութիւններին, իսկ երկրորդը յատուկ, սոսկ հայկական: Առաջինը իմս է, իսկ երկրորդը ընկ. [Ա.] Պապովեանինը:

Երկրորդ պրոէկտի էութիւնը նրանում է, որ հայերը Վրաստանում կազմում են մի միութիւն և ունին ազգային ինքնավարութիւն. նրանք օգտուում են բացի Վաստանի քաղաքացիների իրաւունքներից, նաև այն յատուկ իրաւունքներից, որ առհասարակ հայութիւնը վայելելու է միջազգային օրէնքներից. լեզուն ապահովում է օրէնքով, հայերը վարում են իրենց ներքին կուլտուրական գործերը, օգտուում են պետական համապատասխան բիւջէից. հայկ. ինքնավարութիւնը իրաւունք ունի շարժական և անշարժ կայքեր ունենալու, որոնք համարւելու են ազգի սեփականութիւն, այնտեղ, որտեղ ոչ-վրացիները կէս մասն են կազմում, այդպիսի շրջանները համարում են խառը և պաշտօնեաները պարտաւոր են հայերէն գիտենալ և ենթակայ են հայկական ինքնավարութեան կոնտրոլի, ազգ. ինքնավարութիւնը իրաւունք ունի տուրքեր հաւաքելու, մի-

նիստրական կազմի մեջ մտնում է հայկական գործերը վարող հայազգի մի մինիստր: Սա է ընկ. [Ա.] Պապովեանի նախագծի էությունը:

Միւսը աւելի թերիտիքական է և շոշոփում է ազգերի հաւասարութիւնն և ազգութիւնը բնորոշ խնդիրները: Ըստ պրոէկտի անհատն է ինքը որոշում թէ ինչ ազգութեան է պատկանում ինքը, մինչև 16 տարեկան հասակը պատկանում է ծնողների ազգութեան, խօսում է լեզուների հաւասարութեան և պլեբիսցիտի մասին, ցոյց է տալիս, թէ որոնք են խառը և մեծամասնութեան շրջանները ու պահանջ է դրում բոլոր ազգային փոքրամասնութիւնների համար ունենալ ստատսեկրետար:

Ընկեր Բէկզադեանի զեկուցումից յետոյ Ազգ. Խորհուրդն անցնում է երկու պրոէկտների քննութեանն ըստ էութեանը: Մի քանի կէտերի դէմ արւում են լուրջ առարկութիւններ ընկեր Ա. Երզնկեանի կողմից, որն ընդհանրապէս այն տեսակէտն է պաշտպանում, որ ազգային փոքրամասնութիւնների ինքնավարութիւնները այն ոգով պիտի կազմւած լինեն, որ չը հակասեն պետական ամբողջութեան ընդհանուր սկզբունքներին և միայն լրացնեն ու ամբողջացնեն նրան: Ապա որոշ առարկութիւններ են անում պ. [Գ.] Մելիք-Ղարաբեօզեանը և ընկեր Ա. Ստամբուլցեանը, որից յետոյ անցնում են յօդւածային ընթերցումին: Իբրև հիմք ընդունւում է ընկեր Ա. Պապովեանի մշակած պրոէկտը, որ նպատակ ունի պարզելու յատկապէս հայկական պահանջները:

II.

Մարտի 9-ին կայացաւ Վր. Հայոց Ազգ. Խորհրդի հերթական նիստը: Կարդացւեցին և հաստատուեցին անցեալ ժողովների արձանագրութիւնները, որից յետոյ խորհուրդն անցաւ օրակարգի խնդիրների քննութեանը:

Օրակարգի առաջին խնդիրն էր՝ Գանձակի դեպքերը, որի մասին զեկուցում տւեց պ. Բ. Թովչեանը: Գանձակից եկած յատուկ պատւիրակութիւնը հաստատում է այն սարսափելի վիճակը, որի մէջ գտնուում է այժմ Գանձակի և շրջակայ գիւղերի հայ ազգաբնակութիւնը: <...>

Օրակարգի երկրորդ խնդիրն էր Վր. Ազգ. Խորհրդի դպրոցական քաղաքականութիւնը, որի մասին զեկուցեժ պ. Իս. Յարութիւնեանը և որից յետոյ կարևոր լրացումներ արեց ընկեր Ա. Երզնկեանը:

Մինչև այժմ հայկական դպրոցները կառավարւում են ինքնավար կերպով Ազգ. խորհրդի կողմից, որովհետև դեռ Վրաստանի հանրապետութիւնը չունի այդ մասին որոշ սահմանադրութիւն:

Միայն այս տարւայ ընթացքում տեղի են ունեցել գաւառի զեմաստային ինքնավարութիւնների կողմից մէկ-երկու դեպք, երբ նրանք միջամտել են հայ դպրոցների ներքին գործերին: Այդ մասին Սահմանադիր ժողովին զեկուցւել է, որը պաշտպանել է հայ դպրոցի իրաւունքը, բայց ինչ-ինչ պատճառներով դեռ ևս կատարւած սխալները չեն ուղղւած: Լուսաւորութեան մինիստրը վերջերս առաջարկել է Գործ. Մարմ., որ նա նոր դպրոցներ բանալիս ստանայ կառավարութեան կամ տեղային ինքնավարութիւնների համաձայնութիւնը, վրացախօս հայերի մէջ դասաւանդութիւնը վրացերէն լեզուով կատարել տայ մինչև որ երեխաները կը տիրապետեն հայերէն լեզւին, ապա կրօնի դասաւանդութիւնը վերացնի հայկական դպրոցներից: Մինիստրը նշանակել է նաև կառավարական վերաստուգիչ, որ այցելելու է հայկական դպրոցները և ունենալու է ինֆորմացիոն իրաւունք և բոլորովին չի միջամտելու հայկական դպրոցական կեանքի անցուղարձին:

Այս բոլորին Գործադիր Մարմինը պատասխանել է, որ ինքը կանգնած է հայկական դպրոցների ինքնավարութեան պաշտպանելու տեսակետի վրայ և խնդրել ժամանակ այդ հարցերին պատասխանելու համար, երբ հնար կը լինի լսելու նորակազմ Ազգ. Խորհրդի կարծիքը:

Ժողովը քննելով այս գեկուցումը գտաւ, որ ընդհանրապէս Գործադիր Մարմինը ճիշտ տեսակետի վրայ է կանգնած և պիտի շարունակել պաշտպանել հայկական դպրոցների ինքնավար իրաւունքը: Բայց ընդգծւեց նաև, որոշ թերացումներ նկատուում է և նրա գործունէութեան մէջ: Օրինակ՝ հակառակ Ազգ. Խորհ. կտրուկ որոշման նա մինչև այժմ չի իրագործել կրօնի վերացումը մեր դպրոցներից: [ՎՄԴԲԿ] Հայկական Սեկցիան առաջարկեց ընդունել մինիստրի առաջարկը կառավարական վերաստուգիչի մասին ինֆորմացիոն իրաւունքով, նաև կրօնի վերացման մասին, որովհետև այդ կետերը չեն հակասում մեր դպրոցների ինքնավարութեան, իսկ վերջինը ընդունւած է Ազգ. Խորհրդի կողմից, բայց ապօրինի կերպով չի իրագործւել: Առաջարկը չընդունւեց:

Ժամանակը ուշ լինելու պատճառով նիստը փակւեց և օրակարգի միւս երկու խնդիրները յետաձգւեցին ուրբաթ¹³⁰ օրւայ արտակարգ նիստին: Այդ խնդիրներն էին պ. Ա. Միանսարեանի գեկուցումը իր Հայաստան գնալու առաքելութեան մասին և ընկեր Խ. Աղալբէկեանի գեկուցումը Սուխումի Հայոց Ազգ. խորհրդի հրաժարականի մասին:

Տե՛ս Վրաստանի Հայոց Ազգ[ային] Խորհուրդ //
Բանվորի Չայն, 14 մարտի 1920, N 11:

¹³⁰ Իմա՝ 1920 թ. մարտի 19-ին:

N 145

**Վրաստանի ՀԱՄ-ի թեզերը՝ վիրահայերի
ինքնակառավարում և մշակութային ինքնավարություն
հիմնելու մասին¹³¹**

1. Հայերը Վրաստանում սահմաններում կազմում են Հայկական Ազգային Ինքնավարութիւն:

2. Ազգային ինքնավարութիւնը իրականացում է Ազգային ժողովի և նրա գործադիր մարմնի՝ Ազգային Խորհրդի միջոցով:

3. Ազգային ժողովն ընտրւում է ընդհանուր, հաւասար, գաղտնի, ուղղակի ու համեմատական ընտրական սկզբունքով և գումարւում է իր իսկ որոշած ժամանակաշրջաններում, իսկ Ազգային Խորհուրդը գործում է Ազգային ժողովի կողմից սրւած իրաւունքների սահմաններում:

4. Ազգային ժողովն ու Խորհուրդն հասարակական իրաւական օրգաններ են, օժտւած իրաւական անձի (юридическое лицо) բոլոր իրաւունքներով, որոնց մէջ նաև շարժական և անշարժ կայքեր ձեռք բերելու ու սեփականացնելու իրաւունքով, օրինական բոլոր միջոցներով:

5. Հայոց Ազգային Ինքնավարութեան գոյքերը համարւում են Վրաստանի հայոց ազգային սեփականութիւն:

6. Ազգային ժողովի ընդհանուր ժողովներում անդամները օգտւում են խօսքի ազատութիւնից նոյն հիմունքներով, որով օգտւում են Օրէնսդիր Հիմնարկութեան անդամները: Թերացումների և ընդհանուր յանցանքների համար Ազգային ժո-

¹³¹ «Թեզեր»-ը շարադրվել էին Վրաստանի ՀԱՄ-ի օրենսդրական հանձնաժողովի անդամներ Կորյուն Ղազազյանի և Ալէքսանդր Պապովյանի ջանքերով: Տե՛ս ՀԱԱ, Ֆ. 441, ց. 1, գ. 61, թ. 21:

դովի և Խորհրդի անդամները, կարող են հետապնդել և զրկել ազատութիւնից միայն դատական կարգով:

7. Այն շրջաններում, որտեղ հայ ազգաբնակութիւնը կազմում է տւեալ ռայոնի (քաղաք, գաւառ, թեմի, գիւղ) բնակիչների 15-ից ոչ պակաս տոկոս, հայոց լեզուն ճանաչում է իրաւահաւասար պետական լեզւին վարչական տեղերում, ինքնավարութեան օրգաններում, դատական հաստատութիւններում, հրապարակական ժողովներում և պոստ-հեռագրական հաղորդակցութեան մէջ, այդ տեղերը, հիմնարկութիւնները, հաստատութիւնները և պաշտօնական անձինք, հայերի հետ յարաբերութիւններ ունենալիս, պարտաւոր են ընդունել բանաւոր և գրաւոր յայտարարութիւններ, բացատրութիւններ ու բոլոր գործավարական թղթերը հայերէն լեզուով, այլ և պատասխանել ու թղթեր տալ նոյն հայերէն լեզուով:

8. Կենտրոնական կառավարութեան համապետական օրէնքներն ու կարգադրությունները հրատարակում են բացի վրացերէնից նաև հայերէն լեզուով: Հայերէն են հրատարակում նմանապէս սոյն թեզիսների 7-րդ կէտում յիշած վայրերում, վարչական տեղերի և անձանց, տեղական ինքնավարութիւնների և դատական մարմինների բոլոր որոշումներն ու կարգադրութիւնները:

9. Հայոց լեզւի իրաւունքները, որոնք յիշած են սոյն թեզիսների 6 և 7 կէտերում, ապահովում են յատուկ օրէնքով:

10. Ազգային Ինքնավարութեան իրաւասութեանը ենթակայ են.

ա/ Ներկայացուցչութիւն ու պաշտպանութիւն շահերի և իրաւունքների հայկական հիմնարկութիւնների և հայերի՝ ինչպէս անհատական, նոյնպէս և խմբական, որոնք բխում են նրանց հայ ազգին պատկանելուց:

բ/ Վարումն ժողովրդական կրթութեան և ազգային կուլտուրայի զարգացման գործերի, ինչպէս և օգնութիւն հայ ազգաբնակութեան պարենաւորման, գիւղատնտեսական, առողջապահական և խնամատարական ասպարէզներում:

11. Հայ ժողովրդական կրթութեան գործը ամբողջութեամբ յանձնուում է Հայոց Ազգային Ինքնավարութեան, դպրոցներում դասաւանդութիւնը տարւում է հայերէն լեզուով: Ստորին, միջնակարգ և բարձրագոյն թէ հանրակրթական և մասնագիտական դպրոցներում դասաւանդելիք ծրագիրների որոշման և հաստատման, ինչպէս և նրանց կառավարելու գործը ամբողջութեամբ անցնում է Ազգային Ինքնավարութեան: Բարձր տարրական և միջնակարգ դպրոցներում վրաց լեզվի դասաւանդութիւնը պարտաւորեցուցիչ է:

12. Ժողովրդական կրթութեան, ազգային կուլտուրայի զարգացման համար Հայոց Ազգային Ինքնավարութեանն է տրամադրուում միջոցներ ազգաբնակութեան համեմատական չափով – պետական և տեղական ինքնավարութիւնների համապատասխան բիւջէներից:

13. Հայոց Ազգային Ինքնավարութիւնը իրաւունք ունի նշանակել և յատուկ տուրքեր հայերի վրայ, իր իրաւասութեան մէջ եղող գործերի համար:

14. Նախարարական Խորհրդի նիստերում մասնակցում է Հայոց Ազգային Խորհրդի ներկայացուցիչը, որպէս հայկական ինքնավարութեան գործերի վարիչ, մինիստրական իրաւունքներով:

Տե՛ս «Թեզեր», Վրաստանի Հայոց Ազգային Ինքնավարութեան,
մշակւած Հայոց Ազգային Խորհրդի կողմից //
Աշխատաւոր, 25 մարտի 1920, N 68:

Լրագրային հաղորդում՝ Վրաստանի ՀԱԽ-ի 1920 թ. մարտի
19-ի արտահերթ նիստի մասին

<...> Վրաստանի Հայոց Ազգ. Խորհուրդը իր մարտի 19-ի արտակարգ նիստում քննութեան առաւ <...> Սուխումի շրջանային Հ[այոց] Ազգ[ային] Խորհրդի գրաւոր հրաժարական-գեկուցումը, որի մասին բանաւոր բացատրութիւններ տւեց Սուխումի Հ.Ա.Խ. Նախագահ ընկեր Խաչ. Աւդալբեկեանը և լիովին հերքեց այն սխալ տեղեկութիւնները, որ նիստի ժամանակ հաղորդեց դաշնակցական ֆրակցիայի ներկայացուցիչը:

Սոցիալիստական ֆրակցիաների ներկայացուցիչները գտան, որ այն քաղաքականութիւնը, որին հետևել է Սուխումի Հ[այոց] Ա[զգային] Խորհուրդը միանգամայն ճիշտ է և ապահովում է ժողովրդի շահերը:

Այդ իմաստով բանաձև ընդունվեց Վր[աստանի] Հ[այոց] Ազգ. Խոր. որ առաջարկւեց սոցիալիստական ֆրակցիաների կողմից: Դաշնակցականների բանաձևը շահեց միայն 8 ձայն:

Ըստ ընդունւած բանաձևի որոշւեց յայտնել Սուխումի Շրջ. Հ. Ազգ. Խորհրդին, որ նրա գործելակերպը ճիշտ է և համապատասխանում է ժողովրդի տնտեսական կուլտուրական շահերին և առաջարկել, որ նա վերսկսէ իր գործունէութիւնը, մինչև որ նոր համագումար կը հրաւիրուի, և նոր Խորհուրդ կընտրուի, ապա որոշւեց յանձնարարել Վր. Հ. Ազգ. Խոր. Գործադիր Մարմնին, որ նա Սուխումի Շ. Հ. Ա. Խորհրդի նախագահի հետ համապատասխան միջնորդութիւն յարուցանէ, որ Սուխումի Ազգ. Խորհրդի գործունէութեան հանդէպ կանգնած արգելքնե-

րը չեզոքացւեն և նա առաջւայ պէս կարողանայ ժողովրդին օգտակար լինել:

Վ[ահան] Ռ[շտունի]

Տե՛ս Սուխումի Շրջանային Հայոց Ազգ[ային] Խորհ[րդի] հրատարականի առթիւ // Բանվորի Չայն, 28 մարտի 1920, N 13:

N 147

Լրագրային հաղորդում՝ Վրաստանի ՀԱԽ-ի 1920 թ. մայիսի 11-ի նիստի մասին

Մայիսի 11-ին, երկուշաբթի երեկ[ոյան] ժամը 6-ին տեղի ունեցաւ Վ.Հ.Ա.Խ. հերթական նիստը:

Օրակարգի առաջին խնդիրն էր երկու փոխ-նախագահների ընտրութիւնը: Ֆրակցիաները նախնական համաձայնութեան էին եկել այդ խնդրի շուրջը և այդ պատճառով էլ երկար վիճաբանութիւն չեղաւ այդ մասին:

Փոխ-նախագահների երկու տեղերի համար թեկնածուներ առաջարկեցին Սոց.-Յեղափոխականները և Հայ Ժողովրդական կուսակցութիւնը. առաջինների թեկնածուն էր ընկեր Գ. Սիմոնգիւլեանը, իսկ երկրորդը՝ պ. Գ. Մելիք-Ղարաբեօզեանը: Երկուսն էր ընտրուեցին միաձայն:

Ապա խորհուրդն անցաւ օրակարգի երկրորդ խնդրի քննութեանը: Խորհրդի նիստերի ժամանակ մի երկու անգամ խօսում են ռուսերէն, իսկ մէկը բոլորովին չի հասկանում այդ լեզուն: Սրա համար նախագահութիւնն առաջարկում է Խորհրդին տալ այդ խնդիրը լուծելու որոշ հրահանգ: Լինում է այս հարցի շուրջ փոքրիկ մտքերի փոխանակութիւն, որից պարզւում է, որ երկու կարծիք կայ այդ մասին: Առաջինը այն է, որ Հ.Ազ. Խորհրդում կարելի է միմիայն խօսել հայերէն լեզուով,

իսկ երկրորդ կարծիքը պաշտպանողները չառարկելով ըստ էութեան առաջին կարծիքի դէմ, գտնում են սակայն, որ թոյլ պիտի տրի այն պատգամաւորներին, որոնք չեն տիրապետում մայրենի լեզւին, իսուել ռուսերէն լեզուով: Մտքերի փոխանակութեան ընթացքում պարզում է, որ այս երկու կարծիքի կողմնակիցները ընդհանուր լեզու գտնել չեն կարողանում, դրա համար էլ խնդիրը դրում է քւէարկութեան: Առաջին կարծիքը պաշտպանողների առաջարկած բանաձևը դաշնակցականների և Հայ Ժողովրդական կուսակցութեան ձայներով մեծամասնութիւն է շահում և այնպիսով որոշում է թոյլ չտալ հայերէնին չը տիրապետող պատգամաւորներին իսուել ռուսերէն լեզուով: <...>

Նիստի վերջում Խորհուրդը յանձնարարեց նախագահութեանը, որ համապատասխան յանձնաժողովի հետ տեղեկանայ, թէ ինչ դրութեան մէջ է Վրաստանի Սահմանադիր Ժողովին ներկայացրած Հայոց Ազգային Ինքնավարութեան նախագծի քննութեան հարցը: Անհրաժեշտ համարւեց մամուլում Հայոց Ազգային Ինքնավարութեան նախագծի մասին պրոպագանդ մղել և ընդհանրապէս հայ լայն մասսաներին ծանօթացնել նրա հետ:

Տե՛ս Վրաստանի Հայոց Ազգային Խորհրդում//
Բանվորի Չայն, 16 մայիսի 1920, N 20:

N 148

Ծանուցում Վրաստանի հայկական դպրոցների մանկավարժներին

Վրաստանի Հայոց Ազգային Խորհուրդը ձեռնարկել է կազմել ուսուցչական ցանկ: Այն ուսուցիչներն ու վարժուհիներն

րը, որոնք պաշտօնավարում են մեր դպրոցներում – միջնակարգ, բարձր տարրական և ստորին տարրական կամ ապագայում կը ցանկանան պաշտօն ստանալ, բարեհաճեն մինչև մայիսի վերջը ներկայացնել Ազգային Խորհրդի Դպրոցական Բաժնին իրենց ուսման վկայականները (իսկական կամ հաստատուած պատճենը) գրաւոր յայտնելով նաև՝ թէ քանի տարի և որտեղ են ուսուցչական պաշտօն վարել և ի՞նչ առարկաներ են դասաւանդել: Սեպտեմբերին պաշտօն կունենան միմիայն նրանք, որոնց անունները կը լինեն ցանկի մէջ:

Վրաստանի Հայոց Ազգային Խորհրդի Գործադիր Մարմնի անդամ և Դպրոցական Բաժնի վարիչ՝ Իս. Յարութիւնեան

Տե՛ս Վրաստանի հայոց դպրոցների ուսուցիչներին և վարժուհիներին // Բանվորի Չայն, 16 մայիսի 1920, N 20:

N 149

Լրագրային հաղորդում՝ Վրաստանի ՀԱԽ-ի 1920 թ. հունիսի 22-ի նիստի մասին

Երեքշաբթի, յունիսի 22-ին տեղի ունեցաւ Վ. Հ. Ա. Խորհրդի հերթական նիստը: Օրակարգի մէջ դրւած էին մի քանի խնդիրներ, բայց այդ նիստին հնար եղաւ զբաղւել միայն նախագահութեան, աւելի ճիշտ կը լինի ասել նախագահ պ. Բ. Թոփչեանի հրաժարականի խնդրով:

Բանը հետևեալում է:

Նախագահ Բ. Թոփչեանը բաց անելով նիստը զեկուցում է այն մասին, թէ Վ. Հ. Ա. Խորհրդի մշակած ազգային աւտոնոմիայի նախագծի և Վրաստանի Սահմանադիր Ժողովի սահմանադրական յանձնաժողովի մշակած և հրատարակած նախագծերի մէջ ոչ մի նմանութիւն չկայ, բնական է որ վերջինս

բուրբովին չի բաւարարելու հայ ժողովրդին: Ապա աւելացնում է, որ համաձայն Ազգային Խորհրդի հրահանգների նախագահութիւնը ի միջի այլոց թուցիկներով հրատարակել է Ազգային Խորհրդի մշակած ազգային կուլտուրական ատոմոմիայի թեզերը, որոնց կցել է մի կոչ ևս:

Կարդացում է այդ կոչը, որից յետոյ և սկսում է այդ կոչի որոշ արտայայտութիւնների քննադատութիւնը: Այդ մասին առաջինը արտայայտում է մեր ընկեր Բ. Մկրտումեանը, որը յայտարարում է, որ կոչի վերջին նախադասութիւնը այնպէս է խմբագրւած, որ կարող է շատ թիրիմացութիւնների տեղիք տալ և անակնկալ բարդութիւններ առաջացնել: Նա կարծում է, որ նման պատասխանատու քայլ նախագահութիւնը չը պիտի անէր, երբ այդ բանին Ազգային Խորհրդի ֆրակցիաներից մի քանիսը և համարեա բոլոր անդամները անտեղեակ են և միայն նիստից առաջ պատերին կպցրած թուցիկներից են ծանօթանում նախագահութեան այդ կոչին:

Ընկեր Ղ. Տէր-Ղազարեանը պաշտպանում է նոյն միտքը, գտնելով որ այս քայլով Ազգային Խորհուրդը հայ դեմոկրատիայի համար բաց է անում 33-րորդ մի նոր և աւելորդ ֆրոնտ, փոխանակ կրճատելու եղածները:

Շայ ժողովրդական կուսակցութեան ներկայացուցիչ պ. Ի. Յարութիւնեանը և Դաշնակցութեան ներկայացուցիչ պ. Պ. Տէր-Պօղոսեանը այն միտքն են պաշտպանում, որ կոչը ոչ մի թիրիմացութեան տեղիք տալ չի կարող և մաշակւած է միանգամայն ընդունելի ձևով և աւելորդ են այդ մասին եղած քննադատութիւնները:

Սոցիալիստ յեղափոխականները պաշտպանում են այն միտքը, որ աչքի առաջ ունենալով եղած պայմանները նրանք

ևս միանում են ը.ը. [Բ.] Մկրտումեանի և Ղ. Տեր-Ղազարեանի պաշտպանած տեսակետին:

Նախագահ Բ. Թովչեանը տալիս է եղած քննադատությունների առթիւ բացատրություններ, պաշտպանելով նախագահութեան (այսինքն իր և քարտուղարի, որովհետև նախագահի օգնականները ներկայ չեն եղել այդ կոչի մշակման ժամանակ) արածը և գտնելով, որ այդ կատարած է հէնց Ազգային Խորհրդի հրահանգների հիման վրայ:

Ապա աւելացնում է, որ եղած քննադատություններով նախագահութիւնը մեղադրում էր այն բանում, որ նա դուրս է եկել իր իրաւունքների սահմաններից, դրա համար էլ բացատրություններից յետոյ նախագահութիւնը դնում է վստահութեան քւէի խնդիրը:

Ապա Բ. Թովչեանը և քարտուղար Մ. Դարբինեանը թողնում են նախագահութեան սեղանը, նախագահի տեղն անցնում է պ. Գ. Մելիք-Ղարազեօգեանը:

Սոցիալիստական երեք ֆրակցիաները յայտարարում են, որ նախագահութիւնը բոլորովին անտեղի կերպով դրեց վստահութեան քւէի խնդիրը, որովհետև քննադատութիւնը եղել է միայն կոչի մի կետի դէմ և իրենք անվստահութեան խնդիր երբեք չեն յարուցել: Չնայած այս յայտարարութեան այնուամենայնիւ ձայների մեծամասնութեամբ որոշում է վստահութեան խնդիրը քւէարկութեան դնել: Արդիւնքն այն է լինում, որ վստահութեան քւէ են տալիս 12 հոգի, ձեռնպահ են մնում 10, դէմ ոչ ոք:

Բ. Թովչեանը յայտարարում է, որ այս քւէարկութիւնը նախագահութիւնը համարում է անվստահութեան քւէ և հրաժարում է: <...>

Յայտարարում է ընդմիջում, որ տևում է մօտ 40 րոպե: Նիստը բացելուց յետոյ սոցիալիստական ֆրակցիաները առաջւայ նման յայտարարում են, որ իրենք անտեղի էին համարում վստահութեան խնդիր դնելը, դրա համար էլ չեն մասնակցել քւէարկութեանը: Այսպիսով վերջանում է պ. Թովչեանի առաջ բերած «միջադէպը»:

Որոշում է դադարեցնել թռուցիկների տարածումը և չորեքշաբթի ժամը մէկին գումարել ֆրակցիաների նիստ, որ նախագահութեան հետ կը մշակի կոչի վիճելի կէտերը:

Նիստը փակւեց ժամը 11-ին:

Չորոքշաբթի, ժամը 1-ին կայացաւ այդ նիստը, որ դուրս գցեց կոչի վերջին պարբերութիւնը և նորից խմբագրեց այն: Այս նոր ձևով է ահա, որ կոչը պիտի տարածուի ժողովրդի մէջ:

Տե՛ս Վրաստանի Հայոց Ազգային Խորհրդում //
Բանվորի Չայն, 27 հունիսի 1920, N 26:

N 150

ՀԱՄ-ի կոչը Վրաստանի հայազգի քաղաքացիներին՝ մշակութային ինքնավարութեան պահանջի մասին

Քաղաքացիներ՝

Ազգային Խորհուրդը այս թէգերը համարում է այն նւագագոյն իրաւունքները, որոնք պիտի ապահովեն Սահմանադիր ժողովի կողմից հայութեան Վրաստանի հասուածին՝ նրա ազգային կուլտուրական գործերը անարգել կերպով վարելու համար:

Մօտիկ ապագայում Վրաստանի Սահմանադիր ժողովը պիտի քննութեան առնի սահմանադրական յատուկ յանձնաժողովի կողմից մշակւած Վրաստանի Սահմանադրութիւնը:

Քաղաքացիներ

Ազգային խորհուրդը պիտի պահանջի, որ հայ դպրոցի և ազգային այլ գործերի ինքնավարութիւնը ապահովուած լինի հիմնական օրենքներում, Սահմանադրութեան մէջ:

Իր պահանջների ու դիմումների մէջ Խորհուրդը կարող է ու պիտի յենւի միայն մեզ վրայ: Արծարծեցէք ազգային կուլտուրական ինքնավարութեան գաղափարը, տարածեցէք այս թէգերը¹³¹, որով և աջակցած կը լինէք Ազգային Խորհրդին, ձեր իրաւունքների պաշտպանութեան գործում:

Վրաստանի Հայոց Ազգային Խորհրդի Նախագահ՝

Բ. Թոփչեան

Անդամ քարտուղար՝ Մ. Դարբինեան

Տե՛ս Վրաստանի Հայ քաղաքացիներին //

Բանվորի Ձայն, 4 հուլիսի 1920, N 27:

N 151

Վրաստանի Սոցիալ-Դեմոկրատական Բանվորական Կուսակցության «հայկական սեկցիայի» առանձնակի կարծիքը՝ մշակութային ինքնավարության պահանջի կապակցությամբ

Տպագրելով Վ. Հ. Ա. Խորհրդի նախագահութեան խնդրի համաձայն խորհրդի մշակած թէգերը և նրան կցած կոչը¹³², խմբագրութիւնս հարկ է համարում յիշեցնել մեր ընթերցողներին, որ թե՛ մեր և թե՛ Ազգային Խորհրդի մեր ֆրակցիայի տեսակէտը նշանակալի չափով տարբեր է այս հարցի վերաբերմամբ:

¹³¹ Տե՛ս N 145 վավերագիրը:

¹³² Տե՛ս N 150 վավերագիրը:

Թե՛ այս թեզերի մշակման ժամանակ և թե՛ վերջերս մեր թերթում մենք առիթ ենք ունեցել շեշտելու, որ ազգային փոքրամասնությունների ազգային-դպրոցական կարիքների բաւարարման և կուլտուրական կեանքի զարգացման համար աւելի ընդունելի և արդիւնաւէտ միջոցը պետական մեխանիզմի լայն դեմոկրատացումն, որի ժամանակ տեղական և քաղաքային ինքնավարությունները լիովին կը փոխարինեն ազգային ատոնոմիային և կապահովեն պետութեան մէջ ապրող իւրաքանրիւր քաղաքացու և ազգի բոլոր իրաւնքները:

Տե՛ս Բանվորի Ձայն, 4 հուլիսի 1920, N 27:

N 152

Լրագրային հաղորդում՝ Վրաստանի ՀԱԽ-ի 1920 թ. հուլիսի 6-ի նիստի մասին

Ազգային Խորհրդի յուլիսի 6-ի հերթական նիստի օրակարգի առաջին հարցը ազգային փոքրամասնությունների բանաձևի հաստատությունն էր: Ինչպէս գիտեն մեր ընթերցողները, Վ.Հ.Ա. Խորհրդի ազգային կուլտուրական ատոնոմիայի և Վրաստանի Հիմնադիր Ժողովի սահմանադրական յանձնաժողովի նոյն խնդրի մասին մշակած նախագծի մէջ հիմնական տարբերություններ կան, այդ տարբերությունները չեն վերանում և այն ուղղումներով, որ սահմանադրական յանձնաժողովի նախագծի մէջ մտցրեց Վ. Ս. Դ. Բ. կուսակցութեան վերջին համագումարը: Վ.Հ.Ա. Խորհուրդը ընդհանրապէս Վրաստանի ազգային փոքրամասնությունների և մասնաւորապէս հայերի կուլտուրական-կրթական գործերի ամբողջ դեկավարութիւնը իր նախագծով վերապահում է ազգային ատոնոմիային, իսկ սահմանադրական յանձնաժողովը և Վ.Ս.Դ.Բ. կուսակցութե-

ան համագումարը, որ ընդարձակել է և լայնացրել առաջինի նախագիծը, այդ իրաւունքները և պարտականութիւնները ամբողջովին թողնում են տեղային և քաղաքային ինքնավարութիւնների վրայ և ազգային փոքրամասնութիւնների կրթական-կուլտուրական կարիքների լիակատար բաւարարումը պետական մեխանիզմի լայն դեմոկրատիզմի հետ կապում:

Մեր ընթերցողներին յայտնի է նոյնպէս, որ Վ.Ն.Ա. Խորհուրդը բոլորովին անբաւարար և անընդունելի համարում թէ սահմանադրական յանձնաժողովի նախագիծը և թէ այն ուղղումները և յաւելումները, որ մտցրել է նրա մէջ Վ.Ս.Դ.Բ. կուսակցութեան համագումարը, դրա համար էլ բողոքի մի բանաձև է մշակել և որոշել է դիմել մի շարք միջոցների պետական ղեկավար շրջանների և հայ լայն մասսաների մէջ իր տեսակէտներն ընդունելի դարձնելու համար:

Երբ կարդացւեցին այդ բանաձևը և ձեռք առնելիք միջոցները թեցին և ժողովը քւէարկութեան էր անցնում, Վ.Ս.Դ.Բ.Կ. Հայկական Սեկցիայի ֆրակցիան արեց հետևեալ յայտարարութիւնը:

«Ինչպէս յայտնի է Ազգային Խորհրդի Հայկական Սեկցիան աւտոնոմիայի նախագիծը մշակելիս որոշ կետերում, որոնք էական նշանակութիւն ունին, քւէ չի տւել. օրինակ՝ Ազգային Խորհրդին յատուկ տուրք դնելու իրաւունք ունենալում. նրան տնտեսական ֆունկցիաներ յատկացնելում, Վրաստանի կառավարութեան մէջ առանձին հայկական գործերի մինիստր ունենալում: Ընդհանրապէս Հայկական Սեկցիան չառարկելով ազգային աւտոնոմիայի գաղափարի դէմ, նրան ավելի նեղ բովանդակութիւն է տւել քան միւս ֆրակցիաները: Իսկ այժմ, երբ Վ.Ս.Դ.Բ. կուսակցութեան համագումարը ազգային փոքրամասնութիւնների իրաւունքների պաշտպանութեան համար

այլ ճանապարհ է ընտրել, Հայկական սեկցիան սրանից հետոյ Ազգային Խորհրդի այն բոլոր քայլերի վերաբերմամբ, որոնք ուղղուած են աւտոնոմիայի պաշտպանութեանը, ձեռնպահ է մնալու կամ եթէ հարկ համարեց, հակառակ քէ է տալու»:

Օրակարգի երկրորդ խնդիրն էր 1920-21 դպրոցական տարւայ նախահաշի քննութիւնը: Այս մասին զեկուցում տւեց դպրոցական վարիչ պ. Իս. Յարութիւնեանը, որ ընդհանուր գծերով թւեց այն ծախքերը, որոնք առաջիկայ տարում անհրաժեշտ են դպրոցների բաւարար քանակ պահելու համար: Այժմեան դասագներով այդ ծախքերի գումարը 11 միլիոնից անց է: Նախահաշիւը ըստ էութեան չքննւեց, որովհետև ֆրակցիաները դեռ հնար չէին ստացել ծանօթանալու նրա հետ, վճուեցին մի քանի կոնկրետ հարցեր, իրկ ամբողջութեամբ խնդիրը քննւելու է յետագայ հերթական նիստերում: <...>

Տե՛ս Վրաստանի Հայոց Ազգային Խորհրդում //
Բանվորի Ձայն, 11 հուլիսի 1920, N 28:

N 153

Լրագրային հաղորդում՝ Վրաստանի ՀԱԽ-ի 1920 թ. օգոստոսի 3-ի նիստի մասին

Օգոստոսի 3-ին, երեքշաբթի օրը, տեղի ունեցաւ Վրաստանի Հայոց Ազ. խորհրդի հերթական նիստը: Օրակարգի խնդիրներն էին՝ 1. գլխաւոր վերահսկչի զեկուցումը, 2. դպրոցական բիւջէի քննութիւնը, 3. նախագահութեան լրացուցիչ ընտրութիւններ, 4. Ազգ. Խորհրդի միամսեայ արձակուրդի խնդիրը:

Գլխաւոր վերահսկիչ ընկ. Ալ. Մելիք-Աղաջանեանը մանրամասն զեկուցեց իր մի քանի ամուայ աշխատանքների արդիւնքի մասին:

Ընկերոջը յաջողւել է կարգի բերել իրար վրայ անկարգ կերպով կուտակւած բազմաթիւ հաշիւները, որ Ազգ. Խորհրդին ժառանգութիւն են մնացել Գաղթականական Խորհրդից և որոնք մի այնպիսի վիճակում են, որոնց համար հաշիւ բառը կարելի է գործածել խոշոր վերապահութեամբ միայն: Հաշւապահական ամենատարրական պահանջներին անգամ չեն բաւարարում այդ հաշիւ կոչւածները և մնում է, որ Ազգային խորհուրդը որոշ միջոցներ ձեռնարկէ փակելու կամ գրքերից հանելու դրանց: Վերահսկիչը աշխատել է միայն որոշ դասերի վերածելու, որոշ կարգ մտցնելու դրանց մէջ, իսկ վերջնական անօրինութիւնը ի հարկէ պատկանում է Ազ. Խորհրդին: Այս եղանակով կարգի է բերւած մինչև 1919 թ. սեպտեմ. 1-ի հաշիւները:

Ազգային Խորհուրդը անկարելի համարեց կէտ առ կէտ քննելու բոլոր հաշիւները իր ընդհանուր նիստում, այլ որոշեց ընտրել մի յանձնաժողով և նրան լիազօրել, որ փակէ այն բոլոր հաշիւները, որը հնարաւոր կը նկատի, իսկ մնացած յատուկ քննութիւն պահանջող կամ վիճելի խնդիրները բերելու Ազգային Խորհուրդ:

Դպրոցական վարիչ պ. Իս. Յարութիւնեանը տուեց մի քանի լրացուցիչ բացատրութիւններ բիւջէի մասին, որոց պարզւեց, որ բիւջէն կազմւած է այն դպրոցների համար, որոնք անցեալ տարում պահել են Ազգ. Խորհրդի միջոցներով կամ որոշ նպաստով: Հաշիւ չեն առնւած Բաթումի, Սուխումի դպրոցները և այն դպրոցները, որ ծրագրւել է բաց անել եկող ուսումնական տարւայ ընթացքում: Կազմւած է այսպէս կոչւած նորմալ բիւջէ, այսինքն հաշւած է տուեալ դպրոցների ամբողջ տարւայ ծախքերը այս տարւայ դասագներով և այն մի շարք բարեփոխումներով, որի մասին արդէն ստացւել է Ազգային Խորհրդի համաձայնութիւնը:

Այսպիսով Ազգ. Խորհրդի 50 դպրոցի ծախքերն են մօտ 12 միլիոն ռուբլի: Այս 50 դպրոցից երկուսը միջնակարգ են, մի քանիսը բարձր տարրական, իսկ մեծ մասը տարրական դպրոցներ:

Դպրոցների մեծ մասը նիթական միջոցներից բոլորովին գուրկ է և Ազգային Խորհուրդն է ամբողջովին հոգում նրանց ծախքերը, իսկ մի մասն էլ ունի եկամուտի աղբիւրներ և ծածկում է իր ծախքերի որոշ մասը, իսկ Ազգ. Խորհուրդը միայն լրացնում է բաց մնացած մասը: Այսպէս որ 12 միլիոն բիւջէն ամբողջովին չի ծանրանալու Ազգ. Խորհրդի վրայ, այլ նրա որոշ մասը հոգալու են դպրոցների տնտեսական խորհուրդները: Առայժմ դեռ պարզւած չէ, թէ եկող ուսումնական տարում դպրոցների տնտեսական խորհուրդները իրենց ծախքերի որ մասն են կարողանալու հոգալ:

Բիւջէի շուրջը թեր և դէմ վիճաբանութիւններից յետոյ որոշւեց Գործադիր մարմնին վարկ բաց թողնել դպրոցների ծախքերը լրացնելու համար 6 միլիոն ռուբլի: Առաջարկեց գործադիր մարմնին և դպրոցական վարիչին մի ամուսայ ժամանակամիջոցին պահանջել և ստանալ դպրոցներից իրաքանչիւրի բիւջէն և պարզել այն բացը, որ առաջանում է ամեն մի դպրոցի բիւջէի մէջ և որը լրացնելու է Ազգ. Խորհուրդը, Բաթումի և Սուխումի դպրոցների համար նոյնպէս մշակել բիւջէ: Ձեռք առնել միջոցներ, որ Ազգ. Խորհրդին չենթարկուող Ներսիսեան դպրոցը մտնի ընդհանուր դպրոցական ցանցի մէջ և նոյնպէս ներկայացնի իր բիւջէն:

Բիւջէի շուրջը տեղի ունեցած վիճաբանութիւններից պարզւեց, որ դեռ չի յաջողւել կառավարութեան հետ մեր դպրոցների իրաւական և տնտեսական դրութեան մասին որոշ համաձայնութեան գալ:

Հէնց այս հանգամանքն էլ կազմում է մեր դպրոցների ամենաթոյլ կողմը: Նախագահը յայտնում, որ Հայ Ժողովրդական կուսակցութեան ֆրակցիայի անդամ Գ. Մելիք-Ղարազեզեանը հրաժարել է Ազգ. Խորհրդի անդամութիւնից, պարոնը միաժամանակ նախագահութեան անդամ էր, ուստի հարկատր է նոր ընտրութիւն կատարել: Հայ Ժողովրդական Կուսակցութեան կողմից նախագահի օգնականութեան թեկնածու է առաջարկուում պ. Այվազեանը, որն էլ ընտրուում է:

Ապա նախագահը ծանուցանում է, որ աւագների խորհուրդը ձայների մեծամասնութեամբ որոշել է Ազգ. Խորհրդի առաջ միամսեայ արձակուրդի խնդիրը դնել, որի ժամանակ նախագահութիւնը և Գործ. Մարմինը տանելու են առօրեայ գործավարութիւնը, իսկ եթէ կարևոր խնդիր առաջ եկաւ, կը գումարի աւագների խորհուրդը, աւելի կարևոր դէպքում կը հրաւիրի Ազգ. խորհրդի արտակարգ նիստ:

Առանց վիճաբանութիւնների ժողովը համաձայնութիւն է տալիս միամսեայ արձակուրդի առաջարկին:

Տե՛ս Վրաստանի Հայոց Ազգային Խորհրդում//
Բանվորի Ձայն, 8 օգոստոսի 1920, N 32:

N 154

ՌՄԴԲԿ «միջազգայնականներ»-ի կուսակցական լրագրի մեկնաբանությունը՝ Վրաստանի ՀԱԽ-ի դպրոցական քաղաքականության մասին

<...> Վր. [Հայոց] Ազգային Խորհրդի քաղաքականութիւնը եղել է հնի շարունակութիւնը, նա պահպանմել է հին կարգը, սիստեման, այսինքն մեր դպրոցների պահպանութեան հիմքն ընդունել է ոչ թէ պետական, ինչպէս նաև մունիցիպալ աղ-

բիւրները, այլ զուտ հայկական միջոցները: Հայ դպրոցները պահուել են զուտ հայկական եկամուտներով և ոչ պետութեան հաշուով: Տարբերութիւնը միայն այն է եղել, որ հայ դպրոցների ղեկավարութիւնը հոգևորականութեան փոխարեն անցել է Ազգային Խորհրդին: <...>

Մենք այժմ էլ *de facto* ունինք դպրոցական ինքնավարութիւն, ինչպէս և առաջ, հին ռեժիմի օրով, օգտութեամբ զուտ բարեգործական հիմունքներով առանց պետական օժանդակութեամբ: <...>

Հայկական համարում է միայն այն, ինչ որ պահում ու ղեկավարում է հայի ձեռքով ու միջոցներով:

Գիմնագիւաններն ու այլ դպրոցներ, որոնք պահում են պետութեան կամ ինքնավարութեան միջոցներով, հայկական չեն համարում: Այդ է պատճառը, որ Վրաստանի Հայ Ազգային Խորհուրդը բնաւ ուշադրութեան չէ առնում այդ դպրոցները¹³³, այն ինչ հայ երեխաների մեծագոյն մասը այդ դպրոցներում են ուսանում: <...>

Թիֆլիսի III-րդ իգ. հայկ գիմնագիւյում, որ տարեց տարի ազգայնանում է, ղեկավար շարունակում է մնալ մի վրացի, միւս դպրոցների ղեկավարներն էլ եթէ հայեր են, միանգամայն անպատրաստ իրենց կոչումին ու դիրքին: <...>

Աս.

Տե՛ս Վրաստանի Հայոց Ազգային Խորհրդի դպրոցական քաղաքականութիւնը //Նոր Խօսք, 13 սետեմբերի 1920, N 4:

¹³³ Հռովաձազիը միանգամայն վերացական դիտարկում է անում: Պետական դպրոցներում հայերեն լեզվի և այլ հայագիտական առարկաների դասավանդման ու նույնանման խնդիրների նկատմամբ վերահսկման գործը դարձել էր լուսավորության նախարարության մենաշնորհը, ամբողջությամբ դուրս մնալով ՀԱԽ-ի իրական հնարավորությունների շրջանակներից: Տե՛ս ՀԱԽ-ի դիմումը Վրաստանի վարչապետին, ՀԱԱ, ֆ. 441, ց. 1, գ. 30, թ. 16-17:

N 155

1919-1920 ուսումնական տարվա
վիճակագրական տվյալները՝ Վրաստանի ՀԱԽ-ին ենթակա
ժողովրդական դպրոցների մասին

Աղյուսակ N 1

դպրոցների տեսակը (աստիճանը)	միությունների թվաքանակը	աշակերտների թվաքանակը				աշակերտների թվաքանակը դասարաններում		
		տղաներ	աղջիկներ	ընդամենը	դասարանների թվաքանակը	minimum	maximum	միջին թիվը
ստորին տարրական	45	1940	1926	3866	134	20	60	29
բարձր տարրական	5	269	884	1153	36	8	58	32
միջնակարգ	3	26	461	484	18	12	44	27
միասին	53	2235	3271	5506	188			29

Ուսուցչա-մանկավարժական անձնակազմ					
Ուսուցիչ-ուսուցչուհիների կրթական աստիճանը					
դպրոցների տեսակը (աստիճանը)	բարձրագույն	միջնակարգ	մասնագիտական	տարրական	ընդամենը
ստորին տարրական	2	61	22	24	109
բարձր տարրական	13	21	7	7	48
միջնակարգ	24	20	9	1	54
միասին	39	102	38	32	211

Տե՛ս Վրաստանի Հայոց Ազգային Խորհուրդն եւ նրան ենթակա դպրոցները //Նոր Խօսք, 27 սեպտեմբերի 1920, N 6:

N 156

Հաղորդագրություն՝ Աբխազիայի (Սուխումի շրջան) հայկական ժողովրդական դպրոցների մասին¹³⁴

Անցեալ ուսումնական տարւայ մարտ ամսին Սուխումի շրջանի Հայոց Ազգ. Խորհուրդը յանձինս իր նախագահ ընկեր Խաչ. Աւդալբեգեանի դիմել էր Վրաստանի Հանրապետութեան կառավարութեանը և խնդրել, որ նա պետական միջոցներից վճարէ հայ դպրոցների ուսուցիչներին ևս այն յաւելումները,

¹³⁴ Խնդրո առարկա մանրամասն տե՛ս Մաիլյան Բ. Վ. Աբխազիայի հայկական դպրոցների պատմությունից (1918-1920 թթ.) // Հայ-Ռուսական (Սլավոնական) համալսարանի հինգերորդ տարեկան գիտաժողով, (2010 թ., դեկտեմբեր), գիտական հոդվածների ժողովածու, Եր., 2011, էջ 25-35:

որ արևել էին և արևելու էին պետական դպրոցների ուսուցիչների ռոճիկների վրայ: Այս խնդրի մասին կառավարութեան հետ բանակցութիւններ է վարել ընկեր Աւդալբեգեանը Վրաստանի Հ. Ազգ. Խ. Գործադիր Մարմնի նախագահ ընկեր Ա. Երզնկեանի հետ միասին:

Այս այդ բանակցութիւնները շարունակել են և այս ուսումնական տարւայ համար ևս Սուխումի Հայոց Ազգային Խորհուրդը կառավարութիւնից իր դպրոցների համար նպաստ է խնդրել:

Այս սեպտեմբերին պարզել է, որ Սուխումի շրջանի կենտրոնական գեմստոյին վարչութիւնը շրջաբերական է ուղարկել բոլոր հայ դպրոցներին, թէ նրանք անցնում են գեմստօներին և պահուելու են նրա միջոցներով և ուսուցիչներ վարձելը, հաստատելը և ընդհանրապէս դպրոցական գործի ղեկավարութիւնն անցնում է գեմստօներին: Հենց որ այս մասին տեղեկացնում են Սուխումի Հ. Ազգ. Խոր. Գործադիր Մարմինը և Շրջանային տեսուչը անմիջապէս դիմում են Խորհրդի նախագահ ընկեր Աւդալբեգեանին, որ այստեղ Թիֆլիսում էր, որպէս զի նա պարզի այս խնդիրը և վերականգնի Ազգ. Խորհրդի իրաւունքները:

Ընկեր Աւդալբեգեանի կողմից անմիջապէս համապատասխան գրաւոր դիմում է արւում լուսաւորութեան մինիստրութեանը, որի մէջ մանրամասն բացատրւում է դրութիւնը և մատնանշւում, որ այժմեան հանգամանքներում Սուխումի գեմստօներն անկարող են բաւարար բարձրութեան վրայ պահել հայ ազգային դպրոցները և որ նրանք պիտի շարունակեն պահուել Ազգային Խորհրդի ղեկաւարութեամբ:

Կառավարութիւնը պիտի նպաստ տայ հայ դպրոցներին գեմստօների միջոցով, Ազգային Խորհուրդը կը կազմի ուսուց-

չական խմբերը, և կը ներկայացնի զեմստւոներին ուսուցիչների ռոճիկների հաշիւը և կստանայ դրամը և կը բաշխի նրանց, իսկ տարւայ վերջում ընդհանուր տեղեկագիր կը ներկայացնի զեմստւոներին իր դպրոցների մասին:

Այսպիսով Սուխումի շրջանի Հայոց Ազգ. Խորհուրդը իրեն է վերապահում հայ դպրոցների ամբողջ ղեկավարութիւնը և միայն աշխատում է կառավարութիւնից ստանալ դրամական միջոցները, իսկ կառավարական օրգաններին - զեմստւոներին մնում է միայն ընդհանուր հսկողութեան գործը, որ առանց նպաստ տալու անգամ նրանց իրաւունքն է: Կառավարութեան և Սուխումի Հ. Ա. Խորհրդի բանակցութիւնները դեռ վերջնական ելքի չեն հանգել <...>:

Ահա այս խնդրի շուրջն է, որ Վրաստանի Հ. Ա. խորհրդի սեպտեմբերի 28-ի նիստում դաշնակցական ֆրակցիան իր հարցապնդով <...> աշխատում էին տեսնել ազգային կուլտուրական ինքնավարութեան խնդրի կանխորոշում և ոտնահարում Սուխումի Ազգ. Խորհրդի կողմից, բացի այս պնդում էին, որ Սուխումը իրաւունք չունէր անկախ կերպով նման քայլի դիմել:

Այն բացատրութիւնները, որ տւեցին այդ մասին Գործադիր մարմնի նախագահ ընկ. Ա. Երզնկեանը և Սուխումի Հ. Ա. Խ. նախագահ ընկ. Խ. Աւդալբեգեանը և Շրջանային տեսուչ ընկ. Տ. Սողոմոնեանը միանգամայն պարզ կերպով ցոյց տւեցին, որ <...> Սուխումի Հ. Ա. Խ. անցեալ մարտ ամսին, երբ դիմել է կառավարութեանը, և խնդրել իր ուսուցիչների համար ևս վճարել պետական դպրոցներում կատարած յաւելումները, իր բանակցութիւնները վարել է Վ. Հ. Ա. Խ. գործադիր Մարմնի նախագահի հետ միասին: Բացի այդ դպրոցական վարիչն անգամ խոստուանեց և այդ բոլորին էլ յայտնի է, որ Վ. Հ. Ա. Խ. և

Սուխումի Հ. Ա. Խ. յարաբերությունները մինչև այժմ այնքան էլ սերտ չեն եղել և վերջինս յաճախ անկախ դիմումներ է արել կառավարութեանը շրջանի այս կամ այն կարիքը բաւարարելու համար: Սրան երբեք դեմ չի արտայայտուել Վ. Հ. Ա. Խորհուրդը, ընդհակառակը յանձնարարել է Գործ. Մարմինն օժանդակել Սուխումին իր դիմումների ժամանակ, - հենց սրա հիման վրայ ընկ. Ա. Երզնկեանը իբրև Գործ. Մարմնի նախագահ օգնել է Սուխումի Հ. Ա. Խ. իր մարտ ամսի դիմումի ժամանակ: <...>

Բացատրությունները ցոյց տւեցին, որ Սուխումի Հ. Ա. Խորհուրդը կառավարութեան դիմել է և միայն նպաստ է խնդրել իր դպրոցների համար, զեմստւօների կարգադրութիւնը, թէ դպրոցներն անցնում են իրենց, միանգամայն նորութիւնն է և անընդունելի է Սուխումի [ՀԱԽ-ի] համար, դրա համար էլ լուսաւորութեան մինիստրութեանը դիմում է արւած, որ ոչչնչացւի զեմստւօների այդ կարգադրութիւնը և մինչև Հիմնադիր Ժողովը ազգային ատոնումիայի խնդիրը կը լուծէ վերջնական ձևով, դրութիւնը մնայ հինը և Ազգ. Խորհուրդը լինի ղեկավարը իր դպրոցների, զեմստւօներից ստանայ միայն դրամական միջոցները և նրանց հաշիւ տայ իր գործունէութեան մասին: Այսպիսով՝ պետական օրգաններին - զեմստւօներին վերապահուում է միայն հսկողութիւնը, իսկ գործի տէրն ու սնօրէնը նորից մնում է Ազգ. Խորհուրդը <...>:

Տե՛ս Դաշնակցականները եւ Սուխումի Հայոց Ազգային Խորհուրդը // Բանվորի Ձայն, 3 հոկտեմբերի 1920, N 40:

**Հաղորդագրություն՝ Թիֆլիսի հայ հանրության 1920 թ.
հոկտեմբերի 6-ի ցույցի մասին**

Վրաստանի Հայոց Ազգային Խորհրդի և կուլտուրական-կրթական բոլոր հաստատությունների ժողովի որոշման համաձայն Թիֆլիսի հայ հասարակությունը հոկտեմբերի 6-ին կազմակերպեց հսկայական բողոքի ցույց Հայաստանի վրայ կատարած տաճկական արշավանքի առթիւ:

Փակ էին բոլոր դպրոցները, առևտրական և ազգային այլ հաստատությունները: Բազմահազար ժողովուրդը նախ հաւաքեց Վանքի բակում, որտեղից ժամը 10-ին դրօշակներով, պլակատներով և երաժշտութեամբ դիմեց դէպի Հայաստանի դիւանագիտական միսսիայի շէնքը, որտեղ եղան մի քանի ճառախօսություններ, ապա ամբոխը հետզհետէ սուարանալով դիմեց նախ դէպի Հիմնադիր Ժողովի շէնքը, ապա Ազատութեան Հրապարակը: Ամերիկեան, Յունական, Ֆրանսիական, Անգլիական, Իտալական և Ռուսական միսսիաների առաջ ևս եղան ցույցեր:

Ի միջի այլ հռետորների հանդէս եկան նաև Ալ. Լոմտատի-ձէն¹³⁵, Վ. Ջուղելին¹³⁶: Բոլոր հռետորները միաբերան ընդգծում էին դրութեան լրջութիւնը և Հայաստանի ու Վրաստանի դեմոկրատիայի համերաշխ ու եռանդով գործակցելու անհրաժեշտութիւնը:

Տե՛ս Բանվորի Ձայն, 10 հոկտեմբերի 1920, N 41:

¹³⁵ Վրաստանի Սահմանադիր Ժողովի փոխնախագահ (1919-1921), Թիֆլիսի քաղաքային դումայի նախագահ (1918-1921):

¹³⁶ Վրաստանի Ժողովրդական գվարդիայի գլխավոր շտաբի պետ, քաղաքական գործիչ, ՎՍԴԲԿ-ի կարկառուն դեմքերից մեկը:

N 158

Հաղորդագրություն՝ Թիֆլիսի Ռուսաց ազգային խորհրդի
դիմում-առաջարկը՝ Վրաստանի ՀԱԽ-ի հետ միասնաբար
գործելու մասին

*Сообщение об обращении Русского национального совета в
Тифлисе к Армяцсовету Грузии с предложением о совместной
деятельности*

Русский национальный совет представил армянскому национальному совету доклад по вопросу о необходимости объединения всех национальных советов Грузии. Необходимость этого объединения мотивируется тем, что с предстоящим утверждением закона о правах национальных меньшинств явится неизбежность разрешения некоторых вопросов культурно-просветительных работ, осуществимых только путем согласованной деятельности всех существующих в Грузии национальных советов. На очереди – образование высшего учебного заведения для обслуживания культурных нужд национальных меньшинств; необходима работа по углублению самодеятельности меньшинств в области материальной и духовной культуры при помощи кооперативов и земств.

Предложение русского национального совета обсуждено было армянским советом на заседании 16 октября [1920 г.] и принципиально принято. Избраны 2 представителя для для совместного с представителя[ми] др[угих] советов обсуждения типа будущего учебного заведения, предназначенного для культурных нужд национальных меньшинств.

Տէ՛ւ Խրոնիկա: объединение национальных советов //
Борьба, 20 октября 1920.

N 159

Հաղորդագրություն՝ Վրաստանում հայազգի քաղաքացիների
իրավունքների վերաբերյալ հատուկ «հուշագիր» կազմելու
ՀԱԽ-ի ղեկավարության որոշման մասին

*Сообщение о решении руководства Армяцсовета Грузии
о составлении особого “меморандума”, посвященного
защите прав граждан армянской национальности*

Армян. национ. совет в Грузии в соединенном заседании своего президиума, исполнительного органа и юридической комиссии рассматривал вопрос о правах национальных меньшинств в Грузии. Юридическая комиссия представила свой доклад по этому вопросу. Соединенное заседание поручило юридической комиссии изготовить соответствующий меморандум, который будет внесен в Учр. Собрание как документ, выясняющий армянские тезисы.

Տե՛ս Խրոնիկա //

Слово, 12 января 1921, N 7.

N 160

Հաղորդագրություն՝ Վրաստանի բարձրագույն
իշխանություններին ՀԱԽ-ի «հուշագիրը» հանձնելու
նպատակով՝ պատվիրակություն կազմելու որոշման մասին

Հայոց Ազգային Խորհուրդը՝ կառավարութեան նախագահին, Սահմանադիր Ժողովի նախագահին և ֆրակցիաների ներկայացուցիչներին կուլտուրա-ազգային ատոնումիայի մեմորանդում ներկայացնելու համար ընտրել է մի առանձին պատուիրակութիւն: Պատուիրակութիւնը պէտք է միջնորդէ և

այն մասին, որ եկեղեցին պետութիւնից բաժանելու օրէնքը ընդունելու դէպքում հայ եկեղեցու կալուածները յանձնուն Ազգային Խորհրդի կարգադրութեան:

Տե՛ս Քրոնիկոն //

Մշակ, 28 հունվարի 1921, N 19:

N 161

Հաղորդագրություն՝ հայկական դպրոցների ներկայացուցիչների հետ ՀԱԽ-ի գործկոմի 1921 թ. հունվարի 30-ի խորհրդակցության մասին

Կիրակի, յունվարի 30-ին, երեկոյեան կայացաւ խորհրդակցական նիստ Ազգ. Խորհ. գործադիր մարմնի, տնտեսական խորհրդների ներկայացուցիչների. քննուեցին՝ եկեղեցական կալուածների խնդիրը, Ազգ. Խորհրդի կազմած դպրոցական կանոնադրութիւնը (մանրամասն քննութիւնը թողնուեց ապագայում) և այն սուղ միջոցները, որ այսօր ունեն տարաբաղդ հայ դպրոցները կալուածական եկամուտների չնչին լինելու պատճառով: Առաջին հարցի մասին խորհրդակցելու համար ընտրուեց մի մասնախումբ 4 հոգուց, որ աշխատի Ազգ. Խորհ. գործադիր մարմնի հետ՝ պ.պ. Յովհ. Մալխասեան, Յովհ. Տէր-Միրաքեան, Գար. Գարդիշեան և Աբազեան, ապա որոշուեց, որ իւրաքանչիւր դպրոցի վարչութիւն մտցնի մինիստրութիւն (Ազգ. Խորհրդի միջոցով) պարենաւորման համար պահանջուած 10000 ռ[ուբլի] գումարի կէսը՝ իւրաքանչիւր ուսուցչի համար 5000-ական ռուբլի, մնացած 5000-

ական ռուբլին մտցնելու է ինքը Ազգ. Խորհուրդը. բոլորը միասին պետք է մտցնել փետրվարի 1-ի թուով 800000 ռուբլի¹³⁷:

Տե՛ս Քրոնիկոն //

Մշակ, 2 փետրվարի 1921, N 23:

N 162

Հաղորդագրություն՝ Վրաստանի ՀԱԽ-ին ենթակա ժողովրդական դպրոցներում ուսումնական գործի կազմակերպման մասին

Մաս I

Վրաստանի Հայոց Ազգային Խորհուրդը կազմակերպուեց 1918 թ. աշնան սկզբին և իր ձեռքն առաւ Վրաստանում գտնուող բոլոր հայոց դպրոցների ղեկավարութիւնը: Սակայն այդ ուսումնական տարուայ ընթացքում Ազգային Խորհրդի դպրոցական բաժինը շատ քիչ բան կարողացաւ անել աննօրմալ պայմանների շնորհիւ. թկար դեռ ևս դպրոցական կանոնադրութիւն և ծրագիր:

Կանոնադրութիւնը պատրաստ էր միայն 1919-1920 ուսումնական տարուայ սկզբին և այդ ժամանակից էլ սկսուում

¹³⁷ Կառավարությունը կողպերատիվների միջոցով կազմակերպել էր էժան հացի և այլ բնամթերքի մատակարարում պետականորեն ճանաչված արհեստակցական միությունների անդամների համար: Ինչպէս երևում է, «Վրաստանի հայկական դպրոցների ուսուցիչների արհեստակցական միությունը», որը ստեղծվել էր 1919 թ., այդ տեսակի արտոնությունից չէր օգտվում: Հետևապես, սույն կազմակերպությունը 1921 թ. սկզբին մտել էր Վրաստանի ուսուցչական միության մեջ, որպես «հայկական դպրոցների դասատուների սեկցիա», «Ունիվերսալ» նրա կողպերատիվի ծառայությունից օգտվելու պայմանով: Տե՛ս Քրոնիկոն // Մշակ, 13. 02. 1921: Այսպիսով՝ ՀԱԽ-ը պարտավորվել էր իրեն ենթակա դպրոցների հայ ուսուցիչներին ցածր գներով պարենավորման դիմաց գումար հատուցել սույն կողպերատիվին:

է դպրոցական բաժնի սիստեմատիկ աշխատանքը. ընտրուում է ժամանակաւոր դպրոցական խորհուրդ և հրաւիրուում են երկու շրջանային տեսուչներ, որոնք դպրոցական բաժնի վարիչի հետ գործելով զբաղուում են դպրոցական ծրագիր մշակելով և ամբողջ դպրոցական գործին կանոնաւոր ընթացք տալով:

Ազգային Խորհրդի դպրոցական կանոնադրութեան հաստատած 31-րդ յօդուածի հիման վրայ դպ. խորհուրդը պէտք է բաղկացած լինի Վրաստանի հայ դպրոցների ուսուցչութեան կողմից ընտրուած 2 ներկայացուցչից, դպրոցական տնտեսական խորհուրդների 1 ներկայացուցչից և դպրոցական բժիշկների 1 ներկայացուցչից:

Գործադիր մարմինը ի նկատի ունենալով այս ներկայացուցիչների ընտրութեան դժուարութիւնները տիրող հանգամանքների շնորհիւ, 1919 թ. հոկտեմբերին որոշեց դպրոցական խորհրդի ֆունկցիաները յանձնել Ազգային Խորհրդի ընտրուած դպրոցական յանձնաժողովին: 1920 թ. ապրիլի 6-ին Ազգային Խորհուրդը լսելով դպ. վարիչի զեկուցումը դպրոցական խորհրդի մասին, ընտրել է նոր դպրոցական յանձնաժողով չորս հոգուց բաղկացած, և յանձնարարել նրան դպրոցական վարիչի նախագահութեամբ կատարել ժամանակաւորապէս դպրոցական խորհրդի ֆունկցիաները, ըստ կանոնադրութեան պահանջների:

Դպրոցական վերահսկողութեան գործը կանոնաւորելու համար 1919 թ. հոկտեմբերին Գործադիր Մարմինը լրագրական յայտարարութեամբ դիմողներից հրաւիրեց և շրջանային 2 տեսուչ¹³⁸:

Ազգային խորհրդի դպրոցական բաժնի վարիչը, դպրոցական խորհուրդը և շրջանային տեսուչները միասին վարել են

¹³⁸ Տե՛ս. N 128 վավերագիրը:

մեր դպրոցական գործը իբրև մի ամբողջություն՝ իրաքան-
չիրն իր պարտականությունների և իրաւունքների սահմաննե-
րում:

Դպրոցական բաժնի առաջին գործն եղավ լրացնել և ամ-
բողջացնել ստորին դպրոցների ծրագրային աշխատանքները,
որ կատարել էր նախկին դպրոցական յանձնաժողովը:

Նոր ծրագրի կարիքն զգացում էր բոլոր դպրոցական գոր-
ծիչների շրջաններում, որովհետև հին ծրագրի թերությունները
և ժամանակի պահանջների չհամապատասխանելը ակնբախ
էր դարձել. նոր ծրագիրը կազմուեց համաձայն Ազգային
խորհրդի ընդունած և հրատարակած դասատախտակի՝
սկզբունք ընդունելով ժամանակակից մանկավարժական պա-
հանջները և դեմոկրատիկ տեսակետները: Ըստ հնարաւորու-
թեան ի նկատի առնուեց նոյնպէս աշխատանքի դպրոցի պա-
հանջը. ասում ենք ըստ հնարաւորութեան, որովհետև այդ
պահանջն ամբողջովին կիրառելու համար կային բազմաթիւ
արգելառիթ հանգամանքներ, որոնցից յիշենք այստեղ միայն
երկուսը – ա) ուսուցիչների անպատրաստ լինելը և բ) նիւթա-
կան միջոցների պակասութիւնը: Վերոյիշեալ հիմունքներով
կազմուած ծրագիրը քննութեան ենթարկուեց Թիֆլիսի հայ
դպրոցների ուսուցչական խմբերի ներկայացուցիչների ընդ-
հանուր ժողովներում, հրատարակուեց և ուղարկուեց բոլոր
դպրոցներին ի գործադրութիւն:

Այնուհետև դպրոցական բաժինը ձեռնարկեց բարձր տար-
րական դպրոցների ծրագրի մշակման գործին ուսուցչական
մասնաժողովների միջոցով. մասնաժողովների մեծ մասն ար-
դէն աւարտել է իր գործը անցեալ ուսումն[ական] տ[արվա]
ընթացք[ում], սակայն ընդհանուր ժողովների քննադատու-
թիւնները չվերջացան, որովհետև ամառը վրայ հասնելով՝

ուսուցիչների մեծ մասը ցրուեց. գործը շարունակուում է այս տարի: Բարձր տարրական դպրոցների ծրագիրները նոյնպես մշակուուեցին ստորին տարրականի ծրագրի սկզբունքով, միայն այստեղ գործն աւելի դժուար էր, որովհետև այս տիպի դպրոցների ծրագիրները միաժամանակ թե՛ իբրև վերջացած ամբողջութիւն պէտք է կազմէին, և թե՛ միջնակարգ դպրոցներում շարունակել ցանկացողների համար նախապատրաստական շրջան կազմէին: Մեր ծրագիրներն այնպէս են կազմուում, որ մէկ տիպի դպրոցն աւարտող աշակերտները առանց արգելքի ընդունուուն և շարունակեն իրենց ուսումը յաջորդ, ավելի բարձր տիպի դպրոցում, այսպիսով պահպանուում է երկու կարգի՝ ստորին և միջնակարգ դպրոցների միութեան ամբողջութիւնը և բաւարարութիւն է տրուում այն պահանջին, որ իւրաքանչիւր մանուկ մտնելով ստորին տարրականի առաջին բաժանմունքը՝ իրաւունք և միջոց ունի մտնելու համալսարան՝ նայելով իր ընդունակութիւններին:

Մեր դպրոցներում երեխաների ծնողները ոչ մի մասնակցութիւն չունէին դպրոցական գործում և այդպիսով դպրոցի և ընտանիքի մէջ ոչ մի յարաբերութիւն չլինելով տուժում էր թե՛ դպրոցը և թե՛ ընտանիքը. մինչդեռ դաստիարակչական խնդիրներում այդ երկու գործօնների միահամուր աշխատանքի անհրաժեշտութիւնը վաղուց արդէն ճանաչուած է թե՛ մանկավարժներից և թե՛ հասարակութիւնից: Դպրոցական բաժինն այս խնդրին ընթացք տալով մշակեց ծնողական միութիւնների համար հրահանգներ և կարգադրեց, որ մեր բոլոր դպրոցներում կազմակերպուեն ծնոցական խորհուրդներ: Անցեալ տարուայ ընթացքում մեր բոլոր դպրոցները, բացի մի քանի գիւցական դպրոցներից, ունեցան բացի տնտեսական խորհուրդ-

ներից նաև ծնողական խորհուրդներ, որոնք գործում էին մշակուած հրահանգների համաձայն:

Դպրոցական տոների և արձակուրդների նկատմամբ շփոթություններ էին տիրում մեր դպրոցներում. միննոյն տօնը մի քանի դպրոցում տօնում էին, իսկ միւսներում չէին տօնում, կամ մեր դպրոցները տօնում էին, իսկ պետական դպրոցների հայ աշակերտութիւնն արգելում էր այդ օրը բացակայել դպրոցից: Այս շփոթութիւնները վերացնելու և դպրոցական պարապմունքները կանոնաւորելու նպատակով մշակուեց դպրոցական տոների ու արձակուրդների նօրմալ տախտակ և ուղարկուելով մեր բոլոր դպրոցներին հրահանգուեց անշեղ կերպով գործադրել: Նոյն տախտակն ուղարկելով վրաց լուսաւորութեան մինիստրութեան, միջնորդութիւն յարուցուեց, որ պետական դպրոցների հայ աշակերտութեան համար ևս նոյնութեամբ գործադրուի:

Տե՛ս Վրաստանի Հայոց Ազգային Խորհրդի դպրոցական գործը //Մշակ, 3 փետրվարի 1921, N 24:

Մաս II

Դպրոցական կանոնադրութեան 44 յօդուածի իմաստով մեր դպրոցների տնտեսական խորհրդի անդամները պետք է ընտրուեն «համայնքից (հայ քաղաքացիներից) քառանդամ սիստեմով». ներկայ պայմաններում հնարաւոր չլինելով այդպիսի ընտրութիւններ կատարել, ժամանակաւորապէս կարգադրուեց, որ դպրոցների նախկին հոգաբարձութիւնների անդամները համարուեն տնտեսական խորհրդի անդամներ՝ ծնողական և մանկավարժական խորհուրդների ներկայացուցիչների և դպրոցական բժշկի հետ, այս կազմը հաստատուում է

դպրոցական բաժնից: Չնայելով ընտրութեան վերոյիշեալ ձևով կատարուելու դժուարութիւններին, այնուանենայնիւ մի քանի տեղերից դիմումներ ստացուեցին, որպէսզի ընտրութիւնների համար հրահանգ ուղարկուի իրենց, այդ դիմումներին ևս բաւարարութիւն տալու համար դպրոցական բաժինը մշակեց տնտեսական խորհուրդների անդամների ընտրութեան համար հրահանգ, սակայն ոչ մի տեղ չյաջողուեց կանոնադրութեան պահանջված եղանակով ընտրութիւններ անել և դպ. բաժինը հրահանգած ժամանակաւոր կարգադրութիւնը մնաց իր ուժի մէջ:

Դպրոցական կանոնադրութեան մէջ որոշուած են շրջանային տեսուչների պարտականութիւնները. դպրոցական բաժինը հարկաւոր համարեց աւելի մանրամասնօրէն որոշել նրանց գործունէութեան վերաբերեալ խնդիրները և մշակել նրանց համար հրահանգներ, որոնցով առաջնորդուեցին նրանք անցեալ ուսումնական տարուայ ընթացքում:

Որպէս զի դպրոցների գործունէութեան, ուսուցիչների պարապմունքների, աշակերտների առաջադիմութեան և տնտեսական խորհուրդների կատարած աշխատանքների մասին կանոնաւոր և ճիշտ ստատիստիկական տեղեկութիւններ լինեն, դպ. պաժինը մշակել է երեք ստատիստիկական տախտակների ձևեր և տպագրել տալով ուղարկել է դպրոցներին, դրանցից մեկը տարեսկզբի տեղեկագիրն է, երկրորդը տարեվերջի ու երրորդը տնտեսական խորհուրդների հաշուետուութեան մասին: Այս տեղեկութիւններից է կազմուած դպրոցական տարեկան հաշուետութեան տեղեկագիրը:

Որպէս զի իւրաքանչիւր դպրոցի համար դասատու հրաւիրելիս դպ. բաժինը ստիպուած չլինի ամեն անգամ վկայաթղթեր պահանջել դրանցից, կազմուեց մի ընդհանուր ցուցակ

այն ուսուցիչների ու վարժուհիների, որոնք պաշտոնավարում են կամ ցանկություն ունեն պաշտոնավարելու մեր դպրոցներում. ցուցակի մեջ նշանակուած են դասատուների անունը, հայրանունը, ազգանունը, ուսման վկայականի N-ը, մը թուին աւարտած լինելը: Նոր պաշտոն ստացող դասատուները չեն հաստատում իրենց պաշտոններում, մինչև որ նրանք արձանագրուած չը լինեն այս ընդհանուր ցուցակի մեջ:

Այն ուսուցիչները, որոնք միջնակարգ դպրոցների աւարտման վկայական չունեն, նշանակուում են ուսուցիչ տարրական դպրոցներում ժամակաւորապէս՝ ի նկատի ունենալով նրանց փորձառութիւնը կամ մասնագիտական պատրաստականութիւնը: Միջնակարգ դպրոցներում դասաւանդելու իրաւունք ունեն համալսարանաւարտները: Բաւականաչափ կօնտինգէնտ չունենալու պատճառով՝ թոյլ է տրուած դարձեալ ժամանակաւորապէս դասաւանդելու համալսարաններում եղած, բայց աւարտական վկայական չունեցողներին:

Վաղուց ձեռնարկուած էր կազմել ուսուցչական թոշակարկղի կանոնադրութիւնը, սակայն այդ խնդրի շուրջը ծագած բարդութիւնները հնարաւորութիւն չեն տալիս արագ լուծելու այդ հարցը: Այժմ մշակուում է պետական դպրոցների դասատուների համար թոշակարկղի կանոնադրութիւնները, որը հաստատուելուց յետոյ որոշ չափով կարող է հիմք ծառայել մեր թոշակարկղի կանոնադրութեան համար: Թոշակարկղի կանոնադրութեան հետ է կապուած նաև հնգամեակների խնդիրը, որովհետև ծառայութեան վայրը և ծառայած տարիների թիւը հարկ է համարուում հաստատել փաստաթղթերով:

Մեր դպրոցական դասատախտակում նշանակուած են ազատ ժամերի պարապմունքներ, որոնց համար ուսուցիչները վարձատրութիւն են ստանում, այս ժամերի պարապմունք-

ները սկզբում անորոշ էին և ուսուցիչները տարբեր կերպով էին հասկանում իրենց անելիքը, որպեսզի ազատ ժամերը միայն ձևական նշանակություն չունենան և աշակերտները կարողանան էապես օգուտ ստանալ, դպ. բաժինը զբաղուեց այդ խնդրով և մշակեց որոշ հրահանգներ բոլոր տիպի դպրոցների համար <...>

Դպրոցական բաժինը նպատակայարմար համարեց ընդունել դասարանական դաստիարակների սիստեմը, ամեն մի դասարան յատուկ դաստիարակ պետք է ունենայ, որի պարտականությունը լինի իր դասարանի աշակերտութեանն դաստիարակութեան վրայ առանձին ուշադրություն դարձնել, ծանօթանայ նրանց անհատականութեան, ընտանեկան կեանքի, նիւթական միջոցների հետ և այլն: Ճիշտ է, այս սիստեմը նոր բան չէ մեր դպրոցների համար, բայց որովհետև դասարանական դաստիարակները յատուկ վարձատրություն չէին ստանում առաջ, այդ պաշտօնն էլ միայն ձևական նշանակություն ուներ: Դպ. բաժինը սահմանեց դաստիարակների համար որոշ վարձատրություն (շաբաթական 6-8 ժամուայ դասագնի վարձատրություն) և մշակեց հրահանգներ, որով պետք է դեկավարունեն նրանք:

Դպրոցական բաժինը, յատուկ ուշադրություն է դարձրել նաև Թիֆլիսի դպրոցների վրայ: Այստեղ գոյություն ունեցող քաղաքային րև պետական միջնակարգ ազգայնացած դպրոցները բաւական մեծ թուով [հայազգի] աշակերտություն ունեն, հարց առաջացավ թէ արդեօք կարիք կայ, որ մենք Թիֆլիսում մեծ թուով դպրոցներ պահենք: Դպրոց. բաժինը ի նկատի ունենալով, որ վերոյիշեալ դպրոցներում հայ աշակերտութիւնը չի տուժում, եկաւ այն որոշման, որ հետզհետէ կարելի է մեր

դպրոցների թիւը պակասեցնել Թիֆլիսում և դրանց տեղ նորերը բանալ գաւառներում:

Այստեղի վեց միջնակարգ և միջնակարգ կոչուող դպրոցներից որոշուեց ունենալ երեք կանոնաւոր միջնակարգ դպրոց: Թանդոյեան և Քամոյեան դպրոցները վերածել կանոնաւոր բարձր տարրական դպրոցների, իսկ հայկական գիմնազիան փակել և աշակերտներին տեղաւորել միւս դպրոցներում: Գայիանեան և Մարիամեան [օրիորդաց] դպրոցները դարձնելով զուտ միջնակարգ դպրոցներ, հետզհետե փակել նրա ստորին դասարանները և տեղը բանալ բարձր դասարանների զուգընթացներ: Հաւաքարում գոյութիւն ունեցող երկու տարրական դպրոցները՝ Էջմիածնեցոց և Շամքորեցոց – որոշուեց միացնել և դարձնել մի կանոնաւոր դպրոց: Նոյնպէս և սբ. Սարգսի և սբ. Գեորգի դպրոցները միացնելով՝ կազմել մի ստորին և բարձր տարրական դպրոց: Քամոյեան դպրոցը դարձնելով բարձր տարրական դպրոց, տեղափոխել Հաւաքար, որպէս զի այդ թաղամասի երեխաները ստիպուած չը լինեն հեռաւոր թաղեր գնալու, փակուեց նաև Թանդոյեան դպրոցի առաջին բաժանմունքը:

Ներսիսեան դպրոցի Ազգային Խորհրդին ենթարկուելու խնդիրը դեռ ևս իր վերջնական լուծումը չի ստացել: Հոգաբարձութիւնը ցանկացաւ բանակցութիւններ վարել Ազգային Խորհրդի նախագահութեան հետ, բայց ձգձգուեց և դպ. բաժինը մինչև այժմ չկարողացաւ ստանալ այդ դպրոցի անցեալ տարուայ տեղեկագիրը և այս տարուայ նախահաշիւը:

Տե՛ս Վրաստանի Հայոց Ազգային Խորհրդի դպրոցական գործը
//Մշակ, 4 փետրվարի 1921, N 25:

N 163

Բաթումի ՀԱԽ-ի հայտարարությունը

Ի գիտութիւն Բաթումի վրայով Պօլիս կամ արտասահմանի որևէ վայր անցնելու մտադրութիւն ունեցող բոլոր հայ գաղթականների այսու վերջնականապէս յայտարարում ենք, որ Բաթումի Հայոց Ազգային Խորհուրդը, զուրկ լինելով նիւթական միջոցներից, իր վրայ չի վերցնում ոչ մի պարտականութիւն, կամ նրանց աջակցելու որևէ ձև:

Բաթումի Հայոց Ազգային Խորհուրդ

1 փետրվարի 1921 թ.

Բաթում

Տե՛ս Յայտարարութիւն //

Մշակ, 6 փետրվարի 1921, N 27:

N 164

Հաղորդագրություն՝ Վրաստանի հայկական ժողովրդական դպրոցների ուսուցիչների աշխատավարձերը հավելելու ՀԱԽ-ի որոշման մասին

Հայոց Ազգային Խորհուրդը, ի նկատի ունենալով կառավարութեան կողմից արած կարգադրութիւնը ռոճիկների 100 տոկոս յաւելման մասին, կարգադրել է ըստ նորմայի ուսուցիչների դասագինը աւելացնել 100 տոկոսով, իսկ Ազգային Խորհրդի տրուող նպաստը 50 տոկոսով:

Ազգային Խորհուրդը որոշել է պահանջել Ներսիսեան դպրոցի Հոգաբարձութիւնից դպրոցի նախկին տարիների ուսումնական և տնտեսական հաշիւը և տեղեկագիրը:

Տե՛ս Քրոնիկոն //

Մշակ, 6 փետրվարի 1921, N 27:

N 165

Լրագրային հաղորդում՝ հայկական ժողովրդական դպրոցների հանդեպ վրաց իշխանությունների ունեցած վերաբերմունքի մասին

<...> Յայտնի է, որ վրաց կառավարության և Վրաստանի Հայոց Ազգային խորհրդի մեջ կայացած համաձայնության հիման վրայ՝ մինչև Սահմանադիր ժողովի կողմից օրենք հրապարակուելը - փոքրամասնությանը ինքնաւարտւթեան մասին – հայոց դպրոցները մնում են նախկին դրութեան մեջ. այսինքն լիովին անկախ և ինքուրոյն կազմակերպութեամբ, սակայն զեմստվօներն իրաւունք են համարում ի նկատի չառնել այդ հանգամանքը:

Ձեմստվօները ցանկանալով աւելացնել իրենց շրջանի դպրոցների թիւը, նոր դպրոց են բաց անում հէնց այն գիւղում, որտեղ արդէն հայ դպրոց կայ, թէն շրջակայ մի քանի գիւղեր մնում են առանց դպրոցի:

Երբեմն էլ չբաւականալով դրանով իրենց բացած դպրոցը տեղաւորում են հայ դպրոցի շէնքի մեջ, այդ դեռ բաւական չէ, պատահում են դէպքեր, որ զեմստվօն գրաւելով հայ դպրոցի շէնքը և տեղաւորուելով այնտեղ՝ խլում է նաև դպրոցական կարասիքը, նստարանները, գրասեղանները, գրատախտակը և հայ դպրոցի ուսուցիչն ու երեխաները մնում են դուրսը: <...>

Պատահել են դէպքեր էլ, երբ զեմստվօները ցանկացել են նաև իրենց իրաւասութիւնից բարձր խնդիրներ վճռել և այդ ուղղութեամբ պահանջներ արել – օրինակ՝ նրանք ժխտել են հայ դպրոցի և հայոց լեզուի գոյութեան իրաւունքը և պահանջել, որ հայ դպրոցում բոլոր առարկաներն աւանդուեն վրացե-

րէն լեզուով և, երբ այդ պահանջը չի իրագործուել, ուժով փակել են դպրոցը: <...>:

Տե՛ս Վրաստանի զեմստվօները եւ հայոց դպրոցները //
Մշակ, 9 փետրվարի 1921, N 29:

N 166

Հաղորդագրություն՝ վիրահայերի ինքնակառավարման և մշակութային ինքնավարության խնդրին նվիրված հուշագրի մշակման ավարտելու մասին

Վրաստանի հայութեան կուլտուրական ասոսիացիային վերաբերեալ յուշագիրը¹³⁹ Հայոց Ազգային խորհրդի մէջ արդէն մշակուած է և ներկայացուելու է Վրաստանի Հիմնադիր Ժողովին:

Տե՛ս Քրոնիկոն //
Մշակ, 10 փետրվարի 1921, N 30:

N 167

Հաղորդագրություն՝ Վրաստանի վարչապետի և ՀԱԽ-ի նախագահի 1921 թ. փետրվարի 10-ի աշխատանքային հանդիպման մասին

Փետրվարի 10-ին կառավարութեան նախագահը ընդունեց Ամերիկական Կարմիր Խաչի կոմիտէի ներկայացուցիչ կապիտան Պրօուին և Հայոց Ազգային Խորհրդի նախագահին:

Տե՛ս Քրոնիկոն //
Մշակ, 12 փետրվարի 1921, N 32:

¹³⁹ Տե՛ս MEMORANDUM, Учредительному Собранию о Национальном Самоуправлении армян в Грузии. [Тифлис, 1921].

**Խմբագրական «Մշակ» օրաթերթում՝ Վրաստանի ՀԱԽ-ի
գործունեության մասին**

Վրաստանի հայության ներկայացուցիչ համարում է Հայոց Ազգային Խորհուրդը, որ գտնւում է Թիֆլիսում և որի ձեռքերում կենտրոնացած պիտի լինեն այն բոլոր գործերը, որոնք մարմնացում են հայոց ազգային-կուլտուրական ինքնօրինութիւնն ամբողջովին, այս բառի ընդարձակ իմաստով: <...>

Վիրահայ Ազգային Խորհուրդն արդեն ունի իր պատմութիւնն, այն էլ պէտք է ասել, բաւական աղմկաւոր պատմութիւնը: Կուսակցութիւնների մրցութիւնն առաջնութեան, վճռական դիրքի համար մտաւ և այս հիմնարկութեան մէջ, որ թէև խօսում էր ժողովրդի անունից, բայց ընտրուած չէր ժողովրդից: Մեր յիշողութեան մէջ է, որ երկար ժամանակ հիմնարկութիւնը չունէր ուրիշ հարց ու հոգս, բայց միայն նախագահական բարձր կուսակցութիւններից մէկն ու մէկին տալը: Բայց վերջապէս համաձայնութիւն կայացրին և սկսեցին աշխատանքները: Եւ այս աշխատանքն էլ ահա ի ցոյց հանեց մեր ամբողջ ապիկարութիւնը:

Այստեղ մենք Ազգային Խորհրդի պատմութիւնը չենք գրում, որպէսզի մէկիկ մէկիկ մատնանշենք բոլոր պակասութիւնները: Կասենք այնքանը, որ ստեղծուեց մի բարդ և բազմազիւեան բիրօկրատիկ գործ, պաշտօնեաների մեծ թուով և պաշտօնների դասակարգումներով: Մեր յեղափոխական ժամանակներում ամեն ինչ կատարւում է մեծ չափերով, ընդօրինակելով մեծ հիմնարկութիւնները: Վիրահայոց Ազգային Խորհուրդն ունի նախագահութիւն, գործադիր մարմին, դիւան,

ընդհանուր ժողով և այլն: Այս բիրտկրատական ամբոխացման մեջ էլ, անկասկած, պիտի նօսրանար նոյն իսկ մեր, իբրև համայնական տարրի, ընդունակութեան մատչելի գործունէութիւնը: Մանաւանդ, որ հէնց սկզբից էլ մենք ընդգրկեցինք գործունէութեան մի շատ սահմանափակ շրջան:

Այստեղ էլ մեզ դեկավարողը վարժապետական մտայնութիւնն էր: Ազգային-կուլտուրական ատոնումիայի միակ արտայայտութիւն ընդունեցինք դպրոցական գործը, միանգամայն մոռացութեան տալով ազգային համարժէք գործունէրը: Այնպէս որ, վերջ ի վերջոյ, Ազգային Խորհուրդը վերածուեց ամենաշատը կրթական ինքնավար տեսչի մի դիւանի, որ ծանրաբեռնուած էր բազմաթիւ, դպրոցական գործի հետ ոչինչ առնչութիւն չունեցող, յաճախ աւելորդ, թանգ նստող և միանգամայն դատարկ թղթապանակներով:

Եւ պատահեց այն, ինչ չէր կարող չը պատահել – լճացում, անարիւնութիւն: Եւ այս հանգամանքն առանձնապէս շեշտուած առաջ եկաւ ազգային փոքրամասնութիւնների իրաւունքների հարցում:

Ո՞վ պիտի պաշտպանէր այդ իրաւունքները հայ փոքրամասնութեան կողմից, եթէ ոչ նրա Ազգային Խորհուրդը:

Մեր հաւաքած տեղեկութիւնները ցոյց են տալիս, որ Ազգային Խորհուրդը, գիտակցել է իր պարտականութիւնը և վաղուց սկսել է մի շարք աշխատանքներ՝ մշակելու համար ազգային ինքնօրինութեան նուազագոյն պահանջները և հիմնաւորելու համար այդ պահանջները հայ ազգի պատմական իրավունքներով: – Մակայն բանը հարց դնելը չէ, այլ նրան իրագործելը: Այստեղ մենք տեսնում ենք անկարողութիւն շատ խոշոր չափերով: Ազգային Խորհուրդը պիտի ժողովրդականացներ այդ հարցը նախ և առաջ հայ ժողովրդի մեջ, տալով նրա

ձեռքը գիտակցութիւն տրամադրող առատ և բազմակուտակ նիւթեր, ապա նպաստաւոր հող պատրաստէր վրաց հասարակական կարծիքի և կառավարող շրջանակների, մասնաւորապէս Հիմնադիր Ժողովի մէջ, ներկայացնելով լուրջ ուսումնասիրութիւններ ոչ միայն հայերէն, այլև պետական և ամենքին մատչելի մի երրորդ լեզուով էլ – ռուսերէնով: Այս վերին աստիճանի կարևոր գործը, ինչպէս տեղեկանում ենք, ծրագրուած է եղել Ազգային Խորհրդի մէջ, բայց նրա իրագործումը խափանուել է, զարկուելով ապիկարութեան ժայռերին և փշուրփշուր դառնալով անկարողութեան հարուածների տակ: Անկարելի եղաւ ստեղծել եռանդոտ և կենսունակ խմբագրական և քարոզչական մարմիններ, որոնք անդադար նիւթեր տային և տարածէին, պատրաստէին և տպագրէին յուշագիրներ և ուսումնասիրութիւններ: Մարդիկ չը գտնուեցին, այս բոլորը չէ: Ինչպէս միշտ է պատահում, փող էլ չը գտնուեց հարուստ համարուող հայ ժողովրդի մէջ նրա նուիրական իրաւունքները պաշտպանելու համար: Վերջ ի վերջոյ ամեն ինչ վերածուեց չարչիութեան և գրոշանոց հաշիւների: Եւ այսօր էթէ անուում է մի բան, այդ մի փոքրիկ յուշագիր է, կազմուած շտապով ու խուճապով, որ ներկայացում է Հիմնադիր ժողովին:

Տե՛ս Մեր ապիկարութիւնը //
Մշակ, 13 փետրվարի 1921, N 33:

Լրագրային հաղորդում՝ ՀԱԽ-ի նախագահ Բ. Թովչյանի 1921 թ. փետրվարի 12-ի մամուլի ասուլիսի մասին

Փետրվարի 12-ին մամուլի ներկայացուցիչներն ընդունուեցին Վրաստանի Հայոց Ազգային Խորհրդի նախագահ Բ. Թովչեանից, որ նրանց հետևեալ յայտարարութիւն արաւ.

Հանրապետութեան Հիմնադիր Ժողովը ձեռնարկել է քննելու սահմանադրութեան այն յօդուածները, որոնք շօշափում են Վրաստանի հողաբաժնում ապրող ազգային փոքրամասնութիւնների շահերը:

Գիտակցելով այն մեծ պատասխանատւութիւնը, որպիսին մենք կրում ենք հայ աշխատաւոր դեմոկրատիայի առաջ նրա ապագայ վիճակը տնօրինելու գործում, Հայոց Ազգային Խորհուրդը իր պարտականութիւնը համարեց դիմել Վրաստանի գերագոյն օրէնսդրական մարմնին առանձին յուշագրով, որի մէջ պարզուած են Վրաստանի հայերի ձգտումները և ակնկալութիւնները:

Սահմանադրական մասնաժողովի մշակած սահմանադրութեան նախագիծը, որ չափով վերաբերում է ազգային փոքրամասնութիւնների իրաւունքներին, բնականաբար ոչ մի կերպ չի կարող բաւարարել հայկական փոքրամասնութեան, որի պատմական, սոցիալական ու կուլտուրական առանձնահատկութիւնները մինչև օրս ոչ ոք չի ժխտում:

Նախապատրաստական աշխատանքների շրջանում խորհուրդս քանիցս [սահմանադրական] մասնաժողովի և Հիմնադիր Ժողովի ղեկավար շրջանների ուշադրութիւնն է դարձրել այդ հանգամանքի վրայ և դեռ 1920 թ. յուլիսի 6-ին ընդունած իր բանաձևի մէջ պարզ և որոշակի յայտնեց, թէ «քննելով

Վրաստանի Հանրապետության սահմանադրության բաժինը, ազգային փոքրամասնությունների] իրաւունքների մասին, որ մշակել է Հիմնադիր Ժողովի սահմանադրական մասնաժողովը, գտնում է, թէ բաժինը առհասարակ չի կարող բաւարարել ազգային փոքրամասնութիւնների պահանջները, առանձնապէս Վրաստանի հայերի, որոնք ի թիւս միւս փոքրամասնութիւնների ըստ իր քանակի և այլ առանձնահատկութիւնների գրաւում է առաջին տեղը:

Միաժամանակ Խորհուրդը գտնում է, թէ բաժինը, բնաւ չապահովելով Վրաստանի հայերի ազգային կուլտուրական շահերը, բացասում է նոյն իսկ այն իրաւունքները, որ Վրաստանում հայերը իրապէս օգտւում էին մինչև այժմ»:

Բողոքելով այդ բաժնի դէմ, Խորհուրդը յանձնարարեց պրեզիդիումին ընդունել համապատասխան միջոցներ, Վրաստանի հայերի կուլտուրական-ազգային պահանջները ապահովելու համար, համաձայն Ազգային Խորհրդի մշակած նախագծի: <...>

Տե՛ս Հաղորդագրութիւն Վրաստանի Հայոց Ազգային Խորհրդի նախագահից //Մշակ, 13 փետրվարի 1921, N 33:

N 170

Լրագրային հաղորդում՝ Վրաստանի ՀԱԽ-ի 1921 թ. փետրվարի 15-ի նիստի մասին

Փետրվարի 15-ին, երեկոյեան ժամը 7-ին, տեղի ունեցաւ Վրաստանի Հայոց Ազգային Խորհրդի նիստը: Նախագահ Բ. Թովչեանը, յայտարարելով օրակարգի հարցերը, նախ քան նրանց քննութեան դիմելը, դարձաւ ժողովին մի ճառով, որի մէջ յիշատակելով որ Վրաստանի և Հայաստանի սահմանա-

գլխի վրայ սկսուել են պատերազմական գործողութիւններ, մատնանշեց այն հանգամանքը, որ Լօռին, ուր տեղի ունեն այդ արիւնահեղ դէպքերը, բնակեցուած է մեծագոյն մասամբ հայերով, որոնք և, բնականաբար, պիտի շատ վնասուեն պատերազմական գործողութիւններից:

Ազգային Խորհուրդն, իբրև ներկայացուցիչ և բերան Վրաստանի ամբողջ հայութեան, պիտի կատարէ իր պարտքը հանդէպ իր հայրենիքի, մի կողմից ամեն պատրաստականութիւն յայտնելով վրաց կառավարութեան աջակցելու մասին, որքան ինքը կարող է, որպէսզի դադարեցուի արիւնահեղ ընդհարումը, և եթէ կան վիճելի հարցեր Վրաստանի և Հայաստանի մէջ, դրանց կարգաւորման և լուծման համար ընտրուի բանակցութիւնների ճանապարհը, ինչպէս այդ կամենում է և վրաց կառավարութիւնը: Այդպիսի մի ծառայութիւն Ազգային Խորհուրդը կարող է մատուցանել, գործադրելով իր ամբողջ հեղինակութիւնն ու ազդեցութիւնը Լօռու հայ գիւղացիութեան վրայ և միջնորդ հանդիսանալ նրա և վրաց կառավարութեան մէջ: Այս անհրաժեշտ է ամենից առաջ հէնց հայ գիւղացիութեան տեսակէտից:

Այնուհետև խօսք տրուեց Ազգային խորհրդի ֆրակցիաներին, որոնք ամենքը, խօսելով իրար ետևեց, ցաւ յայտնեցին տեղի ունեցող տխուր դէպքերի առթիվ և միահամուր ցանկութիւն յայտնեցին, որ Ազգային Խորհրդի նախագահութիւնը և Գործադիր Մարմինն անյապաղ ներկայանան կառավարութեան նախագահին, թարգման հանդիսանան Ազգային Խորհրդի զգացմունքներին և յայտնեն Խորհրդի պատրաստականութիւնը աջակցելու կառավարութեան ներկայ դժուար կացութեան մէջ:

Այս առաջարկութիւններն ընդունում են միաձայն:

Այնուհետև Խորհուրդն անցնում է օրակարգի հարցերին, որոնց մեջ առաջին տեղը բռնում էր նախագահության զեկուցումն այն դիմումների առիթով, որ նա արել է Վրաց Հիմնադիր Ժողովի և կառավարության նախագահներին՝ հայ ազգային փոքրամասնության կուլտուրական ինքնօրինության առիթով:

Լսելով այդ զեկուցումը, Խորհուրդը յանձնարարեց նախագահության շարունակել իր դիմումները նույն կարգով:

Տե՛ս Ազգային Խորհրդի նիստը //
Մշակ, 17 փետրվարի 1921, N 36:

N 171

Հաղորդագրություն՝ վրաց բանակի կարիքների համար հիվանդանոց հիմնելու ՀԱԽ-ի որոշման մասին

Վրաստանի Հայոց Ազգային Խորհուրդը որոշել է կազմակերպել հիւանդանոց բաղկացած 25 մահճակալից, զորաճակատի կարիքների համար: [Թիֆլիսի] Քաղաքագլխին փոխարինող [Գ. Գ.] Կոնիևը շնորհակալութիւն է յայտնել Ազգային Խորհրդին հիւանդանոց բանալու առթիվ և խոստացել է աջակցութիւն ցոյց տալ քաղաքային ու պրավայի կողմից:

Տե՛ս Քրոնիկոն //
Մշակ, 19 փետրվարի 1921, N 38:

**ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ԵՎ
ՄԿՁԲՆԱՂԲՅՈՒՐՆԵՐԻ ՑԱՆԿ**

Հայաստանի Ազգային Արխիվ (ՀԱԱ)

1. Ֆ. 276, ց. 1, գ. 139, թ. 144:
 2. Ֆ. 441, ց. 1, գ. 26, թ. 15 շրջ:
 3. Ֆ. 441, ց. 1, գ. 10, թ. 10-11:
 4. Ֆ. 441, ց. 1, գ. 61, թ. 20:
 5. Ֆ. 441, ց.1, գ. 48, թ. 49
 6. Ֆ. 441, ց. 1, գ. 61, թ. 21:
 7. Ֆ. 441, ց. 1, գ. 30, թ. 16-17:
-
1. Զաքարյան Ա., Լևոն Լիսիցյանը Մայիլյան եղբայրների գիտատնտեսական արշավախմբի մասին// ՊԲՀ, 2001, N 1, էջ 277-285:
 2. Հայրապետյան Հ. Արտաշես Արեղյան. Մեծ բանասերն ու հասարակական գործիչը // http://www.armin.am/images/menus/2699/Hayrapetyan_harutyun.pdf
 3. Մաիլյան Բ. Վ. Վրաստանի կառավարությունը և Սոցիի շրջանի համշենահայ համայնքը (1918-1920 թթ.) // Մերձավոր և Միջին Արևելքի երկրներ և ժողովուրդներ, հ. XXIV, Երևան, 2005, էջ 167-170:
 4. Մաիլյան Բ. Վ. Արևազիայի հայ գաղութի պատմությունից (1918-1920 թթ.) // Մերձավոր և Միջին Արևելքի երկրներ և ժողովուրդներ, հ. XXVII, Երևան, 2009, էջ 115-116:
 5. Մաիլյան Բ. Վ. Վրաստանի հայոց ազգային խորհրդի գործունեության պատմությունից (1918 թ. օգոստոս – 1921 թ. փետրվար) // ՊԲՀ, 2011, թիվ 1, էջ 61 - 82:
 6. Մաիլյան Բ. Վ. Արևազիայի հայկական դպրոցների պատմությունից (1918-1920 թթ.) // Հայ-Ռուսական (Մլավոնական) համալսարանի հինգերորդ տարեկան գիտաժողով,

- (2010 թ., դեկտեմբեր), գիտական հոդվածների ժողովածու, Երևան, 2011, էջ 25-35:
7. Ջամալեան Ա. Հայ-վրացական կնճիռը // Հայրենիք (Բնստոն), 1928, հոկտեմբեր/1929, ապրիլ:
 8. Вадачкория Ш. Вопросы грузино-армянских взаимоотношений в политической мысли Грузии (1918-1920). Тбилиси: Мецниереба, 1999.
 9. Документы об армяно-грузинском пограничном споре в Лори (декабрь 1920 г. – январь 1921 г.) // ՊԲՀ, 2010, N 1, с. 253-262.
 10. Кавказский Календарь на 1917 г., Тифлис, 1916.
 11. MEMORANDUM, Учредительному Собранию о Национальном Самоуправлении армян в Грузии. [Тифлис, 1921].

ՊԱՐԲԵՐԱԿԱՆ ՄԱՍՈՒԼ

1. ԱՇԽԱՏԱԻՈՐ [ՆՈՐ ԱՇԽԱՏԱԻՈՐ], բանվորական և գյուղացիական օրաթերթ Հայ Յեղափոխական Դաշնակցության Վրաստանի կենտրոնական և Թիֆլիսի տեղական կոմիտեների, Թիֆլիս, 1918-1920:
2. ԲԱՆՎՈՐԻ ՁԱՅՆ, Վրաստանի սոցիալ-դեմոկրատական բանվորական կուսակցության հայկական սեկցիայի օրգան- շաբաթաթերթ, Թիֆլիս, 1919-1921:
3. ԳՈՐԾԱՎՈՐ, սոցիալ-դեմոկրատական հնչակյան կուսակցության Թիֆլիսի մասնաճյուղի օրգան- շաբաթաթերթ, Թիֆլիս, 1919:
4. ԺՈՂՈՎՐԴԻ ՁԱՅՆ, Հայ ժողովրդական կուսակցության քաղաքական, հասարակական, գրական օրաթերթ, Թիֆլիս, 1918-1919:
5. ՀՈՐԻԶՈՆ [ՆՈՐ ՀՈՐԻԶՈՆ], ՀՅԴ արևմտյան բյուրոյի հասարակական, գրական, քաղաքական օրաթերթ, Թիֆլիս, 1918:

6. ՄՇԱԿ, քաղաքական-գրական ամենօրյա լրագիր, Թիֆլիս, 1918-1921:
7. ՅԱՌԱՋ, աշխատավորական օրաթերթ, ՀՅԴ Վրաստանի կենտրոնական կոմիտեի օրգան, Թիֆլիս, 1919:
8. ՆՈԴ ԽՕՍՔ, սոցիալ-դեմոկրատական (ինտերնացիոնալիստների) շաբաթաթերթ, Թիֆլիս, 1920:
9. БОРЬБА, ежедневная газета, издание Центрального Комитета социал-демократической рабочей партии Грузии, Тифлис, 1918-1921.
10. ГРУЗИЯ, ежедневная газета, издание грузинской национал-демократической партии, Тифлис, 1918-1919.
11. КАВКАЗСКОЕ СЛОВО, ежедневная газета, Тифлис, 1918-1919.
12. СЛОВО, ежедневная газета, Тифлис, 1920-1921.
13. «საქართველო»/«Սաքարթվելո»/«Վրաստան», Վրաստանի ազգային դեմոկրատական կուսակցության գլխավոր կոմիտեի օրաթերթ, Թիֆլիս, 1918.
14. «სახალხო საქმე»/«Սախալխո սաքմե»/«Ժողովրդական գործ», Վրաստանի սոցիալիստ-ֆեդերալիստների հեղափոխական կուսակցության գլխավոր կոմիտեի օրաթերթ, Թիֆլիս, 1918.
15. «შრომა»/«Շրոմա»/«Աշխատանք», Վրաստանի սոցիալիստ-հեղափոխական կուսակցության գլխավոր կոմիտեի, օրաթերթ, Թիֆլիս, 1918.

ՎՐԱՍՏԱՆԻ
ՀԱՅՈՑ ԱԶԳԱՅԻՆ ԽՈՐՀՐԴԻ
ԳՈՐԾՈՒՆԵՈՒԹՅՈՒՆԸ
1918 Թ. ՕԳՈՍՏՈՍ - 1921 Թ. ՓԵՏՐՎԱՐ
ՎԱՎԵՐԱԳՐԵՐ ԵՎ ՆՅՈՒԹԵՐ

Գիրք Առաջին

Ժողովածու

Տպագրված է «ԲՈՓԻ ՓՐԻՆԹ» տպագրատանը:

Չափսը՝ 60x84 ^{1/16}: Տպ. մամուլը՝ 20.75:
Տպաքանակը՝ 70:

